





শ্রীশ্রীগৌরান্দবিধুর্জয়তি

# শ্রীমদ্ভাগবত এবং ভাগবত জীবন



শ্রীশ্রীগোবর্দ্ধন তটনিবাসী  
পণ্ডিত শ্রীশ্রী ১০৮ অদ্বৈতদাস বাবাজী মহারাজের  
চরণাশ্রিত

শ্রীঅমর সেন  
কর্তৃক সঙ্কলিত

শ্রীপ্রফুল্ল কুমার দাস কর্তৃক বৃন্দাবনস্থ  
সৎ-সেবক-আশ্রম হইতে  
প্রকাশিত ।

## প্রকাশক :

শ্রীপ্রফুল্ল কুমার দাস

সং-সেবক-আশ্রম

রাণাপতি ঘাট, বৃন্দাবন, মথুরা-২৮১১২১

## প্রাপ্তিস্থান :

১। প্রকাশক—

২। মহেশ লাইব্রেরী

২/১, শ্যামাচরণ দে ষ্ট্রীট

কলিকাতা—৭৩

৩। শ্রীমৎ প্রিয়াচরণ দাস ভাগবতভূষণ

চাক্লেস্বর, গোবর্দ্ধন, মথুরা।

প্রথম সংস্করণ—১০০০

প্রকাশন তিথি—নৃসিংহ চতুর্দশী

২৮শে বৈশাখ ১৩৯৩

গোরাব্দ-৫০১

মুদ্রক :

শ্রীহরিনাম প্রেস, হরিনাম পথ

বৃন্দাবন, মথুরা ২৮১১২১

মূল্য—৮.০০



শ্রীশ্রীগৌরাঙ্গবিধূর্জয়তি

## ভূমিকা

ভগবৎ কৃপাকে মুখ্য করিয়া, সাধনের দ্বারা আমাদের প্রেম লাভ করিতে হইবে, তারপর ভগবান এবং তাঁহার পরিকরগণের দর্শন লাভ করিতে হইবে, তদনন্তর ভগবানের মাধুর্য্য অনুভব করিতে হইবে, শেষে নিত্যলীলায় সেবা লাভ করিতে হইবে, কৃষ্ণ-সেবাই আমাদের সাধ্য।

ইহা লাভ করিতে হইলে একটি বিশিষ্ট জীবন গঠন করিতে হইবে তাহাকে ভাগবত জীবন বলিয়া আখ্যা দেওয়া হইয়াছে। এই ভাগবত জীবন গঠন করিতে হইলে ভাগবত ধর্ম্মের অনুশীলন করিতে হইবে।

শ্রদ্ধা হইতে আরম্ভ করিয়া শ্রীগুরুপাদাশ্রয়, ভজনক্রিয়া প্রভৃতি বিভিন্ন স্তরের মধ্য দিয়া অগ্রসর হইয়া প্রেম লাভের পর এই প্রাকৃত পাঞ্চভৌতিক সাধক দেহের অবসান। তারপর সিদ্ধ চিন্ময় গোপী দেহে নিত্যলীলায় প্রবিষ্ট হইয়া স্নেহ মান প্রণয় প্রভৃতির পর মহাভাব কক্ষায় উঠিয়া বিশিষ্ট প্রেম সেবা লাভ হইবে।

সাধনের বিরাম নাই। কিন্তু পদে পদে বিঘ্ন আছে। বিঘ্নগুলি প্রায়শঃ অপরাধজনিত। বিভিন্ন অপরাধ সমূহের

মধ্যে সাধুগণের নিন্দাই সর্ব্বাপেক্ষা বিশিষ্ট ভজনবিপ্লবকারী। এই গ্রন্থে এই সকল বিষয় বিস্তারিত ভাবে আলোচিত হইয়াছে।

আমাদের জন্ম প্রাকৃত জগতে, অভিসার অপ্রাকৃত জগতে, মিলন এবং সেবা প্রাপ্তি নিতালীলায়। প্রাকৃত জগতে জন্ম লইয়া, প্রাকৃত শিক্ষায় শিক্ষিত হইয়া প্রাকৃত চিন্তাধারায় পুষ্ট হইয়া প্রাকৃত আচরণ দ্বারা আমাদের সাধ্য লাভ হইতে পারে না।

অপ্রাকৃত শিক্ষার দ্বারা অপ্রাকৃত চিন্তা ও অপ্রাকৃত আচরণ দ্বারাই আমাদের সাধ্য বস্তু লাভ করিতে হইবে। আমাদের সাধনের একটি বিশেষ উদ্দেশ্য সত্ত্বার অপ্রাকৃতত্ব ধ্বংস ও চিন্ময়ত্ব প্রাপ্তি।

প্রশ্ন হইতেছে, কে আমাদের শিক্ষা দিবে, কে আমাদের স্বাভাবিক চিন্তা ও আচরণের ধারা হইতে মুক্ত করিয়া চিন্ময় জগতের শিক্ষা, চিন্তা এবং আচরণের দিকে চক্ষু উন্মিলিত করিয়া দিবে—যাহাতে বিপ্লব রহিত হইয়া আমরা আমাদের সাধ্য লাভ করিতে পারি।

উত্তর—শ্রীমদ্ভাগবতই আমাদের এই পথ দেখাইবে। শ্রীমদ্ভাগবতই আমাদের শিক্ষাগুরু, পথপ্রদর্শক, উপদেষ্টা এবং নিরুপাধিক হিতকারী! সুতরাং শ্রীমদ্ভাগবতকে নিজ জীবনে বরণ করিয়া লইতে হইবে।

ভগবান্ ও ভক্তের চরিত কথা তাহাদের শিক্ষা ও উপদেশ ইহাই আমাদের পাথেয় ।

আমাদের সাধ্য লাভ করিতে হইলে ভাগবতোচিত আচরণই মুখ্য জিনিষ । আমাদের আচরণ অপ্রাকৃত জগতে ভগবান্ এবং তাঁহার পরিকরগণের প্রতি, শ্রীকৃষ্ণ জগতে উচ্চস্তরের মহাত্মা-গণের প্রতি, সমপর্য্যায় সাধকগণের প্রতি, সাধন সম্পদহীন দীন জনের প্রতি । মানবের কথা বাদ দিয়া জীব জগতে পশুপক্ষী, কীট পতঙ্গ তাহাদের প্রতিও আমাদের আচরণ বিচার করিতে হইবে ।

একদিকে যেমন অপরাধ বর্জনের সাধন, অণ্যদিকে তেমনি আছে সেবার আকাজক্ষা এবং সেবারূপ পরিপাটির সাধন । অপ্রাকৃত জগতে ভগবান্ এবং তাঁহার পরিকরগণ হইতে আরম্ভ করিয়া জীব জগতে ক্ষুদ্র হইতে মহান সকলের প্রতিই যথোচিত সেবা বিধানের সাধন । এই শিক্ষার মূল ভিত্তি রহিয়াছে এক দৃঢ় সিদ্ধান্তের উপর যে সকল জীবের ভিতরই ভগবানের অধিষ্ঠান এবং একই পরমাত্মা কতৃক সকল জীব নিয়ন্তৃত, সেই জন্ম এক প্রীতি সূত্রে সকলেই গ্রথিত । যেখানে প্রীতি সেখানেই সেবা নির্দ্বারিত ।

## ভাগবতজীবন গঠনে মূল ভিত্তি

১ । শুদ্ধাভক্তির সাধন ।

২ । সকল প্রকার অপরাধ বর্জন ।

## ৩। সকল জীবের ভিতর ভগবানের অধিষ্ঠান জ্ঞানে প্রীতি ও সেবা বিধান।

এই সকল বিষয়ই এই গ্রন্থে বিস্তারিত ভাবে আলোচিত হইয়াছে। অগ্ণান্য গ্রন্থ হইতে বিষয় বস্তু সংগৃহীত হইলেও শ্রীমদ্ভাগবতের শিক্ষার উপরই মূল ভিত্তি করিয়া এই গ্রন্থটি সঙ্কলিত হইয়াছে।

বিষয় বস্তু জটিল এবং পদ্ধতি ও বিস্তৃত কিন্তু জ্ঞান আমার সঙ্কোচিত, এই জগৎ ভ্রম ও ক্রটির সম্ভাবনাও প্রচুর। ভগবানের নিকট যাঁহারা নিজেদের সর্ব্বশ্ব সমর্পণ করিয়াছেন সেই পাঠক বৃন্দের সহৃদয়তার নিকট আমি দীনভাবে ক্ষমা ভিক্ষা করিতেছি এই ভ্রম ও ক্রটির জগৎ শুধু ভুল ক্রটি সত্যেও ভগবৎ বিষয় বলিয়া এই সঙ্কলনটি সাধক বৃন্দের অপ্রাকৃত চিন্তাধারা গঠনে যদি বিন্দু মাত্রও সহায়তা করে এবং তাহাদের আশীর্ব্বাদ আমার উপর বর্ষিত হয় তাহা হইলেই আমার এই প্রচেষ্টাটি সার্থক বলিয়া মনে করিব।

### কৃতজ্ঞতা ও ধন্যবাদ জ্ঞাপন

যিনি সংসার সমুদ্রে নিমজ্জমান আমাকে তাহার অপার কুপার দ্বারা উদ্ধার করিয়া শ্রীকৃষ্ণ ও অপ্রাকৃত জগতের নিয়ন্তা শ্রীভগবানের সঙ্গে এক মধুর সম্বন্ধ স্থাপন করিয়া দিয়াছেন। সেই পরম কারুণিক শ্রীগুরুদেব পণ্ডিত শ্রীশ্রী ১০৮ অদ্বৈত দাস

বাবাজী মহারাজের প্রতি আমার কৃতজ্ঞতা জ্ঞাপন করি। যাঁহার প্রেরণায় ও শিক্ষায় আমি এই গ্রন্থ সঞ্চলনে প্রবৃত্ত হই।

অতপর আমার প্রধান শিক্ষাগুরু শ্রীশ্রী ১০৮ প্রেমানন্দ শাস্ত্রীজীকে যাঁহার করকমলে এই গ্রন্থটি সমর্পণ করিয়াছি তাঁহাকে কৃতজ্ঞতা জ্ঞাপন করি।

এই গ্রন্থ প্রণয়নে গোবর্দ্ধন নিবাসী পরম পূজনীয় শ্রীল প্রিয়াচরণ দাসজী মহারাজ, ভাগবতভূষণ, সমস্ত গ্রন্থটি দেখিয়া যেখানে যেখানে প্রয়োজন তাহা একাধিকবার আছোপান্ত সংশোধিত করিয়া আমাকে বিশেষ কৃপা করিয়াছেন তাঁহাকেও আমার কৃতজ্ঞতা জানাই।

কলিকাতা থাকিতে তথাকার বিখ্যাত ভাগবত বক্তা পণ্ডিত শ্রীঅমৃতলাল মুখোপাধ্যায় যাঁহার নিকট আমি প্রথম শ্রীমদ্ভাগবত অধ্যয়ন করি, তাঁহাকে আমার কৃতজ্ঞতা জ্ঞাপন করিতেছি।

ইহা ব্যতীত যে সকল মহাত্মাগণ আমাকে বিভিন্ন বিষয়ে শিক্ষা দান করিয়া কৃতজ্ঞতা পাশে আবদ্ধ করিয়াছেন তাঁহাদের মধ্যে শ্রীল দীনশরণ দাসজী মহারাজ, শ্রীল কৃপাসিন্ধু দাসজী মহারাজ, শ্রীল কিশোরী দাসজী মহারাজ, শ্রীল হরিদাস শাস্ত্রীজী মহারাজ এবং শ্রীল বিষ্ণুদাসজী মহারাজ প্রধান। ইহাদের সকলকে আমার কৃতজ্ঞতা জ্ঞাপন করিতেছি।

অতপর শ্রীমনোরঞ্জন দাসজী যিনি এই গ্রন্থটি নিভুল ভাবে হৃদয়গ্রাহীরূপে প্রকাশিত হইবার জন্য অশেষ পরিশ্রম করিয়া প্রথম হইতে শেষ পর্য্যন্ত শ্রীমদ্ভাগবত এবং অন্যান্য গ্রন্থগুলি দেখিয়া প্রয়োজনীয় অনুসারে পাণ্ডুলিপিটি শুদ্ধ করিয়া দিয়াছেন, তাহাকে আমি অজস্র শ্রদ্ধা ও ধন্যবাদ জ্ঞাপন করিতেছি ।

এই গ্রন্থের পাণ্ডুলিপি পরিষ্কার করিয়া একাধিকবার লিখিয়া দিয়াছেন পরম ভাগবত শ্রীগোবিন্দ দাসজী এবং তাহার সহিত সহযোগীতা করিয়াছেন শ্রীচৈতন্যদাস বাবাজীমহারাজ ইহাদের দুজনকেই আমার আন্তরিক ধন্যবাদ জানাইতেছি । পণ্ডিত শ্রীহরিভক্তদাসজী যিনি প্রথম হইতে শেষ পর্য্যন্ত গ্রন্থটির প্রফ দেখিবার গুরু দায়িত্ব গ্রহণ করিয়াছেন—তাহাকে আমার অশেষ ধন্যবাদ জ্ঞাপন করি ।

নিত্য লীলায় প্রবিষ্ট শ্রীল প্রেমানন্দ শাস্ত্রীজী মহারাজের কৃপাপাত্র এবং প্রধান সেবক পরম ভাগবত শ্রীপ্রফুল্ল কুমার দাসজী, সৎসেবক আশ্রমের পক্ষ হইতে এই সঙ্কলনটি প্রকাশের সকল দায়িত্ব গ্রহণ করিয়া আমাকে দৃঢ় কৃতজ্ঞতা পাশে আবদ্ধ করিয়াছেন ।

পরিশেষে শ্রীভগবানদাসজী যিনি আনুসঙ্গিক ভাবে সকল ব্যাপারে আমার সেবা বিধান করিয়াছেন তাহাকে বিশেষ ধন্যবাদ জ্ঞাপন করিতেছি ।

## প্রকাশকের নিবেদন

আরাধ্য ব্রজেশতনয়াভিন্ন প্রকটিত করুণাঘনবিগ্রহ শ্রীশ্রী-গৌরসুন্দরের অপার করুণায় তাঁহারই শুভ পঞ্চশতবর্ষ আবির্ভাব পূর্ত্তি উপলক্ষ্যে “শ্রীমদ্ভাগবত এবং ভাগবত জীবন” গ্রন্থখানি সংসেবক আশ্রমের অষ্টম নিবেদনরূপে প্রকাশিত হইলেন। পরম পূজ্যপাদ শ্রীমৎ অমরনাথ সেন কাকাগুরু এই গ্রন্থ সঙ্কলন পূর্ব্বক মাদৃশ অযোগ্যাধমের উপর প্রকাশের ভার অর্পণ করেন। প্রকাশকের ভূমিকা মাত্রই আমার সম্বল, বাস্তবিক পক্ষে গ্রন্থ মুদ্রণের সর্ব্বপ্রকার প্রযত্ন তাঁহাদেরই কৃতিত্বের পরিচয়, তথাপি আমার প্রতি তাঁহাদের কৃপাদৃষ্টি অবলোকন করিয়া নিজেকে ধন্য মনে করিতেছি।

শ্রীশ্রীমন্ গৌরসুন্দরের শুভ আবির্ভাবের উপক্রমাবধি সমগ্র লীলাই যেমন তাঁহার করুণামৃত নিঝরে জগজীব-কল্যাণে প্রবাহিত, তদ্রূপ তৎপাদপদ্ব সেবানিরত প্রেমামৃতপানাসক্ত তদীয় একান্ত ভক্তগণের হৃদয়ও জগহিতে করুণা বিভাবিত। মহৎগণের জীবনাদর্শে লক্ষিত হয় শ্রেয় অনুশীলন, শ্রেয় উপলব্ধি এবং জীব কল্যাণে নিরলস শ্রেয় উপদেশ বা প্রচার করিয়া জীবন অতিবাহিত করিয়াছেন। মহৎগণই একাধারে জীবের পক্ষে মাতাপিতা এবং মিত্রের স্থায় নিরুপাধি (স্বভাবতঃ) হিতকারী। পূজ্যপাদ সম্পাদকের মহৎ ভাবনারই অবাস্তুর স্বরূপ প্রকাশ এই সঙ্কলন গ্রন্থ।

ভক্তজীবন গঠন করিতে হইলে শাস্ত্র শিরোমণি শ্রীমদ্ভাগবত তথা শ্রীপাদ গোস্বামিগণ বিরচিত ভক্তিপ্রতিপাদক গ্রন্থসমূহ সজাতীয়শয় ভক্তিসঙ্গে পাঠ, শ্রবণ এবং পরস্পর আলোচনা অপরিহার্য। অধুনা শ্রীমদ্ভাগবতাদি গ্রন্থসমূহ পাঠের অধিকারী বিরল বলিলে বোধহয় অত্যাক্তি হইবে না। পরন্তু গ্রন্থ পাঠ করিয়া শাস্ত্রের প্রয়োজনীয় অর্থাৎ ভক্তজীবনগঠনোপযোগী বিষয়বস্তু উপলব্ধি এবং সংগ্রহ অতীব চুক্ৰহ কার্য্য। পূজ্যপাদ সম্পাদক বিপুল পরিশ্রম এবং যত্ন সহকারে শ্রীমদ্ভাগবতাদি গ্রন্থসমূহ আলোচনা পূর্ব্বক ভাগবতজীবন গঠনের উপাদানগুলি সংকলন করিয়াছেন। যद्यপি আমি ভজন বিষয়ে অজ্ঞ শিশুতুল্য এবং শ্রেয়বিষয় অনুপলব্ধ তথাপি আশাকরি ভজনলিপ্সু বৈষ্ণবগণ এই গ্রন্থ পাঠে উপকৃত এবং আনন্দলাভ করিবেন এবং তাহাতেই শ্রম সার্থক মনে করিব।

পরম প্রীতিভাজন শ্রীযুক্ত আদিনাথ চক্রবর্তী এবং শ্রীযুক্ত সুবিমল বিশ্বাস মহোদয় উভয়ে মুদ্রণকার্য্যে অর্থানুকূলা করিয়া কৃতজ্ঞ ভাজন হইয়াছেন। শ্রীগোবিন্দ দাসজী *Manascrip Copy* মুদ্রণোপযোগী করিয়া লিখিয়া দিয়া যথেষ্ট সাহায্য করিয়াছেন। শ্রীশ্রীগৌরসুন্দরের পাদপদ্মে ইহাদের সকলের উত্তরোত্তর ভক্তি বর্দ্ধিত হউক ইহাই প্রার্থনা করি।

ভক্তপাদরজপ্রার্থী  
প্রফুল্ল কুমার দাস

# সূচী পত্র

বিষয়	পৃষ্ঠা
প্রথম অধ্যায়	
সর্ববেদান্তসারং হি শ্রীভাগবতস্মিগ্ৰ্যতে	১
শ্রীমদ্ভাগবত বর্ণনের উদ্দেশ্য	২
শ্রীব্যাসদেব কর্তৃক ভাগবত প্রণয়ন এবং নিজপুত্র	
শ্রীশুকদেবকে অধ্যাপন	৫
শ্রীমদ্ভাগবতের বস্তু নির্দেশ	৬
শ্রীমদ্ভাগবতে বর্ণিত বিষয় সমূহ	৯
শ্রীমদ্ভাগবতে বর্ণিত শ্রীশ্রীভগবল্লীলাবতারের কৰ্ম, প্রয়োজন	
ও বিভূতি বর্ণন	১১
শ্রীমদ্ভাগবত এবং ভগবৎ লীলা কথা	১৩
রাসলীলা শ্রবণের বিশেষ মহাত্ম্য	১৬
ভগবৎ কথা শ্রবণের মহাত্ম্য	২০
শ্রীমদ্ভাগবতের উপদেশামৃত	২৩
দ্বিতীয় অধ্যায়	
ভাগবতজীবন	২৪
ভাগবত ধর্ম কাহাকে বলে ?	২৪

বিষয়	পৃষ্ঠা
ভাগবত ধর্ম নিরূপণ	২৬
ভাগবত ধর্মের অঙ্গ সমূহ	২৮
শ্রীভগবান কর্তৃক শ্রীউদ্ধবকে ভক্তিব্যোগের অঙ্গ বর্ণন	৩৭
<b>তৃতীয় অধ্যায়</b>	
ভক্তি অঙ্গের যাজন ক্রম বা স্তর	৪৮
নিষ্ঠিতা ভক্তির স্তর সমূহের ভেদ ও লক্ষণ	৫০
রতির লক্ষণ সমূহ	৫১
প্রাপ্ত প্রেম সাধকের লক্ষণ	৫২
<b>চতুর্থ অধ্যায়</b>	
ভাগবত জীবন গঠনে অনর্থ	৫৩
অপরাধোখ অনর্থ	৫৪
নাম অপরাধ	৫৫
অপরাধ ফাল্গের উপায়	৬৩
<b>পঞ্চম অধ্যায়</b>	
অনিষ্ঠিতা ও নিষ্ঠা ভক্তি	৬৪
অনর্থ নিবৃত্তির পর চিত্তশুদ্ধি	৬৭
চিত্ত শুদ্ধিই অপরাধ ফাল্গের লক্ষণ	৬৮
<b>ষষ্ঠ অধ্যায়</b>	
শাস্ত্র চক্ষু	৬৯
শাস্ত্র চক্ষু প্রথম	৭১

বিষয়	পৃষ্ঠা
শাস্ত্র চক্ষু দ্বিতীয়	৭৪
শাস্ত্র চক্ষু তৃতীয়	৮২
শাস্ত্র চক্ষু চতুর্থ	৯১
শাস্ত্র চক্ষু পঞ্চম	৯৩
<b>সপ্তম অধ্যায়</b>	
ভাগবত জীবন গঠনে শ্রীমদ্ভাগবতের উপদেশাবলী হইতে	
শিক্ষা লাভ	৯৮
শ্রীভগবান কর্তৃক শ্রীউদ্ধবকে সাধুর লক্ষণ বর্ণন	৯৯
মানবের দোষ গুণ বিচারের দ্বারা সাধুগণের সাধুত্বের	
ভারতম্যা	১০২
সাধুগণের আচরণ বর্ণনের দ্বারা শ্রীমদ্ভাগবতের সাধক	
দিগকে আচরণ শিক্ষা	১০৪
শ্রীনারদের আচরণ হইতে শিক্ষা লাভ	১০৬
<b>অষ্টম অধ্যায়</b>	
সাধককে সাক্ষাৎভাবে উপদেশ—বিধি মুখে	১১১
নিষেধমুখে ভক্তের কর্তব্য উপদেশ	১১৭
নারীসঙ্গ এবং ভাগবত জীবন	১১৯
উপদেশাবলীর উপসংহার	১৩০
<b>নবম অধ্যায়</b>	
ভাগবত জীবনে উদ্ধব গীতার শিক্ষা এবং উপদেশাবলী	১৩১

বিষয়	পৃষ্ঠা
শ্রীশুকদেব কর্তৃক শ্রীউদ্ধবের পরিচয়	১৩২
শ্রীউদ্ধবের মোহ	১৩৩
শ্রীউদ্ধব গীতার মূল প্রতিপাদ্য বিষয়-ভক্তির উৎকর্ষ স্থাপন	১৪১
সাধুগণের মহিমা কীর্তন	১৪৪
সাধুসঙ্ঘের মহিমা	১৪৬
উদ্ধবের প্রতি কর্তব্য নির্দেশ	১৫৩
উদ্ধব গীতাতে গুণ এবং দোষের বিচার	১৫৭
কর্ম জ্ঞান ও ভক্তি সাধনরত জনের দোষ গুণ বিচার	১৬৩
কর্মী এবং জ্ঞানীর সাধনে প্রাপ্তব্য কি ?	১৬৭
উদ্ধব গীতায় জ্ঞানমার্গের সাধন	১৬৮
শ্রীসনকাদির প্রশ্ন	১৭২
শ্রীভগবানের উত্তর	১৭৩
শ্রীভাগবত জীবনে বৈষ্ণবগণের সেবা	১৭৫
শ্রীগুরুসেবা	১৭৫
শ্রীগুরুর আজ্ঞা লইয়া অন্য বৈষ্ণবগণের সেবা	১৭৬
বৃদ্ধ বৈষ্ণবগণের সেবা	১৭৮
অসুস্থ বৈষ্ণবগণের সেবার প্রকার	১৭৯
একটি বিশিষ্ট বৈষ্ণবসেবা যাহা মুখ্য সেবার মধ্যে	
পরিগণিত	১৮৫
আদর্শ ভাগবত জীবন	১৮৮

## বন্দনা

১। শ্রীচৈতন্যদেবস্তু, স্তবমালা ২য়

অপারং কস্তাপি প্রণয়িজনবন্দস্তু কুতুকী,  
রসস্তোমং হৃদ্বা মধুরমুপভোক্তং কমপি যঃ ।  
রুচিং স্বমাবব্রে ছ্যতিমিহ তদীয়াং প্রকটয়ন,  
স দেবশৈচত্ৰা কৃতিরতিতরাং নঃ কৃপয়তু ॥

( শ্রীরূপগোস্বামী )

২। শ্রীভাগবত স্বরূপস্তু, (প্রাচীন কৃত শ্লোক)

তমাদিদেবং করুণানিধানং, তমালবণং স্নাইতাবতারম্ ।  
অপার সংসার-সমুদ্র-সেতুং, ভজামহে ভাগবত-স্বরূপম্ ॥

৩। শ্রীব্যাসদেবস্তু

তং বেদ শাস্ত্র পরিনিষ্ঠিত শুদ্ধ বুদ্ধিং  
চর্যাম্বরং স্মরমুনীন্দ্র নুতং কবীন্দ্রং ।  
কৃষ্ণাঙ্কিতং কনকপিঙ্গজটাকলাপং  
ব্যাসং নমামি শিরসা তিলকং মুনীনাম্ ॥

৪। শ্রীশুকদেবস্তু

সংপ্রব্রজন্তমনুপেতমপেতকৃত্যং,  
দ্বৈপায়নো বিরহ কাতর আজুহাব ।  
পুত্রৈতি তন্ময়তয়া তরবোহভিনেহু,  
স্তুং সর্বভূতহৃদয়ং মুনিমানতোহস্মি ॥  
যঃ স্বানুভাবং অখিল শ্রুতি সারমেক-  
মধ্যাঙ্গ দ্বীপমতিতিতীর্ষতাং তমোহঙ্কম্ ।  
সংসারিণাং করুণায়াহ পুরাণগুহ্যং  
তং ব্যাসস্মনুপযামি গুরুং মুনীনাম্ ॥

## শুদ্ধিপত্র

সহৃদয় পাঠকগণের নিকট বিনীত প্রার্থনা এই যে, তাঁহারা যেন পাঠের পূর্বেই এই শুদ্ধিপত্র অনুসারে সংস্কৃত শ্লোক, বঙ্গানুবাদ এবং সেই সম্বন্ধীয় অগ্ৰাণ্ড বিষয়গুলি শুদ্ধ করিয়া লন, তাহা হইলে তাঁহাদের পক্ষে বিষয়গুলি উপলব্ধি করিবার বিশেষ সহায়ক হইবে।

### সংস্কৃত শ্লোক সমূহের শুদ্ধিপত্র

পৃষ্ঠা	পঙ্ক্তি	অশুদ্ধ	শুদ্ধ
২	৮	গারত্রী	গায়ত্রী
৫	২	পরেহপি	পরোহপি
৯	৪	পোষণমৃতয়ঃ	পোষণমৃতয়ঃ
১৩	৫	মহাভাগো	মহাভাগা
১৪	৯	মূর্ত্তিতীষো	মূর্ত্তিতীর্থো
১৫	১৪	শৃৎতঃ	শৃৎতঃ
১৮	১০	হনুশৃণুয়দথ	হনুশৃণুয়াদথ
২০	১৭	বিধুনোত্যশেষং	বিধুনোত্যশেষং
৩২	১৬	পরিচর্য্যাধোভয়ত্র	পরিচর্য্যাধোভয়ত্র
৩৪	২১	তুষ্ণং	তুষ্ণং
৩৯	১৮	পূজায়ং	পূজায়াং

পৃষ্ঠা	পঙ্ক্তি	অশুদ্ধ	শুদ্ধ
৩৯	১৮	সুবনাং	সুবনং
৪৩	১৭	মদক্ষ্মশ্চোকবাব্বপি	মদক্ষ্মশ্চোকবাব্বপি
৬৬	৪	শৃণ্বতাং	শৃণ্বতাং
৭১	১৫	জন্তোর্গতি	জন্তোর্গতিঃ
৭২	৩	সাধ্ব্যাসুয়েথা	সাধ্ব্যাসুয়েথা
৮০	১৭	চক্ষসা	চক্ষুসা
৮৪	১০	ভাগবতোত্তম	ভাগবতোত্তমঃ
৯১	১১	শ্রীমদ্ভা-৮।১৯ ২৩	শ্রীমদ্ভাঃ-৮।১৯।২১
৯২	৪	যাবদ্বীক্ষ্যাম্বরগতিং	যাবদ্বীক্ষ্যাম্বরগতিং
৯৯	১৩	কলো	কলো
১০২	১১	গুণাশ্চ	গুণাংশ্চ
১০২	১১	ভল্গুন্	ফল্গুন্
১১৭	৮	কঞ্চন	কঞ্চন
১১৮	৯	গ্রস্থান	গ্রস্থান্
১১৬	১০	ব্যাখ্যামপযুঞ্জীত	ব্যাখ্যামুপযুঞ্জীত
১২০	৫	হতত্রপাঃ	হতত্রপঃ
২২০	২৩	যোষিন্মযোহমায়য়া	যোষিন্মযোহমায়য়া
২২৪	২২	তপস্যা	তপসা
২২৪	২৮	বিষজ্জতে	বিষজ্জতে
২২৫	২	বিন্মূত্রপূয়ে	বিন্মূত্রপূয়ে

পৃষ্ঠা	পঙ্ক্তি	অশুদ্ধ	শুদ্ধ
১২৫	২	কুমীনাং	কুমীগাং
১২৫	৯	স্ত্রৈনেষু	স্ত্রৈণেষু
১২৫	১১	ষড়বর্গঃ	ষড়্ বর্গঃ
১২৬	৯	ইন্দ্রিয়ানি	ইন্দ্রিয়ানি
১২৭	৮	সংলাপক্ষেলাদিকম্	সংলাপক্ষেলাদিকম্
১২৯	১	নিষ্কিঞ্চনস্ত	নিষ্কিঞ্চনস্ত
১২৯	৩	বিষয়িনামথ	বিষয়িণামথ
১২৯	১৫	বিষয়িনঃ	বিষয়িণঃ
১৩৪	১	বস্তুব্যমিহা	বস্তুব্যমিহা
১৩৪	১	জিজীবিষু	জিজীবিষু
১৩৪	১	ভিরার্ষকাঃ	ভিরার্ষ্যকাঃ
১৩৫	১৭	বিগাঢ়	বিগাঢ়
১৩৫	১৯	তৎত্বজ্ঞসা	তত্ত্বজ্ঞসা
১৩৯	৩	পুরাণাণ্ডহং	পুরাণাণ্ডহং
১৩৯	৭	হস্তরমুত্তিতীর্ষো-	হস্তরমুত্তিতীর্ষো
১৪৩	১৭	মামনুস্মরতচ্চিত্তং	মামনুস্মরতচ্চিত্তং
১৪৫	১২	ভবাকৌ	ভবাকৌ
১৪৬	১৯	স্বাধ্যায়স্তপস্ত্যাগো	স্বাধ্যায়স্তপস্ত্যাগো
১৪৯	৯	মামীয়ুরঞ্জসা	মামীয়ুরঞ্জসা
১৫৪	২	স্ত্রা	স্ত্রা

পৃষ্ঠা	পঙ্ক্তি	অশুদ্ধ	শুদ্ধ
১৫৭	৮	গুণস্তু যুবর্জিত	(গুণস্তু ভয়বর্জিতঃ)
১৬০	৩	কুব্বীতী	কুব্বীত
১৬৩	২০	দোষ	দোষঃ
১৭১	১৬	স্মৃদ্ধি	স্মৃদ্ধি
১৭৩	২	গুণেষাবিশতে	গুণেষাবিশতে
১৭৭	১৩	নেষ্ঠা	নেষ্ঠা
১৮৩	৮	শ্বন্	শ্বন্
১৮৬	১০	মন্ত্তাস্তামনুব্রতাঃ	মন্ত্তাস্তামনুব্রতাঃ
১৮৮	১৬	শ্বন্	শ্বন্
১৮৮	১৭	বা ।	বা
১৮৯	২	কৃষ্ণরাধাঃ ।”	কৃষ্ণরাধা-
১৮৯	২	বৃন্দাবনাস্তঃ	বৃন্দাবনাস্তঃ”
১৮৯	৮	ক্রন্দনাবর্ত্ত্বরেণ	ক্রন্দনাবর্ত্ত্বরেণ
১৮৯	১১	শ্ৰাস্ত্রাশ্ৰণ্যেব	শ্ৰাস্ত্রাশ্ৰণ্যেব
১৮৯	১২	মুঞ্চন	মুঞ্চন
১৯০	১	নৈক্ষিঞ্চণৈক	নৈক্ষিঞ্চণৈক
১৯০	১	চিস্তয়ন্ ।	চিস্তয়ন্

## বঙ্গানুবাদের শুদ্ধিপত্র

পৃষ্ঠা	পঙ্ক্তি	অশুদ্ধ	শুদ্ধ
৩	৩	বেদকে	বেদের
১১	১৩	বিফল	বিফল করেন
১৩	৩	করাতেছেন	করিতেছেন
১৮	৪	পূর্বের রাসাদি	পূর্বরাগাদি
১৯	১০	জ্ঞান, যোগের স্থায়	জ্ঞানযোগের স্থায়
২৯	২৬	কয়েক	কয়েকটি
৩৩	২২	সাধুগণের নিজতুল্য জনের	সাধুগণের ( নিজতুল্য জনের )
৩৭	৪	প্রশ্নর	প্রশ্নের
৩৭	৭	অদৃত	আদৃত
৪০	৭	সর্বদা তৎ-	সর্বদা মৎ-
৪০	২২	মদভাবে জ্ঞান	মত্তাব জ্ঞান
৪০	২৬	মনুষ্যগণের,	মনুষ্যগণের মধ্যে
৪৯	২	ভক্তের	ভক্তের
৪৯	৭	ত্যাগ	ত্যাগ
৪৫	২৯	রতিযুক্ত ।	রতিযুক্ত,
৪২	২০	বিলিতেছেন	বলিতেছেন
৪৭	৬	চক্রবর্তিপাদ ও	চাক্রবর্তিপাদ
৫৪	২৪	ছক্কতোথ—অনর্থ	ছক্কতোথ অনর্থ—

পৃষ্ঠা	পঙ্ক্তি	অশুদ্ধ	শুদ্ধ
৫৮	৯৩	বাজনের	যাজনের
৬০	৯৩	পয্যায়	পর্যায়
৬২	৬	দৃষ্ট হয়	দৃষ্ট হয়।
৬২	৭	বিষ্ণু চৈতন্যের	বিষ্ণুর চৈতন্যের
৬৯	৯	পেষে লিখিয়াছেন	শেষে যাহা লিখিয়াছেন
৬৯	৩	বিপেক্ষকারী	বিক্ষেপকারী।
৬৯	৪	প্রসন্ন	প্রসন্না
৬৯	৬	চিত্তরূপে	চিত্তে
৭০	৯০	ভক্তির	ভক্তের
৭১	১	এবং অনুযায়ী	এবং সেই অনুযায়ী
৭১	৬	দ্বারা এই	দ্বারা। এই
৭৬	১	তাদাত্ম্য	তাদাত্ম্য
৭৬	১৭	ভগবৎ বিমুখ	ভগবৎ-বিমুখ
৭৭	১০	এই যে	এই যে,
৮২	৯	অতি দুর্লভ,	অতিদুর্লভ, তথাপি
৮৩	২১	সঠিক	সাধক
৮৫	১২	মস্তাব	মস্তাব
৮৬	৪	উপাদেয়ের	উপায়ের
৮৭	৬	শাস্ত্র চিত্ত	শাস্ত্র চিত্ত
৯১	৫	অসন্তুষ্ট	অসন্তোষ

পৃষ্ঠা	পঙ্ক্তি	অশুদ্ধ	শুদ্ধ
৯৬	১৮	ভক্তিমতচিত্ত	ভক্তিমৎ-চিত্ত
৯৭	১৫	নিন্দা ও পীড়া	নিন্দা, পীড়া
৯৭	২৯	প্রিয় অপ্রিয়	অপ্রিয়
৯৭	২০	নিন্দা বা	নিন্দা
৯৮	১	স্তুতি আমাকে	আমাকে
৯৮	২	যা চিন্তা	চিন্তা
১০১	১৭	সে সকল	তাহার
১০৩	২	যদিও	যেমন, যদিও
১০৩	১৬	দোষ ও	দোষ ত
১০৩	১৮	তাহাব	তাহার
১০৪	১	থাকতেও যদি	থাকতেও
১০৫	১১	কার্যকে প্রারব্ধকৃত	কার্যকে নিজ প্রারব্ধ কৃত
১০৭	১৭	ভগদ্বক্ত	ভগবদ্বক্ত
১১০	১০	যেমন সাধনায়	যেমন যেমন সাধনায়
১১৩	৯	যেঁরূপে পিতা	যেঁরূপে পিতা,
১১৩	৪	নাই	না
১১৩	৪	ব্যতীত	ব্যতীতই
১১৩	১৩	চপোটঘাত	চপেটাঘাত
১১৩	১৩	সেইরূপে	সেইরূপ

পৃষ্ঠা	পঙ্ক্তি	অশুদ্ধ	শুদ্ধ
১১৩	১৪	আমা	আমার
১১৩	১৭	পুথু	পৃথু
১১৩	১৯	সেহরূপ	সেইরূপ
১১৪	১১	আসক্তিই দ্বারা	আসক্তিই
১১৪	১৪	অননু সংহতি	অননুসংহতি
১১৫	২০	পুরুষার্থ প্রদ	পুরুষার্থপ্রদ
১১৬	৯৮	দেহ যোগবশতঃ	দেহযোগবশতঃ
১১৭	১৩	জল্লাদি নষ্ট	জল্লাদিনিষ্ঠ
১১৮	৮	দৃষ্ট	দৃষ্টি
১১৯	১২	নিষেধ মুখে বিশেষ ভাবে	বাদ যাইবে
১২১	১	স্ত্রীরূপি	স্ত্রীরূপী
১২১	৯	শ্রীকপিলদেব	এইজন্ত শ্রীকপিলদেব
১২৯	২১	যে রূপ	যেরূপ
১৩২	৭	অনুবাদ	অনুবাদ শব্দ হইবে না
১৩৩	৪	সমাধান করিলে	সমাধান করিলেন
১৩৩	১৯	উদ্ধব ও বিছুর	উদ্ধবও, বিছুর
১৩৪	৪	গুড়	গুঢ়
১৬৫	৯	উদ্ধারের	উদ্ধবের
১৩৬	১৯	১৫৫	১২৫

পৃষ্ঠা	পঙ্ক্তি	অশুদ্ধ	শুদ্ধ
১৩৬	১৯	মর্ত্যধামে	মর্ত্যধামে
১৩৭	৩	নিপরান	নিরূপণ
১৩৭	১৮	বিচরন	বিচরণ
১৩৭	২১	হইতে	হইতে ।
১৩৯	১৬	করিয়া	করিয়াই
১৪০	১১	মর্ত্যলীলা	মর্ত্যলীলা
১৪০	১৭	প্রবৃত্তি	প্রবৃত্ত
১৪২	৬	পবিত্র	ভক্তি পবিত্র
১৪২	১৩	ঔজ্জ্বলা	ঔজ্জ্বলা
১৪৪	৮	প্রবর্তক	প্রবর্তক
১৪৬	১৫	মহিমাই	প্রভাব
১৫৩	১১	তুলনা	তুলনা,
১৫৪	১৬	যে স্থলেও	সেই স্থলেও
১৫৫	৮	বিনিমুক্ত	বিনিমুক্ত
১৫৫	১০	সংসাব	সংসার
১৫৬	১	নিরাসন	নিরসন
১৫৬	১৯	পরিবর্তবনে	পরিবর্তনের
১৫৬	২০	। একটির কিন্তু	একটির অনুগত, কিন্তু
১৬১	৮	কারণে	করণে

পৃষ্ঠা	পঙ্ক্তি	অশুদ্ধ	শুদ্ধ
১৬:	১১	বচনের	সাধনের
১৬২	১৯	দর্শন দোষ	দর্শনই দোষ
১৬২	২০	বর্জিত	বর্জিত গুণ
১৬৬	৪	ভক্তের নিমিত্ত হৃদয়গ্রন্থি	ভক্তের হৃদয়গ্রন্থি
১৬৭	১	সাধন	সাধনে
১৬৮	৩৭	এই স্বশক্তি	এবং স্বশক্তি
১৬৭	১৭	এবং	
১৬৯	২৬	(পত্র সমাপ্ত)	(পত্র সমাপ্ত) :
১৭১	৯	হইয়াই	হইয়াও
১৭২	১৯	বিষয়াতিক্রমভিলাষী	বিষয়াতিক্রমাভিলাষী
১৭৩	—	৬৭৩	১৭৩
১৭৩	৭	অধ্যাস্ত	অধ্যাস্ত
১৭৪	১৩	গুণ সকল	প্রাকৃত গুণসকল
১৭৫	১৪	অনপেনয়	অনপনেয়
১৭৬	১৩	আজ্ঞয়	আজ্ঞায়
১৭৭	৯	উদ্দেশ্য	উদ্দেশ্যে
১৭৭	১০	আরার	আবার
১৭৮	৬	মূলে	মূল
১৮০	১১	মোঞ্জনাদিতে	মোঞ্জনাদিতে

পৃষ্ঠা	পঙ্ক্তি	অশুদ্ধ	শুদ্ধ
১৮২	১৫	ব্যাজন	বাজন
১৮৪	৩	স্থলে ভগবৎ	স্থলেও ভগবৎ
১৮৫	৮	নির্দিষ্ট	নির্দিষ্ট
১৯৪	৭	মৃগয়ায়	মৃগয়া
১৯৪	৭	গমন	বাদ যাইবে
১৯৪	৮	স্কন্দদেশে	স্কন্দদেশে
১৯৫	৬	সৃষ্টাদি	সৃষ্টাদি
১৯৫	৭	সৃষ্টাদি	সৃষ্টাদি
১৯৬	২	উপদেশে	উপদেশে বিভূরর
১৯৭	৪	সাম্ব্যযোগ	সাম্ব্যযোগ
২০১	২৮	প্রাচীন বহিঃ	প্রাচীনবহিঃ



শ্রীশ্রীগৌরান্ধবিধুর্জয়তি

শ্রীগুরবে নমঃ

## শ্রীমদ্ভাগবত এবং ভাগবত জীবন

### প্রথম অধ্যায়

সর্ববেদান্তসারং হি শ্রীভাগবতমিষ্যতে ।

তদ্রসামৃতত্পুণ্ড্র নাগ্যত্র শ্রাদ্ধতিঃ কচিৎ ॥

শ্রীমদ্ভাগবত—১২।১৩।১৫ শ্লোক ।

অনুবাদ—শ্রীমদ্ভাগবতকে সর্ববেদান্ত-সারভূতরূপে কথিত হইয়াছে । যিনি তদীয় রসামৃতাস্বাদনে পরিতৃপ্ত, তাঁহার অন্ত্র কুত্রাপি আসক্তি জন্মে না ।

বেদান্তসার বলিতে কি বুঝা যায় ?

বেদের অন্ত বেদান্ত । বেদের পরম জ্ঞানসঙ্কলন, আরণ্যকের পরিশিষ্ট বেদের মস্তকস্বরূপ শীর্ষদেশ, উপনিষদই বেদান্ত ।

বেদের শেষাংশে যে পরম ব্রহ্ম ও আত্মার একত্ববোধক উক্তি সমূহ আছে, তাহাই উপনিষদ, তাহাই বেদান্ত ।

“সেয়ং ব্রহ্মবিজ্ঞা-উপনিষৎ শব্দ বাচ্য তৎপরাণাং  
সহেতোঃ সংসারশ্চ অত্যন্তাবসাদ লাভ ।”

উপ-নি-পূর্বশ্চ সদৃ ধাতোঃ তদর্থত্বাৎ ।

অনুবাদ—সেই ব্রহ্মবিদ্যাই উপনিষদ। যাহারা এই ব্রহ্মবিদ্যা অনুশীলনে তৎপর, এই জন্মজরা মরণশীল সংসারে তাহাদের অবিদ্যা প্রভাবের সম্পূর্ণ উচ্ছেদ সংসাধিত করে বলিয়াই এই ব্রহ্মবিদ্যা উপনিষদ নামে অভিহিত।

## শ্রীমদ্ভাগবত মাহাত্ম্য বিষয়ে এইরূপ বর্ণিত আছে—

অর্থোহয়ং ব্রহ্মসূত্রানাং ভারতার্থবিনির্গয়ঃ ।  
গায়ত্রী ভাষ্যরূপোহসৌ বেদার্থপরিবৃত্তিতঃ ॥  
পুরাণানাং সামরূপঃ সাক্ষাদ্ভাগবতোদিতঃ ।  
দ্বাদশস্কন্ধযুক্তোহয়ং শতবিচ্ছেদ-সংযুতঃ ॥  
গ্রন্থোহষ্টাদশসাহস্রঃ শ্রীমদ্ভাগবতাভিধঃ ॥

## শ্রীমদ্ভাগবতের স্বরূপ

তমাদিদেবং করুণানিধানং, তমালবর্ণং সুহিতাবতারম্ ।  
অপার-সংসার-সমুদ্রসেতুং ভজামহে ভাগবত-স্বরূপম্ ॥  
( প্রাচীনকৃত-শ্লোকঃ )

## শ্রীমদ্ভাগবত বর্ণনের উদ্দেশ্য

( বসুমতী সাহিত্য মন্দির হইতে প্রকাশিত শ্রীমদ্ভাগবত  
হইতে সংগৃহীত । )

বৈবস্বত মন্বন্তরের অষ্টাবিংশ চতুর্যুগের দ্বাপর যুগের শেষ হইবার পর কালির প্রারম্ভে, মানবের শক্তি যুগধর্ম বশতঃ হ্রাস

হইতেছে দেখিয়া শ্রীভগবান স্বীয় অংশে শ্রীকৃষ্ণ দ্বৈপায়ন বেদব্যাস-  
রূপে জন্মগ্রহণ করিয়া বেদরাশিকে চারিভাগে বিভক্ত করিলেন।  
বেদকে, জ্ঞানকাণ্ডরূপ উপাসনাস্বক সিদ্ধান্ত সম্প্রদায় উত্তর ভাগের  
সার সংগ্রহ করিয়া তিনি ব্রহ্মসূত্র বা বেদান্ত সূত্র রচনা করেন।  
অজ্ঞানী জীবের জন্ম তিনি বেদের ভাষ্যরূপ শ্রীমহাভারত নামক  
ইতিহাস ও সাতাশ (২৭) মহাপুরাণ রচনা করেন। কিন্তু এই  
সকল করিয়াও তিনি অশান্তিতে দিন কাটাইতেছিলেন। এই  
সময় ভক্তচূড়ামণি শ্রীনারদ আসিয়া তাঁহাকে ভগবৎলীলা প্রধান  
শ্রীভাগবত রচনার উপদেশ দেন।

### শ্রীনারদের বাক্য—

ভবতানুদিতপ্রায়ং যশো ভগবতোহমলম্।

যেনৈবাসৌ ন তুষ্যেত মন্যে তদর্শনং খিলম্ ॥

( শ্রীমদ্ভাঃ—১।৫।৮ শ্লোক )

অনুবাদ—হে মহর্ষে! আপনি শ্রীহরির ‘পুতলীলা মহিমা  
স্পষ্টভাবে কীর্তন করেন নাই। সেই ভাগবত কথা কীর্তন ব্যতীত,  
যে ধর্মাদি জ্ঞানের অনুশীলনে ভগবান্ শ্রীহরির সন্তোষ হয় না  
সেই জ্ঞানকে, সেই শাস্ত্রকে অপূর্ণ-হেয় বা অভাবযুক্ত মনে করি।

বখা ধর্মাদয়শ্চাৰ্থা যুনিবর্ষ্যানুকীৰ্ত্তিতাঃ।

ন তথা বাসুদেবশ্চ মহিমা হনুবর্ণিতাঃ ॥

( শ্রীমদ্ভাঃ—১।৫।৯ শ্লোক )

অনুবাদ—হে মুনিবর ! আপনি সেই সকল গ্রন্থাদিতে ধর্ম অর্থ-  
কাম-মোক্ষ এই চতুর্ভঙ্গ প্রধান পুরুষার্থ যেরূপে বর্ণন করিয়াছেন,  
ভগবান্ বাসুদেবের যশঃ কথা সেইরূপ মুখ্য ভাবে নিশ্চয়ই কীর্তন  
করেন নাই ।

শ্রীনারদ আরও বলিলেন—

অথো মহাভাগ ভবানমোঘদৃক্

শুচিশ্রবাঃ সত্যরতো ধৃতব্রতঃ ।

উরুক্রমশ্চাখিলবন্ধযুক্তয়ে

সমাধিনানুস্মর তদ্বিচেষ্টিতম্ ॥

( শ্রীমদ্ ভাঃ—১।৫।১৩ )

অনুবাদ—হে মহাত্মন্ বেদবাস ! যেহেতু আপনি যথার্থ ধীসম্পন্ন  
পবিত্র হরিকথা শ্রবণরত সত্যনিষ্ঠ ও নিয়ম পরায়ণ অতএব সকল  
লোকের মায়া বন্ধন বিমোচনের জন্ত আপনি ভগবান উরুক্রমের  
বিবিধ লীলা, সমাধি অবলম্বন পূর্বক ধ্যান করিয়া বর্ণন করুন ।

শ্রীনারদের উপদেশে তিনি নিজ আশ্রমে স্থিত হইয়া  
সমাধিস্থ হইলেন ।

তস্মিন্ স্ব আশ্রমে ব্যাসো বদরীষণ্ডমণ্ডিতে ।

আসীনোহপ উপস্পৃশ্য প্রণিদধ্যো মনঃ স্বয়ম্ ॥

ভক্তিযোগেন মনসি সম্যক্ প্রণিহিতেহমলে ।

অপশ্যৎ পুরুষং পূর্ণং মায়াঞ্চ তদপাশ্রয়াম্ ॥

যয়া সম্মোহিতো জীব আত্মানং ত্রিগুণাত্মকম্ ।  
 পরেহপি মনুতেহনর্থং তৎকৃতঞ্চাভিপদ্যতে ॥  
 অনর্থোপশমং সাক্ষাদুক্তিযোগমধোক্ষজে ।  
 লোকস্বাজ্ঞানতো বিদ্বাংশচক্রে সাত্ত্বতসংহিতাম্ ॥  
 যশ্চাং বৈ শ্রয়মাণায়াং কৃষ্ণে পরমপুরুষে ।  
 ভক্তিরুৎপদ্যতে পুংসঃ শোকমোহভয়াপহা ॥  
 স সংহিতাং ভাগবতীং কৃত্বানুক্ৰম্য চান্নজম্ ।  
 শুকমধ্যাপয়ামাস নিবৃত্তিনিরতং যুনিম্ ॥

( শ্রীমদ্ ভাঃ—১।৭।৩-৮ ) ।

স তু সংশ্রাবয়ামাস মহারাজং পরীক্ষিতম্ ।  
 প্রায়োপবিষ্টং গঙ্গায়াং পরীতং পরমর্ষিভঃ ॥

( ভাঃ—১ ৩।৪২ শ্লোক ) ।

অনুবাদ শ্রীবেদব্যাস নিজের সেই আশ্রমে উপবেশন  
 করিয়া আচমনান্তে শ্রীনারদের উপদেশ স্মরণপূর্ব্বক সমাধিস্থ  
 হইলেন ।

তঁহার হৃদয়টি ছিল নির্মল, ভক্তিযোগ বলে সেই হৃদয়  
 ধ্যানে নিশ্চল হইল । তখন প্রথমেই তিনি পরম পুরুষকে প্রত্যক্ষ  
 করিলেন এবং সঙ্গে সঙ্গে ( তঁহার অধীন ) মায়াকেও দেখিতে  
 পাইলেন ।

ঐ মাযার দ্বারা মোহিত হইয়াই জীব স্বয়ং ত্রিগুণাতীত হইলেও নিজেকে ত্রিগুণাত্মক বলিয়া মনে করে এবং ত্রিগুণের যাহা কর্ম সেই কর্তৃত্বাদি অভিমান পোষণ করে তাহাও দেখিতে পাইলেন ।

তিনি দেখিলেন ভগবানের প্রতি ভক্তিয়োগ সমস্ত অনিষ্ট দূর করে । ইহা উপলব্ধি করিয়া তিনি অজ্ঞানাচ্ছন্ন জন সাধারণের জন্ত এই ভাগবত সংহিতা প্রণয়ন করেন ।

এই ভাগবতসংহিতা শ্রবণ করিলে মানবের, পরমপুরুষ শ্রীকৃষ্ণে, ভক্তি উৎপন্ন হইয়া থাকে এবং সেই ভক্তিই মানবের শোক-মোহ-ভয় বিনাশ করে ।

মহর্ষি বেদব্যাস প্রথমে শ্রীভাগবতসংহিতা রচনা করিয়া বিষয় তৃষ্ণা রহিত স্বপুত্র শ্রীশুকদেবকে অধ্যয়ন করাইলেন ।

এই শ্রীশুকদেব পুনরায় মহর্ষিগণকর্তৃক পরিবৃত গঙ্গাতীরে প্রায়োপবেশনে রত মহারাজ পরীক্ষিতকে শ্রীভাগবত শ্রবণ করান ।

## শ্রীমদ্ভাগবতের বস্তু নির্দেশ

শ্রীব্যাসদেব শ্রীমদ্ভাগবতের প্রথম অধ্যায়ের দ্বিতীয় শ্লোকে এই বিষয়ে বর্ণন করিয়াছেন—

ধর্ম্মঃ প্রোজ্জিতকৈতবোহত্রপরমো নিৰ্ম্মৎসরাণাং সতাং  
বেদেৎ বাস্তুবমত্র বস্তু শিবদং তাপত্রয়োন্মূলনম্ ।

শ্রীমদ্ভাগবতে মহামুনিকৃতে কিং বা পরৈরীশ্বরঃ

সদ্যো হৃদ্যবরুধ্যতে হত্র কৃতিভিঃ শুশ্রুষুভিস্তৎ ক্রণাৎ ॥

( শ্রীমদ্ ভাঃ—১।১।২ শ্লোক ) ।

অনুবাদ—অধুনা শ্রোতৃবর্গকে শ্রীমদ্ভাগবত শ্রবণে প্রবর্তিত করাইবার জন্য কৰ্ম, জ্ঞান ও ভক্তিমূলক সকল শাস্ত্র অপেক্ষা শ্রীমদ্ভাগবতের শ্রেষ্ঠতা প্রদর্শন করাইতেছেন ।

মহামুনি শ্রীনারায়ণ কর্তৃক প্রথমতঃ ও সংক্ষেপে চতুঃ-শ্লোকী ভাগবত প্রকাশিত হন । এই শ্রীভাগবতে পরের উৎকর্ষ সহনক্ষম মাৎসর্যোষা বিহীন সাধুগণের সর্বশ্রেষ্ঠ ধর্ম যাহা ধর্ম, অর্থ' কাম, মোক্ষ বাঞ্ছা রহিত, সেই শুদ্ধ ভক্তিই নিরূপিত হইয়াছে । এই গ্রন্থ অনুশীলনে আধ্যাত্মিক অধিভৌতিকাধি-দৈবিক এই ত্রিবিধ মায়িক তাপ বিদূরিত হয় এবং পরমানন্দানুভব-কারক পরমার্থ বস্তু-তত্ত্বের অনুভব হয় ।

নির্ম্মৎসর স্কৃতিসম্পন্ন শ্রোতৃবর্গের হৃদয়ে ভগবান্ স্বীয় লীলাকথা শ্রবণারম্ভ কালেই অবরুদ্ধ হন ।

অতএব এইস্থানে অগ্নিশাস্ত্র-কর্ম জ্ঞানাঙ্গ প্রতিপাদক শাস্ত্র সকল কি বা মাহাত্ম্য প্রতিপাদিত করিতে পারে, অর্থাৎ অগ্ন্যাগ্ন শাস্ত্রাদি অনুশীলনের প্রয়োজনীয়তা নাই ।

## মূলে কৃতিভিরিতি—

স্বামীপাদ পূর্ব্বজন্মকৃত পুণ্য বিনা এই শ্রবণেচ্ছা উৎপন্ন হয় না ।

শ্রীল চক্রবর্তীপাদ—কৃতিভিঃ নিস্মৎসরৈরেব—

শ্রীচক্রবর্তীপাদের টীকার কয়েকটি বিশেষ উক্তি—

১। এই ভাগবত অনুশীলনের ফলে আশ্রয়তত্ত্ব শ্রীকৃষ্ণকে নিস্মৎসর জনগণ শ্রবণাদি ভক্তি দ্বারা সত্ত্ব সত্ত্ব হৃদয়ে প্রেমবশীভূত করেন । শ্রবণেচ্ছুগণের শ্রদ্ধা হইলে তো কথাই নাই । শ্রদ্ধার পূর্ব্ব হইতে শ্রবণ করিতে থাকিলে প্রেম উৎপন্ন হয় ।

২। কৃতি ও সত্ত্ব এই দুইটি পদে ছুষ্টিগণ বহু বিলম্বে ভগবানকে লাভ করেন, জানা যায় ।

৩। বাস্তব বস্তু শব্দে ভগবানের স্বরূপ নাম-রূপ গুণাদি, বৈকুণ্ঠধামসমূহ, ভক্তগণ এবং ভক্তি ।

৪ “অত্র” এই পদের তিনবার উক্তির তাৎপর্য্য-  
প্রথম অত্র—এই পদে ভাগবতের অনুশীলনেই ঈশ্বর অবরুদ্ধ হন, অন্য শাস্ত্রানুশীলনে হন না । দ্বিতীয় অত্র পদে—বাস্তব বস্তু এই ভাগবতের আলোচনা মননাদি দ্বারাই জানা যায়, অন্য শাস্ত্র দ্বারা জানা যায় না ।

তৃতীয় অত্র পদে—এই ভাগবতেই অকৈতব কপটতা শূন্য ধর্ম্ম নিরূপিত হইয়াছে, অন্য শাস্ত্রে তাহা হয় নাই, এতদ্বারা অন্যান্য যোগেরও নিষেধ করা হইয়াছে ।

## শ্রীমদ্‌ভাগবতে বর্ণিত বিষয় সমূহ

দ্বিতীয় স্কন্ধের দশম অধ্যায়ের প্রথম এবং দ্বিতীয় শ্লোকে  
শ্রীশুকদেব পরীক্ষিৎ মহারাজকে বলিলেন—

অত্র সর্গো বিসর্গশ্চ স্থানং পোষণমুতয়ঃ ।  
মহন্তরেশানুকথা নিরোধো মুক্তিরাত্রয়ঃ ॥  
দশমস্য বিশুদ্ধার্থং নবানামিহ লক্ষণম্ ।  
বর্ণয়ন্তি মহাত্মানঃ শ্রুতেনার্থেন চাঞ্জসা ॥

( শ্রীমদ্ভাঃ—২।১০।১-২ শ্লোক ) ।

অনুবাদ—ব্যাসনন্দন শ্রীশুকদেব বলিলেন, এই ভাগবত-  
শাস্ত্রে সর্গ, বিসর্গ, স্থান, পোষণ, উতি, মহন্তর, ঈশকথা, নিরোধ  
মুক্তি ও আশ্রয় এই দশটি বিষয় বর্ণিত হইয়াছে ।

তাহার মধ্যে দশম তত্ত্বের ( আশ্রয়ের ) বিশুদ্ধ আলো-  
চনার জন্মই পূর্ব নয়টি লক্ষণের স্বরূপ মহাত্মাগণ শ্রুত অর্থাৎ  
স্তুত্যাदिস্থানে কঠোক্তি দ্বারা সাক্ষাৎভাবে এবং অর্থ অর্থাৎ বিবিধ  
আখ্যানের তাৎপর্যবৃত্তি দ্বারা বর্ণন করিয়াছেন ।

তৃতীয় শ্লোক হইতে সপ্তম শ্লোকের অনুবাদ—

(৩) গুণত্রয়ের পরিণামবশতঃ পরমেশ্বর হইতে (আকাশাদি)  
পঞ্চভূত, ( শব্দ স্পর্শাদি ) পঞ্চতন্মাত্র ( চক্ষু কর্ণাদি ) একাদশ

ইন্দ্রিয় এবং মহত্ত্ব ও অহঙ্কারতত্ত্বের বিরাটরূপে ও স্বরূপতঃ যে জন্ম, তাহার নামই 'সর্গ', বিরাটপুরুষ ব্রহ্মা কর্তৃক যে চরাচর সৃষ্টি তাহার নাম 'বিসর্গ'।

(৪) ভগবানের সৃষ্টবস্তু সগূহের পালন দ্বারা যে উৎকর্ষ তাহার নাম 'স্থান' বা 'স্থিতি'। নিজ ভক্তের প্রতি তাঁহার যে অনুগ্রহ তাহার নাম 'পোষণ'। তাঁহার অনুগৃহীত মনুষ্যরাধিপতি সাধুগণের ভগবতুপাসনাখ্যা ধর্ম্যই সদ্ধর্ম; উক্তরূপ স্থিতিতে যে বহুবিধকর্ম্য বাসনা তাহার নাম 'উত্তি'।

(৫) শ্রীহরির অবতারসমূহের অনুচরিত এবং তাঁহার অনু-বর্ত্তি ভক্তগণের নানাবিধ উপাখ্যান পরিপূর্ণ সংকথাই 'ঈশকথা' বলিয়া উক্ত হইয়াছে।

(৬) শ্রীহরির যোগনিদ্রার পর জীবের উপাধির সহিত যে শয়ন অর্থাৎ (মহাপ্রলয়ে পরমেশ্বরে লয়) তাহার নাম 'নিরোধ'। মায়িক স্কুল ও সূক্ষ্মদ্বয় শরীর পরিত্যাগ করিয়া শুদ্ধ কেবল জৈব স্বরূপে (কাহারও কাহারও ভগবৎ পার্শ্বদরূপে) অবস্থানের নাম 'মুক্তি'।

(৭) যাঁহা হইতে সৃষ্টি ও লয় হয় এবং যাঁহা হইতে এই বিশ্ব প্রকাশিত হয় তিনিই 'আশ্রয়' পরব্রহ্ম এবং পরমাত্মা বলিয়া অভিহিত হন।

# শ্রীমদ্‌ভাগবতে বর্ণিত

শ্রীশ্রীভগবল্লীলাবতারের কর্ম, প্রয়োজন ও  
বিভূতি বর্ণন ।

অবতার	কার্য
১ । বরাহ	পৃথিবী উদ্ধার এবং হিরণ্যাক্ষ বধ ।
২ । যজ্ঞ	ত্রিলোকের দুঃখ হরণ ।
৩ । কপিল	মাতাকে আত্মতত্ত্ব কথন এবং সাস্থ্য প্রবর্তক ।
৪ । দত্তাত্রেয়	ভুক্তিমুক্তিরূপা গতি দান ।
৫ । সনকাদি কুমার	পূর্বকল্পের প্রলয়ে বিশিষ্ট আত্মতত্ত্ব সম্যগ্‌ভাবে উপদেশ ।
৬ । নরনারায়ণ	তীর তপস্যা ও অম্বরগণের তপস্যা ভঙ্গের চেষ্টা বিফল ।
৭ । পৃথ্বীগর্ভ	ধ্রুবের তপস্যায় সন্তুষ্ট হইয়া তাঁহাকে ধ্রুবপদ প্রদান ।
৮ । পৃথু	দ্বিজ শাপ-ভ্রষ্ট বেণ রাজাকে কৃপা করি- বার জন্য তাহার পুত্রত্ব স্বীকার এবং পৃথিবীর ধনাদি দোহন ।
৯ । ঋষভ	পারমহংস্রূপদের অনুসন্ধান ।
১০ । হয়গ্রীব ।	তাঁহার নাসাপুট হইতে বেদবাণী উৎপন্ন ।
১১ । মৎস্য	ব্রহ্মার মুখবিগলিত বেদসমূহ গ্রহণ করিয়া প্রলয়-পয়োধিজলে বিহার ।

## অবতার

## কার্য

- ১২ । কূর্ম্ম দেব দানবগণের অমৃতমস্থন দণ্ডস্বরূপ  
মন্দার পর্বত পৃষ্ঠে ধারণ ।
- ১৩ । নৃসিংহ হিরণ্যকশিপুর বক্ষঃস্থল বিদীর্ণ ।
- ১৪ । হরিসংজ্ঞক । কুন্তীরের বদন হইতে গজেন্দ্রকে উদ্ধার ।
- ১৫ । বামন ভগবদ্ভক্তগণের ইন্দ্রাধিপত্য কখনই  
উচিত নহে, এই জন্ম ত্রিপদভূমি গ্রহণ-  
চ্ছলে বলির রাজ্য হরণ ।
- ১৬ । হংস শ্রীনারদের নিকটে ভক্তিয়োগ বর্ণন ।
- ১৭ । মন্বন্তর ছুষ্টরাজগণের প্রতি দণ্ড বিধান ।
- ১৮ । ধন্বন্তরি পৃথিবীতে আয়ুর্বেদ প্রকাশ ।
- ১৯ । পরশুরাম পৃথিবীকে একবিংশতিবার নিঃক্ষত্রিয় করণ ।
- ২০ । রাম রাবণ বধ ।
- ২১ । কৃষ্ণ বলরামের সহিত অবতীর্ণ হইয়া পুতনা  
বধ, কালীয় দমন, গোবর্দ্ধন-ধারণাদি  
অনেক অলৌকিক লীলা ।
- ২২ । বাসু বেদ বিভাগ ।
- ২৩ । বুদ্ধ অশুরকুলের বুদ্ধিমোহনার্থ পাষণ্ডবেশে  
উপদেষ্টা উপদেশ ।
- ২৪ । কল্ক শ্রীহরি কীর্ত্তন ত্যাগকারী পাষণ্ড, শূদ্র ও  
শ্লেচ্ছ রাজ্য বর্গকে শাস্তি প্রদান ।

## শ্রীমদ্ভাগবত এবং ভগবৎ লীলাকথা

শ্রীমদ্ভাগবতের প্রারম্ভেই যখন শ্রীনারদ শ্রীবেদব্যাসকে শ্রীভাগবত রচনায় প্রবৃত্ত করিতেছেন, তখন এই শ্লোকই নারদ বলেন—

অথো মহাভাগো ভবানমোষদৃকু  
শুচিশ্রবাঃ সত্যরতো ধৃতব্রতঃ ।  
উরুক্রমস্থাখিলবন্ধমুক্তয়ে  
সমাধিনানুস্মর তদ্বিচেষ্টিতম্ ॥

( শ্রীমদ্ভাঃ—১।৫।১৩ শ্লোক ) ।

**অনুবাদ**—হে মহাত্মন! বেদব্যাস! যেহেতু আপনি যথার্থ ধীসম্পন্ন, পবিত্র হরিকথা শ্রবণরত, সত্যনিষ্ঠ এবং নিয়মপরায়ণ অতএব সকল লোকের মায়াবন্ধন বিমোচনের জন্য আপনি ভগবান্ উরুক্রমের বিবিধ লীলা, সমাধি অবলম্বনপূর্ব্বক ( অর্থাৎ একাগ্র-চিত্তে ) ধ্যান করিয়া বর্ণন করুন ।

শ্রীল চক্রবর্তীপাদের টীকার একাংশে লিখিত হইয়াছে—

“লীলাহি ভক্তিমতিশুদ্ধচিত্তে স্বয়মেব স্মুরতি  
তস্তাঃ স্বপ্রকাশত্বাদনন্তত্বাদতিরহস্তত্বাদন্যথা কেনাপি  
বক্তুং গৃহীতুং চাশক্যত্বাদিত্তি ভাবঃ” ।

**অনুবাদ**—শ্রীভগবৎ লীলা ভক্তিমতি শুদ্ধচিত্তে আপনা হইতেই স্মুরিত হয়, কারণ, লীলা স্বপ্রকাশ, অনন্ত এবং অতি

রহস্য হেতু অন্য কোন প্রকারে এই লীলা বর্ণন করা বা ধারণ করা সম্ভব নয় ।

তাৎপর্যার্থ—ভগবৎ লীলা সকল শ্রীবেদব্যাসের মত অব্যর্থ জ্ঞানসম্পন্ন, শুদ্ধচিত্ত, সত্যনিষ্ঠ এবং নিয়ম পরায়ণ শুদ্ধচিত্তেই স্ফুরিত হইবে ।

উপসংহারেও যখন শ্রীশুকদেব শ্রীপরীক্ষিৎ মহারাজের নিকট শ্রীমদ্ভাগবত বর্ণন শেষ করিয়া বিদায় গ্রহণ করিতেছেন তখন নিম্নলিখিত এই শ্লোকটি বর্ণন করেন ।

সংসারসিন্ধুমতিদুস্তরমুষ্টিতীর্থো-

র্নাশ্যঃ প্লবো ভগবতঃ পুরুষোত্তমশ্চ ।

লীলাকথারসনিষেবণমন্তরেণ

পুংসো ভবেদ্বিবিধদুঃখদবর্দিতশ্চ ॥

( শ্রীমদ্ ভাঃ—১২।৪।৪০ ) ।

অনুবাদ--আধ্যাত্মিকাদি বিবিধ দুঃখদাবানলসত্ত্বশ্চ এবং অতিদুস্তর সংসার সমুদ্রোত্তরণ অভিলাষী পুরুষের পক্ষে পুরুষোত্তম ভগবান্ শ্রীকৃষ্ণের লীলা কথা রস সেবন ব্যতীত অন্য কোন উত্তরণ সাধন নৌকা নাই ।

এইরূপে শ্রীমদ্ভাগবতে উপক্রম এবং উপসংহারে ভগবানের লীলা কথার মাহাত্ম্য বর্ণিত হইয়াছেন । মধ্যেও শ্রীরাসলীলা

যাহা লীলামুকুটমণি বলিয়া আখ্যায়িত হইয়াছেন, তাহাতেও  
শ্রীশুকদেব ভগবানের লীলা কথা শ্রবণের মাহাত্ম্য সম্বন্ধে  
বলিয়াছেন—

অনুগ্রহায় ভক্তানাং মানুষং দেহমাস্থিতঃ ।

ভজতে তাদৃশীঃ ক্রীড়া যাঃ শ্রদ্ধা তৎপরোভবেৎ ॥

( শ্রীমদ্ভাগ—১০।৩৩।৩৬ শ্লোক ) ।

অনুবাদ—( স্বামীপাদের টীকানুসারে ) ভগবান্ শ্রীকৃষ্ণ  
মনুষ্য দেহ ধারণ করিয়া যে লীলা করেন তাহা শ্রবণ করিয়া  
ভক্তগণের কথা দূরে থাকুক এমন কি শৃঙ্গার রসাকৃষ্ট বহির্নুর্থ-  
জনকেও ভগবৎপর অর্থাৎ ভগবৎ বিষয়ে শ্রদ্ধাবান করায় ।

শ্রীমদ্ভাগবতে বর্ণিত ভগবানের সাধারণ লীলাকথা  
শ্রবণাদির মাহাত্ম্য

এই সম্বন্ধে পরীক্ষিত মহারাজের উক্তি—

শৃণ্বতঃ শ্রদ্ধয়া নিত্যং গৃণতশ্চ স্বচেষ্টিতম্ ।

নাতিদীর্ঘেণ কালেন ভগবান্ বিশতে হৃদি ॥

( শ্রীমদ্ভাগ—২।৮।৪ শ্লোক ) ।

অনুবাদ—যে ব্যক্তি ভগবানের চরিত ( লীলাদি কথা )  
শ্রদ্ধাপূর্বক নিত্য শ্রবণ করেন ও কীর্তন করেন শ্রীভগবান্ অনতি  
দীর্ঘকালে তাহার হৃদয়ে প্রবেশ করেন ।

প্রবিষ্টঃ কর্ণরঞ্জন স্বানাং ভাবসরোরহম্ ।

ধুনোতি শমলং কৃষ্ণঃ সলিলস্য ষথা শরৎ ॥

( শ্রীমদ্ভাঃ—২।৮।৫ শ্লোক ) ।

অনুবাদ—শ্রীহরি স্বীয় ভক্তগণের দাস্য সখ্যাদি ভাবরূপ হৃদয়কমলে কথারূপে প্রবিষ্ট হইয়া সর্ব বিষয়মল ( অর্থাৎ কাম ক্রোধাদি ) বিছুরিত করিয়া থাকেন, যেমন শরৎ ঋতুর আগমনে যাবতীয় নদী ও তড়াগ প্রভৃতির জলের মলিনতা সম্পূর্ণভাবে বিনষ্ট হইয়া থাকে ।

রাসলীলা প্রসঙ্গে শ্রীভাগবতে “অনুগ্রহায় ভক্তানাং” ১০-৩৩, ৩৬ এই শ্লোকে রাসলীলা ব্যতীত অগ্ৰাণ্য সাধারণ লীলা সম্বন্ধে শ্রীজীব গোস্বামীপাদ তাঁহার টীকায় লিখিয়াছেন ।

ভক্ত প্রসঙ্গে ভগবান সেইরূপ সর্বচিত্তাকর্ষিণী লীলা করেন । সেই সকল সাধারণ লীলা অর্থাৎ রাসলীলা ব্যতীত অগ্ৰাণ্য লীলা শ্রবণ করিয়া ভক্ত ব্যতীত অগ্ৰাণ্য জনও ভগবৎপর হইয়া থাকে, রাসলীলা শ্রবণে যে তৎপর হইবে ইহা বলাই বাহুল্য ।

## রাসলীলা শ্রবণের বিশেষ মাহাত্ম্য

রাসলীলা শ্রবণের বিশেষ মাহাত্ম্য সম্বন্ধে শ্রীশুকদেব বলিয়াছেন—

অনুগ্রহায় ভক্তানাং মানুষং দেহমাস্থিতঃ ।

ভজতে তাদৃশীঃ ক্রীড়া যাঃ শ্রদ্ধা তৎপরো ভবেৎ ॥

( শ্রীমদ্ ভাঃ—১০।৩৩।৩৬ ) ।

স্বামীজীর টীকা পূর্বে দেওয়া হইয়াছে ।

**শ্রীল চক্রবর্তীপাদের টীকার মর্ম্মার্থ—**

ভগবানের অগ্ৰাণ্ণ লীলা হইতে বৈলক্ষণ্য হেতু মধুর রস-ময়ী এই রাসলীলার তাদৃশী মণি-মন্ত্র মহৌষধির দ্বায় এমন এক অতর্ক্য শক্তি আছে যাহাতে মনুষ্য দেহধারী সকলকেই ভগবৎ পরায়ণ করিয়া থাকে । তাহাতে সর্ববিধ ভক্তগণ যে পরমানন্দ লাভ করিয়া কৃতার্থ হইবেন, তাহাতে আর সন্দেহ কি ?

বৈষ্ণব তোষণী হইতে শ্রীপাদ জীব গোস্বামির টীকার আংশিক অনুবাদ নিম্নে উল্লিখিত হইতেছে—

কোনস্থলে ‘অনুগ্রহায় ভক্তানাং’ এই পাঠের পরিবর্তে ‘অনুগ্রহায় ভূতানাং’ এই পাঠ আছে । এস্থলে ভূতগণের বলিতে সকল জীবগণের প্রতি বুঝিতে হইবে । এখানে ভগবানের সাক্ষাৎ ভক্ত এক সেই ভক্ত সম্বন্ধেই সকলকে অনুগ্রহীত করিবার জন্ম মানুষ দেহরূপ স্বয়ংরূপে অবতীর্ণ হইয়া তাদৃশী ক্রীড়া করিয়া থাকেন । যাহা শ্রবণ করিয়া অন্তের কথা কি ভগবান স্বয়ংই তৎপর হইয়া থাকেন—অর্থাৎ যখন এই লীলা ভক্তজনের মুখে শ্রবণ করেন, তখন তিনিও সেই লীলাতে আসক্ত হইয়া যান ।

এখানে ভক্ত শব্দের দ্বারা ব্রজদেবী, ব্রজজন এবং কালত্রয় সম্বন্ধ যুক্ত অগ্ন্যাগ্ন বৈষ্ণবগণও গৃহীত হইয়াছেন ।

ভক্তগণ কিভাবে অনুগৃহীত হন তাহা বলিতেছেন—  
ব্রজদেবীগণ পূর্বে রাসাদি লীলা দ্বারা ; ব্রজজন—জন্মাদিলীলা দ্বারা এবং অগ্ন্যাগ্ন ভক্তজন সেইসকল দর্শন এবং শ্রবণাদির দ্বারা অনুগৃহীত হন ।

রাসলীলার শ্রবণ এবং কীর্তন সম্বন্ধে শ্রীশুকদেব একটি বিশেষ শ্লোক কীর্তন করিয়াছেন ।

বিক্রীড়িতং ব্রজবধুভিরিদঞ্চ বিষেণাঃ  
শ্রদ্ধাশ্বিতোহনুশ্চনুয়াদথবর্ণয়েদ্ যঃ ।  
ভক্তিং পরাং ভগবতি প্রতিলভ্য কামং  
হৃদ্রোগমাশ্বপহিনোত্যচিরেণ ধীরঃ ॥

( শ্রীমদ্ভাগ—১০।৩৩।৩৯ শ্লোক )

অনুবাদ—ব্রজবধুদিগের সহিত শ্রীকৃষ্ণের রাসলীলা যে ধীর ব্যক্তি শ্রদ্ধাশ্বিত হইয়া শ্রবণ করেন এবং অনুক্ষণ কীর্তন করেন, তিনি অচিরেই ভগবানের পরাভক্তি লাভ করিয়া হৃদরোগ কাম অনতি বিলম্বে দূর করিতে সমর্থ হন ।

স্বামীপাদের টীকা—

“ভগবতঃ কামবিজয়রূপরাসক্রীড়াশ্রবণাদেঃ কাম-  
বিজয়মেব ফলমাহ বিক্রীড়িতমিতি । অচিরেণ ধীরঃ সন্  
হৃদ্রোগং কামমাশ্ব অপহিনোতি পরিত্যজতীতি” ।

**অনুবাদ**--ভগবানের কাম-বিজয়রূপ রাসলীলা শ্রবণাদির ফল কাম বিজয়ই । অচিরেই জিতেন্দ্রিয় হইয়া হৃদ্রোগ কাম পরিত্যক্ত হয় ।

### শ্রীল চক্রবর্তী পাদের টীকার আংশিক সারার্থ--

সর্বলীলার চূড়ামণি রাসলীলার শ্রবণ-কীর্তনের ফলও সর্বফলচূড়ামণি হইয়া থাকে । এখানে 'চ' কারের অর্থ এইরূপ অগ্ন্যাগ্নি কবিগণ বর্ণিত গোপীদিগের সহিত ক্রীকৃষ্ণের বিশেষ ক্রীড়া বুঝাইতেছে । পরাম্—ইহার অর্থ—প্রেমলক্ষণা ভক্তি । প্রথমেই প্রেম অন্তরে প্রবেশ করে, তাহার প্রভাবে অচিরেই হৃদ্রোগ নাশ হয় । এইরূপে এই প্রেম ভক্তি, জ্ঞান, যোগের ন্যায় দুর্বল নয় । এখানে হৃদ্রোগ বলিতে যে কাম তাহা ভগবৎ বিষয়ক কাম হইতে ভিন্ন । ইহা প্রেমামৃতের ন্যায় প্রাকৃত কাম হইতে সম্পূর্ণ ভিন্ন । এখানে 'ধীর' শব্দে পণ্ডিত । নাস্তিক-মূর্খদিগের এইরূপ ফল হয় না । 'শ্রদ্ধাশ্রিত' বলিতে শাস্ত্র অবিশ্বাসিগণ নামাপরাধি বলিয়া প্রেমও তাহাদের অঙ্গীকার করে না ।

শ্রীজীব গোস্বামিপাদ এই শ্লোকের টীকায় কয়েক বিশেষত্ব উল্লেখ করিয়াছেন—তাহার অনুবাদ নিম্নে দেওয়া হল ।

১ । ভক্তিম্—প্রেম লক্ষণা, পরাম্—গোপিকাগণের প্রেমানু-সারে সর্বোত্তম জাতীয়, প্রতিক্ষণেই নূতন হইতে নূতন রূপে অনুভূত ।

২। কামমিত্যুপলক্ষণমন্যোষামপি—এখানে কাম শব্দটি উপলক্ষণে ব্যবহৃত হইয়াছে, অত্যাশ্র হৃদরোগ ক্রোধ-লোভাদিও।

৩। অত্র তু হৃদ্রোগাপহানাৎ পূর্বমেব পরমভক্তি-প্রাপ্তিঃ তস্মাৎ পরমবলবদেবেদং সাধনমিতি ।

এখানে হৃদরোগ বিনাশ হইবার পূর্বেই পরম ভক্তি প্রাপ্তি হয়—সেইজন্য ইহা পরম বলবান সাধন বলিয়া জানিতে হইবে ।

৪। ভিন্ন অর্থ—কামং—অচিরেই যথেষ্ট ভক্তি লাভ করিয়া হৃদরোগরূপ আধি শ্রীকৃষ্ণ অপ্রাপ্তিজনিত যে আধি ( হৃদরোগ ) তাহা অচিরেই দূরীভূত হয় অর্থাৎ ভগবৎ প্রাপ্তি ঘটে—ইহাই ভাবার্থ ।

## ভগবৎ কথা শ্রবণের মাহাত্ম্য

ভগবৎ বিষয়ে সকল কথাই, তাঁহার যশো গান, তাঁহার রূপ-গুণ-লীলাদি শ্রবণ ও কীর্তনের মহিমা শ্রীমদ্ভাগবতের অন্তে শ্রীশুতমুনি শৌনকাদি ঋষিবৃন্দকে বলিতেছেন—

সঙ্কীৰ্ত্ত্যমানো ভগবাননন্তঃ

শ্রুতানুভাবো ব্যসনং হি পুংসাম্ ।

প্রবিণ্ড চিত্তং বিধুনেত্যশেষং

যথা তমোহকৌহলমিবাতিবাতঃ ॥

অনুবাদ—ভগবান্ শ্রীহরির মহিমা শ্রবণ করিলে এবং ভগবানের নাম ও তাঁহার অদ্ভুত কৰ্ম্মাদি সমাক্রমে কীর্ত্তন করিলে ভগবান্ সেই শ্রবণ কীর্ত্তনকারী ব্যক্তিগণের চিন্তে প্রবেশ করিয়া সূর্য্যের অন্ধকার দূর করার ঞ্চায় এবং প্রবল বায়ুর দ্বারা মেঘ বিদূরিত করার ঞ্চায়, তাহাদের সমস্ত চুঃখ দূর করিয়া থাকেন ।

শ্রীকৃষ্ণকীর্ত্তনই শ্রীমদ্ভাগবতের মুখ্য তাৎপর্য্য বলিয়া শ্রীমদ্ভাগবতের মাহাত্ম্য প্রতিপাদন করিতে গিয়া শ্রীসুতমুনি বলিয়াছেন—

মৃষাগিরস্তা হসতীরসংকথা

ন কথ্যতে যদ্ভগবান্ধোক্ষজঃ ।

তদেব সত্যং তদুহৈব মঙ্গলং

তদেব পুণ্যং ভগবদ্গুণোদয়ম্ ॥

( শ্রীমদ্ভাঃ—১২।১২ ৪৯ শ্লোক )

অনুবাদ—যে সকল কথা প্রয়োগে ভগবান্ অধোক্ষজ কীর্ত্তিত হন না, সেই সকল অসদ্বিষয়ক কথা মিথ্যা বাক্য ও অসৎ । যে সকল বাক্যে ভগবানের গুণকথা উদ্ভিত হয় ( কীর্ত্তিত হয় ) সেই সকল বাক্যই মঙ্গলময়, সেই বাক্যই পবিত্র ।

তদেব রম্যং রুচিরং নবং নবং

তদেব শশ্বন্মনসো মহোৎসবম্ ।

তদেব শোকার্ণবশোষণং নৃণাং  
যদুত্তমঃশ্লোকযশোহনুগীয়তে ॥

( শ্রীমদ্ভাঃ—১২।১২।৫০ শ্লোক )

অনুবাদ—যে বাক্যে উত্তম কীর্ত্তি শ্রীভগবানের যশঃ  
পুনঃপুনঃ গীত হয়, সেই বাক্যই রমণীয় । সেই বাক্যই নূতন নূতন  
হইয়া মনোহর । সেই বাক্যই মনের নিত্য মহোৎসব এবং সেই  
বাক্যই মনুষ্যগণের শোক সমুদ্রের শোষক ।

শ্রীসুতমুনি নোমিষারণ্যে শ্রীশৌনকাদি ঋষিবৃন্দের নিকট  
শ্রীভগবানের নাম কীর্ত্তন এবং তাঁহার প্রণামের মহিমা বর্ণন  
করিয়া সর্ব্বশেষে শ্রীভগবানকে তাঁহার প্রণাম নিবেদন করিয়া  
নোমিষারণ্যে শ্রীমদ্ভাগবত বর্ণন সমাপ্ত করিতেছেন ।

নাম সঙ্কীর্ত্তনং যস্য সর্ব্বপাপপ্রণাশনম্ ।

প্রণামো দুঃখশমনস্তং নমামি হরিং পরম্ ॥

( শ্রীমদ্ভা—১২।১৩।২৩ শ্লোক )

অনুবাদ—যাঁহার নামকীর্ত্তন সমস্ত পাপ রাশির বিনাশক  
এবং যাঁহার প্রণাম সমস্ত দুঃখের নাশক সেই পরমাত্মা শ্রীহরিকে  
প্রণাম করি ।

## শ্রীমদ্ভাগবতের উপদেশামৃত

সমস্ত শ্রীমদ্ভাগবত অনুশীলন করিলে দেখা যায় যে, স্বয়ং ভগবান শ্রীকৃষ্ণের এবং তাঁহার বিভিন্ন অবতারগণের লীলাকথা বর্ণনই এই মহাপুরাণের মুখ্য উদ্দেশ্য ।

কিন্তু এই সকল লীলা কথা বর্ণনের মাধ্যমে শ্রীমদ্ভাগবতে শ্রীশুকদেব গোস্বামিচরণ বিভিন্ন স্থানে শ্রীভগবান্ এবং ভক্তগণের দ্বারা কতকগুলি সিদ্ধান্ত এবং উপদেশাবলী বর্ণন করিয়াছেন, যাহার যথার্থ জ্ঞান এবং আচরণ সাধকের ভাগবত জীবন গঠনে অপরিহার্য্য বলিয়াই গ্রহণ করিতে হইবে ।

এই গ্রন্থ সঙ্কলের উদ্দেশ্য শ্রীমদ্ভাগবত ধারা-বাহিক ভাবে আলোচনা করা নয়, কিন্তু এই সিদ্ধান্ত ও উপদেশাবলী সাধকের পক্ষে ভাগবত জীবন গঠনে কতখানি সাহায্য করে তাহারই বিস্তৃত ভাবে আলোচনা ।



## দ্বিতীয় অধ্যায়

### ভাগবত জীবন

ভগবানকে যে জীবন একমাত্র আশ্রয়রূপে গ্রহণ করিয়াছে, যে জীবনের সর্বস্ব শ্রীভগবানেই সমর্পিত হইয়াছে এবং যে জীবনের সকল চিন্তা ও সকল কর্মের একমাত্র উদ্দেশ্য, সেবার দ্বারা ভগবানের প্রীতি সম্পাদন, সেই জীবনকেই ভাগবত জীবন বলা যাইতে পারে ।

এই ভাগবত জীবন গঠন করিতে হইলে ভাগবত ধর্মের অনুশীলন করিতে হইবে ।

### ভাগবত ধর্ম কাহাকে বলে ?

শ্রীমদ্ভাগবতের একাদশ স্কন্ধে নিমি যোগীন্দ্র সংবাদে কবি যোগীন্দ্র বলিতেছেন—

যে বৈ ভগবতা প্রোক্তা উপায়া হ্যাত্মলঙ্কয়ে ।

অঙ্কঃ পুং সামবিদুষাং বিদ্ধি ভাগবতান্ হি তান্ ॥

( শ্রীমদ্ভাঃ—১১।২।৩৪ শ্লোক )

## মূল ও টীকার অনুবাদ—

ভগবান্ অজ্ঞ জনগণেরও অনায়াসে আত্মলাভের জন্ম অর্থাৎ ভগবানকে প্রাপ্ত হইবার জন্ম যে সকল উপায় নিরূপণ করিয়াছেন, তাহাই ভাগবত ধর্ম বলিয়া জানিবে।

## শ্রীল চক্রবর্তী পাদের টীকার অনুবাদ—

মনু প্রভৃতি ঋষিগণের দ্বারা বর্ণাশ্রম ধর্মবিধান নিরূপণ করাইয়া ভাগবত ধর্মের অতি রহস্যতা হেতু নিজমুখে সেই ধর্ম অর্থাৎ নিজেকে অনায়াসে প্রাপ্ত হইবার উপায় যাহা বলিয়াছেন, তাহাই ভাগবতধর্ম বলিয়া জানিবে।

## বিশেষ দ্রষ্টব্য—

ভাগবতধর্ম বলিতে ভক্তিকেই লক্ষ্য করা হইতেছে, জ্ঞানকে নয়। ইহাই শ্রীল চক্রবর্তীপাদ স্পষ্ট করিয়া শ্রীমদ্ভাঃ ১।৪।৩১

“কিন্ম ভাগবতা ধর্ম্মা……হ্যচ্যুতপ্রিয়াঃ ॥

শ্লোকের টীকায় ব্যক্ত করিয়াছেন, যথা—

“অত্র ভাগবতধর্ম্মপদেন জ্ঞানং ব্যাখ্যাতুং ন শক্যতে কিন্তু ভক্তিরেব……।”

\* শ্রীজীবপাদ ক্রমসন্দর্ভে এইরূপ বলিয়াছেন—

\* পূজ্যপাদ শ্রীল প্রিয়াচরণ দাস বাবাজী মহারাজ কৃপা করিয়া আমাকে এই টীকাটি বিস্তৃত ভাবে লিখিয়া পাঠান।

অজ্ঞজনেরও অর্থাৎ ভগবন্মাহাত্ম্য জ্ঞানরহিত জনগণ কর্তৃক ব্রহ্ম, পরমাত্মা এবং ভগবান এই ত্রিবিধ আবির্ভাব ভেদ রূপী ভগবান্ অনায়াসে নিজেকে লাভ করিবার জন্য নিজের ধর্ম ভূত যে উপায় অর্থাৎ সাধন সকল, যাহা ভগবান নিজমুখে বলিয়াছেন, তাহাই ভাগবতধর্ম । শ্রীমদ্ভাঃ—১১।১৪।৩ “কালেন নষ্টা প্রলয়ে……” ইত্যাদিতে—যে বেদবাক্যে মদীয় স্বরূপভূত ধর্ম বর্ণিত রহিয়াছে, তাহা কাল প্রভাবে প্রলয়ে অদৃশ্য হইলেও সৃষ্টির প্রারম্ভে আমিই ব্রহ্মাকে ইহার উপদেশ প্রদান করিয়াছিলাম । এই উক্তি অনুসারে যাহা বলিয়াছিলেন, সেই সকল উপায় অর্থাৎ সাধনকেই ভাগবত ধর্ম বলিয়া জানিবে । এখানে মদাত্মকঃ অর্থাৎ মৎ স্বরূপভূতঃ ফ্লাদিনীর সারভূত বলিতে শুদ্ধ ভক্তিধর্মের কথাই বোদ্ধব্য, জ্ঞানাদি মিশ্র ধর্ম নয় ।

দীপিকা দীপন টীকাকারের উক্তি—শ্রীমদ্ভাঃ—১১।১৯।২০ “শ্রদ্ধামৃত কথায়াং মে……” “অর্থাৎ মদীয় মধুর চরিত শ্রবণে এবং তৎকীর্তনে”—“যৎ করোষি যদশ্বাসি” ইত্যাদি শ্রীগীতা ।

## ভাগবত ধর্ম নিরূপণ

যানাস্থায় নরো রাজন্ ন প্রমাতেত কর্হিচিং ।

ধাবন্ নিমীল্য বা নেত্রে ন স্থলেন্ন পতেদিহ ॥

( শ্রীমদ্ভাঃ—১১।২।৩৫ শ্লোক )

**অনুবাদ**—হে রাজন্ ! ঐ সমস্ত ধর্ম্য অবলম্বন করিলে মানব কখনও বিঘ্ন-কর্তৃক বাধিত কিংবা নেত্রনিমীলন পূর্বক ধাবিত হইলেও অর্থাৎ অজ্ঞাতসারে কোন নিষিদ্ধ কর্ম্য করিলেও স্থলিত অর্থাৎ প্রত্যবায়গ্রস্ত বা পতিত হন না ।

### শ্লোকে শ্রীল চক্রবর্তী টীকার তাৎপর্য—

ভাগবত ধর্ম্মের প্রভাব সম্বন্ধে বলিতেছেন—আস্থায়—  
 আশ্রয় গ্রহণ করিয়া, অথবা আস্থা অর্থে বিশ্বাস । যে ধর্ম্মে বিশ্বাস স্থাপন করিয়াছেন সেই ধর্ম্মের আশ্রয় গ্রহণ করিয়া, তাহা আচরণের তো কথাই নাই । প্রমাণেত অর্থ—মদো বিশেষভাবে গর্ব্ব হয় না অথবা 'প্রমাদেহনবধানত' ( অসাবধান হন না ) সেইজন্ম বিঘ্নাদি প্রভাব বিস্তার করিতে পারে না । শ্রীভগবান্ বলিতেছেন, আমার উপদিষ্ট এই মার্গে চক্ষু মুদ্রিত করিয়া সুখে দৌড়াইতে পারেন ।

অন্যাত্ম ধর্ম্মে যেমন ঠিকভাবে পদানুসরণ না করিলে স্থলন বা পতন হইবার সম্ভাবনা রহিয়াছে । এই ভক্তি মার্গে ভজনাঙ্গের অঙ্গীকে ঠিক রাখিয়া অঙ্গগুলির কিছু ব্যতিক্রমে দোষ হয় না । কিন্তু অঙ্গীর ব্যতিক্রমে দোষ হইয়া থাকে । এই ভাগবত ধর্ম্মে আশ্রিতজনের বর্ণাশ্রম ধর্ম্মে অধিকার নাই ।

## ভাগবত ধর্মের অঙ্গসমূহ

ভাগবতধর্ম অনুষ্ঠানের অঙ্গগুলি সম্বন্ধে নবযোগীন্দ্রের  
অন্যতম শ্রীপ্রবুদ্ধ বলিতেছেন—

ভজন ক্রিয়ার প্রথমেই—

তস্মাদগুরুং প্রপত্ত্বৈত জিজ্ঞাসুঃ শ্রেয় উত্তমম্ ।

শাক্বে পরে চ নিষ্ণাতং ব্রহ্মণ্যুপশমাশ্রয়ম্ ॥

( শ্রীমদ্ভাঃ—১১।৩।২১ শ্লোক )

অনুবাদ—যিনি উত্তম শ্রেয়ঃ জানিতে ইচ্ছুক, তিনি  
বেদার্থ তত্ত্বজ্ঞ এবং ব্রহ্মের অপরোক্ষ অনুভব তত্ত্বজ্ঞ, উপশম প্রাপ্ত  
গুরুর শরণাপন্ন হইবেন ।

### শ্রীল চক্রবর্তিপাদের টীকার অর্থ

এখানে শাক্বে এবং ব্রহ্মণি কথার তাৎপর্য্য । শাক্বে অর্থাৎ  
বেদে, বেদের তাৎপর্য্য জ্ঞাপক অন্য শাস্ত্রে । নিষ্ণাত—নিপুণ ।  
তাহা না হইলে শিষ্যের সংশয় ছেদন করিতে পারিবেন না ।  
সুতরাং শিষ্যের অশ্রদ্ধা এবং ভজনে শৈথিল্য হওয়ার সম্ভাবনা  
থাকে ।

ব্রহ্মণি—পরব্রহ্মে অপরোক্ষানুভব অর্থাৎ সাক্ষাৎ অনুভব  
করিয়া যিনি তত্ত্ব জ্ঞাত হইয়াছেন । ইহা না হইলে সেই গুরুর  
কৃপা সম্যক্রূপে ফলবতী হইবে না ।

পরব্রহ্মে নিষ্কাতত্ত্ব প্রকাশ পায়, উপশমাশ্রয়-অর্থাৎ ক্রোধ বা লোভের অবশীভূত হন ।

তত্র ভাগবতান্ ধর্ম্মান্ শিক্ষেদ্ গুর্বাত্মদৈবতঃ ।

অমায়য়ানুরৃত্যৈ যৈস্তুষ্টোদাত্মাত্মদো হরিঃ ।

শ্রীমদ্ভাঃ—১১।৩।২২ শ্লোক )

**অনুবাদ**—সেই গুরুর নিকট ভাগবত ধর্ম্ম শিক্ষা করিবেন । গুরুকেই ভগবানের স্বরূপ এবং নিজের প্রিয়তম অর্থাৎ পরম হিতকারী এইরূপ জানিয়া নিষ্কপটে তাঁহার সেবা করিবেন । ইহাতে ভগবান্, যিনি নিজেকে ভক্তের নিকট দান করেন তিনি সন্তোষ লাভ করেন ।

**স্বামিপাদ**—শ্রী গুরুই আত্মা এবং ভগবান্, ইহা উপলব্ধি করিয়া ।

**শ্রীচক্রবর্তী**—ভগবান্ শ্রীহরির প্রকাশতার লক্ষণ আত্মাত্মদ অর্থাৎ আত্মনঃ ( নিজের ) আত্মানং ( বিগ্রহ ) দান করেন, দর্শন স্পর্শন এবং সাক্ষাৎ সেবা করিবার জন্য ।

**ভাগবত ধর্ম্মের অঙ্গগুলির নির্দ্ধারণ**

সর্ব্বতো মনসোহসঙ্গমাদৌ সঙ্গঞ্চ সাধুষু ।

দয়াং মৈত্রীং প্রশয়ঞ্চ ভূতেষু যথোচিতম্ ॥

( শ্রীমদ্ভাঃ—১১।৩।২৩ শ্লোক )

অনুবাদ—প্রথমেই সকল প্রাকৃত বিষয়ে মনো আসক্তি ত্যাগ করিবে। সাধুর প্রতি আসক্তি এবং তাহার সঙ্গ করিবে। সৰ্ব্ব ভুতের প্রতি যথোচিত দয়া, মৈত্রী এবং বিনয় ব্যবহার শিক্ষা করিবে।

### শ্রীল চক্রবর্ত্তিপাদের টীকা—

যথোচিত বলিতে হীন জনে দয়া, সমাজনে মৈত্রী এবং উত্তমজনে বিনয়।

শৌচং তপস্তিতিক্ষাঞ্চ মৌনং স্বাধ্যায়মার্জবম্ ।

ব্রহ্মচর্যমহিংসঞ্চ সমত্বং দ্বন্দ্বসংজ্ঞয়োঃ ॥

( শ্রীমদ্ভাঃ—১১।৩ ২৪ শ্লোক )

অনুবাদ—অনন্তর শৌচ, তপঃ ক্ষমা, মৌন, স্বাধ্যায়—সরলতা, ব্রহ্মচর্যা, অহিংসা এবং শীতোষ্ণ—সুখ দুঃখাদি বিষয়ে হর্ষ-বিষাদশূন্যতা শিক্ষা করিবে।

স্বামিপাদ এবং শ্রীল চক্রবর্ত্তীপাদ টীকায় কয়েকটি  
বিশেষ অর্থ—

১। শৌচং—বাহ্য মূজ্জলাদি দ্বারা, আভ্যন্তরীণ শৌচ অদন্ত এবং অমানী দ্বারা।

২। তপঃ—কাম ক্রোধাদি বেগ ধারণ।

৩। মৌনং—বৃথা বাক্ প্রয়োগ।

৪। হৃদসংজ্ঞয়োঃ—মান অপমানাদি বিষয়ে সমস্ত  
হর্ষ বা বিষাদ শূন্য ।

সর্বত্রাত্মেশ্বরায়ীক্ষাং কৈবল্যমনিকেতনাম্ ।

বিবিক্তচীরবসনং সন্তোষং যেন কেনচিৎ ॥

( শ্রীমদ্ভাঃ—১১।৩।২৫ শ্লোক )

অনুবাদ—সর্বত্র সচ্চিৎ স্বরূপে আত্মতত্ত্ব এবং নিয়ন্ত্বরূপে  
ঈশ্বর তত্ত্ব অনুসন্ধান, একান্ত স্বভাব, গৃহাদি বিষয়ে অভিমান  
শূন্যতা, নির্জনস্থলে পতিত বস্ত্রখণ্ড বা বিশুদ্ধ বস্ত্র পরিধান এবং  
অনায়াসলব্ধ বস্ত্রমাত্রেই সন্তোষ শিক্ষা করিবে ।

শ্রদ্ধাং ভাগবতে শাস্ত্রেহনিন্দামগ্যত্র চাপি হি ।

মনোবাক্কর্মেদগুঞ্চ সত্যং শমদমাবপি ॥

( শ্রীমদ্ভাঃ—১১।৩।২৬ শ্লোক )

অনুবাদ—ভগবৎ বিষয়ক শাস্ত্রে শ্রদ্ধা, অগ্ন্যাগ্ন শাস্ত্রা-  
দিতে অনিন্দা, মন-বাক্যের ও কর্মের সংযম এবং সত্য, শম ও দম  
শিক্ষা করিবে ।

শ্রবণং কীর্ত্তনং ধ্যানং হরেরদ্বুতকর্মণঃ ।

জন্মকর্ম গুণানাঞ্চ তদর্থৈহখিলচেষ্টিতম্ ॥

( শ্রীমদ্ভাঃ—১১।৩।২৭ শ্লোক ।

অনুবাদ—আশ্চর্য্যচরিতশালী শ্রীহরির অবতার, লীলা  
ও গুণসমূহের শ্রবণ, কীর্ত্তন, ধ্যান এবং ভগবৎ প্রীতির উদ্দেশ্যেই  
যাবতীয় কর্মের অনুষ্ঠান হইবে ।

চক্রবর্তীপাদ—

তদার্থে—ভগবানের পরিচর্যার নিমিত্ত ।

অখিলচেষ্টিতম্—দন্তুধাবনাদি, আঙ্কিক প্রভৃতি সকল ব্যাপার ।

ইষ্টং দত্তং তপো জপ্তং বৃত্তং যচ্চাত্মনঃ প্রিয়ম্ ।

দারান্ সূতান্ গৃহান্ প্রাণান্ যৎ পরশ্চৈনিবেনম্ ॥

( শ্রীমদ্ভা—১১।৩।২৮ শ্লোক )

অনুবাদ—যজ্ঞাদি ইষ্ট কৰ্ম্ম, দান, তপঃ, সদাচার এবং নিজ প্রীতিজনক গন্ধপুষ্প প্রভৃতি দ্রব্য ও স্ত্রী, পুত্র, গৃহ, প্রাণ, প্রভৃতি সমস্তই ভগবত্বদ্দেশে সমর্পণ শিক্ষা করিবে ।

স্বামিপাদের টীকা—

বৃত্তং—সদাচার ।

দারাদীন্ পরশ্চৈ—পরমেশ্বরকে ।

নিবেদনম্—তাঁহার সেবকরূপে সমর্পণ ।

এবং কৃষ্ণাশ্রিতানাথেষু মনুষ্যেষু চ সৌহৃদম্ ।

পরিচর্যাঞ্চোভয়ত্র মহৎসু নৃষু সাধুযু ॥

( শ্রীমদ্ ভাঃ—১১।৩।২৯ ) ।

অনুবাদ—এইরূপ কৃষ্ণাশ্রিত ( কৃষ্ণই যাহাদের নাথ ) সেইরূপ মানবগণের প্রতি সৌহৃদ ( স্নেহবিশেষ ) তাঁহার মধ্যে বিশেষ ভাবে সাধু এবং মহৎগণের পরিচর্যা বিধান শিক্ষা করিবে ।

## স্বামিপাদের টীকার অনুবাদ—

শ্রীকৃষ্ণই ষাহাদের আত্মা এবং নাথ অথবা কৃষ্ণ যে জীব-  
গণের নাথ তাহাদের প্রতি সৌহাদ, উভয়ত্র শব্দে স্থাবর-জঙ্গম  
উভয়বিধ জীবগণের পরিচর্যা। বিশেষতঃ মনুষ্যগণের মধ্যে  
সাধুসু অর্থাৎ ধর্মপরায়ণগণের প্রতি, তাহার মধ্যেও আবার মহৎ-  
দিগকে অর্থাৎ ভাগবতগণের পরিচর্যা শিক্ষা করিবে।

## শ্রীল চক্রবর্তিপাদের টীকার অনুবাদ—

শ্রীকৃষ্ণই ষাহাদের আত্মনাথ অর্থাৎ প্রাণনাথ সেই সকল  
মনুষ্যগণের প্রতি সৌহৃদ্য অর্থাৎ স্নেহ-বিশেষ এবং উভয়ত্র অর্থাৎ  
ভগবান্ এবং ভক্তগণের পরিচর্যা। ভক্তগণের মধ্যে বিশেষতঃ  
মহাত্মাগণের, ষাহারা বিশেষভাবে আদরণীয় তাহাদের সেবা।  
মনুষ্যগণের মধ্যে সাধুগণের নিজতুল্যজনের প্রতি যথোচিত পরি-  
চর্যা বিধান শিক্ষা করিবে।

পরম্পরানুকথনং পাবনং ভগবদৃষশঃ ।

মিথো রতির্মিথস্তৃষ্টির্নিরুতির্মিথ আত্মনঃ ॥

( শ্রীমদ্ভাঃ—১১।৩।৩০ শ্লোক )

অনুবাদ—উক্ত ভগবদ্বক্তগণের সহিত মিলিত হইয়া ভগ-  
বানের পূণ্যজনক যশঃ বিষয়ে পরম্পর অনুক্ষণ কীর্তন, পরম্পর  
আত্মার অনুরাগ, তৃষ্টি এবং যাবতীয় ছঃখনিবৃত্তি শিক্ষা করিবে।

## শ্রীল চক্রবর্তিপাদের টীকার অর্থ—

ভগবানের যশো কথা যাহা অন্তরকে পবিত্র করে, তাহাকে বিষয় করিয়া পরস্পর পরস্পরের প্রতি প্রীতি অথবা স্পর্শাদি পরিত্যাগ করিয়া সেই ভগবৎ বিষয়েই কথা দ্বারা পরস্পর পরস্পরকে আনন্দ দান, পরস্পর সংস্রোথ সুখ এবং ভক্তির প্রতিকুল বিষয় ভোগ হইতে নিবৃত্তি এই সকল শিক্ষা করিবে ।

স্মরন্তঃ স্মারয়ন্তশ্চ মিথোহর্ষোঘহরং হরিম্ ।

ভক্ত্যা সঞ্জাতয়া ভক্ত্যা বিভ্রত্যাং পুলকাং তনুম্ ॥

( শ্রীমদ্ভাঃ—১১।৩।৩১ শ্লোক )

অনুবাদ—এইরূপে তাঁহারা সাধনভক্তিসংজাত-প্রেমভক্তি লাভ করিয়া সর্বপাপবিনাশন শ্রীহরিকে স্মরণ করিয়া এবং একে অপরের চিত্তে তদীয় স্মৃতি উৎপাদিত করিয়া পুলকিত তনু ধারণ করেন ।

## স্বামিপাদ এবং চক্রবর্তিপাদের টীকা—

সাধনভক্তির দ্বারা সাধ্যভক্তি প্রাপ্তিকথা বলিতেছেন—  
“স্মরন্তঃ” ইত্যাদিতে । এখানে ভক্ত্যা অর্থাৎ সাধনভক্তি দ্বারা ভক্তি অর্থাৎ প্রেমভক্তি ।

কচিদ্ভদ্রস্ত্যচ্যুতচিত্তয়া কচিৎ

হসন্তি নন্দন্তি বদন্ত্যালৌকিকাঃ ।

নৃত্যন্তি গায়ন্ত্যনুশীয়ন্ত্যজং

ভবন্তি তুষণীং পরমেত্যানির্ব্বতাঃ ॥

( শ্রীমদ্ভাঃ—১১।৩।৩২ শ্লোক )

**অনুবাদ**—তাহাদের বাহ্যিক বৃদ্ধি লোপ হওয়ায় তাহারা জাগতিক লোক অপেক্ষা ভিন্ন চেষ্টাশীল অবস্থায়, নিরন্তর ভগ-বচ্চিন্তায় নিমগ্ন থাকায় কখনও রোদন, কখনও হাস্য, আনন্দ, বাক্যালাপ, নৃত্য, গীত কখনও বা শ্রীহরির লীলাসমূহের অভিনয় করিতে থাকেন। অতঃপর তাহারা শ্রীহরির সাক্ষাৎকার লাভ করিয়া শান্ত ও মৌনভাব অবলম্বন করেন।

### শ্রীল চক্রবর্তিপাদের টীকার অর্থ—

রোদন করিতেছেন কেন ?

আজও পর্য্যন্ত কৃষ্ণকে পাইলাম না—আমি কি করিব—কোথায় যাইব, কাহাকেই বা জিজ্ঞাসা করিব—আমার প্রাণনাথ কোথায় ? এই সকল চিন্তা করিয়া রোদন করিতেছেন। কখনও কখনও তিনি হাসিতেছেন। হাসিতেছেন কেন ? অন্ধকার রাত্রে গোপবধূকে পাইবার জন্য শ্রীকৃষ্ণ কোন গৃহ প্রাঙ্গণের তরুতলে চুপ করিয়া লুকাইয়া রহিয়াছেন, এমন সময় কোন গুরুজনের—কে-রে ওখানে ? এই বাক্য শুনিয়া পলায়ন করিতেছেন, এষ্টরূপে শ্রীকৃষ্ণ ক্ষুণ্ণ হওয়াতে হাসিতেছেন। ‘নন্দতি’ আনন্দ করিতেছেন কেন ? সাক্ষাৎ অনুভব করিয়া আনন্দ পাইতেছেন। তখন যেন বলিতেছেন—হা প্রভু এতদিন পরে আপনাকে পাইলাম—এই রূপ বলিতেছেন। অলৌকিক—লৌকাতীত। অজম্—শ্রীকৃষ্ণকে। অনুশীলয়ন্তি—নিজ চক্ষু, কর্ণ প্রভৃতি ইন্দ্রিয় বিষয় করিতেছেন

অর্থাৎ তাঁহার রূপ, গুণাদি আশ্বাদন করিতেছেন। এইরূপে পরমেশ্বরকে পাইয়া আনন্দে মৌনভাব অবলম্বন করিতেছেন।

ইতি ভাগবতান্ ধর্মান্ শিক্ষন্ ভক্ত্যা তদুথয়া ।

নারায়ণপরো মায়ামঞ্জস্তরতি দুস্তরাম্ ॥

( শ্রীমদ্ভাঃ—১১।৩ ৩৩ শ্লোক )

অনুবাদ—এতাদৃশ ভাগবতদর্শ সমূহের শিক্ষা লাভ করিয়া নারায়ণপর পুরুষ উক্ত ধর্ম সঞ্জাত ভক্তিবলে দুস্তর মায় হইতে অনায়াসে উত্তীর্ণ হইবেন।

শ্রীল চক্রবর্তিপাদের টীকা—

শ্রীমদ্ ভাঃ—১১।৩ ২২ “তত্র ভাগবতান্ ধর্মান্ শিক্ষেদ্” এই শ্লোক হইতে আরম্ভ করিয়া ১১।৩।৩১ “স্মরন্তঃ স্মারয়ন্তশ্চ”—শ্লোক পর্যন্ত যে সকল ভজনাদিগুলি বর্ণিত হইয়াছে, তাহাতে ভজনীয় অঙ্গগুলির অনুষ্ঠান শিক্ষা করিতে হইবে। তৎপর তাহাদের অনুভাব পুলকিত তনু, রোদনাদি বিষয়ে ইহাদের অভিলাষের শিক্ষা করিতে হইবে।

যেমন কবে আমি পুলকিত তনু হইতে পারিব—এই প্রকার।

এইরূপে শিক্ষিত ভক্তি হইতে জাত ভক্তি অর্থাৎ প্রেম-লক্ষণাভক্তি দ্বারা মায় উত্তরণ হইবে, ইহাতে আনুষ্ঠানিক ফল মাত্র উক্ত হইয়াছে, মুখ্যফল প্রেমভক্তি লাভ।

শ্রীপ্রবুদ্ধ কথিত এই ভাগবত ধর্মের বিভিন্ন অঙ্গ সকল শ্রবণ-কীর্তনাদি নববিধা ভক্তি অঙ্গেরই প্রকার ভেদ ।

শ্রীমদ্ভাগবতের একাদশ স্কন্ধে ১১।১১।৩৪—৪৩ শ্লোকে শ্রীমত্মদেবের প্রশ্ন ও উত্তরে ভক্তিয়োগের অঙ্গগুলি শ্রীভগবান্ যাহা নিজমুখে বর্ণন করিয়াছেন তাহা নিম্নে উদ্ধৃত হইল ।

“ভক্তিব্যুপযুক্ত কীর্তনী সত্ত্বিরাদৃতা”(১১।১১।২৬)

“আপনার প্রতি কি প্রকার ভক্তি সাধুগণ কর্তৃক অদৃত হয় ।”

শ্রীউদ্ভবের এই প্রশ্নের উত্তরে শ্রীভগবান্ বলিতেছেন—

মল্লিঙ্গমদ্রক্তজন-দর্শনস্পর্শনার্চনম্ ।

পরিচর্যা স্তুতিঃ প্রহ্বগুণকর্মানুকীর্তনম্ ॥ ৩৪ ॥

মৎকথা শ্রবণে শ্রদ্ধা মদনুধ্যানযুদ্ধব ।

সর্বলাভোপহরণং দাশ্যেনাত্মনিবেদনম্ ॥ ৩৫ ॥

মজ্জন্ম-কর্ম-কথনং মম পর্বানুমোদনম্ ।

গীত-তাপ্তব-বাদিত্র-গোষ্ঠীভির্মদগৃহোৎসবঃ ॥ ৩৬ ॥

যাত্রাবলিবিধানঞ্চ সর্ব বার্ষিক পর্বসু ।

বৈদিকী তান্ত্রিকী দীক্ষা মদীয় ব্রত ধারণম্ ॥ ৩৭ ॥

( শ্রীমদ্ভাঃ—১১।১১।৩৪—৩৭ )

অনুবাদ—আমার প্রতিমা ও আমার ভক্তজনের দর্শন, স্পর্শন, পূজা, পরিচর্যা, স্তুতি, নমস্কার ও গুণ কীর্তন ॥ ৩৪ ॥

আমার কথা শ্রবণে শ্রদ্ধা, আমার অনুষ্ঠানলক্ষ বস্তু সকল আমাতে সমর্পণ, দাস্ত্রভাবে আমাতে আত্মনিবেদন ।

[ “সর্বলাভোপহরণং” ( চক্রবর্ত্তিপাদ )—ভগবানই নিজ সেবার জন্তু দ্রব্যাদি আনিয়াছেন এই জন্তু মমতাস্পদ তাঁহাকে সমর্পণ । ] ॥ ৩৫ ॥

আমার জন্ম-কর্ম্ম কখন, আম'র পর্ব্বদিনের ( জন্মাষ্টমী প্রভৃতির ) অনুমোদন, গীত, নৃত্য, বাদিত্র ও সপরিবারে আমার গৃহে উৎসব, আমার সমুদয় বার্ষিক পর্ব্বদিনে উৎসব, উপহার সমর্পণ এবং আমার বৈদিকী বা তান্ত্রিকী দীক্ষা, আমার ব্রত ধারণ ॥ ৩৬-৩৭ ॥

মমার্চাস্থাপনে শ্রদ্ধা স্বতঃ সংহত্যা চোত্তমঃ ।

উত্তানোপবনাক্রীড়া-পুরমন্দিরকর্ম্মণি ॥ ৩৮ ॥

সম্মার্জ্জনোপলেপাভ্যাং সেকমণ্ডলবর্ত্তনৈঃ ।

গৃহশুশ্রূষণং মহতং দাসবদ্ যদমায়য়া ॥ ৩৯ ॥

অমানিত্বমদস্তিত্বং ক্লুতশ্রাপরিকীর্তনম্ ।

অপি দীপাবলোকং মে নোপযুঞ্জ্যান্নিবেদিতম্ ॥ ৪০ ॥

( শ্রীমদ্ভাঃ—১১।১১ ৩৮-৪০ )

অনুবাদ—আমার প্রতিমা স্থাপনে শ্রদ্ধা, উত্তান, ক্রীড়া-স্থান, পুরঃ, মন্দির প্রভৃতি মদীয় তুষ্টিজনক কার্য্য স্বয়ং বা অনেকে মিলিয়া উদ্যোগ করিবে ॥ ৩৮ ॥

সম্মার্জন, গোময়োপলেপন, জলসেক, মণ্ডল রচনা দ্বারা আমার গৃহ সজ্জিত ইত্যাদি কার্য্য দ্বারা ভূত্যের শ্রায় অকপটে আমার গৃহ শুশ্রূষা করিবে ॥ ৩৯ ॥

অমানিত্ব, অদন্তিত্ব, কৃতকার্য্যের অপরিবর্তন বা অশ্রুকে ( অশ্রুদেবতার উদ্দেশ্যে ) নিবেদিত বস্তু আমাকে নিবেদন করিবে না । এমন কি আমার উদ্দেশ্যে নিবেদিত দীপের আলোকে নিজের অশ্রু কোন কার্য্য করিবে না ॥ ৪০ ॥

যদযদিষ্টতমং লোকে যচ্চাতিপ্রিয়মান্বনঃ ।

তত্তন্নিবেদয়েন্নহ্যং তদানন্ত্যায় কল্পতে ॥

( শ্রীমদ্ভা—১১।১১।৪১ শ্লোক )

অনুবাদ—লোকের যে যে বস্তু ইহ লোকে ইষ্টতম এবং যাহা নিজের অত্যন্ত প্রিয় সেই দ্রব্য আমাকে নিবেদন করিবে, ইহাতে অনন্ত ফল লাভ হইবে ॥ ৪১ ॥

শ্রীভগবান এইরূপে ভক্তিযোগ বর্ণন করিয়াও পুনরায় উদ্ধবকে ভক্তির প্রধান সাধনাস্থগুণি কিছু বৈশিষ্ট্যের সহিত নির্দেশ করিতেছেন । শ্রীভাঃ—১১।১৯।২০-২৪ শ্লোক ।

শ্রদ্ধামৃতকথায়াম্ মে শশ্বন্মদনুকীর্তনম্ ।

পরিনিষ্ঠা চ পূজায়ং স্তুতিভিঃ স্তবনাং মম ॥ ২০ ॥

আদরঃ পরিচর্য্যায়াং সৰ্ব্বাঙ্গৈরভিবন্দনম্ ।

মদ্বক্তৃপূজাভ্যধিকা সৰ্ব্বভূতেষু মন্বতিঃ ॥ ২১ ॥

মদর্থেষ্বঙ্গচেষ্ঠা চ বচসা মদগুণেরণম্ ।

মঘ্যর্পণঞ্চ মনসঃ সৰ্ব্বকামবিবৰ্জনম্ ॥ ২২ ॥

মদর্থেষ্বর্থপরিত্যাগো ভোগশ্চ চ সুখশ্চ চ ।

ইষ্টং দত্তং হৃতং জপ্তং মদর্থং যদ্ব্রতং তপঃ ॥ ২৩ ॥

এবং ধর্ম্মৈর্মনুষ্যাণামুদ্ধবাত্ম-নিবেদিনাম্ ।

ময়ি সঞ্জায়তে ভক্তিঃ কোহন্যোহর্থোহস্থাবশিষ্যতে ॥২৪॥

অনুবাদ—মদীয় মধুর-চরিত শ্রবণে শ্রদ্ধা, সর্বদা তৎ-কীর্তন, মদীয় পূজা বিষয়ে আসক্তি, সুললিত স্তোত্রে আমার স্তব, মৎসেবা বিষয়ে আদর, সাষ্টাঙ্গপ্রণিপাত, মদীয় ভক্তগণের পূজাতিশয়া ( ভক্তগণের পূজা আমার সন্তোষজনক জানিয়া আমার পূজা হইতেও তাহাদের পূজায় আতিশয়া—চক্রবর্ত্তিপাদ ), সর্বভূতে মদভাবে জ্ঞান, মদীয় সেবাকার্য্যে অঙ্গচেষ্ঠা ( দন্তধাবনাদি দৈহিক কার্য্যগুলিও, আমারই সেবার জন্য অনুষ্ঠিত—চক্রবর্ত্তিপাদ ), বাক্য দ্বারা মদগুণগান, আমার প্রতি চিত্ত সমর্পণ, সর্বকর্ম্ম পরিত্যাগ, ভোগ-সুখ পরিত্যাগ, যাগাদি ইষ্টকর্ম্ম, দান, হোম, জপ, ব্রত এবং তপস্যা এই সমস্ত ধর্ম্মের অনুষ্ঠান দ্বারা মনুষ্যগণের, যাঁহারা আমাতে আত্ম-নিবেদন করিয়াছেন তাহাদের আমার প্রতি ভক্তি জন্মিয়া থাকে ।

শ্রীল চক্রবর্ত্তিপাদের টীকার সারাংশ—

দত্তং—দান, হৃতং—ব্রাহ্মণ বৈষ্ণবযুখে দ্ব্যত পক্কান দান । জপ্তং—ভগবৎ নাম জপ । এই তিনটি দান হৃত

এবং জপ ইহাই ভক্তগণের যাগ। আমার জন্ম যে একাদশী, কার্তিক ব্রতাদিই ভক্তের তপস্যা। আমাকে প্রাপ্ত হইলে নিষ্কাম ভক্তের আর কি প্রাপ্তি অবশিষ্ট রহিল ( অর্থাৎ কিছুই নহে )। জ্ঞানীদিগের এবং ভক্তগণের সাধন বিষয়ে প্রভেদ বলিতেছেন— জ্ঞানীগণ সাধ্য বস্তু প্রাপ্তি হইলে সাধন ত্যাগ করিয়া থাকেন, কিন্তু ভক্তের সাধ্য ভক্তি প্রাপ্তি হইলে সাধন ভক্তি শ্রবণ-কীর্ত্তি নাদি তা গ করেন না, বরঞ্চ প্রেমরসরূপ সাধ্যভক্তির অনুভাব রূপ শ্রবণ-কীর্ত্তিনাদি পূর্বাপেক্ষা সহস্র গুণে অধিক হইয়া থাকে।

পূর্বে শ্রীভগবান্ উদ্ধবকে ভক্তির অঙ্গ গুলি ১১।১১।৩৪-৪৩ শ্লোকে ব্যক্ত করিয়া তৎপরে তিনি আবার ভক্ত্যাঙ্গগুলির আরও বিস্তৃত বর্ণনা উদ্ধবের নিকট করিলেন। শ্রীমদ্ভাঃ—১১। ৯।২০-২৪ শ্লোক গুলিতে।

ভগবান যেন এইরূপ ভাবে বলিয়াও সন্তুষ্ট হইতে পারেন নাই, তাই তিনি উদ্ধবকে আরও কিছু বলিতে চাহিতেছেন ১১। ২৯।৯-১১ শ্লোকে। এই শ্লোকগুলিকে শ্রীল চক্রবর্তীপাদ “ভক্তিসার” বলিয়া আখ্যা দিয়াছেন।

কুর্ঘ্যাং সর্বাণি কৰ্ম্মাণি মদর্থং শনকৈঃ স্মরন্ ।

মহ্যর্পিতমনশ্চিত্তো মদকৰ্ম্মায় মনোরতিঃ ॥

( শ্রীমদ্ভাঃ—১১ ২৯।৯ শ্লোক )

অনুবাদ—আমার প্রতি মন ও চিত্ত সমর্পণ করিয়া মদীয় ধর্ম্ম সাধু হে, ভক্তিতে যাহার মন রতিযুক্ত। এইরূপ জন

আমার প্রতি মন ও চিত্ত সমর্পণ করিয়া ( মনের কার্য্য সংকল্প বিকল্প, চিত্তের কার্য্য অনুসন্ধান ) আমাকে স্মরণ করিয়া, অসং-  
রম্ভতঃ অর্থাৎ নিরুদ্ধেগ চিত্ত হইয়া আমার প্রীত্যর্থ্যে সকল  
নিত্য নৈমিত্তিক কর্ম্ম করিবে ।

### শ্রীল চক্রবর্ত্তিপাদের টীকার অনুবাদ—

প্রথম পক্ষে—সর্ব্বাণি—সকল কর্ম্ম অর্থাৎ বাবহারিক  
কর্ম্ম যেমন দন্ত-ধাবনাদি এবং পারমার্থিক কর্ম্ম-সমূহ যেমন শ্রবণ  
কীর্ত্তনাদি ।

দ্বিতীয় পক্ষে—কর্মাণি—বর্ণাশ্রম ধর্ম্ম বিহিত ময্যাপিত  
মনোচিত্ত, যাঁহারা আমাতে মন এবং চিত্ত অর্পণ করিয়াছেন—  
সেই সকল ভক্তে আসক্তি । মদ্বর্শ্যে—মদ্বক্তিতে ।

দেশান্ পুণ্যানাশ্রয়েত মদ্বক্তৈঃ সাধুভিঃ শ্রিতান্ ।

দেবাসুর-মনুষ্যেষু মদ্বক্তাচরিতানি চ ॥

( শ্রীমদ্ভাগবত—১১।২৯ ১০ শ্লোক )

অনুবাদ—আমার ভক্ত সাধুপুরুষগণ কর্ত্তক আশ্রিত  
দেশসমূহে অবস্থান এবং দেবতা, অসুর এবং মানুষের মধ্যে যাঁহারা  
আমার ভক্ত তাহাদের আচরণ অনুসরণ করিবেন ।

### শ্রীল চক্রবর্ত্তিপাদের টীকার মর্ম্মার্থ—

এই শ্লোকে বৈধী এবং রাগানুগা উভয়বিধ ভক্তি সম্বন্ধে  
বিলতেছেন । দেবাদির মধ্যে—নারদ, প্রহ্লাদ, অম্বরীষাদি ।

তঁাহাদের আচরণ অনুসরণ-বৈধীভক্তি । রাগানুগা দেখাইতেছেন—‘দেশান্’—গোকুল, বৃন্দাবন, গোবর্দ্ধনাঙ্গি এবং ভক্ত—চন্দ্রকান্তি, বৃন্দা-গোপিকাদির আচরণ অনুসরণ ।

পৃথক্ সত্রেণ বা মহ্যং পৰ্ব্বযাত্রামহোৎসবান্ ।

কারয়েদ্ গীতনৃত্যাট্ঠৈর্মহারাজ বিভূতিভিঃ ॥

( শ্রীমদ্ভাঃ—১১।২৯।১১ শ্লোক )

অনুবাদ—বৈধী এবং রাগানুগা উভয়ের সাধারণ ধর্ম বলিতেছেন—একাকী অথবা বহুলোক একত্র হইয়া নৃত্যগীত প্রভৃতি মহারাজ বৈভব-সমূহ দ্বারা আমার পৰ্ব্ব (একাদশী প্রভৃতি) যাত্রা ( বিশিষ্ট জনসমাগম ) মহোৎসব ( হোলি, ঝুলন ) প্রভৃতি সম্পাদন করিবেন ।

এইরূপে ভক্তি সম্বন্ধে বিস্তারিত উপদেশ করিয়াও যেন ভগবানের সবকিছু বলা হয় নাই—এই মনে করিয়া তিনি পুনরায় এই অধ্যায়ের শেষে এ সম্বন্ধে আরও তিনটি শ্লোকে বলিয়াছেন, শ্রীল চক্রবর্ত্তিপাদ যাহাকে তঁাহার টীকাতে “ভক্তি সারোত্তম” বলিয়া আখ্যা দিয়াছেন ।

নহঙ্কোপক্রমে ধ্বংসো মদ্বর্শ্মশ্চোদ্ধবান্বপি ।

ময়া ব্যবসিতঃ সম্যঙ্ নিগুণত্বাদনাশিষঃ ॥

( শ্রীমদ্ভাঃ—১১।২৯।২০ শ্লোক )

অনুবাদ—হে উদ্ধব ! যেহেতু আমা কর্তৃক এই ধর্মই ( ভক্তি লক্ষণা ধর্ম ) যথার্থ নিগুণত্বরূপে নিরূপিত হইয়াছে,

সেইজন্ম আমার এই নিষ্কাম ধর্মের অনুষ্ঠানে বৈশুপ্যাতির দ্বারা  
বিন্দুমাত্র বিনাশের সম্ভাবনা নাই।

### শ্রীল চক্রবর্তিপাদের টীকার সারার্থ—

কর্ম বা জ্ঞানমার্গে যেরূপ আরম্ভ হইতে পরিসমাপ্তি পর্য্যন্ত  
নির্বিল্পে সকল ভজনাঙ্গগুলি অনুষ্ঠিত না হইলে তাহা ব্যর্থ হয়,  
আমার ভক্তিলক্ষণ ধর্ম্যে সেইরূপ ব্যর্থতার সম্ভাবনা নাই।  
ইহাতে আরম্ভ মাত্রই পরিসমাপ্তি অভাবেও এমনকি কোন  
ভজনাঙ্গ হিন্ন হইলেও কিছু মাত্র ব্যর্থ হয় না। গুণাতীত বস্তুর  
ধ্বংস হয় না। এই ধর্ম্য নিষ্কাম ভক্তগণের ধর্ম্য বলিয়া আমি  
নিক্রুপিত করিয়াছি। সেইজন্ম অনুমাত্রও অনুষ্ঠিত হইলেও ইহা  
সম্যক্রূপে পূর্ণ বলিয়া নিশ্চিত। ইহাতে কারণ অব্ধেগের প্রয়ো-  
জন নাই। ইহা পরমেশ্বর আশ্রয় কর্তৃক নিশ্চিত হইয়াছে—  
এইভাবে।

যো যো ময়ি পরে ধর্ম্যঃ কল্যাতে নিষ্কলায় চেৎ ।

তদায়াসো নিরর্থঃ শ্রাদ্ধ্যাদেবিব সত্তম ॥

( শ্রীমদ্ভাগঃ—১১।২৯।২১ শ্লোক )

স্বামিপাদের টীকানুসারে—

অনুবাদ—হে সজ্জনবর উদ্ধব! ভয়-শোকাদি জনিত  
পলায়ন-ক্রন্দন প্রভৃতি যে সমস্ত বৃথা চেষ্টা, তাহা লৌকিক চেষ্টা,  
তাহাও যদি পরমাত্মরূপী আমার উদ্দেশ্যে নিষ্কামভাবে অনুষ্ঠিত  
হয়—তাহা হইলে উহা মদর্শ স্বরূপ হইয়া থাকে।

## শ্রীল চক্রবর্তিপাদের টীকার মর্ম্মার্থ—

ভক্তি যদি সম্পূর্ণভাবে নিষ্কপট হয় তাহা হইলে সাধকের প্রযত্ন বাতীতও প্রতিফলেই ভক্তি অঙ্গ সাধিত হইয়া থাকে— ইহা ভক্তির স্বতঃসিদ্ধ নিজ শক্তি বলেই সম্ভব হইয়া থাকে ।

নিষ্ফলায় কথাটির তাৎপর্য এই যে, যদি ঐহিক প্রতিষ্ঠাদি সুখ, পারত্রিক স্বর্গ-মোক্ষাদি সুখ-কামনাশূন্য হয়, তাহা হইলে ভক্তি সিদ্ধির জন্ম চেষ্টা ব্যর্থ । যাহা অনায়াসে স্বয়ং লভ্য, তাহার জন্ম প্রযত্নের প্রয়োজন কি ? বৈষ্ণবগণের ভোজন-আচ্ছাদনের চিন্তা নিরর্থক । যিনি বিশ্বন্তর, জগৎ পালক তিনি ভক্তকে উপেক্ষা করিবেন কেন ?

যেমন শোকাদির জন্ম আয়াসের প্রয়োজন হয় না, তাহার বিষয় পাইলেই আপনা আপনিই শোক আসিয়া পড়ে, সেইরূপ বিষয় যে আমি অ'মাতে চিত্ত অর্পণ করিলেই আপনা হইতেই ভজন চলিতে থাকে । তথাপি যে নিষ্কপট ভক্ত, ভক্তির জন্ম সর্ব্বদা প্রযত্ন করেন, তাহা ভক্তি বিষয়ে তাঁহার প্রীতির আতিশয্য প্রকাশ করে ।

এষা বুদ্ধিমতাং বুদ্ধির্মনীষা চ মনীষিণাম্ ।

যৎসত্যমনূতেনেহ মর্ত্ত্যেনাপ্নোতি মামৃতম্ ॥

( শ্রীমদ্ভাঃ—১১।২৯।২২ শ্লোক )

**অনুবাদ—**এই অসত্য মর্ত্য-দেহদ্বারা ইহজন্মেই যদি সত্য এবং অমৃতস্বরূপ আমাকে প্রাপ্ত হইতে পারেন, তাহা হইলে তাহাই বুদ্ধিমানদিগের যথার্থ বুদ্ধি এবং মনীষিগণের যথার্থ মনীষা বলিয়া গণ্য হইবে।

### শ্রীল চক্রবর্তিপাদের টীকার আংশিক অনুবাদ—

এই শ্লোকে এই ভাব নিহিত আছে যে, এই লোকে এক কপর্দক দিয়া সহস্র কপর্দক তুল্য বস্তু যে লাভ করিতে পারে তাহাকেই পরম বুদ্ধিমান অতি চতুর বলা যায়। যিনি আবার তাহার দ্বারা স্বর্ণমুদ্রা উপার্জন করেন, আবার যিনি তদপেক্ষাও মূল্যবান হীরকাদি রত্ন উপার্জন করেন, আবার কেহ ততোধিক মূল্যবান যে চিন্তামণি, কামধেনু প্রভৃতি লাভ করেন ইহারা উত্তর উত্তর অধিক চতুর, কিন্তু শেষোক্ত জনের চাতুর্য্য সর্বাপেক্ষা অধিক।

প্রাকৃত লোকে জীব কুরূপ, জরা-রোগাদি গ্রস্ত স্বশরীর আমাকে সমর্পণ করিয়া অপ্রাকৃত মাধুর্য্য সিদ্ধ আমাকে লাভ করিতে পারে। চতুর শিরোমণি আমি তাহার প্রদত্ত নগ্ন বস্তু পাইয়া কোম্পিত্ত কীরীটাদিযুক্ত মহামূল্য অলঙ্কার ভূষিত আমি আপনাকে অতি আগ্রহের সহিত তাহার নিকট অর্পণ করি। এইরূপ অতি সামান্য কিছু আমাকে দিয়া বহুমূল্য আমাকে লাভ করাই বুদ্ধিমানগণের বুদ্ধি এবং মনীষিগণের মনীষা।

শ্রবণ, কীৰ্ত্তন, স্মরণরূপ পরিচর্যাতির নিমিত্ত শ্রোত্রাদির  
 বিনিয়োগই শরীর দান বলিয়া বুঝিতে হইবে। সকল ইন্দ্রিয়া-  
 দির কথা দূরে থাকুক, কেবল মাত্র একটি ইন্দ্রিয় দান দ্বারাও  
 তাঁহাকে লাভ করিতে পারা যায়। ইহা অপেক্ষা অধিক বুদ্ধি  
 চাৰুৰ্যা বা মণীষা আর কি হইতে পারে ?

শ্রীল চক্ৰবৰ্ত্তিপাদও তাঁহার টীকার শেষে বলিয়াছেন, এই  
 শ্লোক শ্রীভগবানের সৰ্ব্ব উপদেশ সার, শ্লোক-চিন্তামণি সার।  
 ইহা যাহার হৃদয়ে বিৰাজ করিবে, তিনি তন্ত্র সমাজে বিৰাজ  
 করিবেন।



## তৃতীয় অধ্যায়

### ভক্তি অঙ্গের যাজন

#### ক্রম বা স্তর

পূর্ব অধ্যায়ে ভক্তির বিভিন্ন অঙ্গ সমূহ নির্দেশিত হইয়াছে। এখন কিভাবে এই অঙ্গগুলির যাজন করিতে হইবে সেই বিষয়ে আলোচিত হইতেছে।

সাধকদেহে ভক্তির প্রারম্ভ হইতে সিদ্ধস্বরূপ প্রাপ্ত হওয়া পর্য্যন্ত কতকগুলি ক্রমোন্নতিরূপে সোপান নির্দেশিত হইয়াছে। শ্রীমদ্ভগবৎগোষ্ঠামিপাদে ৩ঃ ৪ঃ সিঃ গ্রন্থে 'প্রেমভক্তিলহরী' ১।৪। ১৫-১৬ শ্লোকে—

আদৌ শ্রদ্ধা ততঃ সাধুসঙ্গোহথ ভজনক্রিয়া ।  
ততোহনর্থনিরুত্তিঃ স্মাত্ততো নিষ্ঠা রুচিস্ততঃ ॥ ১৫ ॥  
অথাসক্তিস্ততো ভাবস্ততঃ প্রেমাভ্যুদঞ্চতি ।  
সাধকানাগয়ং প্রেম্ণঃ প্রাদুর্ভাবে ভবেৎ ক্রমঃ ॥ ১৬ ॥

ইহার অর্থ সুস্পষ্ট।

শ্রীল চক্রবর্তিপাদ ভাঃ— ১।২।২১ শ্লোকে ( ভিগতে হৃদয়-  
গ্রন্থি…………ইত্যাদির টীকায় একটি ক্রম নির্দেশ করিয়াছেন—

সতাং কৃপা মহৎসেবা শ্রদ্ধা গুরু পদাশ্রয়ঃ.....

ভজনে স্পৃহা, ভক্তির অনর্থ নাশ, তারপর নিষ্ঠা, আসক্তি, রতি প্রেম। তারপর দর্শন, তারপর হরির মাধুর্য্য অনুভব এই-রূপে চতুর্দশ স্তর। শ্রীনারদের পূর্ব পূর্ব জন্ম ও তন্তুজন বৃত্তান্তে এই প্রত্যেকটি ক্রম বা স্তরই বেশ স্পষ্ট ভাবে ব্যক্ত হইয়াছে। (শ্রীমদ্ভা—১।৬ অধ্যায়ে)।

শ্রীভক্তিরসাম্মতসিন্ধুতে উক্ত ক্রমের ( ১।৪।১৫-১৬ )

শ্রীল চক্রবর্তিপাদকৃত টীকার অর্থ—

প্রথমে সাধুসঙ্গ—সাধুসঙ্গে শাস্ত্র শ্রবণের দ্বারা শ্রদ্ধা অর্থাৎ শাস্ত্রার্থে সুদৃঢ় বিশ্বাস। তৎপর শ্রদ্ধা হইলে দ্বিতীয় সাধুসঙ্গ—ভজনরীতি শিক্ষার নিমিত্ত। নিষ্ঠা বলিতে সতত অবিক্লেপ চিন্তে ভজন। রুচি অর্থে অভিলাষ। কিন্তু এখানে বুদ্ধি পূর্বকই হইয়া থাকে, স্বাভাবিক ভাবে নয়। আসক্তি স্তরে ভজন স্বাভাবিক ভাবেই হইয়া থাকে। রতি ও প্রেম পরে বিস্তারিত ভাবে আলোচিত হইবে।

শ্রীলচক্রবর্তিপাদ মাধুর্য্যাকাঙ্গিনী গ্রন্থে দ্বিতীয় বৃষ্টিতে যাহা লিখিয়াছেন তাহার অনুবাদ—

ভক্তিতে যিনি অধিকারী তাঁহার প্রথম শ্রদ্ধার উদয় হইয়া থাকে। ভক্তিশাস্ত্রে দৃঢ় প্রত্যয়ই এই শ্রদ্ধা, শাস্ত্র বিশ্বাসের পর

শাস্ত্রোক্ত বিষয়ের অনুষ্ঠানে যে সাদর স্পৃহা দেখা যায় তাহাকেও শ্রদ্ধা বলা হইয়া থাকে ।

শ্রীল জীবগোশ্বামিপাদ ভক্তিসন্দর্ভে শ্রদ্ধাকে দুইভাগে বিভক্ত করিয়াছেন—**লৌকিক ও শাস্ত্রীয় শ্রদ্ধা** ।

এই সকল স্তরের মধ্যে রতি ( ভাব ) এবং প্রেম ইহাদের লক্ষণ গুলির সহিত আমাদের পরিচিত হইতে হইবে । কারণ এই দুইটি স্তরের মাধ্যমেই সাধকগণকে সাধন পথে অগ্রসর হইতে হইবে ।

### নিষ্টিতা ভক্তির স্তর সমূহের ভেদ ও লক্ষণ

( শ্রীল চক্রবর্তিপাদের মাদুর্য্যাকাদম্বিনী গ্রন্থ অবলম্বনে )

**রুচি**—নিষ্ঠার সহিত সাধন অনুষ্ঠানের ফলে শ্রবণ কীর্তনাদিতে যে রোচকত্ব তাহার নামই “রুচি” । এই রুচি উৎপন্ন হইলে পূর্বদশার ত্রায় শ্রবণ কীর্তনাদি মুহুমূহু অনুশীলন করিলেও কোনরূপ শ্রমের উপলব্ধি হয় না । ঐ রুচি অচিরেই শ্রবণ-কীর্তনাদিতে ব্যসন ( বিশেষ আসক্তি ) উৎপাদন করিয়া থাকে ।

**আসক্তি**—ভজন বিষয় রুচি পরমপ্রৌঢ়তমা হইয়া যখন ভজনীয় শ্রীভগবানকে বিষয় করে, তখন তাহাকে “আসক্তি” বলা হয় । সংক্ষেপে বলিতে হইলে ইহাই বলিতে হইবে যে, রুচি ভজনবিষয়া এবং আসক্তি ভজনীয় বিষয়া । এইরূপ হইলেও উভয়েই উভয়কে বিষয় করিয়া থাকে । কারণ, রুচি ও আসক্তি

স্তরে ধ্যানাদির অপ্ৰোঢ়ত্ব এবং প্রোঢ়ত্ব অংশেই দুই-এর ভেদ জানিতে হইবে ।

**রতি বা ভাব**—আসক্তিই পরিণাম প্রাপ্ত হইয়া “রতি বা ভাব” নামে অভিহিত হয় ।

**প্রেম**—এই “রতি গাঢ় হৈলে তার প্রেম নাম কয়” ।\*

এই রতি ও প্রেমের লক্ষণগুলি সাধকগণকে ভালভাবেই জানিতে হইবে । কারণ এই স্তরের সাধকের সঙ্গ এবং তাঁহাদের আচরণ শিক্ষা এবং তদনুসারে আচরণ, তাঁহাদের উপদেশাবলী শ্রদ্ধার সহিত গ্রহণ, ভাগবত জীবন গঠনে একান্ত প্রয়োজন ।

## রতির লক্ষণ সমূহ

শ্রীমদ্ভগবৎগোষ্ঠামিপাদ তাঁহার ভঃ রঃ সিঃ গ্রন্থে ভাব ভক্তি লহরীতে ১।৩।২৫-২৬ শ্লোকে ব্যক্ত করিয়াছেন ।

১। **ক্ষান্তি**—ক্ষোভের কারণ উপস্থিত হইলেও যে অক্ষুব্ধতা, তাহাকে ক্ষান্তি বলে ।

২। **অব্যর্থকালত্ব**—নিরন্তর বাক্যে স্তব, মনে স্মরণ, দেহে প্রণাম করিয়াও ভক্তগণ তৃপ্তিলাভ করেন না । তাহারা অশ্র

\* প্রেম—যে রতি চিন্তের অতিশয় আর্দ্রতা ( স্নিগ্ধতা ) সম্পাদন করে এবং পরমানন্দের উৎকর্ষ প্রাপ্তি করায়—তাহাই প্রেম ।

বিসর্জন করিতে করিতে সমগ্র আয়ুঃই শ্রীহরির চরণে সমর্পণ করেন ।

৩। **বিরক্তি**—চক্ষু কর্ণাদি ইন্দ্রিয় সমূহের প্রাকৃত রূপ শব্দাদি বিষয়ে যে স্বাভাবিক অরোচকতা, তাহাই বিরক্তি ।

৪। **মান শূন্যতা**—নিজের উৎকর্ষ থাকিতেও অভিমান-হীনতা, তাহাকেই মান শূন্যতা বলে ।

৫। **আশাবদ্ধ**—শ্রীকৃষ্ণ প্রাপ্তির দৃঢ় সম্ভাবনাকেই আশা করিয়া যে জীবন অতিবাহিত হয়

৬। **সমুৎকর্থা**—স্বাভীষ্ট প্রাপ্তি বিষয়ে যে গুরুতর লোভ সেই লোভ জনিত নিরন্তর প্রাপ্তির যে আশা তাহাই সমুৎকর্থা ।

৭। নাম গানে সদা রুচি । ৮। ভগবদগুণ কথনে আসক্তি । ৯। ভগবদ্ভ্যামে প্রীতি ।।

**প্রেম**—ভঃ রঃ সিঃ ১।৪।১ শ্লোকে—যে ভাব ভক্তি প্রথম দশা হইতেই চিন্তের অতিশয় আদ্রতা ( স্নিগ্ধতা ) সম্পাদন করে, পরমানন্দের উৎকর্ষ প্রাপ্ত করায়, শ্রীকৃষ্ণ অতিশয় ( প্রগাঢ় ) মমতা প্রদান করে, সেই ভাবকে পণ্ডিতগণ প্রেম বলিয়া কীর্তন করেন ।

### প্রাপ্ত প্রেম সাধকের লক্ষণ

শ্রীমদ্ভাগবতের একাদশ স্কন্ধের তৃতীয় অধ্যায়ে ৩২ শ্লোকে “কচিদ্রুদন্ত্যচ্যুতচিন্তয়া কচিৎ……নির্বৃতাঃ ॥” এই শ্লোকে

শ্রীপ্রবুদ্ধ ইহার লক্ষণ গুলি যাহা বর্ণনা করিয়াছেন, তাহার অনুবাদ নিম্নে দেওয়া হইল ।

প্রাপ্ত প্রেম সাধক নিরন্তর ভগবচ্ছিন্তায় মগ্ন হইয়া কখনও রোদন করেন, কখনও বা হাস্য করেন, কখনও বা আনন্দে আত্ম-হারা হন, কখনও অলৌকিক বাক্যালাপ করেন, কখনও বা আনন্দে নৃত্য করেন কখনও বা গান করেন, কখনও বা ভগবানের লীলা সমূহের অভিনয় করেন, কখনও শ্রীহরির সাক্ষাৎকার লাভ করিয়া শাস্তভাবে মৌনভাবালম্বী হইয়া থাকেন ।

ঠিক এইরূপ লক্ষণ শ্রীপ্রহ্লাদের চরিতকথা প্রসঙ্গে শ্রীনারদ বর্ণনা করিয়াছেন—শ্রীমদ্ভাঃ—৭।৪।৩৯-৪১ শ্লোকে ।

“কচিদ্রুদতি”.....ইত্যাদি ।



## চতুর্থ অধ্যায়

### ভাগবত জীবন গঠনে অনর্থ

ভাগবত জীবন গঠনে ভাগবত ধর্মের অঙ্গগুলির ঠিক ঠিক ভাবে আচরণ একান্ত প্রয়োজন ।

পূর্ব্ব অধ্যায়ে ভজন ক্রিয়ার স্তর গুলি ব্যক্ত হইয়াছে । এইগুলি পর্যালোচনা করিলে ভক্তির দুইটি বিভাগ করা যায়—এস্থানে ভক্তি বলিতে ভক্তির সাধন বুঝিতে হইবে ।

(১) অনিষ্টিতাভক্তি এবং (২) নিষ্টিতাভক্তি—এইসম্বন্ধে ভাগবতে উল্লিখিত (১।২।১৮) “নষ্ট প্রায়েষু” শ্লোকের সংক্ষিপ্ত বিবৃতি পরে উল্লেখ করা হইবে। ভজনে নিষ্ঠাস্তরে আসাই সর্ব্বাপেক্ষা শ্রম বহুল অনুষ্ঠান, কারণ কতগুলি অনর্থ অনিষ্টিতা স্তরে আসিয়া উপস্থিত হয় এবং এই অনর্থ গুলিই ভক্তি যাজনে বিশেষ বিঘ্ন ঘটায়, সুতরাং এই অনর্থ গুলির সহিত আমাদের পরিচয় হওয়া একান্ত প্রয়োজন এবং এই অনর্থ গুলির নিরসন অবশ্যই কর্তব্য—

### অনর্থ চারি প্রকার—

(মাধুর্য্য কাদম্বিনী গ্রন্থ অবলম্বনে)

- (১) সুকৃতোথ, (২) দুষ্কৃতোথ, (৩) ভক্ত্যুথ এবং  
(৪) অপরাধোথ।

**সুকৃতোথ অনর্থ**—বিবিধ প্রকার ভোগের অভিনিবেশ।

**দুষ্কৃতোথ**—অনর্থ ছুরভিনিবেশ, দ্বেষ, রাগ প্রভৃতি

ক্লেশ সমূহ।

**ভক্ত্যুথ অনর্থ**—প্রায়শঃই লাভ পূজা প্রতিষ্ঠাশা হইতে উৎথিত হয়।

### অপরাধোথ অনর্থ

**অপরাধোথ অনর্থ**—বলিতে সেবাপরাধ এবং নাম অপরাধ, তাহার মধ্যে নাম অপরাধকেই প্রাধান্য দেওয়া হইয়াছে।

### সেবা অপরাধোথ অনর্থ—

যদিও দ্বাত্রিংশ রূপ সেবাপরাধ বর্ণিত হইয়াছে, বিবেকীগণের নিরন্তর নামগ্রহণ এবং ভগবৎসেবার দ্বারা এবং সেবা অপরাধ নিবর্তক স্তোত্রাদি পাঠের দ্বারা সেবাপরাধ উপশম হয়, এই জন্ম উহার অঙ্কুরিভাব দৃষ্ট হয় না। কিন্তু যদি নামগ্রহণের দ্বারাই সেবাপরাধ নিবৃত্তি হয় বলিয়া সেবাপরাধ বিষয়ে শৈথিল্য দেখা যায়—তাহা হইলে এই সকল সেবাপরাধই নামাপরাধে পরিণত হয়।

সাধারণতঃ অপরাধোথ অনর্থ বলিতে নামাপরাধকেই গণ্য করা হয়।

### নাম অপরাধ দশ প্রকার

- ১। সাধুগণের নিন্দা।
- ২। বিষ্ণু হইতে শিব নামাদির স্বতন্ত্র চিন্তন।
- ৩। শ্রীগুরুর প্রতি অবজ্ঞা।
- ৪। ঋতি এবং তদনুগত শাস্ত্র নিন্দা।
- ৫। হরিনাম মাহাত্ম্যে অর্থবাদ চিন্তা।
- ৬। শ্রীহরিনাম মাহাত্ম্যে অন্য প্রকার অর্থ কল্পনা।
- ৭। নামবলে পাপে প্রবৃত্তি।
- ৮। শ্রীনামের সহিত অন্য শুভ ক্রিয়া সমূহের সমজ্ঞান।
- ৯। শ্রদ্ধাহীন, শ্রীনাম শ্রবণ কীৰ্ত্তনে বিমুখ ব্যক্তির নিকট নামোপদেশ।
- ১০। শ্রীনাম মাহাত্ম্য গুনিয়া ও শ্রীনামের প্রতি অপ্রীতি।

## সতাঃ নিন্দা, সাধুগণের নিন্দা

ইহাই সর্বাপেক্ষা গুরুতর অপরাধ, তাহার কারণ প্রধানতঃ দুইটি—

১। সাধুগণ হইতে শ্রীনাম নিজের খ্যাতি প্রাপ্ত হন—  
অতএব সেই সাধুগণের নিন্দা তিনি কি করিয়া সহ্য করিবেন।  
(বিতনুতে যতঃ খ্যাতিং যাতঃ কথং উসহতে তদ্বিগহঁাম্)।

২। সাধুগণই ভগবানের হৃদয়,—সাধুগণ যে ভগবানের  
কত অন্তরঙ্গ তাহা তিনি নিজমুখে অম্বরীষ উপখানে ব্যক্ত  
করিয়াছেন।

### সাধুগণের সহিত ভগবানের সম্বন্ধ—

সাধুদের প্রতি অপরাধ কেন এত গুরুতর এবং সাধু-  
গণের সহিত ভগবানের কি সম্বন্ধ তাহা শ্রীমদ্ভাগবতে অম্বরীষ  
উপাখ্যানে দুর্বাসার প্রতি ভগবৎ বাক্যে নির্ণীত হইয়াছে—

শ্রীভগবানুবাচ—

অহং ভক্তপরাধীনো হৃদয়তন্ত্র ইব দ্বিজ ।

সাধুভিগ্রস্তহৃদয়ো ভক্তৈর্ভক্তজন প্রিয়ঃ ॥

( শ্রীমদ্ভাগবত—৯।৪।৬৩ শ্লোক )।

অনুবাদ—হে দ্বিজ আমি ভক্তের অধীন হৃদয়তন্ত্র অম্ব-  
তন্ত্রের স্থায়, ভক্তগণ আমার হৃদয়কে গ্রাস করিয়াছে—ভক্তের  
কথা কি ভক্তের জনগণও আমার প্রিয়।

নাহমাত্মানমাশাসে মদুত্তৈঃ সাধুভির্বিনা ।

শ্রিয়ঞ্চাত্যন্তিকীং ব্রহ্মন্ যেষাং গতিরহং পরা ॥

( শ্রীমদ্ভাঃ—৯৪।৬৪ শ্লোক )

অনুবাদ—হে ব্রহ্মণ ! যাহাদের আমিই একমাত্র আশ্রয়  
সেই সাধুগণ ব্যতীত আমি আমার নিত্য স্বরূপভূতানন্দ এবং  
ষড়ৈশ্বর্য আনন্দও স্পৃহা করিনা ।

যে দারাগারপুত্রাপ্ত-প্রাণান্ বিতমিমং পরম্ ।

হিত্বা মাং শরণং যাতাঃ কথং তাংস্ত্যক্তুমুংসহে ॥

( শ্রীমদ্ভাঃ—৯৪।৬৫ শ্লোক )

অনুবাদ—যে সকল সাধু গৃহ, দারা, পুত্র, আত্মীয়জন,  
ধন, প্রাণ, ইহলোক পরলোক পরিত্যাগ করিয়া একমাত্র আমা-  
কেই আশ্রয় করিয়াছে, আমি তাহাদের কিরূপে পরিত্যাগ  
করিব ?

সাধবো হৃদয়ং মহ্যং সাধুনাং হৃদয়ঙ্গুহম্ ।

মদন্যন্তে ন জানন্তি নাহং তেভ্যো মনাগপি ॥

( শ্রীমদ্ভাঃ—৯৪।৬৮ শ্লোক )

অনুবাদ—সাধুগণই আমার হৃদয় এবং আমিও তাহাদের  
হৃদয় । তাঁহারা আমা ব্যতীত অন্য কাহাকেও জানেন না আমিও  
তাঁহাদের ব্যতীত অন্য কিছুই জানি না ।

পদ্মপুরাণ—

হন্তি নিন্দন্তি বৈ দ্বেষ্টি বৈষ্ণবান্নাভিনন্দতি ।

ক্রোধ্যতে যাতি নোহর্ষ দর্শনে পতনানি ঘট্ ॥

## সতাঃ নিন্দা

সাধুগণের নিন্দা—ইহা উপলক্ষণ, ইহার সহিত দ্বেষ, হিংসা প্রভৃতিও আসিয়া যায়, নিন্দা কথাটি বাহিরে অণ্ডের নিকট বাক্য-রূপে ক্রিয়া কিন্তু তাহার পূর্বে আসে অপরাধীর অন্তরে সেই বৈষ্ণবের প্রতি একটি বিতৃষ্ণা অর্থাৎ তাহার কথা মনে পড়িলে মনে অসন্তোষ ভাব জন্মে, পরে ইহা একটি অবজ্ঞায় পরিণত হয়, এই অবজ্ঞা যদি অন্তরে আসে তাহা হইলেই সেই সাধুর প্রতি যে প্রীতি থাকা একান্ত প্রয়োজন,—সেই প্রীতির অভাব অথচ এই ভক্তি মার্গের অনুশীলনে যেমন ভগবানের প্রতি প্রীতি, ভক্তি অঙ্গগুলি যাঙ্গনের প্রতি প্রীতি, ঠিক তেমনই সাধু বৈষ্ণবের প্রতি প্রীতিও একান্ত প্রয়োজন,—এই প্রীতির অভাবেই বাহিরে নিন্দা, দ্বেষ এবং হিংসা ক্রমান্বয়ে প্রকাশ পায়। বাহিরে অর্থাৎ সাধকের আচরণে প্রীতির অভাব বা অবজ্ঞা বুঝা যায়, এই প্রীতির অভাবের কারণ অনুসন্ধান করিতে গিয়া প্রথমেই আমরা দেখিব অপরাধীর মনে অণ্ডের স্বভাব এবং কর্মের দোষ দৃষ্টি।

ইহার সহিত আসে কতগুলি অজ্ঞান জনিত আচরণ, যাহা এই নিন্দাভাবকে পোষণ এবং বর্দ্ধিত করে, এই দুইটির কারণ—

অজ্ঞান এক শাস্ত্র নির্দেশ উল্লেখন। অজ্ঞান প্রধানতঃ কিভাবে কার্যকরি হয়, তাহা আমরা পরে আলোচনা করিব। পদ্মপুরাণে উল্লিখিত হইয়াছে—

হন্তি নিন্দন্তি..... পতনানি ষট্ ।

সাধুগণের প্রতি নিন্দাজনিত অপরাধের নিষ্কৃতি ।

ইহা দুইভাবে সম্পাদিত হয়—

প্রথম—অপরাধ সংকোচ বা বর্জন (ইহা সর্ববিধ অপরাধের প্রতিই প্রযোজ্য) ।

দ্বিতীয়—অপরাধ হইলে তাহার ক্ষালন ।

অপরাধ সংকোচের উপায় সম্বন্ধে শ্রীমদ্ভাগবতের—৩।২৯। ২১ শ্লোকের—অহং সর্বেষু ভূতেষু.....ইত্যাদি চীকায় শ্রীল চক্রবর্তিপাদ লিখিয়াছেন—“ভক্তি সংকোচক অপরাধ প্রায়শঃ মহৎ অবজ্ঞা জনিতই হইয়া থাকে। এই সকল মহাত্মা সাধারণ ভাবে দর্শনের বিষয় না হইলেও অনেকেই আছেন ইহা সত্য। এইজন্য তাঁহাদের প্রতি অপরাধ নিবৃত্তির জন্ম সকল জীবকেই নিজ ইষ্ট-দেবের অধিষ্ঠান এই বুদ্ধিতে সম্মান করা কর্তব্য।

অতঃপর সাধুনিন্দা জনিত অপরাধের ক্ষালন সম্বন্ধে লিখিত হইতেছে।—

প্রথমতঃ অপরাধী ব্যক্তি বিশেষভাবে অনুতপ্ত হৃদয়ে সেই সাধুর প্রণতি, স্তুতি ও সম্মানাদির দ্বারা এবং ক্ষমা প্রার্থনা করিয়া

কৃত অপরাধ ক্ষয় করিবেন। কিন্তু অপরাধ যদি বিশেষ গুরুত্ব হয় এক উপরোক্ত উপায়েও নিবৃত্তি না হয়, তবে নির্বেদের সহিত অবিচ্ছেদে নাম সঙ্কীর্ণকেই আশ্রয় করিবেন, ইহাতে সকল অপরাধ হইতে মুক্ত হইবেন।

### এখানে কয়েকটি বিশেষ বিচার আছে—

১। যদি অপরাধী ব্যক্তি মনে করে যে আমি অবিচ্ছেদে নামকীর্ণ করিয়া যাইব,—তবে সাধুর চরণে প্রণতি প্রভৃতির প্রয়োজন কি? কারণ নাম সঙ্কীর্ণই মহাশক্তিধর,—ইহাতে নাম বলে পাপ বুদ্ধি হইবে এবং আর এক নূতন অপরাধের সৃষ্টি হইবে।

২। যদি তর্কের জন্ত কোন সাধুর সাধুত্ব সম্বন্ধে সন্দেহ করা হয়,—যেমন কৃপালু, অকৃত-দ্রোহ, তিতিক্ষা প্রভৃতি গুণ ইহাতে নাই, সেই জন্ত ইনি সাধু পথ্যায় গণ্য নয়, এইজন্য অপরাধের সম্ভাবনা নাই, এই স্থলে এই বিচার যথার্থ বিচার নয়, কারণ শ্রীমদ্ভাগবতগীতায়—৯।৩০ শ্লোকে—

অপি চেৎ সুদুরাচারঃ.....হি সঃ ॥

অর্থাৎ এই শ্লোকে ভগবান্ বলিয়াছেন, যিনি অনন্ত ভজন পরায়ন হইয়া আমাকে ভজনা করেন, তিনি যদি নিরতিশয় দুরাচার বিশিষ্ট হন তথাপি তাঁহাকে সাধু বলিয়াই জানিবে। যেহেতু তিনি মন্তুক্তিতে সম্যক্ প্রকারে নিশ্চয় বুদ্ধি বিশিষ্ট।

৩। শ্রীজীবগোশ্বামিপাদ তাঁহার ভক্তিসন্দর্ভ ( ১৫২ অনুচ্ছেদে ) অপরাধ ক্ষালনের নিমিত্ত নামগ্রহণের নিয়ম সম্বন্ধে যাহা বলিয়াছেন তাহার অনুবাদ ।

১। সিদ্ধগণের পুনঃ পুনঃ নামগ্রহণ প্রতিক্ষণ সেই পরমানন্দ উদয়ের নিমিত্ত হয় ।

২। অসিদ্ধগণের পক্ষে পুনঃ পুনঃ ভগবন্মাম গ্রহণাদি রূপ নিয়ম ফল প্রাপ্তি পর্য্যন্ত দরকার, সেই নিয়মের বিঘ্নরূপে কোন অপরাধ থাকার সম্ভাবনা চিন্তা করিতে হইবে। অন্য বস্তুতে অভিনিবেশ, ভক্তিতে শিথিলতা এবং নিজের ভক্তিকৃত অভিমানাদি দোষ সকল যদি মহৎ সঙ্গাদি দ্বারাও নিবৃত্তি করা ছুফর হয়—তাহা হইলে বুদ্ধিতে হইবে ইহা অপরাধের কার্য্য এবং পূর্ব্বতন অপরাধেরই সূচক ।

**শ্রীবিষ্ণু হইতে শিবের ভেদ জ্ঞান জনিত অপরাধ—**

( মাধুর্য্যকাদম্বিনী অবলম্বনে )

শাস্ত্রে উল্লিখিত আছে “হরি হি নিগুণঃ সাক্ষাৎ পুরুষঃ প্রকৃতেঃ পরঃ” “শিবঃ শক্তিসুতঃ শশ্বৎ ত্রিলিঙ্গো ষাণসংবৃত” ।

শ্রীবিষ্ণুই সংহার কার্য্যের জন্য তমোগুণকে অঙ্গীকার করিয়া শিবাখ্য অভিহিত হন । এখানে শিবকে বিষ্ণু হইতে ভেদ জ্ঞান করা যায় না । শ্রীভাগবতে আছে—

“স্থিত্যদয়ে হরিবিরিঞ্চি হরেতি সংজ্ঞাঃ” ।

অর্থাৎ—একমাত্র পরম পুরুষ হরি সত্ত্ব রজ তম এই গুণ-ত্রয়ে সংবৃত হইয়া সৃষ্টি স্থিতি ও সংহার কার্য্য ভেদে শ্রীহরি বিরিঞ্চি ও শ্রীশিব এই সংজ্ঞা ধারণ করেন, এই স্থলে শ্রীশিবকে শ্রীহরি হইতে ভেদ জ্ঞান করা যায় না। তবে বিশেষ বিচার করিলে চৈতন্য অংশে এবং গুণাংশে কিছু ভেদ দৃষ্ট হয়। শিব এবং বিষ্ণু চৈতন্যের একরূপত্ব ( স্বতন্ত্র এবং বিভূ চৈতন্য ) হেতু উভয়ের অভেদই প্রতিপাদিত হয়—এইরূপ হইলেও নিষ্কাম পুরুষ কর্তৃক নিগুণ এবং সগুণত্ব হেতু তাঁহাদের উপাস্তৃত্ব এবং অনুপাস্তৃত্ব ভেদ করা হয়। নিষ্কাম সাধকের উপাস্ত্র নিগুণ এবং সকাম সাধকের উপাস্ত্র সগুণ। ঈশ্বর চৈতন্যকে দুইভাগে বিভক্ত করা হয়—(১) মায়াস্পর্শ রহিত ( নারায়ণাদি নামে অভিহিত ) নিগুণ এবং (২) মায়াস্পর্শ স্বীকার করিয়াছেন ( শিবাখ্য ) সগুণ, এই অংশে নিগুণ এবং সগুণত্ব হেতু ভেদ আছে।

অপরাধ কোথায় হয়।

একজন বলেন বিষ্ণুই ঈশ্বর, শিব ঈশ্বর নহেন, আবার অন্যেরা বলেন শিবই ঈশ্বর বিষ্ণু ঈশ্বর নহেন। আমরা বিষ্ণুর অনন্য ভক্ত শিবকে দেখিব না, অথবা আমরা শিবের অনন্য ভক্ত বিষ্ণুকে দেখিব না। ফলতঃ এইরূপ বিবাদগ্রস্ত মতি সম্পন্ন হইলেই অপরাধ আসিয়া পরে।

## এই অপরাধ ক্ষালনের উপায়—

এইরূপ অপরাধগ্রস্ত সাধক তত্ত্বালোচনাপর সাধুর আশ্রয় লইলে, শিব যে ভগবানের স্বরূপ হইতে অভিন্ন. স্মতন্ত্র ঈশ্বর নন, ইহা বুঝিতে পারেন, তখন অনুতাপ করিতে করিতে শ্রীনাম কীর্তন করিলে অপরাধ ক্ষালন হয় ।

## শ্রুতি শাস্ত্রের নিন্দাজনিত অপরাধ—

যদি কেহ মনে করেন এই সকল শ্রুতি ভগবদ্ভক্তি ইঙ্গিত করিতেছে না, জ্ঞান বা কর্মেরই প্রশংসা করিতেছে সুতরাং ইহার কথা বহিমুখ জনেরই অনুসরণীয়। সেই সকল পুরুষ শ্রুতি তত্ত্বজ্ঞ সাধু কর্তৃক তাহাদের বিচার ধারা সংশোধিত করিলে বুঝিতে পারেন যে ঐ সকল শ্রুতি পরম করুণা করিয়া ভক্তিমার্গের অনধিকারী স্বেচ্ছাচার সম্পন্ন এবং বিষয়ে অত্যন্ত আসক্তি যুক্ত ব্যক্তিগণকে ক্রমশঃ শাস্ত্র নির্দিষ্ট পথে আরোহন করাইবার জন্য এইরূপে উপদেশ দিয়াছেন। এইরূপ তত্ত্বজ্ঞান লাভ করিয়া সেই শ্রুতির অনুষ্ঠানকারী ব্যক্তিবর্গের প্রশংসা পূর্বক নির্ণায়ক সহিত নাম কীর্তন করেন তাহা হইলে এই শ্রুতি নিন্দারূপ অপরাধ হইতে নিষ্কৃতি লাভ করা যায় ।

## শ্রীগুরুর প্রতি অবজ্ঞা—

এইটি ভক্তিপথে অগ্রসর হওয়ার সর্ব্ব তীক্ষ্ণ কণ্টক। কিন্তু যদি শ্রীগুরুদেবের ধ্যানোক্ত নিম্নলিখিত কয়েকটি বিশেষ

গুণ প্রত্যহ স্মরণ করা যায় এবং শ্রীগুরুদেবকে সাক্ষাৎ ভগবৎ স্বরূপ জ্ঞানে অমায়িক ভাবে সেবা করা যায়—তাহা হইলে এই অপরাধ হইবার সম্ভাবনা নাই।

- ১। সচ্চিদানন্দ—সান্দ্ৰাঙ্গ করুণামৃত বর্ষণং।
- ২। শিষ্যানুগ্রহ সন্ধানং।
- ৩। শ্রীকৃষ্ণ প্রেম সেবাদি দাতারং।
- ৪। দীন পালকং।
- ৫। সমস্ত মঙ্গলাধারং সর্বানন্দময়ং বিভূম।



## পঞ্চম অধ্যায়

### অনিষ্ঠিতা ও নিষ্ঠাভক্তি

ভক্তি অঙ্গ যাজনে যতক্ষণ অনর্থগুলি বিद्यমান থাকে ততক্ষণ নিষ্ঠা স্তরে উঠিতে পারে যায় না।

এই অনর্থসমূহ অনিষ্ঠিতা ভক্তি দশায় কিভাবে চিত্তে প্রকাশ পায়।

অনিষ্ঠিতা ভক্তি দশায় অন্তরের দুর্ব্বারত্ব হেতু। অনর্থ যেভাবে প্রকাশ পায় তাহাই শ্রীল চক্রবর্ত্তিপাদ তাঁহার মাধুর্য্য কাদম্বিনী গ্রন্থের ৪র্থ বৃষ্টিতে আলোচনা করিয়াছেন।

১। লয়—কীর্তন, শ্রবণ ও স্মরণাদি সময়ে কীর্তন অপেক্ষা শ্রবণে এবং শ্রবণ অপেক্ষা স্মরণে উত্তরোত্তর অধিকতর নিদ্রার উদগমকে লয় বলে।

২। বিক্ষিপ—কীর্তন ও শ্রবণাদির সময়ে ব্যবহারিক বিষয়ের আলোচনা বা তাহার স্মৃতিই বিক্ষিপ বলিয়া কথিত হয়।

৩। অপ্রতিপত্তি—লয় বা বিক্ষিপ না থাকিলেও শ্রবণ কীর্তনাদিতে কখনও কখনও সামর্থ্য শূন্য বলিয়া মনে হয়, তাহাকেই অপ্রতিপত্তি বলে। প্রতিপত্তি অর্থ এখানে প্রবৃত্তি, অপ্রতিপত্তি অর্থ অপ্রবৃত্তি।

৪। কষায়—শ্রবণ, কীর্তনাদি ও স্মরণাদি সময়ে ক্রোধ, লোভ, গর্ব প্রভৃতির যে সংস্কার, তাহা মনে ঐ সময়ে যে আবির্ভাব হয়, তাহাকে কষায় বলে।

৫। রসাস্বাদ—শ্রবণ, কীর্তনাদির সময়ে প্রাকৃত বিষয় সুখাদির যে স্মরণ অথবা তাহাতে অভিনিবেশকে রসাস্বাদ বলা হয়।

যতক্ষণ পর্য্যন্ত চিত্তের এই সকল বিষয় বর্তমান থাকে, ততক্ষণ পর্য্যন্ত অনিচ্ছিতা ভক্তি, এই লক্ষণগুলি অপসারিত হইলে বুঝিতে হইবে চিত্ত শুদ্ধি হইয়াছে এবং সাধন নিচ্ছিতা স্তরে উঠিয়াছে।

## নিষ্ঠিতা ভক্তি—

নিষ্ঠিতা ভক্তি সম্বন্ধে সংক্ষেপে শ্রীমদ্ভাগবতে ১।২।১৭-১৮ শ্লোকে উল্লিখিত হইয়াছে—

শৃণ্বতাং স্বকথাঃ কৃষ্ণঃ পুণ্য শ্রবণ কীর্তনঃ ।  
হৃদন্তঃস্থো হৃভদ্রাণি বিধুনোতি সুহৃৎসতাম্ ॥

অনুবাদ—সাধুগণের হিতকারী পুণ্য শ্রবণ কীর্তন, শ্রীকৃষ্ণ আপনার কথা শ্রবণকারী পুরুষের অন্তরে প্রবেশ করিয়া তাহার হৃদগত সমস্ত অশুভ ( কামাদি ) বাসনা বিনষ্ট করেন ।

টীকা—স্বামিজী—অভদ্রাণি—কামাদি বাসনা ।

নষ্টপ্রায়েষ্বভদ্রেষু নিত্যং ভাগবতসেবয়া ।  
ভগবত্যন্তমঃশ্লোকে ভক্তির্ভবতি নৈষ্ঠিকী ॥

( শ্রীমদ্ভাঃ—১।২।১৮ শ্লোক )

অনুবাদ—বিনষ্টপ্রায় অশুভ সকল নিত্য ভগবদ্বক্ত এবং শ্রীমদ্ভাগবতশাস্ত্র, ইহাদের সেবার দ্বারা নিরসন হইলে ভক্তি নৈষ্ঠিকী হয় ।

শ্রীচক্রবর্ত্তিটীকা—নষ্টপ্রায়েষু বলিতে নাম অপরাধজনিত অভদ্রগুলির কতগুলি প্রবল অংশ ক্ষীণ হইয়া রতিস্তর পর্য্যন্ত অবস্থান করে । নৈষ্ঠিকী—নিষ্ঠা অর্থাৎ চিত্তের একাগ্রতা প্রাপ্ত হয় ।

## অনর্থ নিবৃত্তির পর চিত্তশুদ্ধি

এই সম্বন্ধে শ্রীমদ্ভাগবত ১।২।১৯ শ্লোকে আলোচিত হইয়াছে—

তদা রজস্তমোভাবাঃ কামলোভাদয়শ্চ যে ।  
চেত এতৈরনাবিক্ৰং স্থিতং সত্ত্বে প্রসীদতি ॥

অনুবাদ—নৈষ্ঠিকী ভক্তির উদয়ে রজস্তমোগুণজাত যে সকল ভাব এবং কামাদি ছয়রিপু পূর্ব্বে বর্তমান ছিল, মন সেই সকল বিক্ষেপ লয়াদি ভজন বিঘ্ন সমূহে অভিভূত না হইয়া শুদ্ধ-সত্ত্ব মূর্ত্তি ভগবানেই আসক্ত হইয়া প্রসন্নতা লাভ করে ।

শ্রীচক্রবর্ত্তিপাদের উক্তি—( মাধুর্য্য কাদম্বিনী )—এই শ্লোকে যে “চকার” আছে, সেই ‘চকারের’ সমুচ্চয়ার্থ ধরিয়া তখনও রজস্তমভাবাদির অস্তিত্ব বুঝা যায়, কিন্তু আর “ইহাদের দ্বারা চিত্ত অভিভূত হয় না” এই কথা দ্বারা ঐ গুলি ভাবাবস্থা ( রতি ) লাভ না হওয়া পর্য্যন্ত থাকে ভক্তির বাধক না হইয়া অবাধিত রূপেই অবস্থান করিতে দেখা যায় ।

এই ( মাধুর্য্য কাদম্বিনী ) চতুর্থ বৃষ্টির শেষে শ্রীল চক্রবর্ত্তী পাদ বলিতেছেন—ফলতঃ শ্রবণ কীৰ্ত্তনাদিতে যত্নের শৈথিল্য ত্যাগ করিয়া প্রাবল্য হইতেই অনিষ্ঠিতা হইতে নিষ্ঠা ভক্তিতে পর্য্যাবসান হইয়াছে ইহা বুঝা যায় ।

## চিত্তশুদ্ধিই অপরাধ কালনের লক্ষণ—

চিত্তশুদ্ধির লক্ষণ নির্দেশ প্রসঙ্গে শ্রীশঙ্কর, শ্রীবিষ্ণুর স্তব করিতে গিয়া বলিয়াছেন, ( শ্রীমদ্ভাঃ ৪।২৪।৫৯ শ্লোকে )

“ন যশ্চ চিত্তং বহিরর্থবিভ্রমং

তমোগুহায়াঞ্চ বিশুদ্ধমাশিশৎ ।

যদ্ভক্তিযোগানুগৃহীতমঞ্জসা

মুনির্বিচঠে ননু তত্র তে গতিম্ ॥

অনুবাদ—যে সাধু ব্যক্তির চিত্ত ভক্তিযোগ দ্বারা অনুগৃহীত ও বিশুদ্ধ হয়, বাহ্য বিষয়ে বিক্ষিপ্ত হয় না, তমোরূপ গুহাতে লয় প্রাপ্ত হয় না. সেই পুরুষই তোমার তত্ত্ব দেখিতে পান।

## এই শ্লোকে চক্রবর্তিপাদের টীকার অনুবাদ—

হে ভগবন্ ! আপনার প্রণতঃ সাধু সঙ্গেই চিত্ত শুদ্ধি হয়, বিশুদ্ধ চিত্তেই আপনার রূপ, লীলা লাভ্য অনুভব হয়।

বিশুদ্ধ চিত্তের লক্ষণ বর্ণনা করিতেছেন—বিশুদ্ধ চিত্ত, বিষয়াদির দ্বারা বিভ্রম হয় না অর্থাৎ আপনার সম্বন্ধী যে স্মরণ, শ্রবণাদি সময়ে বাহিরে বিষয়াদিতে ক্ষান্ত হয় না এবং তমোগুহায় প্রবেশ করে না। তাহার হেতু এই যে চিত্ত ভক্তিযোগ দ্বারা অনুগৃহীত বলিয়াই শুদ্ধ।

শ্রীচক্রবর্ত্তিপাদ টীকার শেষে লিখিয়াছেন, তাহার সার মর্ম্ম এই যে—

দশবিধা নামাপরাধ, লয় বিক্ষিপকারী ভক্তি অপরাধ দুরীভূত হইলেই ভক্তিদেবী প্রসন্ন হন এবং তিনি প্রসন্ন হইলেই তাঁহার অনুগ্রহ হয়, তাহাই ভক্তিবাজন কালে লয় বিক্ষিপ শূণ্ণ চিত্তরূপে স্ফুরিত হয় এবং এইরূপ শুদ্ধচিত্তে মুনি মননশীল হইয়া তোমার গতি অর্থাৎ লীলাদি, লাভণ্যাদি দর্শন ও অনুভব করেন।



## ষষ্ঠ অধ্যায়

### শাস্ত্র ভঙ্গু

সাধারণ ভাবে অনর্থগুলি বিবৃত হইল, ইহা ব্যতীতও চিত্তের লয় বিক্ষিপকারী অনর্থ আসে, যাহা সাধকের চিত্তকে ঠিক পথ হইতে বিচলিত করে। এইগুলি বেশী ভাগই শাস্ত্র সিদ্ধান্তের প্রতি উদাসীনতার জন্য অজ্ঞানজনিত বলিয়াই নির্দ্ধারিত করা হয়।

এখানে অজ্ঞান বলিতে অবিদ্যা নয়, অজ্ঞান বলিতে শাস্ত্র শিক্ষার অভাব, বিশেষ ভাবে শাস্ত্র শিক্ষানুসারে আচরণের অভাব, ইহার কারণগুলি পর্যালোচনা করিলে দেখা যায়।

১। ভক্তি যোগে “আদৌ শ্রদ্ধা” বলা হইয়াছে। শ্রদ্ধা বলিতে শাস্ত্রে সুদৃঢ় বিশ্বাস। শাস্ত্র আমাদের ঠিক পথে চালিত করিবে। ইহা না মানিয়া চলিলে ভক্তি অঙ্গ যাজনের বিঘ্ন ঘটবে, বিঘ্ন বা অনর্থ আসিলে ভক্তিতে নির্ভা হইবে না, এই জ্ঞান দীক্ষা গুরু অথবা শিক্ষা গুরুর নিকট শাস্ত্র অনুশীলন একান্ত প্রয়োজন।

২। শাস্ত্রে শ্রদ্ধা থাকিলেও শাস্ত্র বিহিত আচরণের প্রতি উদাসীন। এই আচরণ বলিতে কেবল যে ভক্তি অঙ্গগুলির যাজন বিষয়ে তাহা নহে, জীব জগতে অণু সকলের প্রতি বিশেষতঃ অণু ভক্তির প্রতি যথোচিত আচরণের অভাব।

৩। শাস্ত্রের অর্থ সম্যক্রূপে উপলব্ধির অভাব, এখানে অর্থ বলিতে কেবল আক্ষরিক অর্থ নয়, ইহার ভিতর যে অন্তর্নিহিত ভাব আছে তাহা সম্যক্রূপে উপলব্ধির অভাব।

শাস্ত্রে বহুবিধ আচরণের উল্লেখ থাকিলেও মহাত্মাগণের আচরণের আনুগত্যেই অনুশীলন করিতে হইবে।

আমাদের সাধনের প্রধান উদ্দেশ্যই হইতেছে, আমাদের সত্ত্বার প্রাকৃতত্ব ধ্বংস এবং অপ্রাকৃতত্ব ( চিন্ময় ) প্রাপ্তি। কারণ অপ্রাকৃত জগতে থাকিয়া ইষ্টদেবের সেবা বিধানই আমাদের কাম্য। নিশান্ত হইতে আরম্ভ করিয়া নক্তে শয়ন পর্য্যন্ত আমাদের সকল চিন্তা সকল কর্ম এই অপ্রাকৃত জগৎকে লইয়া। ইহা

সুস্পষ্ট যে প্রাকৃত জগতের চিন্তাধারা এবং আনুযায়ী আচরণের দ্বারা অপ্রাকৃত বস্তু লাভ হয় না। ইহার জন্য অপ্রাকৃত চিন্তার দ্বারা অর্থাৎ অপ্রাকৃত জ্ঞান লাভ করিতে হইবে। কাহার নিকট হইতে আমরা এই জ্ঞান লাভ করিব? শ্রীমদ্ভাগবত শাস্ত্রই তাঁহার আলোকে আমাদের এই অপ্রাকৃত চক্ষু অর্থাৎ জ্ঞানালোক দান করিবেন, তাঁহার সিদ্ধান্ত এবং উপদেশামৃত দ্বারা এই অধ্যায়ে শ্রীমদ্ভাগবতে বর্ণিত কয়েকটি সিদ্ধান্ত আলোচিত হইতেছে যাহাকে শাস্ত্র চক্ষু বলা যাইতে পারে।

### শাস্ত্রচক্ষু—প্রথম

সিদ্ধান্ত—জীব যাহা কিছু সুখ বা দুঃখ পায়, তাহা নিজ কর্মফল জনিতই হইয়া থাকে—তাহার সুখ বা দুঃখের অন্য কেহ প্রদাতা নহেন। ( ভক্তের কিন্তু ভক্তি অঙ্গ যাজনের ফলে প্রারন্ধ নাশ হয়—সেখানে সুখ বা দুঃখ ভগবৎ ইচ্ছা জনিতই হইয়া থাকে ) ভাঃ ১০।৮৮।৮ “যস্যাহমনুগ্হামি”

জীবিতং মরণং জন্তোর্গতি স্বেনৈব কর্মণা ।

রাজং স্ততোহন্যো নাস্ত্যশ্চ প্রদাতা সুখদুঃখয়োঃ ॥

( শ্রীমদ্ভাঃ—১২।৬।২৫ শ্লোক )

অনুবাদ—হে রাজন্ ! স্বেপার্জিত কর্মনিবন্ধনই জীবের জীবন, মরণ এবং লোকান্তর প্রাপ্তি ঘটিয়ে থাকে। স্বীয় কর্ম ব্যতীত অন্য কেহ জীবের সুখ দুঃখ প্রদাতা নহে।

এই প্রসঙ্গে আর একটি শ্লোক বর্ণিত হইয়াছে শ্রীমদ্ভাগবত  
১০।৫৪ ৩৮ শ্লোকে ।

নৈবাস্মান্ সাধ্ব্যসুয়েথা ভ্রাতুবৈরূপ্য চিন্তয়া ।

সুখদুঃখদো ন চাগ্যোহস্তি যতঃ স্বকৃতভুক্ পুমান্ ॥

অনুবাদ—শ্রীকৃষ্ণ কর্তৃক রুক্মীর বৈরূপ্য বিধানে রুক্মিনীর  
বিহ্বলতা দর্শনে শ্রীবলদেব তাঁহাকে সাস্বনা প্রদানের জন্ম বলিয়া-  
ছিলেন—“হে সাধ্বি ! তুমি ভ্রাতার এই রূপ বিরূপ ভাব চিন্তা  
করিয়া আমাদের প্রতি দোষারোপ করিও না । যেহেতু পুরুষ  
ইহলোকে নিজেরই কর্মফল ভোগ করে, আর কেহ তাহার সুখ  
দুঃখ প্রদাতা নহে ।

বিষয়টি স্পষ্ট করিবার জন্ম এখানে একটি আখ্যায়িকার  
অন্বয়িতা করা হইতেছে ।

বেলা ১০টায় বৃন্দাবনে লুই বাজারে একজন যুবক তাহার  
কার্যালয় ( অফিসে ) অভিমুখে তাড়াতাড়ি যাইতেছিল ! পিছন  
হইতে হঠাৎ একটা প্রাইভেট মোটর গাড়ী তাহাকে ধাক্কা দিয়া  
ফেলিয়া দেয় । আঘাত বেশ গুরুতর হইয়াছিল । যুবকটির  
কয়েক স্থানে ক্ষত বিক্ষত হইয়াছিল এবং একটি পাও ভাঙ্গিয়া  
যায় । পথিকদের ভিতর সহৃদয় কয়েকজন তাহাকে হাসপাতালে  
লইয়া গিয়া চিকিৎসার ব্যবস্থা করিল । অগ্ৰাণ্য কয়েকজন পথিক  
গাড়ীর চালককে গাড়ী হইতে নামাইয়া বেশ উত্তম-মধ্যম প্রহার  
করিল । গাড়ীর মালিককেও বেশ দুই চার কথা শুনাইয়া দিল,

গাড়ীর নম্বরও নেওয়া হইল এবং মালিককে বলা হইল হাসপাতালের চিকিৎসার যাবতীয় খরচ আপনাকে দিতে হইবে। পা যদি ঠিক মত না জোড়ে তবে তাহার জন্ম ক্ষতিপূরণও তাহাকে দিতে হইবে, না হইলে আদালতে তাহার বিরুদ্ধে মোকদ্দমা দায়ের করা হইবে। মালিক অতি ভদ্রভাবে স্বত্ত্ব স্বীকার করিয়া তখনই হাসপাতালে গিয়া রোগীর তত্ত্বাবধান করিতে লাগিলেন।

সেই পথিকগণের মধ্যে একজন অল্প বয়স্ক বৈষ্ণব সাধু ছিলেন। তিনি আনুপূর্বিক সমস্ত ঘটনাটি তাহার গুরুদেব এক জন প্রাচীন শাস্ত্রজ্ঞ মহাত্মা, তাঁহার নিকট বর্ণনা করিলেন। শ্রীগুরুদেব তাহার শিষ্যকে শ্রীমদ্ভাগবত আনিবার জন্য বলিলেন। শ্রীমদ্ভাগবত আনা হইলে সেই মহাত্মা শ্রীমদ্ভাগবতের ১২।৬।২৫ শ্লোকটি অর্থের সহিত পাঠ করিয়া শুনাইলেন এবং তাহার সহিত ১০।৫৪।৩৮ শ্লোকটিও শুনাইলেন এবং অর্থ সম্যক্ রূপে বুঝাইলেন। তারপর তিনি বলিলেন, এই আহত যুবকটি যখন কোন সাধুসঙ্গ লাভ করিবে তখন ঢালক বা মালিক সম্পূর্ণ নির্দোষী, ঘটনাটি তাহারই নিজ কর্মফল ইহা উপলব্ধি করিতে পারিবে। পথিক জনগণও একদিন তাহাদের ভুলও বুঝিতে পারিবে।

এখানে বিচার্য্য এই যে প্রাকৃত জগতের বিচার ধারায় তৎ অনুযায়ী যে সকল আচরণ উল্লিখিত ঘটনাতে বর্ণিত হইয়াছে, তাহার সহিত অপ্রাকৃত জগতে শ্রীমদ্ভাগবতাদি শাস্ত্রের বিচার

ধারা অনুযায়ী আচরণের কত পার্থক্য। এইরূপ শাস্ত্রজ্ঞানের অভাবের জন্য সাধারণ লোক কোন দুঃখ পাইলেই তাহার প্রথমেই অন্য ব্যক্তি কর্তৃক এই দুঃখ প্রদানের কথা মনে জাগিয়া উঠে এবং তার প্রতি ঘেঁষ, জ্রোহ, হিংসা প্রভৃতি মনে আসে, কিন্তু শাস্ত্র চক্ষু দিয়া দেখিলে দেখা যাইবে নিজের দুঃখ নিজেরই কর্মফল জনিত, অন্য কাহারও প্রদত্ত নহে।

### শাস্ত্রচক্ষু—দ্বিতীয়

মানবের তথা সকল জীবের পরস্পরের ভেদবুদ্ধি বাস্তব নয় মায়া কল্পিত।

প্রাকৃত জগতে প্রাকৃত দৃষ্টিতে প্রায় সকল মানবই ভিন্ন ভিন্ন আকৃতি বিশিষ্ট এবং অনেক সময় প্রকৃতিতেও ভিন্ন। কিন্তু অপ্রাকৃত দৃষ্টি অর্থাৎ শ্রীভাগবতরূপ জ্ঞানচক্ষুর দ্বারা দেখা যায় যে প্রতিটি মানবই একই পরমাত্মার দ্বারা নিয়ন্ত্রিত চিদাত্মক বলিয়া পরস্পর পরস্পরে এক আত্মীয়তা সূত্রে গ্রথিত। এখানে স্বরূপতঃ একটি মানবকে অন্য মানব হইতে ভিন্ন দেখিবার অবকাশ কোথায় ?

সাধারণ মানবের কথা বাদ দিয়া যখন শ্রীভাগবত দৃষ্টিতে দুইজন ভক্তের জীবন পর্য্যবেক্ষণ করি, তখন দেখি এখানে আরও বেশী প্রীতির দ্বারা তাঁহারা আবদ্ধ। একজন ভক্ত যে ভগবানের কাছে নিজের সর্ব্বশ্ব সমর্পণ করিয়া নিজেকে তাঁহার দাস্ত্রে নিযুক্ত করিয়াছে, অন্যজনও ঠিক সেই ভগবানকেই তাহার পরম ইষ্টদেব রূপে বরণ করিয়া তাঁহার দাস্ত্রে নিযুক্ত হইয়াছে। এখানে

বাহিরের দৃষ্টিতে আকৃতি-প্রকৃতিতে ভিন্ন হইলেও অপ্রাকৃত আলোকে শ্রীমদ্ভাগবত দৃষ্টিতে দুইটি পৃথক্ মানব বলিয়া চিন্তা করিবার যুক্তি কোথায় ? তবুও এটি ভিন্ন বুদ্ধিই আমাদের মধ্যে আসিয়া যায়। ইহার কারণ কি ?

মহাভাগবত শ্রীপ্রহ্লাদ মায়াকেই ইহার কারণ বলিয়া নির্দেশ করিয়াছেন। তাহা শ্রীমদ্ভাগঃ— ৭।৫।১১ শ্লোকে বিবৃত হইয়াছে।

পরঃ স্বশ্চেত্যসদগ্রাহঃ পুংসাং যন্মায়য়া কৃতঃ ।

বিমোহিতধিয়াং দৃষ্টস্তস্মৈ ভগবতে নমঃ ॥

অনুবাদ—বিমোহিতবুদ্ধি পুরুষগণের পর ও আপন এই অসৎ আগ্রহ যাঁহার মায়ী দ্বারা কৃত সেই ভগবানকেই আমি প্রণাম করি।

মায়ার কার্য্য সম্বন্ধে যদি আমরা বিচার করি তাহা হইলে দেখা যায় যে, তাহার শক্তির প্রধান কার্য্য দুইটি। (১) আবরণাঙ্ঘিকা ও (২) বিক্ষেপাঙ্ঘিকা। সাধারণতঃ জীব মায়ার আবরণাঙ্ঘিকা শক্তিতে আবদ্ধ। জীব যে, স্বরূপতঃ জড় নয়—সে যে চিৎ-ভগবানের অংশ, মায়ী তাহাকে সেই কথা বিস্মৃত করাইয়া দেয়।

অন্যদিকে, বিক্ষেপাঙ্ঘিকা শক্তি দ্বারা যে জীব স্বরূপতঃ দেহ নয়—স্বরূপতঃ আত্মা কিন্তু তাহার আত্মাতে উপাধিরূপে

দেহের অধ্যাস এমন ভাবে তাদাত্ম্য করায় যে, মানবের দেহাভিমানই স্বাভাবিক হইয়া যায় ।

এই স্ব পর ভেদেও মায়া এইরূপেই তাহার কার্য্য করে । ইহার ফলস্বরূপ জীবের মধ্যে পরস্পর পরস্পরে হিংসা-দেষ্ট আসিয়া যায় এবং কোন কোন স্থলে নামাপরোধে পরিণত হয় ।

মায়ার এই কার্য্য সম্বন্ধে একটি ঈর্ষ্যা প্রবৃত্তি দেখা যায় । তাহা শ্রীজীব গোষাস্বিপাদ ৭।৫ ১১ এই শ্লোকে তাহার টীকায় ব্যক্ত করিয়াছেন ।

“ভয়ং দ্বিতীয়াভিনিবেশতঃ স্মৃৎ” ইত্যাদিরীত্যানা-  
দিত এব ভগবদ্ বিমুখানাং জীবানাং তএব নুনং সেষ্যয়তি ।  
যশ্চ ভগবতো মায়ায়া মোহিতধিয়াং স্বরূপ বিস্মরণপূর্বক-  
দেহাত্মবুদ্ধ্যা বিশেষেণ মোহিত বুদ্ধিনামসতাং যন্মায়য়ৈব  
পরঃ পরকীর্যোহর্থঃ, স্বঃ স্বীয়োহয়মিত্যসদাগ্রহঃ কৃতস্তস্মৈ  
ভগবতে নমঃ । তেষাং তদাগ্রহ শান্তয়ে তমেব নমস্ক-  
রোমীত্যর্থঃ ।”

অনুবাদ - ভয়ং দ্বিতীয়া অভিনিবেশ বশতঃ” (ভাঃ—  
১১।২।৩৭) অনাদি ভগবৎ বিমুখ জীবগণের প্রতি মায়া ঈর্ষ্যা  
প্রকাশ করে । ভগবৎ মায়ার দ্বারা জীবের বুদ্ধি মোহ-প্রাপ্ত  
হয় । এইরূপ মোহিত জীবের স্বরূপ বিস্মরণ-পূর্বক দেহে আত্ম  
বুদ্ধি দ্বারা বিশেষভাবে মোহিত বুদ্ধি বহির্মুখ জীবগণের পর

অর্থাৎ পরসম্বন্ধী। স্বঃ—অর্থাৎ নিজ সম্বন্ধে এই অসদ্বুদ্ধি বা আগ্রহ যাঁহার মায়ার দ্বারা অনুসৃত হয়, সেই ভগবানকে আমি নমস্কার করি।

এ সম্বন্ধে শ্রীশ্রীরাধাকৃষ্ণ নিবাসী পণ্ডিত প্রবর শ্রীঅনন্ত দাসজী মহারাজ বিশেষ রূপা করিয়া যে বিবৃতি পাঠাইয়াছেন তাহাই নিম্নে উদ্ধৃত করা হইল।

শ্রীজীব লিখিয়াছেন—“কৃষ্ণ বহির্মুখ জীবকে মায়া ঈর্ষ্যার সহিত আলিঙ্গন করিয়াছে।” মায়ার প্রতি কোন অপরাধ জীবের নাই, সুতরাং মায়ার জীবের প্রতি ঈর্ষ্যার কারণ কি? স্বভাবতঃই এই প্রশ্ন জাগে। এর উত্তর এই যে কৃষ্ণ বহির্মুখ জীবের ভোগাকাঙ্ক্ষা দেখিয়া মায়া বলিল,—

“হে জীব আনন্দের বৃত্তি শ্রীগোবিন্দের সেবক তুমি, তাঁহার সেবাতেই তোমার প্রকৃত আনন্দ, তাহা ছাড়িয়া এই নিরানন্দময় বিশ্বে আনন্দ চাহিতেছ? আচ্ছা, এই আনন্দের মজা বুঝিয়া দেখ একবার।” এই ঈর্ষ্যায় এবং ইহার জন্মই ঐ ‘আবরণাঙ্কিকা’ ও ‘বিক্ষেপাঙ্কিকা’ বৃত্তিদ্বয় জীবের উপর প্রয়োগ করিয়াছে মায়া। সুতরাং শ্রীভগবৎ পাদপদ্মে দৃঢ় শরণাগতি ব্যতীত এই যে ‘অসদাগ্রহ’—অনিত্য বস্তুতে আমি আমার বুদ্ধি, এই অধ্যাসের হাত হইতে রক্ষা পাওয়ার অন্য উপায় কিছুই নাই। কৃষ্ণ সূর্য্য সম মায়া ঘোর অন্ধকার। যতক্ষণ কায়া আছে ততক্ষণ ছায়াও আছে। তবে থাকার ভেদ আছে। যেমন সূর্য্য যখন পিছনে, ছায়া তখন

সামনে, সূর্য্য যখন সামনে, ছায়া তখন পিছনে এবং সূর্য্য যখন মাথার উপর ছায়া তখন পায়ের তলায় । তেমনি কৃষ্ণ পিছনে, মায়া সামনে, কৃষ্ণ সাম্মুখে মায়া পিছনে, আর কৃষ্ণ যখন মাথার ( ষাহাদের ) উপর সেই ভজননিষ্ঠ ভক্তদেহেই মায়া পায়ের তলায় । অর্থাৎ মায়িক বৃত্তি—কামাদিই তখন তাঁহার কৃষ্ণ সেবার উপচার হয় ।

এই ভিন্নদর্শী সম্বন্ধে শ্রীকপিল দেবের দেবহৃতির প্রতি উক্তি, শ্রীমদ্ভাঃ— ৩।২৯।২৩ শ্লোক আলোচ্য ।

দ্বিষতঃ পরকায়ে মাং মানিনো ভিন্নদর্শিনঃ ।

ভূতেষু বদ্ধবৈরশ্চ ন মনঃ শান্তিমুচ্ছতি ॥

অনুবাদ—পর শরীরে অন্তর্যামীরূপে অবস্থিত আমাকে যে ব্যক্তি উপেক্ষা করে, এইরূপ অভিমানী, ভেদদর্শী, ভূতসমূহের প্রতি শত্রুতাচরণে কৃত সংকল্প ব্যক্তির চিত্ত কখনও শান্তি প্রাপ্ত হয় না ।

এখানে পরকায়ে বলিতে—পর দেহে অবস্থিত ।

শ্রীচক্রবর্ত্তিপাদ টীকা—ভিন্ন দর্শিনঃ স্বশ্চ দুঃখমিবান্য-  
শ্চাপি দুঃখং সমানমিতি ন জানতঃ ।

অনুবাদ—ভিন্নদর্শী বলিতে নিজের দুঃখে একজন যেরূপ বেদনা অনুভব করে, অতের দুঃখও সেইরূপ বেদনাদায়ক, এই-রূপে যিনি অনুভব করিতে পারেন না ।

এইরূপে ভিন্নদর্শী জনের কথা অন্তরে আবির্ভূত হইলে  
কপিলদেব যেন বিশেষভাবে কুপিত হইয়াই বলিয়াছেন—

আত্মনশ্চ পরস্যাপি যঃ করোত্যন্তরোদরম্ ।  
তস্য ভিন্নদৃশো মৃত্যুর্বিদধে ভয়মুল্লগম্ ॥

( শ্রীমদ্ভাঃ—৩।২৯।২৬ শ্লোক )

অনুবাদ—স্বামিপাদের টীকানুসারে—

যে পুরুষ নিজের ও অণ্ডের মধ্যে অনুমাত্রও ভিন্ন দর্শন  
করে, সেই ভিন্নদর্শী মূঢ়ের মৃত্যুস্বরূপ আমি ছঃসহ ভয় বিধান  
করি । এই শ্লোকটির সন্ধি এবং অর্থ ভেদে বিভিন্ন টীকা নিম্নে  
দেওয়া হইল ।

স্বামিপাদের টীকা—

যিনি আত্মনঃ ( নিজের ), পরস্য চ (অণ্ডের) মধ্যে অন্তরং  
( ভেদ ) । উৎ (অপি) অরম্ ( অল্পও ) করোতি ( দর্শন করে ) ।  
অথবা, অন্তরা মধ্যে ( নিজের এবং পরের মধ্যে ) উদরং করোতি  
( শরীরকে ভিন্নরূপে দেখে ) । সেই ভেদদর্শী মূঢ়ের মৃত্যু স্বরূপ  
আমি উৎকট ভয় প্রদান করি ।

শ্রীম চক্রবর্তিপাদের টীকা—

নিজের উদর হইতে অণ্ডের উদর ভিন্ন বলিয়া যিনি দর্শন  
করেন, তাহার মৃত্যু স্বরূপ আমি । উদর অর্থে জঠরানল জ্বালা

যুক্ত—ক্ষুদিত অবস্থায় নিজের যে জঠর জ্বালা অনুভব হয়—  
অগ্নোরও ঠিক তদ্রূপ জ্বালাই অনুভব হয় । এইরূপ অনুভব করিয়া  
ক্ষুধার্ত জীবকে নিজের উদর পরিতৃপ্তির গ্যায় ভোজন করান  
উচিত । তাহা না হইলে মৃত্যু-ভয় উত্তরণ হইবে না ।

### শ্রীজীব টীকা—

মানবের নিজ নিজ ধর্মানুযায়ী ভগবৎ অর্চনা করিলেও  
সর্বভূতে দয়া বিনা সেই অর্চন সিদ্ধ হয় না । যিনি নিজের  
উদরকে অগ্নোর উদর হইতে পৃথক মনে করেন, অগ্নিকে আমারই  
অধিষ্ঠানরূপে আত্ম সম দর্শন করেন না, অগ্নিকে ক্ষুধিত দেখিয়াও  
কেবল নিজের উদর পূর্ণ করেন, অগ্নোর ক্ষুধার কোন অনুভব  
করেন না, তাহাকে আমি মৃত্যু-স্বরূপ ভয়ংকর ভয় বিধান  
করি ।

অগ্ন জীবের প্রতি ভিন্নদর্শী বলিয়াই তাহার প্রতি অনা-  
দর, অসম্মান, দ্বেষ ভাব প্রভৃতির উদয় হয় । ইহার নিবারণার্থে  
শ্রীকপিলদেব শ্রীমদ্ভাঃ—৩।২৯।২৭ শ্লোকে বলিয়াছেন—

অথ মাং সর্বভূতেষু ভূতাত্মানং কৃতালয়ম্ ।  
অইয়েদানমানাত্যাং মৈত্র্যাভিন্নেন চক্ষুষা ॥

এখানে শ্রীস্বামিপাদ—অভিন্নেন চক্ষুষা—অর্থ করিয়া-  
ছেন সমদর্শনেন ।

শ্রীল জীবগোন্ধামিপাদ—ক্রমসন্দর্ভ টীকায় ইহার অর্থ করিতে গিয়া বলিয়াছেন—“পূর্ববৎ” পূর্ব শ্লোকে ৩।২৯।২৬ শ্লোকের ব্যাখ্যা অনুযায়ী অর্থাৎ অন্তকে নিজ হইতে পৃথক না ভাবিয়া ।

এই শ্লোকটি পরের সিদ্ধান্তের ( শাস্ত্রচক্ষু—৩য় ) । পোষক বলিয়া ইহার বিস্তৃত টীকা ও অনুবাদ সেই স্থানে দেওয়া হইয়াছে ।

সাধকের নিকট আচরণের দিক হইতে পূর্বোক্ত শ্লোকগুলির তাৎপর্য ।

১। কোন প্রাণী পীড়িত হইলে নিজের পীড়িত অবস্থায় যেরূপ ঘনি অনুভব হয় এবং তজ্জন্য যে শুশ্রূষার প্রয়োজন অনুভব হয়, অন্তের পীড়াতেও সেইরূপ অনুভব ও আচরণ বিধেয় । তাহাতে সেবার পরিপাটী অতি উচ্চস্তরের হইবে । ইহার ফল পরস্পরের সৌহার্দ ও প্রীতি বর্দ্ধিত হইবে এবং ইহা করা উচিত । শ্রীল চক্রবর্ত্তিপাদ ৩।২৯।২৬ শ্লোকের টীকায় ইহা ব্যক্ত করিয়াছেন ।

২। অত্যন্ত ক্ষুধিত হইলে যে রূপ নিজের জঠরজ্বালা অনুভব হয় অন্তেরও ঠিক সেই রূপ জ্বালা অনুভব হয়, ইহা অনুভব করিয়া ক্ষুধিত ব্যক্তিকে ভোজন করাইবে ।

৩। যখন কোন ব্যক্তি দুর্দান্ত শীতে কষ্ট অনুভব করিতেছে তখন নিজের অতিরিক্ত এমন কি নিজ হইতেই তাহাকে শীত বস্ত্র দেওয়ার বাসনা অন্তরে জাগরিত করাইতে হইবে।

৪। বিত্ত বা জমি সম্বন্ধেও এইরূপ আচরণের প্রয়োজন আছে। ইহাতে অন্য কোন জীবের প্রতি বৈরীভাব আসিতে পারে না, বরঞ্চ মৈত্র ও কৃপার ভাবই আসিবে।

## শাস্ত্রচক্ষু—তৃতীয়

প্রত্যেক জীবের ভিতর ভগবান্ অন্তর্যামীরূপে বর্তমান।

ইহা উপলব্ধি করা অতিদুরূহ, ভাগবত জীবন গঠনে ইহার উপলব্ধি একান্ত প্রয়োজন! সেই হেতু এই স্থানে এ বিষয়ে শাস্ত্রীয় প্রমাণ উদ্ধৃত করা হইতেছে—কারণ শাস্ত্রীয় বাক্যে একান্ত বিশ্বাসই ইহার উপলব্ধির প্রাথমিক সোপান, পরে ভজন করিতে করিতে শ্রীভগবানের কৃপায় শুদ্ধচিত্তে ইহার যথার্থ অনুভব হয়।

ইতি তাসাং দ্বশক্ৰীনাং সতীনামসমেত্য সঃ ।

প্রসুপ্তলোকতন্ত্রাণাং নিশাম্য গতিমীশ্বরঃ ॥

কালসংজ্ঞাং তদা দেবীং বিপ্রচ্ছক্তিযুরুক্রমঃ ।

ত্রয়োবিংশতিতত্ত্বানাং গণং যুগপদাবিশং ॥

**অনুবাদ**—ভগবানের স্বীয় অংশভূত প্রকৃতির অধিষ্ঠাতা প্রথম পুরুষ কর্তৃক মায়াতে চিদাভাস রূপ বীৰ্য্যের আধান করিয়া প্রথমে মহৎতত্ত্ব পরে অহংকার তত্ত্ব প্রভৃতি ত্রয়োবিংশতি তত্ত্ব সৃষ্টি করিলেও তাহারা পরস্পর পরস্পরের সহিত মিলিত হইতে না পারিয়া বিশ্ব রচনায় সামর্থ্যহীন হইয়াছে, ইহা অবগত হইয়া কাল সংজ্ঞা শক্তি প্রকৃতিকে অবলম্বন করিয়া সেই পরমেশ্বর ত্রয়োবিংশতি তত্ত্বের গণে অন্তর্ধামীত্ব হেতু একই সময়ে প্রবিষ্ট হইলেন ।

দ্বিতীয় প্রমাণ—প্রহ্লাদের উক্তি ৭।৩।২০-২১ শ্লোক ।

পরাবরেষু ভূতেষু ব্রহ্মান্ত-স্বাবরাদিষু ।

ভৌতিকেষু বিকারেষু ভূতেষথ মহৎসুচ ॥

গুণেষু গুণসাম্যে চ গুণব্যতিকরে তথা ।

এক এব পরো হ্যাত্মা ভগবানীশ্বরোহব্যয়ঃ ॥

**অনুবাদ**—স্বাবরাদি ব্রহ্মা পর্য্যন্ত উৎকৃষ্ট এবং নিকৃষ্ট জীব সমূহে এবং জীব শূন্য ভৌতিক ঘট পটাাদিতে এবং মহাভূত সকলে সত্ত্বাদিগুণ সমূহে প্রকৃতিতে এবং মহাদাদি তত্ত্বসমূহে এই সকলে ব্রহ্ম স্বরূপ ভগবান্ ঈশ্বর অব্যয় এক আত্মরূপে বর্তমান আছেন ।

শাস্ত্রে শ্রদ্ধা বা দৃঢ় বিশ্বাসই ভক্তি অপ্সের

প্রাথমিক স্তর ।

এখানে এই শ্লোক দুইটি প্রমাণ হিসাবে উদ্ধৃত করার প্রধান উদ্দেশ্য হইতেছে যে সঠিক অবস্থায় জীবে ভগবানের অধি-

ষ্ঠান ইহা অনুভব করিয়া তদ্রূপ আচরণ করা সম্ভব নয় এই জন্ম শাস্ত্রের সিদ্ধান্তের উপর সম্পূর্ণ আস্থা স্থাপন করিয়া এই সিদ্ধান্তানুযায়ী জীবের প্রতি আচরণই অভ্যাস করিতে হইবে। সর্বভূতে ভগবৎ দর্শনই সাধনার একটি চরম স্তর এবং এই দর্শনই সিদ্ধান্তরূপের একটি লক্ষণ। ইহা ভাগবতে বহুস্থানে বিশেষ ভাবে উল্লেখিত হইয়াছে।

১। উত্তম ভাগবতের লক্ষণে নবযোগীন্দ্রের অন্যতম হরি বলিয়াছেন—

সর্বভূতেষু যঃ পশ্যেদ্ভগবদ্ভাবমান্বনঃ ।

ভূতানি ভগবত্যাশ্রয়েষ ভাগবতোত্তম ॥

( শ্রীমদ্ভাঃ—১১।২।৪৫ শ্লোক )

অনুবাদ—যিনি নিজের উপাস্ত্র যে ভগবান তাহার ভাব অর্থাৎ সত্ত্বা সর্বভূতে দর্শন করেন এবং সর্বভূতকে ভগবত্যাশ্রিতে অর্থাৎ ব্রহ্মরূপ অধিষ্ঠানে দর্শন করেন তিনিই ভাগবতোত্তম। ( শ্রীচক্রবর্ত্তিপাদ টীকানুযায়ী )।

২। প্রহ্লাদকে উদ্দেশ্য করিয়া শ্রীনারদের উপদেশ—

হরিঃ সর্বেষু ভূতেষু ভগবানাস্ত ঈশ্বরঃ ।

ইতি ভূতানি মনসা কাটমৈস্তৈঃ সাধু মানয়েৎ ॥

( শ্রীমদ্ভাঃ—৭।৭।৩২ )

অনুবাদ—ভগবান্ ঈশ্বর হরি সর্বভূতে বর্তমান আছেন, এইজন্য ভোগের দ্বারা সকল ভূতকে সম্মান দিবে।

৩। শ্রীঋষভদেব তাঁহার পুত্রগণের প্রতি উপদেশ প্রসঙ্গে বলিয়াছেন— শ্রীমদ্ভাঃ ৫।৫।১৩ শ্লোক।

সর্বত্র মদ্ভাববিচক্ষণেন জ্ঞানেন বিজ্ঞানবিরাজিতেন ।  
যোগেন ধৃত্যুত্তমসত্ত্বযুক্তোলিঙ্গং ব্যাপোহেৎ  
কুশলোহহমাখ্যম্ ॥

অনুবাদ—সর্বত্র মদ্ভাবনায় নৈপুণ্য, অনুভব পর্য্যন্ত জ্ঞান, সমাধি দ্বারা ধৈর্য্য যত্ন ও উত্তম যুক্ত হইয়া অহংকার নামক উপাধিকে নিরাকৃত করিবে।

এখানে শ্রীল শিশ্বনাথ চক্রবর্তিপাদ তাঁহার টীকাতে— সর্বত্র মদ্ভাব বিচক্ষণেন অর্থে সর্বত্র মদীয় সত্তা দর্শনে ( সর্বত্র অর্থাৎ সর্বভূতে আমারই সত্তা অনুভব করিয়া ) এইরূপ ব্যাখ্যা করিয়াছেন।

শ্রীমদ্ভাঃ—১১ ২৯।৮ শ্লোকে শ্রীউদ্ধবকে ভগবান্ বলিয়াছেন—

“হন্তু তে কথয়িষ্যামি মম ধর্ম্মান্ সুমঙ্গলান্ ।”

এখানে মম ধর্ম্ম বলিতে ভক্তি জ্ঞান লক্ষণা (চক্রবর্তিপাদ)। সুমঙ্গলান্ বলিতে সুখরূপান্—স্বামিপাদ। এই শ্লোকোক্ত ধর্ম্ম-সমূহের মধ্যে জ্ঞান সাধন প্রসঙ্গে ভগবান্ এই শ্লোকটি বলিয়াছেন।

অয়ং হি সৰ্ব্বকল্পানাং সপ্তীচীনো মতো মম ।

মদ্ভাবঃ সৰ্ব্বভূতেষু মনো বাক্কায়-বৃত্তিভিঃ ॥

( শ্রীমদ্ভাঃ—১১।২৯।১৯ শ্লোক )

অনুবাদ—সৰ্ব্ব প্রকার উপাদেয়ের মধ্যে কায়-মন-বাক্য-বৃত্তি দ্বারা সৰ্ব্বভূতে মদ্ভাব দর্শনই সমীচীন উপায় বলিয়া আমার সম্মত জানিবে ।

সাধকভক্তগণের জীবনে অনেক সময় দেখা যায় ভগবানের প্রতি যথোচিত ভক্তি এবং সেই অনুযায়ী যাবতীয় ভক্তি অঙ্গের যাজন, কিন্তু মানবের প্রতি ভক্তিই হ'উক বা অভক্তিই হ'উক সেই প্ৰীতির অভাব, এমনকি অনেক সময় অবজ্ঞাও লক্ষিত হয় । ইহা যে ভাগবত জীবন গঠনে বিশেষ অন্তরায় এবং ভগবান্ এই সকল সাধকের পূজা প্ৰীতির সহিত গ্রহণ করেন না তাহাই শ্রীকপিলদেব তাহার মাতা দেবভক্তিকে বলিয়াছেন—শ্রীমদ্ভাঃ—  
৩।২৯।২১—২৩ শ্লোকে ।

অহং সৰ্ব্বেষু ভূতেষু ভূতাত্মাবস্থিতঃ সদা ।

তমবজ্ঞায় মাং মৰ্ত্যঃ কুরতেহর্চাবিড়ম্বনম্ ॥

( শ্রীমদ্ভাঃ—৩।২৯।২১ শ্লোক )

অনুবাদ—হে মাতঃ ! আমি অন্তর্ধামীরূপে নিখিল জীবের অন্তরে অবস্থিত, যে মৰ্ত্য জীব সমূহ আমার অধিষ্ঠান ভূত প্রাণী সমূহে কাৰ্ণবুদ্ধি করে না তাহারা বস্তুতঃ আমারই অব-

মাননা করেন, তাহারা ( প্রাকৃত বুদ্ধিতে ) যে প্রতিমাদি পূজা করিয়া থাকেন তাহার দ্বারা অর্চার অবজ্ঞাই করা হয় ।

### শ্রীল চক্রবর্তিপাদের টীকা—

পূর্ব শ্লোকের সহিত অর্থ করিয়া বর্ণিতোছেন যে, বায়ু দ্বারা সঞ্চালিত গুণ যেমন পুষ্পাদি হইতে গন্ধ বহন করিয়া ঘ্রাণেন্দ্রিয়কে আশ্রয় করে, সেইরূপ ভক্তিয়োগযুক্ত শাস্ত্র চিন্ত্ত ও পরমাত্মস্বরূপ ভগবানকে প্রাপ্ত হয়, এইরূপ হইলেও ভক্তি অপরাধের সম্ভাবনা আছে তাহার সম্বন্ধে বিষয়ে বলিতেছেন । সেই অপরাধ প্রায়ই মহতের অবজ্ঞা মূলক হইয়া থাকে । সাধারণতঃ মহাত্মাগণ অলক্ষিতভাবে থাকিলেও অনেকেই আছেন, সেইজন্য তাহাদের প্রতি অপরাধ দূরীকরণের জন্ম সকল ভূতগণই নিজ ইষ্টদেবের অধিষ্ঠান এই বুদ্ধি করিয়া সকলকেই সম্মান করা কর্তব্য । তা না করিলে ভগবৎ বিগ্রহের সেবাও সম্যক ফলবতী হয় না ।

এইটি এবং পরবর্তী ৫টি শ্লোকে ক্রমে অবজ্ঞা, উপেক্ষা, দ্বেষ, নিন্দা এইগুলি হইতে সাবধান হইতে বলিতেছেন । এই শ্লোকে বলিতেছেন, জীবকে অবজ্ঞাকারী আমার যে পূজা করে তাহাতে আমার পূজার অনুকরণই করাট হয়, প্রকৃতভাবে পূজা করা হয় না ।

যো মাং সর্বেষু ভূতেষু সন্তম্নানমীশ্বরম্ ।  
হিত্বার্চাং ভজতে মৌঢ্যাভ্রস্মন্যেব জুহোতি সঃ ॥

( শ্রীমদ্ভাঃ—৩।২৯।২২ )

অনুবাদ—যে ব্যক্তি সর্বভূতে বর্তমান পরমাত্মা স্বরূপ আমাকে উপেক্ষা করিয়া অর্চা বিগ্রহের পূজা করে সে ব্যক্তি মূঢ়তা বশতঃ ভ্রমেই আছতি প্রদান করে ।

দ্বিষতঃ পরকায়ে মাং মানিনো ভিন্নদর্শিনঃ ।  
ভূতেষু বন্ধবৈরশ্চ ন মনঃ শান্তিমুচ্ছতি ॥

( শ্রীমদ্ভাঃ—৩ ২৯।২৩ )

অনুবাদ—পর শরীরে অন্তর্ধামীরূপে অবস্থিত আমাকে যে ব্যক্তি উপেক্ষা করে এইরূপ দেহাদিতে আত্ম অভিমानी, ভেদ দর্শী, ভূত সমূহের প্রতি শক্রতাচরণে কৃতসংকল্প সেই ব্যক্তির চিত্ত কখনও শান্তি প্রাপ্ত হয় না ।

অহমুচ্চাবচৈদ্ৰ বৈঃ ক্রিয়োং পন্নয়ানঘে ।  
নৈব তুশ্চৈহর্চিতোহর্চ্যায়ং ভূতগ্রামাবমানিনঃ ॥

( শ্রীমদ্ভাঃ—৩।২৯ ২৪ )

অনুবাদ—হে নিষ্পাপ মাতঃ ! প্রাণি নিন্দুক ব্যক্তি উৎ-  
কৃষ্টাপকৃষ্ট বহুবিধ দ্রব্য দ্বারা প্রতিমাতে আমার অর্চনা করিলেও  
আমি তাহার প্রতি প্রসন্ন হই না ।

অর্চাদাবর্চয়েত্তাবদীশ্বরং মাং স্বকর্মকৃতং ।

যাবন্ন বেদ স্বহাদি সর্বভূতেশ্ববস্থিতম্ ॥

শ্রীমদ্ভাঃ—৩।২৯।২৫

অনুবাদ—যত দিন স্বীয় হৃদয়ে সর্বভূতে অবস্থিত আমার ভগবৎ স্বরূপের উপলক্ষি না হয় অর্থাৎ উত্তমাধিকারিত্ব লাভ না হয়, তাবৎ কাল শ্রীঅর্চাতে আমার পূজা বিধান করিবে ।

শ্রীল চক্রবর্ত্তিপাদের টীকার মর্ম্ম—

এই শ্লোকে চক্রবর্ত্তিপাদ শুদ্ধাভক্তি, কর্ম্মমিশ্রা ভক্তি, জ্ঞানমিশ্রা ভক্তির তারতমা বিচার করিতেছেন ।

১। শুদ্ধভক্তগণের স্বাভাবিক-ভাবে শুদ্ধ অন্তকরণ হেতু প্রাণি মাত্রে অবজ্ঞা প্রায়ই হয় না ।

২। কর্ম্ম মিশ্রা ভক্তগণের এই প্রাণি অবজ্ঞা সম্ভব । যতক্ষণ না অন্তকরণ শুদ্ধ হয় ততক্ষণ অবজ্ঞার সম্ভাবনা আছে । কিন্তু অন্তকরণ শুদ্ধি হইলে অবজ্ঞা হয় না । এখানে স্বকর্ম্ম কৃতে অর্থ কর্ম্মমিশ্রা সাত্ত্বিক ভক্ত যখন সর্বভূতে অবস্থিত পরমাত্ম স্বরূপ আমাকে অনুভব করে, তখন কর্ম্মে অনধিকার হেতু, ন স্ব কর্ম্ম কৃত, তখন জ্ঞান মিশ্রা ভক্তি দ্বারা অর্চাবিগ্রহে আমার অর্চনা করিবে ।

উপসংহারে শ্রীকপিলদেব সাধকের কর্তব্য রূপে বিধান দিতেছেন—

অথ মাং সৰ্বভূতেষু ভূতান্নানং কৃতালয়ম্ ।  
 অহিয়েদানমানাত্যাং মৈত্র্যাভিন্নেন চক্ষুষা ॥

( শ্রীমদ্ভাঃ—৩।২৯।২৭ )

**অনুবাদ**—অন্তর্যামীরূপে সৰ্বভূতে অবস্থিত আমাকে জীবের পূজা দ্বারাই পূজা করিবে । সকলের সহিত মিত্রতা করিয়া দান মান প্রভৃতির দ্বারা যথা যোগ্য সম্মান করিবে ।

**শ্রীজীব টীকা**—ভূত শব্দে অপ্রাণভূতজীবমারভ্য ভগবদ-পিতাত্মা জীব পর্য্যন্তেষু ভূতাত্মা ।

**শ্রীল চক্রবর্তিপাদের টীকার সারার্থ**—

এ জগতে অনন্ত ক্ষুধার্ত্ত জীব আছে তাহারা দাতার নিকট আসিলে রন্তিদেবের ন্যায় সকলকে ভোজন করাইবার মত সামর্থ্য ধৈর্য্য কয়জনের থাকিতে পারে,—তাহাতেই বলিতেছেন যাহাদের সামর্থ্য আছে তাহারা দান মানাদির দ্বারা সম্মান করিবে । কিন্তু যাহাদের সেইরূপ সামর্থ্য নাই তাহারা কিন্তু বুড়ুকু জনগণ যদি গালি দান বা তিরস্কার প্রভৃতি করে, তাহা হইলেও তাহাদের প্রতি তিরস্কারাদি করিবে না, বরঞ্চ তাহাদিগকে স্তুতি আদির দ্বারা নিজ হইতেও অধিক অধিক আদরের সহিত সম্মান করিবে ।

## শাস্ত্রচক্ষু—চতুর্থ

অজিতেন্দ্রিয় হেতু যদৃচ্ছা লাভে যে ব্যক্তি সন্তোষ হইতে পারেন না, তিনি ত্রিভুবন সম্পত্তি লাভেও সন্তুষ্ট হইতে পারেন না ।

অস ন্তাম কতখানি অনর্থকারী ইহাই শ্রীশুকদেব গোস্বামী শ্রীমদ্ভাগবতে শ্রীধামন দেবের অবতার এবং বলি মহারাজের আশ্রয়দান প্রসঙ্গে উল্লেখ করিয়াছেন ।

শ্রীভগবানুবাচ—

যাবন্তো বিষয়াঃ প্রেষ্ঠান্ত্রিলোক্যামজিতেন্দ্রিয়ম্ ।

ন শক্নুবন্তি তে সৰ্বেষ প্রতিপূরয়িতুং নিপ ॥

( শ্রীমদ্ভাগ—৮।১৯।২৩ )

অনুবাদ—হে রাজন ! ত্রিলোকের মধ্যে যে সকল পরম প্রিয় বিষয় সমূহ বর্তমান রহিয়াছে, সেই সকল দ্রব্যও অজিতেন্দ্রিয় ব্যক্তির কামনা পূর্ণ করিতে পারে না ।

যদৃচ্ছয়োপপন্নেন সন্তুষ্টৌ বর্ততে সুখম্ ।

নাসন্তুষ্টস্ত্রিভিলোকৈরজিতান্নোপসাদিতৈঃ ॥

( শ্রীমদ্ভাগ—৮।১৯।২৪ )

অনুবাদ—প্রারব্ধ কর্মফলে যদৃচ্ছালব্ধ বস্তু দ্বারা সন্তুষ্ট ব্যক্তি যেরূপ সুখে অবস্থান করে । অজিতেন্দ্রিয় ও অতুষ্ট ব্যক্তি ত্রিলোক লাভ করিয়াও তাদৃশ সুখী হয় না ।

যদৃচ্ছা লাভে সন্তোষ ইহাই শ্রীনারদ ঋষিকে উপদেশ  
দিয়াছেন শ্রীমদ্ভাগবতে—

পরিতুষ্টো ততস্তাত তাক্মাত্রেণ পুরুষঃ ।

দৈবোপসাদিতং যাবদীক্যোগ্রগতিং বুধঃ ॥

( শ্রীমদ্ভাঃ—৪।৮।২২ )

**অনুবাদ**—বৎস ঋষ ! ঈশ্বর আনুকূল্য ব্যতীত কোন  
উত্তমই ফলপ্রদ হইতে পারে না, ইহা বিবেচনা করিয়া বুদ্ধিমান  
ব্যক্তির স্বপ্রারব্ধ অনুসারে যাহা যাহা প্রাপ্ত হন তাহাতেই সন্তুষ্ট  
থাকা উচিত ।

ঋষিকে এই কথা বলিয়া শেষ উপদেশ, যাহা মনকে শান্ত  
করিবে, সংসারতম হইতে উদ্ধার করিবে তাহাই বলিতেছেন,—

যশ্ব যদৈববিহিতং স তেন সুখদুঃখয়োঃ ।

আত্মানং তোষয়ন্ দেহী তমসঃ পারমুচ্ছতি ॥

( শ্রীমদ্ভাঃ—৪।৮।৩৩ )

**অনুবাদ**—সুখ ও দুঃখের মধ্যে যে ব্যক্তি যাহা দৈবকর্তৃক  
স্বপ্রারব্ধানুসারে প্রাপ্ত হয়, সে ব্যক্তি তাহার মধ্যে থাকিয়াই  
হরিতে মনোনিবেশ পূর্বক আত্মাকে সন্তুষ্ট করিয়া সংসার উত্তীর্ণ  
হইতে পারে ।

শ্রীল চক্রবর্তিপাদের টীকার **অনুবাদ**— সুখ দুঃখয়োঃ  
অর্থাৎ সুখ বা দুঃখের মধ্যে ।

তেন—সুখের দ্বারা বা দুঃখের দ্বারা ।

তোষয়ন্—সুখ হইলে পুণ্য ক্ষয় হয় এবং দুঃখ হইলে পাপ ক্ষয় হয়, এই প্রকারে যিনি মনের সন্তোষ বিধান করেন ।

তমসঃ—সংসার হইতে ।

শিক্ষা—যদৃচ্ছা লাভে মনের সন্তোষই সাধক জীবনের অমূল্য সম্পদ, ইহা না হইলে বিক্ষেপের পর বিক্ষেপ আসিয়া চিত্তের ধৈর্য্য বিনাশ করিয়া ভজনের পথে বিশেষ কষ্টক হইয়া দাঁড়াইবে !

### শাস্ত্রচক্ষু—পঞ্চম

নিন্দা বা স্তব, সংকার বা গৃহ্ণার, অবিবেক কল্পিত দেহাভিমানীদিগের পীড়া বা সুখ দায়ক হয়, শুদ্ধ আত্মাতে ইহাদের প্রতীত হয় না । ভাগবত জীবন গঠনে সাধককে নিন্দা ও স্তব কি দৃষ্টিতে দেখিতে হইবে, এ বিষয়ে শ্রীশুকদেব শ্রীমদ্ভা— ৭।১।২৩—২৪ শ্লোকে যে সিদ্ধান্ত স্থাপন করিয়াছেন, তাহা আলোচনা করা হইতেছে ।

নিন্দনস্তবসংকার-গৃহ্ণারার্থং কলেবরম্ ।

প্রধানপরয়ো রাজন্বিবিবেকেন কল্পিতম্ ॥

**অনুবাদ**—শ্রীনারদ বলিলেন—হে রাজন্ ! প্রধান (প্রকৃতি) ও পুরুষের রচিত দেহেই নিন্দা, স্তব, আদর বা তিরস্কার ইত্যাদি উপলব্ধি হয়, উহা অবিবেক কল্পিত ।

### শ্রীল চক্রবর্তিপাদের টীকা—

এই প্রসঙ্গটি শিশুপাল কর্তৃক ভগবানের নিন্দা ভগবানের পীড়া দায়ক নয়, ইহা স্থাপিত করিবার উদ্দেশ্য প্রথমে জ্ঞানিদিগের অর্থাৎ যাহাদের দেহাভিমান নাই, তাহাদের সম্বন্ধে বলিতেছেন—

নিন্দা বা স্তুতি জ্ঞানিদিগের ছুঃখ অথবা সুখ প্রদানকারী নয় । কিন্তু যাহারা দেহাত্মাভিমানী তাহাদেরই ছুঃখ বা সুখকারী হইয়া থাকে । তাহার কারণ নির্দেশ করিতে গিয়া বলিতেছেন নিন্দা বা স্তবে বাচিক দোষ, গুণ, সংকার বা শৃঙ্খলে কাঙ্ক্ষিক ও মানসিক সম্মান ও অসম্মানে প্রকাশিত হয়, ইহা প্রকৃতি ও পুরুষের অবিবেক দ্বারা অর্থাৎ আত্ম-অনাত্ম বিবেকের অভাব বশতঃ হইয়া থাকে ।

হিংসা তদভিমানেন দণ্ডপারুষ্ণ্যয়োৰ্যথা ।

বৈষম্যমিহ ভূতানাং মমাহমিতি পার্থিব ॥

শ্রীমদ্ভাঃ—৭।১ ২৪

**অনুবাদ**—সেই কলেবরে অভিমান বশতঃ প্রাণী দিগের “আমি আমার” ইত্যাদি বৈষম্য এবং তাড়না ও নিন্দা, তজ্জন্ম হিংসা ও পীড়া হইয়া থাকে ।

## শ্রীল চক্রবর্তিপাদের টীকা—

এই দেহে অভিমানের জন্মই মানুষ ভাবে যে এই ব্যক্তি আমাকে নিন্দা করিতেছে বা স্তব করিতেছে এবং এই ব্যক্তির দ্বারাই আমি দুঃখ বা সুখ পাইতেছি। এই ব্যক্তি আমাকে পীড়া দিতেছে, এই ভাবিয়া তাহার প্রতি হিংসা ভাব জাগে। এই জন আমাকে ছুৰ্ব্বাক্য বলে, সেই জন্ম আমি তাহাকে বধ করিব। এইরূপে প্রাণীদিগের বৈষম্যভাব হয় যে ইনি আমার শত্রু, উনি আমার বন্ধু, এই জন্ম শত্রুকে আমি হত্যা করিব, বন্ধুজনকে পালন করিব।

এইস্থলে সাধারণ জীবের যাহারা স্তব করে বা মংকার করে, তাহাদের বিরুদ্ধে কোন বিদ্বেষ ভাব জাগে না, কিন্তু নিন্দাকারী দ্বেষকারীর প্রতি যে দ্রোহ আচরণ ভাব অন্তরে জাগিয়া উঠে, ইহা ভক্তি যাজনের পথে বিশেষ অন্তরায় হইয়া থাকে।

জ্ঞানীগণের সাধনে আত্ম, অনাত্ম বিচার দ্বারা তাহারা যখন নিজেকে আত্ম স্বরূপস্থ বলিয়া অনুভব করেন, দেহাভিমান স্বতই বিনষ্ট হয়, তখন অশ্রু কর্তৃক নিন্দা বা দ্রোহ তাঁহাদিগকে স্পর্শ করিতে পারে না। শুদ্ধ ভক্তি যাজনে যদিও এই আত্ম-অনাত্ম বিচার পৃথক ভাবে সাধনের প্রয়োজন হয় না, ঠিক ঠিক ভাবে নির্ম্মার সহিত ভজন চলিতে থাকিলে স্বতই এই বিবেক অর্থাৎ আমি তো এই দেহ নই, আমি তো স্বরূপতঃ আত্মা, ভগবদাস, এই জ্ঞান লাভ হয়। তখন নিন্দা স্তুতি প্রভৃতির

বৈষম্য ভাব চিত্তে আসে না। দেহাশ্মাভিমানই নিন্দা, স্তুতির বৈষম্যের কারণ দেখান হইল। দেহাভিনিবেশ কি ভাবে বৈষম্য সৃষ্টি করে তাহা কপিলদেব ভক্ত্যুখ জ্ঞান ও বৈরাগ্য লক্ষণ প্রসঙ্গে বিবৃতি করিয়াছেন, নিম্ন লিখিত শ্লোক দুইটিতে—

যদাশ্চ চিত্তমর্থেষু সমেষিन्द्रিয়বৃত্তিভিঃ ।  
 ন বিগৃহ্নাতি বৈষম্যাং প্রিয়মপ্রিয়মিত্যুত ॥ ২৪ ॥  
 স তদৈবাত্মনাত্মানং নিঃসঙ্গং সমদর্শনম্ ।  
 হেয়োপাদেয়রহিতমারুঢং পদমীক্ষতে ॥ ২৫ ॥

শ্রীমদ্ভাঃ—৩।৩২।২৪-২৫

অনুবাদ—ভক্তের চিত্ত যখন শ্রীভগবানের গুণানুরাগের দ্বারা তাহাতেই নিশ্চল হইয়া ইন্দ্রিয়বৃত্তি দ্বারা বস্তুর মধ্যে একটিকে প্রিয়, অণ্ডটিকে অপ্রিয় বলিয়া বৈষম্য ধারণা করে না, তখনই সেই ভক্ত বিশুদ্ধ বুদ্ধির দ্বারা স্বপ্রকাশ, আসক্তি রহিত জড়ীয় হেয় উপাদেয়ভাব বর্জিত স্তূতরাং সর্বত্র সমদর্শন এবং আমি পরমানন্দ ব্রহ্ম স্বরূপ, এই প্রকার অনুভব করেন।

শ্রীমদ্ভাঃ—৩।৩২।২৪-২৫ শ্লোকদ্বয়ের চক্রবর্তী পাদের টীকার সংক্ষিপ্ত অনুবাদ নিম্নে দেওয়া হইল।

যখন ভক্তিমতচিত্ত ভগবানের গুণানুরাগের দ্বারা আকৃষ্ট হইয়া সেই গুণাদিতেই নিশ্চল ভাবে স্থির হইয়া ইন্দ্রিয় বৃত্তিদ্বারা প্রাকৃত দৃশ্য, শ্রাব্য, পৃশ্যাদি বস্তুর মধ্যে ইন্দ্রিয় গ্রাহ্য অংশে বস্তু

তুল্য হইলেও ইহা আমার প্রিয় শ্রাব্য ইহা আমার অপ্ৰিয় শ্রাব্য  
এবম্বিধ বৈষম্য ভাব মনে জাগে না। নিন্দা স্তুতি আদিতে লোষ্ট্র  
বা কাঞ্চনাদিতে সমদৃষ্টি বা সম ভাব হয় তখন আত্মনা অর্থাৎ  
বুদ্ধির দ্বারা আত্মানং স্বীয় জীব স্বরূপকে আসঙ্গ রহিত, ব্রহ্মস্বরূপ  
বলিয়া জ্ঞানীগণ অনুভব করেন—শুদ্ধ ভক্তগণ নিজ ইষ্টধামে  
প্রেমবান্ পার্শ্বরূপে অনুভব করেন।

### ইহা হইতে শিক্ষণীয় কি ?

যদি কাহারও বাক্যে নিন্দায় বা ব্যবহারে দ্রোহাদি আচ-  
রণে আমি দুঃখীত বা পীড়িত হই, তাহা হইলে বুদ্ধিতে হইবে  
সেই ব্যক্তির কোন দোষ নাই, তাহা কর্তৃক আমি পীড়িত হইতে  
পারি না, ইহা আমার দেহাভিমান এবং দেহাভিনিবেশ অর্থাৎ  
স্বরূপতঃ আমি যে নিত্য কৃষ্ণদাস অথবা আমি যে রাধা-কিষ্করী  
আমার এই অভিমান পুষ্ট হয় নাই, সেই জন্ম এ দেহে অহং মম  
অভিমান পূর্ণ ভাবেই রহিয়াছে এবং উজ্জ্বল স্বরূপতঃ ভেদ জ্ঞান  
এবং অণু কর্তৃক নিন্দা ও পীড়া দায়ক হইতেছে।

নিন্দা বা স্তুতি, সংকার বা গুণ্কার আমি সমদৃষ্টিতে  
দেখিতে পাইতেছি না। তাহার কারণ আমার ভক্তি অঙ্গ যাজন  
ঠিক ঠিক হইতেছে না—অর্থাৎ ভগবানের নাম, রূপ, গুণ, লীলা-  
দিতে অভিনিবেশ অভাব বশতঃ দেহ ইন্দ্রিয়াদিতেই পূর্ণভাবে  
অভিনিবেশ বর্তমান, সেইজন্ম প্রিয় অপ্ৰিয় ভাব এবং নিন্দা বা

স্বৃতি আমাকে পীড়া দিতেছে, এইরূপে সাধকের নিজের ভজন অভিনিবেশের দিকেই দৃষ্টি ফিরাইতে হইবে—যা চিন্তা করিতে হইবে কি ভাবে তাহার চিত্ত ভগবানের রূপ গুণাদিতে অধিক অধিকতর ভাবে আবিষ্ট করা যায় ।



## সপ্তম অধ্যায়

### ভাগবত জীবন গঠনে

শ্রীমদ্ভাগবতের উপদেশাবলী হইতে শিক্ষা লাভ ।

সাধককে শ্রীমদ্ভাগবত ছুই ভাবে উপদেশ সমূহ নির্দেশ করিয়াছেন । প্রথমতঃ—সাধককে সাক্ষাৎ ভাবে বিধি ও নিষেধ মুখে নির্দেশ করিয়াছেন । দ্বিতীয়তঃ—সাধককে সাক্ষাৎ ভাবে উপদেশ না দিয়া অনেক ক্ষেত্রে সাধুগণের আচরণ বর্ণনার দ্বারা সাধককে শিক্ষা দান করিয়াছেন, অর্থাৎ সাধুগণ এইরূপ বিচার করেন এবং এইরূপ আচরণ করেন, সাধককেও এই এইরূপ বিচার ও আচরণ অনুসরণ করিতে হইবে । এখানে আমরা প্রথমে সাধুগণের আচরণ হইতে শিক্ষা সম্বন্ধে আলোচনা করিব ।

সাধুগণের আচরণ সম্বন্ধে আলোচনা করিবার পূর্বে সাধু কাহাদিগকে বলা হইবে, ইহা জানা প্রয়োজন । শ্রীমদ্ভাঃ—১১

স্কন্ধে ১১শ অধ্যায়ে ২৯-৩৩ শ্লোকে শ্রীউদ্ধবের প্রশ্নের উত্তরে শ্রীভগবান্ যা বলিয়াছেন, তাহাই নিম্নে উদ্ধৃত করা হইতেছে।

### শ্রীভগবান্‌বচ—

কৃপালুরকৃতদ্রোহস্তিতিক্ষুঃ সর্বদেহিনাম্ ।

সত্যসারোহনবঢ়ায়া সমঃ সর্বোপকারকঃ ॥ ২৯ ॥

কৃপালু ( পরদুঃখাসহিষ্ণু ), তিতিক্ষু ( ক্ষমাবান্ অথবা সহিষ্ণু ), সত্যসার ( সত্যং সারঃ স্থিরং অথবা সত্যবলযুক্ত ), অনবঢ়ায়া, ( অসূয়া রহিত ), সমঃ ( সুখ দুঃখে সমচিত্ত ) ।

কামৈরহতধীর্দান্তো মৃদুঃ শুচিরকিঞ্চনঃ ।

অনীহো মিতভুক্ শান্তঃ স্থিরো মচ্ছরণো মুনিঃ ॥ ৩০ ॥

অপ্রমত্তো গভীরাত্মা ধৃতিমান্ জিতঘড়্ গুণঃ ।

অমানী মানদঃ কল্লো মৈত্রঃ কারুণিকঃ কবিঃ ॥ ৩১ ॥

আজ্ঞায়ৈবং গুণান্ দোষান্ ময়াদিষ্টানপি স্বকান্ ।

ধৰ্ম্মান্ সন্ত্যজ্য যঃ সৰ্ব্বান্ মাং ভজেৎ স তু সত্তমঃ ॥

উপরোক্ত শ্লোকগুলির শ্রীম চক্রবর্তিপাদের টীকার অনুবাদ—

শ্রীভগবান্ উদ্ধবকে বলিতেছেন,—আমার ভক্তি কর্ম-জ্ঞানাদিমিশ্রা এবং শুদ্ধা ( কেবলা ) ভেদে দুই প্রকার এবং সেই

জন্ম সেই প্রকার প্রবর্তক সাধুও ছুই প্রকার—তাহার মধ্যে প্রথম কৰ্ম্ম জ্ঞানাদিমিশ্রা ভক্তের লক্ষণ ৩টি শ্লোকে বলিতেছেন ।

“কুপালু” পরসংসার দুঃখ অসহিষ্ণু “অকৃতদ্রোহ” নিজেকে দ্রোহকারীর প্রতি দ্রোহশূন্য । সৰ্ব্বদেহ ধারীর প্রতি এমন কি নিজেকে নিকৃষ্ট জ্ঞান কারীর প্রতিও তিতিক্ষু তাহার অপরাধ ক্ষমাকারী । সত্যই সার অর্থাৎ বল যাহার । “অনবগায়া”— (অসূয়াদি দোষ রহিত) “সম” (সুখ এবং দুঃখে মান এবং অপमानে তুল্য জ্ঞান । “কামৈঃ অহতধীঃ”—কামের দ্বারা যাহার চিত্ত ক্ষুভিত হয় না । “দাস্ত” ( সংযত বাহেন্দ্রিয় ) “মুছু” ( অকঠোর চিত্ত ), “শুচি” ( সদাচার ) অকিঞ্চনঃ ( অপরিগ্রহ ) অনহী ( ব্যবহারিক ক্রীড়া শূন্য ) মিতভুক্ পবিত্র লঘু আহার অথবা মিত পরিমিত আহার ) শান্তঃ ( শান্তরতিমান ) অথবা শান্ত ( অস্তেন্দ্রিয় সংযম যাহার ) স্থির ( নিজের কৰ্ম্মের ফলোদয় পর্য্যন্ত অব্যগ্র ) । মচ্ছরণং ( আমাকেই একমাত্র আশ্রয় করিয়াছেন যিনি ) । মুনি ( মননশীল ) অপ্ৰমত্ত ( সাবধান ) গভীর আত্মা ( যাহার মনের ভাব অন্য কেহ বুঝিতে সক্ষম নয় ) ধৃতিমান ( নির্বিচকার ), জিত ষড়্ গুণঃ ( ক্ষুৎ পিপাসাদি দৃষ্টি রহিত )—অমানী ( মানাকাঙ্ক্ষা শূন্য ) মানদ ( অন্যকে মানদান কারী ) কল্প—( পরকে বুঝাইতে দক্ষ ) মৈত্র ( অবঞ্চক ) কারুণিক ( করুণাই প্রবর্তমান যাহার ) কবি ( সম্যক্ জ্ঞানী ) । ২৯—৩১

৩২ শ্লোকে শুদ্ধা ভক্তির প্রবর্তক সাধুর লক্ষণ বলিতেছেন—

**অনুবাদ—** আমার শরণাগত হইয়া মদীয় বেদশাস্ত্র দিষ্ট স্ব-ধর্মসমূহের অনুষ্ঠানে চিত্তশুদ্ধি প্রভৃতি গুণ এবং অননুষ্ঠানে দোষ, ইহা ভালভাবে অবগত হইয়াও তাদৃশ ধর্মাচরণে মদীয় ধ্যানের বিক্ষেপজনক বলিয়া এবং শুদ্ধা ভক্তি অঙ্গ যাজনের ফলেই সর্ব সিদ্ধ হইবে, এইরূপ নিশ্চয় সহকারে সর্বধর্ম পরিত্যাগ করিয়া অনন্ত হইয়া যিনি সেবা করেন এবং নববিধা ভক্তি অঙ্গের দ্বারা কেবল আরাধনা করেন তিনিও পূর্বোক্ত পুরুষের ন্যায় সত্তম বলিয়া গণ্য হন ॥ ৩২ ॥

### শ্রীল চক্রবর্তিপাদের টীকার আংশিক অনুবাদ—

মিশ্রা ভক্তি এবং শুদ্ধা ভক্তি যাজকের ভিতর কি প্রভেদ তাহাই শ্রীল চক্রবর্তিপাদ বলিতেছেন ।

১ । পূর্ব অধিকারী নিজ ধর্মসকল ত্যাগ না করিয়া ভজন করেন । কিন্তু পরবর্তী অধিকারী ধর্মসকল সম্যক্রূপে পরিহার করিয়া ভজন করেন ।

২ । পূর্ব অধিকারীতে যে সকল গুণ বর্ণিত হইয়াছে সে সকল গুণবান হইয়া সত্তম । আর পরবর্তী সাধক ঐ সকল গুণ অভাবেও সত্তম । কিন্তু তাহা বলিয়া ইহা মনে করিতে হইবে না যে তাঁহাদের ঐ সকল গুণের অভাব থাকে ।

৩। পূর্ব মিশ্রা ভক্তি যাজক সাধুগণ ষড়্ গুণাতীত অথবা সিদ্ধাবস্থায় সত্তম, কিন্তু শুদ্ধা ভক্তি যাজকগণ সাধক দশাতেও সত্তম। এই সকল কারণে শুদ্ধা ভক্তি যাজক সাধুগণ মিশ্রা ভক্তি যাজক সাধুগণ হইতে উৎকৃষ্ট ইহাই ব্যক্ত হইতেছে।

মানবের দোষ গুণ বিচারের দ্বারা সাধুগণের  
সাধুত্বের তারতম্য—

পার্ব্বতী শিবের প্রতি তাহার পিতার আচরণে ক্ষুণ্ণ হইয়া  
দক্ষকে বলিয়াছিলেন।

দোষান্ পরেষাং হি গুণেষু সাধবো

গৃহন্তি কেচিন্ন ভবাদৃশা দ্বিজ ।

গুণা শ্চ ফল্গূন্ বহুলীকরিষ্যবো

মহত্তমাস্তেষু বিদুস্ত্বানঘম্ ॥

শ্রীমদ্ভাঃ—৪।৪ ১২

অনুবাদ—হে দ্বিজবর ! ( পার্ব্বতী নিজ পিতাকে একটু  
কটাক্ষ করিয়া দ্বিজবর বলিয়া সম্বোধন করিয়াছিলেন। ) যাহারা  
অপরের দোষসমূহকে গুণমধ্যে গ্রহণ করেন, তাহারা উত্তম সাধু।  
কিন্তু আপনার ন্যায় ব্যক্তি পরের গুণেতেও দোষ দর্শন করিয়া  
থাকেন। তাহারাই মধ্যম সাধু গণ্য যাহারা গুণ দোষের যথার্থ  
বিচার করেন। যাহারা তুচ্ছ গুণকেও মহৎ বলিয়া প্রশংসা করেন  
তাহারা সর্বোত্তম সাধু।

## শ্রীল চক্রবর্তিপাদের টীকার মর্ম্মার্থ—

১। পরের দোষও গুণেরই প্রকাশ বলিয়া গুণের মধ্যে যিনি গণ্য করেন সেই সাধুগণ মহাস্তই। যদিও এই ব্যক্তি কঠোরভাষী বলিয়া দোষী তথাপি ইহাকে হিতকারী বলিয়াই গণ্য করা উচিত। কারণ উনি যাহা বলিয়াছেন তাহার উদ্দেশ্য সর্ব্বতোভাবে হিত সাধন।

( হিত সাধন ) যেমন নিম্বরস তিক্ত হইলেও ইহার রোগ নিবর্তক গুণই প্রধান। এইরূপে নিম্বরসের ভিতর দোষ না দেখিয়া গুণই দেখিতেছেন যাহারা, তাঁহারাই মহৎ।

২। আবার দোষ ধরা তো ছুরের কথা, কোন বিষয়ে দোষ থাকিলেও তাহা না দেখিয়া কেবল গুণই দেখেন, যেমন আগত এই ব্যক্তি বণিক অর্থাৎ কিছু বিক্রয়ের উদ্দেশ্যেই আগত হইলেও ইহাকে অতিথিরূপে গণ্য করিতে হইবে এবং সেই ভাবে আদর অভ্যর্থনা করিতে হইবে। ইহারাই হইবেন মহত্তর।

৩। যাহারা কিন্তু সামান্য গুণকেও বহুতর গুণ বলিয়া গ্রহণ করেন, এইরূপই যাহাদের স্বভাব, বলা বাহুল্য অল্প দোষও ধরেনই না, যেমন এই ব্যক্তি শীতার্ভ হেতু আমার বস্ত্র হরণ করিলেও ইনি দয়ালু নিশ্চয়ই, কারণ তাহাব সহিত অস্ত্রশস্ত্র থাকিলেও ইনি আমাকে বধ বা আঘাত করেন নাই, ধন্য এ ব্যক্তি এই রূপ ভাবে যাহারা বিচার করেন তাঁহারাই মহত্তম।

অথবা আমার শীত বস্ত্র দেওয়ার সামর্থ্য থাকতেও যদি শীতার্ভ ব্যক্তিকে সাহায্য করিতে পারি নাই বলিয়া নিজেকে লজ্জিত মনে করাই মহতের উত্তম লক্ষণ ।

এইরূপে অসাধুগণেরও তর, তম ভেদ করিয়া পার্শ্ববর্তী শিবকে অতি মহত্তম আখ্যা দিয়া নিজের পিতা দক্ষকে অতি অসাধুতম পর্য্যায় গণ্য করিয়াছেন ।

সাধুগণের আচরণ বর্ণনা দ্বারা শ্রীমদ্ভাগবত সাধকদিগকে আচরণ সম্বন্ধে শিক্ষাদান করিয়াছেন বিভিন্ন অধ্যায়ে, তাহার কয়েকটি এখানে উদ্ধৃত করা হইতেছে ।

তিরস্কৃত্য বিপ্রলক্সাঃশপ্তাঃ ক্ষিপ্তা হতা অপি ।  
নাশ্চ তৎ প্রতিকূর্ষন্তি তদ্রূপাঃ প্রভবোহপি হি ॥

শ্রীমদ্ভাগবতঃ—১।১৮।১৮

অনুবাদ—ব্রাহ্মণ শমীকমুনি নিজপুত্রের ব্যবহারে দুঃখিত হইয়া তাহার পুত্রকে বলিতেছেন—

ভগবদ্ভক্তগণ অপরের দ্বারা তিরস্কৃত, প্রতারণিত, অপমানিত, অভিশপ্ত ও তাড়িত হইলেও এবং তিনি সেই অনিষ্টকারীর প্রতি অপকার করিতে সমর্থ হইলেও সেইরূপ আচরণ করেন না ।

ইহা দ্বারা সাধকগণকে নিজ আচরণ কিরূপ হওয়া উচিত, তাহারই নির্দেশ দিয়াছেন । অর্থাৎ এ সকল দুঃখ ভোগ তাহারই

নিজের প্রারক বশতঃ সেই জন্তু অস্ত্রের উপর দোষারোপ করেন না।

যস্মিন্ যদা পুঙ্করনাতমায়য়া

দুরন্তয়া স্পৃষ্টধিয়ঃ পৃথগ্‌দৃশঃ ।

কুর্ষান্তি তত্র হনুকম্পয়া কৃপাং

ন সাধবো দৈববলাৎ কৃতে ক্রমম্ ॥

( শ্রীমদ্ভাঃ—৪।৬।৪৮ )

অনুবাদ—ব্রহ্মা শিবকে স্তব করিতে গিয়া বলিতেছেন—  
হে প্রভো ! যদি কোন দেশে কোন কালে কোন ব্যক্তি বিষ্ণু মায়ী  
মোহিত হইয়া ভেদ দর্শন নিবন্ধন সাধুগণের নিকট কোন অপরাধ  
করিয়া ফেলেন, সাধুগণ ঐ অপরাধীর কার্যকে প্রারককৃত জ্ঞান  
করিয়া তাহার প্রতি অনুকম্পাই করেন। ইহা হইতে শিক্ষণীয়  
বিষয় এই যে ভাগবত ধর্ম্মাবলম্বী সাধুগণ অপরাধীর প্রতি কৃপাই  
করিবেন, কোন রূপ দ্রোহ আচরণ করিবেন না।

সুধিয়ঃ সাধবো লোকে নরদেব নরোত্তমাঃ ।

নাভিদ্ৰহন্তি ভূতেভ্যো যর্হি নাত্মা কলেবরম্ ॥

( শ্রীমদ্ভাঃ—৪।২০।৩ )

অনুবাদ—এই শ্লোকটি পৃথু যজ্ঞে, ভগবান্ পৃথু মহা-  
রাজের পূজা গ্রহণ করিয়া তাহাকে বলিতেছেন—হে নরদেব!  
দেহ আত্মা নহে, এই কারণেই নরোত্তম স্মৃমেধা সজ্জনগণ প্রাণি-  
দিগের হিংসা করেন না।

এই শ্লোকটির তাৎপর্য এই যে সাধুগণ নিজেদের দেহাভি-  
মান ত্যাগ করিয়া নিজকে আত্মা বলিয়া সব সময় চিন্তা করেন।  
আত্মাতে দ্রোহাদি স্পর্শ করে না, এই হেতু তাহারা ভূত কর্তৃক  
পীড়িত হইলেও প্রাণিগণের প্রতি হিংসা আচরণ করেন না।  
ছুঃখ দানে দ্রোহ আচরণ, নিন্দা প্রভৃতি দেহেরই ধর্ম আত্মার  
নয়।

যিনি দেহাভিমান ত্যাগ করিয়া নিজকে আত্মা বলিয়া  
অনুভব করেন, তিনি ভূতগণ কর্তৃক পীড়িত হইলে প্রাণিগণের  
প্রতি হিংসা আচরণ করেন না।

সাধককেও এই ভাবে নিজস্বরূপ নিরন্তর চিন্তা করিয়া  
দেহ অভিমান হইতে মুক্ত হইয়া প্রাণিগণের প্রতি হিংসা দ্রোহ  
ত্যাগ করিতে হইবে।

শ্রীনারদের আচরণ হইতে শিক্ষা লাভ

শ্রীশুক উবাচ—

প্রতিজগ্রাহ তদাচং নারদঃ সাধুসম্মতঃ ।

এতাবান্ সাধুবাদো হি তিতিক্ষেতেশ্বরঃ স্বয়ম্ ॥

( শ্রীমদ্ভাগবত—৬।৫।৪৪ )

শ্রীনারদকে দক্ষ অভিশাপ দিবার পর শ্রীশুকদেব শ্রীনার-  
দের আচরণ সম্বন্ধে বলিতেছেন—

**অনুবাদ**—সাধুগণ প্রশংসিত নারদ “আপনার বাক্য সত্য হোক” বলিয়া প্রজ্ঞাপতির বাক্য স্বীকার করিলেন। প্রতিশাপ প্রদান করিতে সমর্থ হইলেও প্রতিশাপ না দিয়া উহা সছ করিলেন, ইহাই সাধুগণের সাধুতা।

### শ্রীল চক্রবর্তিপাদের টীকার অনুবাদ—

প্রতিজ্ঞগ্রাহ অর্থ স্বীকার করিয়া লইলেন। “সাধুনাং সম্মত”—অর্থে—সাধুগণ এইরূপ সছ করিয়া থাকেন। “ঈশ্বর” অর্থে—প্রতিশাপ দিতে সমর্থ হইলেও দক্ষকে অনুগ্রহ কর'র জন্ত শ্রীনারদ আসিয়াছিলেন। কিন্তু দক্ষ তাঁহাকে ভাল ভাবেই তিরস্কার করিলেন। সেই তিরস্কার বচন শ্রবণ করিয়া নারদ সেই স্থান ত্যাগ করিলেন না কেন ?

শ্রীনারদের অন্তরে এটি অভিপ্রায় ছিল ; দক্ষ তাহাকে ক্রোধ বশতঃ বহুরূপ তিরস্কার করে করুক সাজাই বা দিক, এই সকল ক্রোধেরই ফল। যখন দক্ষের ক্রোধের অবসান হইবে, দেখিবে যে আমি এই সকল তিরস্কারের প্রতি তিরস্কার না করিয়া নির্বিবাদে সছ করিলাম, তখন তাহার মনে খেদ জাগিবে সে অনুতপ্ত হইবে, মনে মনে বলিবে হায় ! ইনি ভগন্তু। তাহাকে আমি তিরস্কার করিয়া শাপ প্রদান করিয়াছি। এইরূপে বৈকুণ্ঠে শ্রীভগবৎ দর্শনে আগত সনকাদির দ্বায় যখন অনুতপ্ত হইবে, তখন তাহার চিত্ত ভক্তিবীজ বপনের যথাযোগ্য ক্ষেত্র হইবে। এবং আমি তখন শুদ্ধ ভক্তি বীজ তাহার অন্তরে বপন করিব।

শ্রীনারদের আচরণ হহতে আমরা এই শিক্ষা পাই—

১। যদি কোন ব্যক্তি ক্রুদ্ধ হইয়া কোন কটুবাক্য প্রয়োগ করে তাহা অবশ্য সম্বন্ধ করিতে হইবে ইহাই তিতিক্ষা।

২। যদি সাধকের ঐ ব্যক্তিকে কিছু বুঝাইবার থাকে, তাহা হইলে তৎক্ষণাৎ সেই চেষ্টা করা উচিত নহে। তাহার ক্রোধ শান্তি হইলে উপযুক্ত সময়ে সেই সম্বন্ধে আলোচনা করা উচিত।

প্রহ্লাদ চরিত্র হইতে শিক্ষা

সাধুগণের আচরণ হইতে শিক্ষা—

ভগবানের নিকট হইতে নিজের জন্য কিছু প্রার্থনা করা ভক্তের উচিত না। শ্রীনৃসিংহদেবের নিকট প্রহ্লাদের উক্তি হইতে এই শিক্ষা আমরা পাই।

নাগ্যথা তেহখিলগুরো যতেত করুণায়নঃ।

যন্ত আশিষ আশান্তে ন স ভৃত্যঃ স বৈ বণিক্ ॥

( শ্রীমদ্ভাগঃ—৭।১০।৪ )

দ্বিতীয় পাদের অর্থ—আপনা হইতে যে ব্যক্তি বিষয়াদি ভোগ প্রার্থনা করে, সে আপনার ভৃত্য নয়—সে বণিক।

বিবৃতি—ভগবান্ পূর্বে যখন প্রহ্লাদকে বর প্রার্থনা করিতে প্রলোভিত করিলেন তখন প্রহ্লাদ ভক্তের লক্ষণ ব্যক্ত করিবার উদ্দেশ্যে উপরোক্ত পাদটি বিবৃত করেন।

## শ্রীল চক্রবর্তিপাদের টীকার শেষাংশের অনুবাদ—

বণিক বলিতে ভগবান্কে কিছু পত্র পুষ্প নৈবেদ্যাদি দিয়া, আপনার নিকট হস্তি, অশ্ব রথাদি সম্পত্তি অথবা ব্রহ্ম, ইন্দ্রাদি পদ পাইবার ইচ্ছা করে। প্রহ্লাদ পুনরায় স্বামী ভৃত্য লক্ষণ বর্ণনা করিতেছেন—

আশাসানো ন বৈ ভৃত্যঃ স্বামিন্যাশিষ আত্মনঃ ।

ন স্বামী ভৃত্যতঃ স্বাম্যমিচ্ছন্ যো রাতি চাশিষঃ ॥

( শ্রীমদ্ভাঃ—৭।১০।৫ )

অনুবাদ—স্বামীর নিকট নিজ কলাগণ কামীব্যক্তি ভৃত্য নহে এবং ভৃত্য হইতে স্বীয় প্রভুত্বাকাঙ্ক্ষী ঐশ্বর্যদাতাও প্রভু নহেন।

## অন্য আর একটি শিক্ষা—

প্রহ্লাদ নিজেকে দৈন্যবশতঃ প্রাকৃত বিষয়ে অভিলাষী বলিয়া মনে করিয়া শ্রীনৃসিংহদেবের নিকট প্রার্থনা করিতেছেন—

যদি দাস্তসি মে কামান্ বরাং স্বং বরদর্ষভ ।

কামানাং হৃদ্যসং রোহং ভবতস্ত বৃণে বরম্ ॥

( শ্রীমদ্ভাঃ—৭।৫ ৭ )

অনুবাদ—হে বরদর্ষভ ! অর্থাৎ বরদানকারীগণের মধ্যে শ্রেষ্ঠ, আপনি যদি আমাকে আমার অভীষ্ট বর দান করেন, তবে আমি আপনার নিকট হৃদয়ে বাসনার অনুৎপত্তিই প্রার্থনা করি।

**বিবৃতি**— প্রহ্লাদের বাল্য চরিত সম্বন্ধে শ্রীনারদ মহারাজ যুধিষ্ঠিরের নিকট যাহা বর্ণনা করেন তাহাতে ইহা স্পষ্ট যে প্রহ্লাদের প্রাকৃত কামনা বাসনা হৃদয়ে ছিল না, তিনি নিরন্তর ভগবৎ চিন্তায় মগ্ন থাকিতেন, তবুও যে এই প্রার্থনা ইহা তাঁহার দীনতারই পরিচয়, সাধন ভঙ্গন বিহীন দীনগণের মধ্যে নিজেকে গণ্য করিয়াই এই প্রার্থনা।

ইহার ভিতর আর একটি ভাব অন্তর্নিহিত আছে। ভক্ত যেমন প্রাকৃত বৈষয়িক সুখ-কামনার অসংরোহের জন্য প্রার্থনা করে—তেমনি অপ্রাকৃত সেবা বাসনা সংরোহের জন্য তাহার সাধন, যেমন সাধনায় অগ্রসর হন, তেমন তেমন অপ্রাকৃত সেবা বাসনা উত্তর উত্তর বৃদ্ধি পায়—তাহাই শ্রীল দাস গোস্বামিপাদের দুইটি শ্লোকে স্পষ্ট ভাবে ব্যক্ত হইয়াছেন।

নত্না তাং ক্লপয়াবিষ্টাং দুষ্টোহপি নিষ্ঠুরঃ শঠঃ ।

জনোহয়ং যাচতে দুঃখী রুদন্নুচ্চৈরিদং মুক্তঃ ॥

তৎপদান্তোজযুগ্মৈক গতিঃ কাতরতাং গতঃ ।

কৃত্বা নিজগণশ্রান্তঃ কারুণ্যান্নিজ-সেবনে ॥

নিয়োজয়তু মাং সাক্ষাৎ সেয়ং বৃন্দাবনেশ্বরী ॥

বিশাখানন্দস্তোত্র—১২৮—১৩০

যদিও প্রহ্লাদের প্রার্থনায় ইহা স্পষ্ট ভাবে প্রকাশিত হয় নাই, তথাপি ভক্ত আদর্শ প্রহ্লাদের অন্তরে দাস্য ভাবে সেবা বাসনার সংরোহও ছিল ইহা বুঝিতে হইবে।

## অষ্টম অধ্যায়

### সাধককে সাক্ষাৎভাবে উপদেশ—

#### বিধিযুখে সাধকগণকে শিক্ষা—

ভাগবত জীবন গঠন করিতে হইলে অন্তরে যে ভাব নিয়ত পোষণ করিতে হইবে এবং সেই অনুযায়ী নিজের দৈনন্দিন জীবনে আচরণ করিতে হইবে, তাহা ব্রহ্মা অতি কৌশলে ভগবানের নিকট স্তবরূপে সাধকের কল্যাণের জন্ত নিবেদন করিয়াছেন।

তত্ত্বেহ্নুকম্পাং সুসমীক্ষমাণো

ভুঞ্জান এবান্নকৃতং বিপাকম্ ।

হৃদাগ্‌বপুভির্বিদধন্নমস্তে

জীবেত যো মুক্তিপদে স দায়ভাক্ ॥

( শ্রীমদ্ভাঃ—১০।১৪।৮ )

অনুবাদ—হে প্রভো ! যে ব্যক্তি সুখ এবং দুঃখ আপনার কৃপাদ্রুত এইরূপ জানিয়া স্থায় প্রারব্ধ কর্মফল অবিচলিত চিত্তে ভোগ করিয়া কায়মনোবাক্যে আপনার প্রতি নমস্কার জ্ঞাপন করিয়া জীবিত থাকেন, তিনিই মুক্তিপদে দায়ভাগ হইয়া থাকেন।

টীকা স্বামিপাদ—পূর্বোক্ত হেতু ভক্তিই অনুর্তের। ইহাই বলিতেছেন। কি ভাবে ভক্তি করিতে হইবে? তত্ত্বেহ্নুকম্পাং সুসমীক্ষমাণ ইত্যাদি। হে প্রভো ! আপনার কৃপা কবে লাভ

করিব। এই কৃপাকেই বহু আকাঙ্ক্ষিত বস্তু মনে করিয়া নিজের অর্জিত কর্মফল, অনাসক্ত হইয়া ভোগ করিয়াই আতশয় তপাদি দ্বারা নিজেকে ক্লিষ্ট না করিয়া যে জীবন ধারণ করে, সে মুক্তির দায় ভাক্ হয় ( অধিকারী হয় )। সম্পত্তি লাভের দায় প্রাপ্তের হ্রায়, ভক্তের মুক্তি লাভ করিবার জন্ত কেবল জীবন ধারণ ব্যতীত অত্র কোন সাধনের প্রয়োজনীয় নয়।

### শ্রীল জীব গোস্বামিপাদের টীকার অনুবাদ—

আত্মনা কৃতম্ অর্থাৎ অর্জনকরা হইয়াছে সোপার্জিত সেই জন্ত অবশ্যই ভোগ করিতে হইবে। এখানে সুখ বা দুখ বিচার নাই। বিপাকং অর্থাৎ বিবিধ কর্মফল।

এই অধ্যায়ের ৫ম শ্লোক “পুরেহ ভূমন্” ইত্যাদি শ্লোক অনুসারে পূর্বে বহু যোগীগণ আপনার কথা শ্রবণ, কীর্তনাদিরূপ ভক্তিদ্বারা আপনাকে লাভ করিয়াছিলেন।

.....কায়মনোবাক্যে অর্থাৎ বিশেষ আসক্তির সহিত প্রণাম এই ভাব। মুক্তিপদ—অর্থাৎ মুক্তি নামক পদ চরণারবিন্দ ১।১৮।১৬ শ্লোক—“যেনাপবর্গাখ্যমদভ্রবুদ্ধি”। হইতে বুঝা যায় অপবর্গ-মোক্ষ ( ভক্তগণের ভগবানের পদ প্রাপ্তিই মোক্ষ। ২।১০।১ অত্র সর্গ বিসর্গ ইত্যাদি শ্লোক.....যে মুক্তি তাহারও আশ্রয় দশম পদার্থ ( আশ্রয় তত্ত্ব )। আর এক ভাবে লওয়া যায় মুক্তিও পদে যাহার, সেই আপনাকে লাভ করিবার দায় ভাগ অর্থাৎ পূর্ণ অধিকারী হয়।

প্রাকৃত সংসারে যে রূপে পিতা ভাতৃগণের ভিতর সম্পত্তি বন্টন বিষয়ে দায়ত্ব হন সেই রূপ আপনিও আপনার চরণারবুন্দলাভ করিবার দায়ত্ব রূপে বর্তমান থাকেন ; এই সাধনে বুদ্ধি বা পৌরুষাদির প্রয়োজন হয় নাই তাহা ব্যতীত কেবলং জীবিত্ব অর্থ পুত্র যেমন জীবিত থাকিলেই পিতার সম্পত্তির অধিকারী হয় সেইরূপ এখানে জীবিত বলিতে ভক্তি মার্গে স্থিতি বৃদ্ধিতে হইবে ।

### শ্রীল বিশ্বনাথ চক্রবর্তিপাদের টীকার সার মর্ম্ম—

আত্মকৃত বিপাক-সুখ ও দুঃখ, ভক্তিমার্গে অননুসংহিত ফল সুখ এবং অপরাধের ফল দুঃখ ভোগ করিতে করিতেই কালক্রমে প্রাপ্ত ঐ সুখ দুঃখকে ভগবৎ কৃপা ফল স্বরূপেই জানিবে । পিতা যেমন পুত্রকে সময়ে সময়ে ছুড় এবং নিম্বরস কৃপাপূর্ব্বক পান করান, কখনও আলিঙ্গন কখনও চুম্বন করেন, আবার কখনও চপোটঘাত করেন, সেইরূপে আমার হিতাহিত আমার প্রভুই জানেন, আমি তাহার ভক্ত আমি বিষয়ে কাল কৰ্ম্মাদির কোন অধিকার নাই । প্রভু কৃপা বিতরণে সুখ দুঃখ ভোগ করাইয়া থাকেন ।

পুথু মহারাজ স্তব করিয়াছিলেন ভাঃ—৪।২।০।৩।১—“যথা-  
চরেদ……” ইত্যাদি ।

যে রূপ পিতা নিজেই হিত চেষ্টা করেন, সেইরূপ আপনারও আমাদিগের গায় অজ্ঞান ব্যক্তির মঙ্গল চিন্তা করা যোগ্য হইতেছে । এই ভাব লইয়া প্রত্যহ ভগবানকে কায়মনোবাক্যে

নমস্কার করিয়া অতি মাত্রা ক্লেশ স্বীকার না করিয়া যিনি জীবন ধারণ করেন, তিনিই মুক্তি এবং পদ অর্থাৎ সংসার মুক্তি এবং ভগবদ্ চরণে সেবাও প্রাপ্ত হন এখানে সংসার মুক্তি আনুসঙ্গিক, মুখ্য ফল সেবা এই ছুইয়েরই অধিকারী হন ।

প্রসঙ্গমজরং পাশমাঅনঃ কবয়ো বিদুঃ ।

স এব সাধুষু কৃতো মোক্ষদারমপারতম্ ॥

( শ্রীমদ্ভাঃ—৩।২৫।২০ )

**অনুবাদ**—পণ্ডিতগণ বলিয়া থাকেন যে স্ত্রী পুত্রাদিতে আসক্তিই জীবের দৃঢ় বন্ধন স্বরূপ, আবার সেই আসক্তিই যদি সাধুগণের প্রতি কৃত হয়, তাহা হইলে উহা বৈরাগ্য উৎপাদন এবং ভাগবত শ্রীতি, সেই আসক্তিই দ্বারা নিরাবরণ মোক্ষের দ্বার স্বরূপ হইয়া থাকে ।

**শ্রীল চক্রবর্তিপাদের টীকা**—সাধু সঙ্গই ভক্তির মূল কারণ । মোক্ষের দ্বার স্বরূপ ঐকান্তিক ভক্তদিগের মোক্ষের পৃথক্ সাধনের প্রয়োজন নাই । ইহাই ভক্তির অননু সংহতি ফল রূপেই হইয়া থাকে ।

শ্রীমদ্ভাঃ ১১১০।৬—৭ শ্লোকে শ্রীভগবান্ উদ্ধবকে বর্ণাশ্রম আচরণ প্রসঙ্গে বলিয়াছেন,— যদিও ইহা সন্ন্যাস আশ্রমকে উদ্দেশ্য করিয়া বলিয়াছেন তাহা হইলেও সাধকের সকল অবস্থায় ইহা প্রযোজ্য ।

অমাগ্ৰমৎসরো দক্ষো নিৰ্মমো দৃঢ় সৌহৃদঃ ।

অসত্তরোহর্থজিজ্ঞাসুরনস্মুরমোঘবাক্ ॥

জায়াপত্য গৃহক্ষেত্র-স্বজনদ্রবিণাদিষু

উদাসীনঃ সমং পশ্যন্ সর্বেষ্বর্থমিবাশ্বনঃ ॥

( শ্রীমদ্ভাঃ—১১।১০।৬—৭ )

**অনুবাদ**—গুরুসেবক নিরভিমান, পরের উৎকর্ষ সহনশীল  
অনলস, বিষয়ে মমতা রহিত, গুরুর প্রতি দৃঢ় প্রীতি যুক্ত অব্যগ্র,  
জ্ঞানাকাজক্ষী, অসূয়া বিহীন এবং বৃথালাপ হইতে নিবৃত্ত হইবেন ।  
সর্বত্র সম প্রয়োজনদর্শী হইয়া জায়া, পুত্র, গৃহ ক্ষেত্র, স্বজন এবং  
ধনাদি বিষয়ে উদাসীন হইবেন ।

শ্রীপ্রহ্লাদ অসুর বালকগণকে উপদেশরূপে নিম্নলিখিত  
কয়েকটি শ্লোকে বলিয়াছেন, তাহা ভাগবত জীবন গঠন প্রয়াসী  
সকল সাধকের পক্ষেই প্রযোজ্য ।

ভাগবত ধর্ম্য কৌমার হইতে আচরণীয় ।

কৌমার আচরেং প্রাজ্ঞো ধর্মান্ ভাগবতানিহ ।

দুর্লভং মানুষং জন্ম তদপ্যধ্বমর্থদম্ ॥

( শ্রীমদ্ভাঃ—৭ ৬।১ )

**অনুবাদ**—প্রাজ্ঞব্যক্তি মনুষ্য জন্ম লাভ করিয়া কৌমার  
বয়সেই ভাগবত ধর্মের অনুষ্ঠান করিবেন । কারণ সংসারে মনুষ্য  
জন্ম অতি দুর্লভ, তাহাতেই আবার অনিত্য । কিন্তু তথাপি এই  
মনুষ্য জন্ম অর্থদম্ অর্থাৎ পুরুষার্থ প্রদ ।

**শ্রীল চক্রবর্তিপাদ**—অর্থদং কথার অর্থ টীকাতে লিখিয়া-  
 য়াছেন মুহূর্ত মাত্র ব্যাপি……ভক্তি অঙ্গ যাজনে ঋট্টাঙ্গ প্রভৃতির  
 সিদ্ধিলাভ হইয়াছিল ।

ভাগবত ধর্ম আচরণে শ্রীবিষ্ণুর পাদ সেবনই একান্ত  
 কর্তব্য ।

ভাগবতধর্ম কি প্রকারে আচরণ করিতে হইবে ইহার  
 উত্তরে প্রহ্লাদ বলিতেছেন—

যথা হি পুরুষশ্চেহ বিষোঃ পাদোপসর্পণম্ ।

যদেষ সর্বভূতানাং প্রিয় আশ্বেশ্বরঃ সুহৃৎ ॥

( শ্রীমদ্ভাঃ—৭ ৬ ২ )

**অনুবাদ**—এই মনুষ্য জন্মে শ্রীবিষ্ণুর পাদ সেবনই কর্তব্য  
 যেহেতু শ্রীবিষ্ণুই সর্বভূতের প্রিয়, আশ্রা, ঈশ্বর ও সুহৃদ ।

মনুষ্য জন্ম লাভ করিয়া সুখের জন্য প্রয়াসের  
 প্রয়োজন নাই ।

সুখমৈন্দ্রিয়কং দৈত্যা দেহযোগেন দেহিনাম্ ।

সর্বত্র লভ্যতে দৈবাদ্ যথা দুঃখমঘত্নতঃ ॥

( শ্রীমদ্ভাঃ—৭ ৬ ৩ )

**অনুবাদ**—হে দৈত্যবালকগণ, দেহ যোগবশতঃ ইন্দ্রিয়  
 বিষয় সংযোগ জন্ম যে সুখ, তাহা পূর্বদৃষ্ট অনুসারে যত ব্যতীতই  
 দুঃখের স্রায় লাভ হইয়া থাকে । মনুষ্য ব্যতীত পশাদিতেও এই  
 রূপ লাভ হইয়া থাকে ।

শ্রীল চক্রবর্তিপাদের টীকা—মনুষ্যদেহ প্রাপ্ত হইয়া স্মৃৎ  
ভোগার্থ উত্তমের প্রয়োজন নাই দেহযোগেন—বলিতে স্মৃৎ  
দুঃখ দেহেরই ধর্ম—ইহাই বুদ্ধিতে হইবে।

## নিষেধ মুখে ভক্তের কর্তব্য উপদেশ

যতি ধর্ম নির্দেশ প্রসঙ্গে শ্রীনারদ মহারাজ যুধিষ্ঠীরকে  
এই ছইটি শ্লোক বলেন—

নাসচ্ছাস্ত্রেষু সজ্জৈত নোপজীবৈত জীবিকাম্ ।

বাদবাদাংস্ত্যজ্যেৎ তর্কান্ পক্ষং কঞ্চন সংশ্রয়েৎ ॥

ন শিষ্যাননুবধীত গ্রহান নৈবাভ্যাসেদহহ্ন ।

ন ব্যাখ্যায়ুপযুক্তীত নারন্তানারভেৎ কচিৎ ॥

( শ্রীমদ্ভাগ—৭।১৩।৭—৮ )

অনুবাদ—অনাথ-শাস্ত্রে ( নাটকাদি ) আসক্ত হইবে না,  
শাস্ত্রের দ্বারা জীবিকা সম্পাদন করিবে না। জল্পাদি নষ্ট তর্ক  
পরিত্যাগ করিবে এবং কোন পক্ষই আশ্রয় করিবে না। প্রলোভ-  
নাদির দ্বারা বহুশিষ্য সংগ্রহ বহু শাস্ত্রাভ্যাস, গ্রন্থ ব্যাখ্যার দ্বারা  
উপজীবিকা কল্পন এবং মঠাদি নির্মাণ করিবে না।

শ্রীভাগ—৭।১৩।৩১ এবং ৩৩ শ্লোকে প্রহ্লাদ ও অজগর  
বৃত্তি, মুনি বিষয়ক পুরাতন ইতিহাস প্রসঙ্গে শ্রীনারদের বর্ণনা।

অধ্যাত্মিকাদিভির্দুঃখৈরবিমুক্তস্য কহিচিৎ ।

মর্তস্য ক্লেশোপনতৈরর্থৈঃ কামৈঃ ক্রিয়েত কিম্ ॥

( শ্রীমদ্ভাঃ—৭।১৩।৩১ )

**অনুবাদ**—সর্বদাই অধ্যাত্মিকাদি ত্রিতাপ কর্তৃক অপ-  
রিতাক্ত মরণধর্মী জীবের দুঃখ প্রাপ্ত অর্থ ও কামদ্বারা কি পরিমাণ  
সুখ হইতে পারে ?

**শ্রীল চক্রবর্ত্তিপাদের টীকা**—এখানে এই মর্তস্য কথাটির  
উপর বিশেষ দৃষ্ট দিতে হইবে । যদি বলা যায়, কেন অর্থ ও  
কামই মানুষের পুরুষার্থ তাহাতে সুখ হইবে না কেন ? তাহাতেই  
বলিতেছেন অর্থ অজ্ঞানে যদিও কাম চরিতার্থ হয় তাহাতেও  
মানুষ মরণ ধর্মশীল বলিয়া সেই ফল দীর্ঘকাল ভোগ করিতে  
পারে না কেবল সুখ ছুরের কথা, দুঃখের সহিত সুখ ভোগই অনেক  
সময় সম্ভব হয় না, কারণ অকস্মাৎ অভাবনীয় ভাবে মৃত্যু আসিয়া  
গ্রাস করে ।

রাজতর্শোরতঃ শত্রোঃ স্বজনাং পশুপক্ষিতঃ ।

অর্থিভ্যঃ কালতঃ স্বস্মান্নিত্যং প্রাণার্থবদ্রয়ম্ ॥

( শ্রীমদ্ভাঃ—৭।১৩।৩৩ )

**অনুবাদ**—রাজা, চোর, শত্রু, স্বজন, পশুপক্ষী, প্রার্থী,  
প্রাণধারী, কাল এবং অর্থবান দিগের আপনা হইতে ভয় সর্বদা  
বর্ত্তমান থাকে ।

শোকমোহ-ভয়ক্রোধ-রাগক্লেব্যশ্রমাদয়ঃ ।

যন্মূলাঃ সূনৃণাং জহাং স্পৃহাং প্রাণার্থয়োবুধঃ ॥

( শ্রীমদ্ভাগ— ৭।১৩।৩৪ )

অনুবাদ—বিবেকীগণ মনুষ্যাদিগের শোক, মোহ, ভয়, ক্রোধ, রাগ, দৈন্ত্য ও শ্রম প্রভৃতির মূলীভূত প্রাণ ও অর্থের স্পৃহা তাগ করিবে ।

শ্রীল চক্রবর্তিপাদের টীকা—প্রাণার্থয়োঃ অর্থাৎ শারীরিক বলাধিকা এবং অধিক ধনাদির জন্ম চেষ্টা অনুচিং স্বল্প বলের দ্বারা এবং স্বল্প ধনের দ্বারা পরমার্থিক কৃত্য সিদ্ধ হয় ।

## নারী সঙ্গ এবং ভাগবত জীবন

নারী সঙ্গ ভাগবত জীবন গঠনের বিশেষ ভাবে অন্তরায় বলিয়া ইহা সর্বতোভাবে ত্যজ্য, নিষেধ মুখে বিশেষ ভাবে—

শ্রীমদ্ভাগবতে বিভিন্নস্থানে প্রসঙ্গটি উল্লিখিত হইয়াছে— ইহা বিশেষ ভাবে চিন্তনীয় এবং বর্জ্যনীয় বলিয়া কপিলদেব তাহার মাতা দেবছতিকে নিমিত্ত করিয়া সাধকের উদ্দেশ্যে সতর্ক বাণী কয়েকটি শ্লোকে ব্যক্ত করিয়াছেন—

ন তথাস্ত ভবেন্মোহো বন্ধশ্চাত্ম প্রসঙ্গতঃ ।

যোষিৎসঙ্গাদৃষথা পুংসো যথা তৎসঙ্গিসঙ্গতঃ ॥

( শ্রীমদ্ভাগ— ৩.৩১.৩৫ )

**অনুবাদ**—স্ত্রী ও স্ত্রী-সঙ্গী ব্যক্তির সংসর্গে জীবের  
যেরূপ মোহ ও বন্ধন উপস্থিত হয়, অণ্ড কোন বস্তুর সংসর্গবারা  
সেইরূপ হয় না।

প্রজাপতিঃ স্বাং তুহিতরং দৃষ্ট্বা তদ্রূপধর্ষিতঃ ।

রোহিদ্ভুতাং সোহন্বধাবদৃশ্যরূপী হতব্রপাঃ ॥

( শ্রীমদ্ভাঃ—৩।৩।৩৬ )

**অনুবাদ**—স্বয়ং প্রজাপতি ব্রহ্মা পর্যাস্ত নিজের তুহিতাকে  
দর্শন করিয়া তাহার রূপলাবণ্যে মোহিত হইয়া পড়িয়াছিলেন।  
এমন কি ভয়ে মৃগীরূপধারিণী নিজ কণ্ঠার পশ্চাৎ পশ্চাৎ ব্রহ্মা  
নির্লঙ্ঘ্যের ঞ্চায় মৃগরূপ ধারণ পূর্বক ধাবমান হইয়াছিলেন।

রোহিদ্ভুতাং—মৃগীরূপাং

তৎ সৃষ্টসৃষ্টসৃষ্টেষু কোন্মখণ্ডিতধীঃ পুমান্ ।

ঋষিং নারায়ণমূতে যোষিন্মযোহমায়য়া ॥

( শ্রীমদ্ভাঃ—৩।৩।৩৭ )

**অনুবাদ**—অতএব কামিনীর রূপ দর্শনে ব্রহ্মার পর্যাস্ত  
যখন মোহ উপস্থিত হইয়াছিল, তখন তৎসৃষ্ট মরিচাদি তাহাদের  
সৃষ্ট কশ্যপাদি, কশ্যপাদি সৃষ্ট দেব মনুষ্যাди কিরূপে স্ত্রী ও স্ত্রী-  
সঙ্গীগণের সংসর্গে অবিচলিত থাকিতে পারিবেন ? এক নারায়ণ  
ঋষি ভিন্ন এমন কোন্ পুরুষ আছেন যিনি প্রমদারূপিণী মায়ায়  
বিমুক্ত না হইয়া স্থির থাকিতে পারেন ?

কপিলদেব তাঁহার মাতাকে এত কথা বলিয়াও স্ত্রীরূপি  
মায়ার অসাধারণ প্রভাব যেন সম্পূর্ণরূপে ব্যক্ত হয় নাই মনে  
করিয়া পুনর্ব্বার বলিতেছেন—

বলং মে পশু মায়ায়াঃ স্ত্রীমহ্যা জয়িনো দিশাম্ ।

যা কৰোতি পাদাক্রান্তান্ ভ্রবিজ্জ্বেগে কেবলম্ ॥

শ্রীমদ্ভাঃ—৩৩১।৩৮

অনুবাদ—মাতঃ ! আমার স্ত্রী-রূপিণী মায়ার প্রভাব  
দেখুন, এই প্রমদা রূপিণী মায়া একটি মাত্র ভ্রভঙ্গে দিগ্বিজয়ী  
বীরগণকেও পর্য্যন্ত পদাবনত করিয়া থাকে । শ্রীকপিলদেব  
সাধকবৃন্দকে বিশেষভাবে সতর্ক করিয়া দিতেছেন ।

সঙ্গং ন কুর্যাৎ প্রমদাসু জাতু যোগেশুপারং পরমারুরুক্ষুঃ ।  
সংসেবয়া প্রতিলক্সাঅলাভো বদন্তি যা নিরয়দ্বারমশু ॥

শ্রীমদ্ভাঃ—৩৩১ ৩৯

অনুবাদ—যিনি যোগের পরপারে গমন করিতে ইচ্ছা  
করেন, তিনি কখনই কামিনীর সঙ্গ করিবেন না । কারণ যোগী-  
গণ বলেন যে কামিনীকুল মুমুক্শু ব্যক্তিগণের পক্ষে নরকের দ্বার  
স্বরূপ ।

শ্রীজীব টীকা—প্রমদাসু স্বীয়াস্বপি ।

শ্রীচক্রবর্ত্তিপাদ টীকা—প্রমদাসু স্বীয়াস্বপি সঙ্গং  
আসক্তিং ন কুর্যাৎ ।

শ্রীকপিলদেব এই প্রসঙ্গ উপসংহারে নিম্নলিখিত শ্লোকটি  
মাতাকে বলিলেন—

যোপঘাতি শনৈর্মায়া যোষিদেব বিনির্মিতা ।  
তামীক্ষেতাঅনো মৃত্যুং তৃণৈঃ কূপমিবাবৃতম্ ॥

শ্রীমদ্ভাঃ— ৩.৩১ ৪০

অনুবাদ—দেব-নির্মিতা যোষিৎরূপিনী মায়া শুক্রাষাদি  
ছিলে ধীরে ধীরে পুরুষের নিকট আগমন করে, কিন্তু বুদ্ধিমান  
পুরুষ তৃণাচ্ছাদিত কূপের স্থায় তাহাকে নিজের মৃত্যুস্বরূপ বলিয়া  
অবলোকন করিবেন ।

শ্রীল চক্রবর্ত্তিপাদের টীকার অনুবাদ—ভগবান্ কতৃক  
সৃষ্ট স্ত্রী-রূপী মায়া কোন পুরুষকে বিরক্ত দেখিয়া নিজের নিষ্কাম-  
তারহলে, শুক্রাষাদির ছলে সেই পুরুষের নিকট আগমন করিলেও  
তাহাকে অনর্থকারী বলিয়া জানিতে হইবে ।

তৃণাচ্ছাদিত কূপ বলে না, আমি এখানে আছি আমাতে  
পতিত হউক । এই ভাবনা না থাকিলেও কখনও পুরুষের পাশে  
না আসিলেও সর্বত্র উদাসীন হইলেও ভক্তি জ্ঞান বৈরাগ্যাदि  
মতী, অথবা উন্মাদ বশতঃ অচেতনা, অথবা নিদ্রিতা এমন কি মৃত  
হইলেও স্ত্রী সর্ব্বথাই দূরে পরিত্যজ্য । মায়া জ্ঞানবানদেরও মনকে  
আকর্ষণ করে । সেই জন্ত যযাতি সকলকেই বিশেষতঃ সাধক-  
গণকে সাবধান করিতেছেন ।

মাত্রা স্বপ্না তুহিত্রা বা নাবিবিক্তাসনো ভবেৎ ।  
বলবানিन्द्रিয়গ্রামো বিদ্বাং সমপি কৰ্ষতি ॥

শ্রীমদ্ভাঃ—৯।১৯ ১৭

**অনুবাদ**—মাতা, ভগিনী ও কন্যার সহিত একাসনে উপবেশন করা উচিত নহে, যেহেতু বলবান্ ইन्द्रিয়সমূহ বিদ্বান্ ব্যক্তিকেও আকর্ষণ করিয়া থাকে ।

চঞ্চল মন কিভাবে সাধককে বিপথে আকর্ষণ করে এবং সেইজন্য এই মনের উপর বিশ্বাস স্থাপন করা কোন রকমেই উচিত নয় । এই প্রসঙ্গটি শ্রীঋষভদেবের দেহত্যাগ প্রসঙ্গে শ্রীপরীক্ষিতের প্রশ্নের উত্তরে শ্রীশুকদেব বলিয়াছেন—

ন কুর্যাৎ কৰ্হিচিৎ সখ্যং মনসি হ্ননবস্থিতে ।  
বদিশ্রান্তাচ্চিরচ্চীর্ণং চক্ষন্দ তপ ঐধরম্ ॥

শ্রীমদ্ভাঃ—৫।৩৩

**অনুবাদ**—পণ্ডিতগণ বলিয়া থাকেন, মনের চাঞ্চল্য থাকিলে সেই মনকে বিশ্বাস করিয়া কাহারও সহিত মিত্রতা করিবে না, কখনও সখ্যতা স্থাপন করিবে না । অর্থাৎ বিশ্বাস স্থাপন করিয়াই বিষ্ণুর মোহিনীরূপ অবতারে রূপাদি দর্শন ফলে মহাদেব কাম কতৃক আক্রান্ত হইয়াছিলেন এবং সৌভরি প্রভৃতি অগ্ন্যাগ্ন সমর্থ ব্যক্তিগণের ও বহু কালের তপস্যা বিনাশ প্রাপ্ত হইয়াছিল ।

নিত্যং দদাতি কামশ্চ ছিদ্রং তমনু য়েহরয়ঃ ।  
যোগিনঃ ক্রুতমৈত্রশ্চ পত্যুর্জায়েব পুংশ্চলী ॥

শ্রীমদ্ভাগঃ—৫।৬।৪

**অনুবাদ**—অসতী ভার্য্যা যেমন জার অর্থাৎ উপপতি-  
দিগকে সুযোগ দিয়া নিজ স্বামীর প্রাণ বিনাশ করায়, মনের  
প্রতি বিশ্বস্ত যোগীর অসৎ মনও সেইরূপ সর্বদা কামের পশ্চাতে  
কামানুচর ক্রোধাদিকেও অবসর প্রদান করিয়া যোগিদিগকে যোগ  
ভ্রষ্ট করায় ।

বিশেষ বিশেষ খ্যাতনামা পুরুষগণের অভিজ্ঞতা  
হইতে সাধকগণের শিক্ষা—

মহাকীর্তি সম্রাট পুরুরবা এ গীতে এইরূপ বলিয়াছেন—

কিং বিদ্রা কিং তপশ্চা কিং ত্যাগেন শ্রুতেন বা ।  
কিং বিবিক্তেন মোনেন স্ত্রীভির্ষস্য মনোহতম্ ॥

শ্রীমদ্ভাগঃ—১১।২৬।১২

**অনুবাদ**—যাহার মন স্ত্রীজন কর্তৃক অপহৃত হইয়াছে—  
তাহার বিদ্রা, তপশ্চা, সন্ন্যাস, শাস্ত্র শ্রবণ, নির্জন-স্থান-সেবা  
অথবা মৌনধারা কি ফল লাভ হয় ।

তস্মিন্ কলেবরেহমেধ্যে তুচ্ছনিষ্ঠে বিসজ্জতে ।  
অহো সূভদ্রং সুনসং স্তস্মিতঞ্চ মুখং স্ত্রিয়াঃ ॥

ত্বগ্নাং সরুধিরস্নায়ুমেদোমজ্জাস্থিসংহতো ।

বিম্নুত্রপুয়ে রমতাং কুমীনাং কিয়দন্তরম্ ॥

শ্রীমদ্ভাঃ—১১।২৬।২০—২১

অনুবাদ—যাহারা ত্বক্-মাংস-রুধির-স্নায়ুমেদ মজ্জা অস্থি প্রভৃতির সমষ্টিভূত, বিষ্ঠা মূত্র পরিপূর্ণ এ দেহে “অহো এই রমনীর মুখ অতীব সুরমা, নাসিকা অতি সুন্দর, হাস্য অতি মনোরম” ইত্যাদি কল্পনা করিয়া আসক্ত হইয়া থাকে—তাদৃশ পুরুষগণ এবং কুমিগণের মধ্যে পার্থক্য কোথায় ?

অথাপি নোপসজ্জত স্ত্রীষু স্ত্রৈনেষু চার্থবিৎ ।

বিষয়েন্দ্রিয়সংযোগান্মনঃ ক্লুভ্যতি নাশ্চথা ॥

শ্রীমদ্ভাঃ—১১।২৬।২২

অনুবাদ—বিবেকী পুরুষ এই সকল বিচার করিয়া স্ত্রী অথবা স্ত্রৈণ জনগণের সহিত কোন রূপেই সঙ্গ করিবেন না । যেহেতু বিষয় এবং ইন্দ্রিয়ের সংযোগেই মন চঞ্চল হইয়া থাকে অশ্চথা চঞ্চল হয় না ।

তস্মাৎ সঙ্গো ন কর্তব্যঃ স্ত্রীষু স্ত্রৈণেষু চেন্দ্রিয়ৈঃ ।

বিদূষাং চাপ্যবিস্রব্বঃ ষড়্বর্গঃ কিমু মাদৃশাম্ ॥

শ্রীমদ্ভাঃ—১১।২৬।২৪

অনুবাদ—অতএব স্ত্রী বা স্ত্রৈণ পুরুষগণের সম্বন্ধে কোন রূপ ইন্দ্রিয় সংসর্গ কর্তব্য নহে, যেহেতু কামাদিষড়্বর্গ পণ্ডিত-

গণেরও বিশ্বাসযোগ্য নহে। তখন মাদৃশ ( পুরুষবা ) অজ্ঞজনের সম্বন্ধে আর বলব্য কি ?

**শ্রীজীব গোষ্ঠামিপাদেৰ টীকা ( ক্রমসন্দর্ভে )—**

ইন্দ্রিয়গণের মধ্যে শ্রোত্র অথবা নেত্র, জিহ্বা, ত্বক্, নাসিকা প্রভৃতির মধ্যে একটির সহিতও নারীসঙ্গ কর্তব্য নহে।

শ্রীনারদ ব্রহ্মচারীর ধর্ম সম্বন্ধে যাহা বর্ণন করিয়াছেন, তাহা নিম্নে উদ্ধৃত হইল।

বর্জ্যৈঃ প্রমদাগাথামগৃহস্থো বৃহদব্রতঃ ।

ইন্দ্রিয়ানি প্রমাথীনি হরন্ত্যপি যতের্মনঃ ॥

শ্রীমদ্ভাঃ—৭।১২।৭

**অনুবাদ—**বানপ্রস্থ ও সন্ন্যাসী, অগৃহস্থ, ব্রহ্মচারী, স্ত্রী-দিগের সহিত কথোপকথন পরিত্যাগ করিবে, যেহেতু বংশশালী ইন্দ্রিয়গণ সংযত চিত্ত যতিদিগেরও মন হরণ করে।

নয়গ্নিঃ প্রমদা নাম স্মৃতকুস্তসমঃ পুমান্ ।

স্মৃতামপি রহো জহাদন্যদা যাবদধ্বক্ ॥

শ্রীমদ্ভাঃ—৭।১২।৯

**অনুবাদ—**নিশ্চিতই যুবতী স্ত্রী অগ্নির সমান এবং পুরুষ স্মৃত কুস্ত তুল্য, স্মৃতরাং স্বীয় কন্যার সহিতও নির্জনে অবস্থান করিবে না, অনির্জনে স্থানে অগ্নি সময়ে যাবৎ প্রয়োজন অবস্থিতি করিবে।

শ্রীকৃষ্ণ উদ্ধবকে লক্ষ্য করিয়া উপদেশ দিয়াছেন—  
 স্ত্রীণাং স্ত্রীসঙ্গিনাং সঙ্গং ত্যক্তা দূরত আত্মবান্ ।  
 ক্ষেমে বিবিক্ত আসীনশ্চিন্তয়েন্মামতন্দ্রিতঃ ॥

শ্রীমদ্ভাঃ—১১।১৪।২৯

অনুবাদ—বিবেকী ব্যক্তি স্ত্রীগণের ও স্ত্রী-সঙ্গীগণের সঙ্গ  
 দূর হইতে পরিত্যাগ করিয়া সুখে নির্জনে উপবিষ্ট ও অনলস  
 হইয়া সাবধানে আমার ( শ্রীভগবানের ) চিন্তা করিবেন ।

স্ত্রীণাং নিরীক্ষণস্পর্শ-সংলাপক্ষেপনাদিকম্ ।  
 প্রাণিনো মিথুনীভূতান্গৃহস্থোহগ্রতস্ত্যজেৎ ॥

শ্রীমদ্ভাঃ—১১।১৭।৩৩

অনুবাদ—গৃহস্থ ব্যতীত অন্য সকলে সর্বপ্রথমে স্ত্রী-  
 লোকের প্রতি নিরীক্ষণ, স্পর্শন, সম্ভাষণ, ও পরিহাস, পরিত্যাগ  
 করিবেন, মৈথুনরত প্রাণিগণের প্রতি দৃষ্টিপাত করিবেন না ।

শ্রীল চক্রবর্তিপাদের টীকা—অগৃহস্থ বলিতে ব্রহ্মচারী,  
 বাণপ্রস্থ এবং সন্ন্যাসী বুঝায় ।

দৃষ্ট্বা স্ত্রিয়ং দেবমায়াং তদ্ভাবৈরজিতেন্দ্রিয়ঃ ।  
 প্রলোভিতঃ পতত্যন্ধে তমস্যগ্নৌ পতঙ্গবৎ ॥

শ্রীমদ্ভাঃ—১১।৮।৮

অনুবাদ—অজিতেন্দ্রিয় পুরুষ দেবমায়ারচিত স্ত্রীজন দর্শনে  
 তদীয় বিলাস চেষ্টায় প্রলোভিত হইয়া অগ্নিমুখে প্রধাবিত পতঙ্গের  
 স্থায় নরকে পতিত হইয়া কষ্ট ভোগ করিয়া থাকে ।

শ্রীকৃষ্ণ নিজপত্নী দিতিকে উপলক্ষ্য করিয়া মানবকে শিক্ষা দিয়াছেন—

শরৎপদ্মোৎসবং বক্তুং বচশ্চ শ্রবণামৃতম্ ।  
হৃদয়ং ক্ষুরধারাভং স্ত্রীণাং কো বেদ চেষ্টিতম্ ॥

শ্রীমদ্ভাগঃ—৬।১৮।৪১

অনুবাদ—স্ত্রীলোকের বদন—শরৎকালীন পদ্মের গাথ প্রফুল্ল, বাক্য শ্রবণের প্রীতিদায়ক, কিন্তু হৃদয় ক্ষুরধারা তুল্য অতীব তীক্ষ্ণতর। অতএব তাহাদের কার্যকলাপ কে বুদ্ধিতে সমর্থ হয়।

ন হি কশ্চিৎ প্রিয়ঃ স্ত্রীণামঞ্জসা স্বাশিষাত্মনাম্ ।  
পতিং পুত্রং ভ্রাতরং বা হন্ত্যর্থেষু ঘাতয়ন্তি চ ॥

শ্রীমদ্ভাগঃ—৬।১৮।৪২

অনুবাদ—নিজের অভীষ্ট লাভের উদ্দেশে স্ত্রীগণ সর্ব্বা-  
পেক্ষা অধিক প্রিয়তমরূপে প্রতীয়মান হয়, কিন্তু প্রকৃত পক্ষে  
তাহাদের প্রিয় কেহ নাই। স্বার্থের জন্য তাহারা পতি, পুত্র  
অথবা ভ্রাতার প্রাণ নাশ করে এবং অপরের দ্বারা করাইয়া  
থাকে।

স্ত্রীলোকের সঙ্গ সাধকের ভজনের পথে একান্ত অন্তরায়  
ইহা বুঝাইবার জন্য শ্রীচৈতন্যচরিতামৃতাদি গ্রন্থে উল্লেখিত  
হইয়াছে—

নিষ্কিঞ্চনশ্চ ভগবদ্ভজনোন্মুখশ্চ  
 পারং পরং জিগমিষোৰ্ভবসাগরশ্চ ।  
 সন্দর্শনং বিষয়িনামথ যোষিতাঞ্চ  
 হা হন্ত হন্ত বিষভক্ষণতোহপ্যসাধু ॥

শ্রীচৈঃ চঃ মঃ—১১৮

অনুবাদ—হায়, ভবসাগর সম্পূর্ণরূপে পার হইবার যাহা-  
 দেয় ইচ্ছা, এরূপ ভগবদ্ভজনোন্মুখ নিষ্কিঞ্চন ব্যক্তির পক্ষে বিষয়ী  
 ও স্ত্রী-সন্দর্শন বিষভক্ষণ অপেক্ষাও অসাধু ।

আকারাদপি ভেত্তব্যং স্ত্রীণাং বিষয়িণামপি ।  
 যথাহের্মনসঃ ক্ষোভস্তথা তস্যাক্রুতেরপি ॥

শ্রীচৈঃ চঃ মঃ—১১১১

অনুবাদ—যে রূপ নরপ ও তাহার আকৃতি দেখিলে মনের  
 ক্ষোভ জন্মে, সেইরূপ স্ত্রীলোক ও বিষয়ীর আকার দেখিলেও ভয়  
 হইয়া থাকে ।

“নৈব প্রেক্ষ মুখং স্থিরা বিষয়িনঃ সস্তাষ্য নৈব কচিৎ”—

বৃঃ মঃ—১০৮১

অনুবাদ—স্ত্রীজাতির মুখাবলোকন না করিয়া, কখনও  
 বিষয়ী লোকের সহিত বাক্যালাপ না করিয়া ইত্যাদি এক্ষণে  
 মহদদুঃখ, যাহা সাধকের পক্ষে স্ত্রীসঙ্গ ভজনের প্রতিকূল, তাহা  
 উক্ত হইতেছে—

স্ত্রীগণের মধ্যে অনেকে মাতৃতুল্যা ব্যক্তি আছেন। মাতৃতুল্যা ব্যক্তিগণের নিকট হইতেও সাধকগণ দূরে থাকিবেন। ভক্তিমতী মনে করিয়া স্ত্রীলোকের নিকট যাতায়াতও ক্ষতিকর। নিজ পার্শ্বদ শ্রীছোট হরিদাসের প্রতি দণ্ডলীলাদ্বারা শ্রীমন্মহাপ্রভু মাতৃতুল্যা, বৃদ্ধা, তপস্বিনী, পরমা ভক্তিমতী, প্রকৃতির নিকটও— এমনকি তাঁহার সাক্ষাৎ সেবার জন্মও বৈরাগীর যাওয়া উচিত নহে, এরূপ কঠোর আদর্শ স্থাপন করিয়াছেন, ভক্তিমতীর সঙ্গ অত্যাগ্র স্ত্রীলোক করিতে পারেন। ভক্তিমতীর সঙ্গ না করিলে পুরুষের ভগবানের ভক্তির উদয়ে কিছু বাধা হইবে না। আত্মাতে স্ত্রীপুরুষ ভেদ নাই সত্য, কিন্তু ভাব ভূমিকায় আকৃষ্ট না হওয়া পর্য্যন্ত, সেই অনুভব হয় না। এই জন্ম মহাপ্রভু নানা আদর্শের দ্বারা জীবকে সতর্ক করিয়াছেন। শ্রীজাহ্নবা ঠাকুরাণী, শ্রীবিষ্ণু-প্রিয়া ঠাকুরাণী—ইহারা নিত্যসিদ্ধা স্বরূপশক্তি, তটস্থশক্তি নহেন। তথাপি তাঁহারাও জীবশিক্ষার্থ সতর্কতার সহিত ব্যবহার করিয়াছেন। খেতুরী মহোৎসবে শ্রীজাহ্নবা ঠাকুরাণী পৃথকভাবে ছিলেন। শ্রীবিষ্ণুপ্রিয়া ঠাকুরাণী সর্বদা নিজের ভজনেই অতি-নিবিষ্ট থাকিতেন।

## উপদেশাবলীর উপসংহার

এই গ্রন্থটি পাঠান্তে পাঠকের মনে এই ধারণা হইতে পারে যে শ্রীমদ্ভাগবত একটি লীলা গ্রন্থ নয়, একটি উপদেশময়ী গ্রন্থ— এ ধারণা ঠিক নয়।

মহাপুরাণ শ্রীমদ্ভাগবত একটি প্রাধানিক ভাবে লীলা গ্রন্থই। কিন্তু যে চিন্তাবৃত্তি লইয়া এই লীলা গ্রন্থ শ্রবণ কীর্তন স্মরণ এবং আশ্বাদন করা যাইতে পারে, সেই চিত্ত বৃত্তি ঠিক মত গঠন করিবার জন্য শ্রীশুকদেব গোস্বামী আছোপান্ত বিভিন্ন লীলার মধ্যে মধ্যে যে সকল উপদেশাবলী সাধক জগতের কল্যাণের জন্য উল্লেখিত করিয়াছেন, এবং ভগবান্ উদ্ধবকে একাদশ স্কন্ধে যে সকল উপদেশ দিয়াছেন তাহাই সম্যক্ রূপে উপলব্ধি করিয়া সেই মত আচরণ করিবার প্রয়াসের উদ্দেশ্যেই—এই গ্রন্থটি সংকলিত হইয়াছে।



## নবম অধ্যায়

### ভাগবত জীবনে

#### উদ্ধব গীতার শিক্ষা এবং উপদেশাবলী

ভগবান্ শ্রীকৃষ্ণ তাঁহার লীলা সংবরণ করিবার পূর্বে তাঁহার প্রিয় সখা, তাঁহার মন্ত্রী উদ্ধবকে বিশেষ বিস্তৃত ভাবে কর্মযোগ, জ্ঞানযোগ, ভক্তিয়োগ সম্বন্ধে জ্ঞান এবং উপদেশ দিয়া গেলেন। উদ্ধব তাঁহার নিত্য সিদ্ধ পরিকর, তাঁহাকে এই সকল জ্ঞান উপদেশের প্রয়োজন কিছু মাত্র ছিল না, তবুও শ্রীভাগবতে

একাদশ স্কন্ধে ৬ অধ্যায় হইতে আরম্ভ করিয়া ২৯ অধ্যায় পর্য্যন্ত উদ্ধবের প্রশ্নের পর প্রশ্ন এবং ভগবানের উত্তরের পর উত্তর দ্বারা এই গীতা ব্যক্ত হইয়াছে। শ্রীশুকদেব উদ্ধবের পরিচয় আমাদের নিকট দিয়াছেন—শ্রীমদ্ভাঃ ১০।৪৬।১ শ্লোকে।

বৃষ্ণীনাং প্রবরো মন্ত্রী কৃষ্ণস্য দয়িতঃ সখা ।

শিষ্যো বৃহস্পতেঃ সাক্ষাতুদ্ববো বুদ্ধিসত্তমঃ ॥

অনুবাদ—এ হেন উদ্ধবের মুখ হইতে শোক মোহ জনিত প্রশ্ন করাইলেন এ ৭ ভগবান্ সেই সকল প্রশ্নের বিস্তৃত ভাবে উত্তর দান করিলেন। ভগবান্ নিজ শক্তি দ্বারা উদ্ধবের অন্তরে শোক, মোহ উৎপাদন করাইলে ইহাই শ্রীল চক্রবর্ত্তিপাদ ১১।২৯ ২৯ শ্লোকে টীকায় ব্যক্ত করিয়াছেন—

“নিত্যসিদ্ধস্য নিষ্ট্রেগুণ্যস্যাপি উদ্ধবস্য জ্ঞানাদি গ্রহণার্থং স্বশক্ত্যেব মোহ উৎপাদ্য পুনস্তং নিরাকৃত্য লীলয়া পৃচ্ছতি ।

অর্থাৎ নিত্যসিদ্ধ নিষ্ট্রেগুণ উদ্ধবের জ্ঞানা দি গ্রহণ করিবার জন্য ভগবান্ নিজ শক্তি দ্বারা মোহ উৎপাদন করিয়া জ্ঞান উপদেশের দ্বারা তাঁহা নিরাকৃত করিয়া ভঙ্গিচ্ছলে জিজ্ঞাসা করিলেন— হে উদ্ধব ! তোমার মানসিক শোক মোহ দূরীভূত হইয়াছে কি ?

ভগবান্ এমনভাবে লীলা করেছেন যে উদ্ধবকে ভুলাইয়া দিলেন যে তিনি তাঁহার নিত্যসিদ্ধ পরিকর, উদ্ধবের অন্তরে সাধারণ প্রাকৃত জীবের মনোভাব জাগাইলেন, প্রাকৃত জগতের

সংসার সমুদ্রে মজ্জমান জীবগণের শোক মোহ জনিত দুঃখ এবং তাহা হইতে উদ্ধার হইবার প্রচেষ্টায় যে সব সমস্যা আসিতে পারে সেই সকল সমস্যা প্রশ্নাকারে উদ্ধবের অন্তর জাগাইয়া দিয়া উত্তর ছলে সমাধান করিল উদ্ধবের শোক মোহ কি। তাহার উত্তর দিয়াছেন শ্রীল চক্রবর্তিপাদ তাহার ভাঃ ১১।২৯।৩৭ শ্লোকের টীকায়, যখন ভগবানকে উদ্ধবজী বলিলেন—“হে অজ! আমি ইতিপূর্বে মহান্নকার অংশুর করিয়াছিলাম, আপনার সান্নিধ্য নিবন্ধন সম্প্রতি তাহা সম্পূর্ণরূপে দূরীভূত হইয়াছে”—

### শ্রীল চক্রবর্তিপাদের টীকায় উদ্ধবের মোহ—

সর্ব্ব যাদবগণ বিরাজিত আমার প্রভুর সহিত দ্বারকা পরিভিন্নের গায় সম্প্রতি নখর—ইহা যে আমি স্থির করিয়াছিলাম সেই মোহ আপনার উপদেশের দ্বারা দূরীকৃত হইয়াছে।

এই টীকার শেষে শ্রীল চক্রবর্তিপাদ শ্রীমদ্ভাঃ তৃতীয় স্কন্ধে ৪র্থ অধ্যায়ে ১৯ শ্লোকে “ইত্যা বেদিত হৃদ্বায় ইত্যা দি” উদ্ধৃত করিয়াছেন। এই শ্লোকের টীকায় তিনি লিখিয়াছেন, আত্মন (ভগবান) নিজের স্থিতিং অর্থাৎ ব্যবস্থিতি এবং লীলার মর্ধ্যদা দ্বারকাদি ধামে নিত্য নিবাস এই সকল বিষয় উদ্ধবকে বলিয়াছিলেন। চতুশ্লোকী ভাগবত অনুসারে শ্রীশুকদেব ইহা প্রকাশ করেন নাই এমন কি উদ্ধব ও বিদূর প্রভৃতি আর কাহারও নিকট প্রকাশ করেন নাই। এই ভগবানের মনের আশয় এবং লীলার মর্ধ্যদা অর্থাৎ গায় সঙ্গতত্ব শ্রীল চক্রবর্তিপাদ শ্রীমদ্ভাঃ ১১ ৬।৩৫ শ্লোকের টীকায় আমাদের দান করিতেছেন।

ন বস্তুব্যমিহাস্মাভিজ্জীবিষুভিরার্ষকাঃ ।

প্রভাসং সুমহৎ পুণ্যং যাস্যামোহত্বেব মা চিরম্ ॥

শ্রীমদ্ভা—১১।৬।৩৫

**অনুবাদ**—ভগবান্ গুড় অভিপ্রায়ে মায়িক মৌষল লীলা সম্পাদনের নিমিত্ত দ্বারকাবাসী যাদবগণের উদ্দেশ্যে বলিতেছেন, যদুগণ সম্প্রতি এই দ্বারকা পুরীতে সর্বত্র নানা প্রকার উৎপাৎ হইতেছে। বিশেষতঃ আমাদের বংশের প্রতি ত্রক্ষশাপও উৎপন্ন হইয়াছে। অতএব আমাদের জীবন রক্ষার অভিলাষ থাকিলে এখানে আর আমাদের থাকা উচিত নয়। আমরা অতুই পরম পবিত্র প্রভাসতীরে গমন করিব।

**এই শেষের শ্লোকে চক্রবর্তিপাদের টীকার অনুবাদ—**

আমরা প্রভাসে যাইব অথচ আমার নিত্য পরিকরের সহিত দ্বারকা সর্বদা অবিনশ্বর থাকুক। সেই পরিকরগণের মধ্যে যে সকল স্বর্গবাসী দেবগণ অলক্ষিতে যাদবরূপে প্রবিষ্ট হইয়াছে, সেই পরিকরগণ হইতে তাহাদের যোগবলে পৃথকরূপে বাহির করিয়া প্রভাসে লইয়া সেই সেই স্থানে তাহাদিগকে মায়ার দ্বারা মৌষল সংগ্রাম করাইয়া তাহাদিগকে স্বর্গে পাঠাইয়া বৈকুণ্ঠ সূতাদি স্বরূপ আমিও বৈকুণ্ঠ ধামে যাইব। কিন্তু পূর্ণ স্বরূপে সপরিকর আমি দ্বারকাতে সর্বদাই থাকিব। ইহাই ভগবানের মনোগত ভাব।

এই যে এখানে নিত্য পরিকর সহিত ভগবানের দ্বারকায় স্থিতি ইহা উদ্ধবের অন্তর হইতে ভগবান্ একবারে তিরোহিত করিলেন। তদানীং উদ্ধবের মনে হইল ভগবান্ তো সকল যাদব-গণকে লইয়া এই মর্ত্যধাম পরিত্যাগ করিতেছেন, কেবল আমিই একাই এখানে পড়িয়া থাকিব। ইহাই উদ্ধবের মোহ এবং তাহার আত্মীয় স্বজন যাদবগণ এমনকি প্রাণের প্রাণ যে স্বয়ং কৃষ্ণ— ইহাদের বিরহ কি করিয়া সহ্য করিব, ইহাই শোক।

ভগবান্ এইরূপ করিয়া ক্ষান্ত হন নাই, পূর্বে উল্লেখিত হইয়াছে যে উদ্ধব গীতা উদ্ধারের উদ্দেশ্যে ভগবান্ কর্তৃক কীর্তিত হয় নাই, সংসার সমুদ্রে মায়া ক্লিষ্ট জীবগণের উদ্দেশ্যেই ইহা কীর্তিত হইয়াছে। সাধারণ জীবের যে মনোগত ভাব এবং তাহা হইতে উদ্ধার হইবার জন্য যে চেষ্টা সে সকল ভাব উদ্ধবের মনে নিজ শক্তি দ্বারা প্রবিষ্ট করাইয়া উদ্ধবকে পূর্ণ মায়া সমুদ্রে ভাসমান অজ্ঞ জীবের ন্যায় এই দুঃখ জ্বালা হইতে উদ্ধার পাইবার কি উপায় প্রশ্নাকারে প্রকাশ করিলেন—ইহাই প্রকাশিত হইয়াছে উদ্ধবের নিম্নলিখিত উক্তি—

সোহহং মমাহমিতি মূঢ়মতি বিগাঢ়-  
 স্তন্মায়য়া বিরচিতাশ্বনি সানুবন্ধে ।  
 তৎ ত্বজ্জসানিগদিতং ভবতা যথাহং  
 সংসাধয়ামি ভগবন্নুশাধি ভূত্যম্ ॥

**অনুবাদ**—হে ভগবন্! আমি আপনার মায়া বিরচিত এই মায়িকদেহ ও পুত্র কলত্রাদি বিষয়ে “অহং মম” বুদ্ধিতে নিমগ্ন রহিয়াছি। আমি অত্যন্ত মূঢ়মতি, অতএব যাহাতে আপনার উপ-দিষ্ট বিষয়ের অনায়াসে সাধন করিতে পারি—এই ভৃত্যকে তাদৃশ শিক্ষা প্রদান করুন।

কোথায় উদ্ধব একজন নিত্যসিদ্ধ পরিকর, যাহার সম্বন্ধে শুকদেব বলিয়াছেন—

“শিষ্যো ব্রহ্মপতেঃ সাক্ষাৎকবো বুদ্ধি সত্তমঃ ।

শ্রীমদ্ভাঃ—১০।৪৬ ১

আর কোথায় উপরোক্ত উদ্ধবের পূর্ণ মায়া কবলিত জীবের মনোগত উক্তি ।

এখানে স্বাভাবিক ভাবে এই প্রশ্নই আসে, কি উদ্দেশ্যেই ভগবান্ এই জ্ঞান বৈরাগ্য এবং ভক্তিয়োগ বিস্তৃত ভাবে এবং এক বিশিষ্ট ভঙ্গি অবলম্বন করিয়া শিক্ষা দিলেন। ইহার উত্তর শ্রীল চক্রবর্তিপাদ শ্রীমদ্ভাঃ—১১।৭।৬ শ্লোক “হস্ত সর্বং পরিতাজ্য” ইত্যাদি শ্লোকের বিস্তৃত টীকায় ভগবানের মনোভাব ব্যক্ত করিয়াছেন, তাহার সারাংশ নিম্নে প্রদত্ত হইল—

ভগবান্ মনে মনে পরামর্শ করিলেন যে আমি আমার এই ১৫৫ বৎসর এই মর্ত্যধামে স্থিতিকালে বিভিন্ন লীলা দ্বারা স্বর্গ, মর্ত্য এবং পাতালে অবস্থিত প্রায় সকল ভক্তগণকে অনুগ্রহ করিবার জন্ম সেই সেই স্থানে গমন করিয়া তাহাদের দর্শন দিয়াছি,

কিন্তু বদরিকাশ্রমবাসী নরনারায়ণাদি পরমহংস মহামুনীন্দ্রগণের মদর্শনোৎসুকা সফল হয় নাই। অতএব সেই স্থলে প্রেরণের জন্য উদ্ধবকেই নিপকন করা সঙ্গত। ইনি (উদ্ধব) আমারই তুল্য বলিয়া আমারই প্রতিমূর্তি। তাহাদিগকে দেয় উপহার স্বরূপ আমার ভগ-শব্দ লক্ষিত জ্ঞান ও বৈরাগ্যের এক একটি কণা ও আমাতে ভক্তিয়োগরূপ মহামূল্য রত্ন লইয়া গেলে তাহাদের মনোভীষ্ট স্পষ্টই পূর্ণ হইবে। যদিও আমার প্রেমে পরিপূর্ণ উদ্ধবের প্রেমোখ জ্ঞান ও বৈরাগ্য আছে এবং সম্পূর্ণ আমার উপদেষ্টব্য পৃথক্ জ্ঞান বৈরাগ্য গ্রহণে ইহার ইচ্ছা নাই, তাহা হইলেও আমার ইচ্ছা হইলে ইহার গ্রহণেচ্ছা উৎপন্ন হইবে। যদিও আমার অভাবে ইহার প্রাণ হানি হয়, তথাপি আমার বলবতী ইচ্ছা শক্তি ইহার প্রাণ রক্ষা করিয়া ইহাকে দূরে প্রেরণ করিবে অথচ প্রাপঞ্চিক লোকের অলক্ষিতে আমার নিকটেও স্থাপন করিবে এই উদ্দেশ্যেই উদ্ধবের চিন্তে ভগবান্ জ্ঞান বৈরাগ্য ও ভক্তিয়োগের সঞ্চার করিয়া বলিলেন উদ্ধব। তুমি স্বীয় আত্মীয় বন্ধুবর্গের প্রতি সমস্ত স্নেহ পরিত্যাগ করিয়া সম্যক্ প্রকারে আমার প্রতি চিন্ত সমর্পণ করিয়া সমদৃষ্টি সম্পন্ন হইয়া ভূতলে বিচরন করিও। শ্রীমদ্ভাঃ—১১।২৯।৪১—৪৪ শ্লোক দ্রষ্টব্য।

ইহা একদিকের বিচার এবং বিশেষ যুক্তিপূর্ণ বিচার, শ্রীনর-নারায়ণ ঋষি এবং বদরিকাশ্রম বাসী সন্তগণের সৌভাগ্যের দিক হইতে অন্য দিকের আর একটি বিচারধারা আছে, তাহা সংসার

সমুদ্রে মজ্জমান জীবগণের দিক হইতে, বিশেষতঃ যাহারা এই সমুদ্র হইতে উত্তীর্ণ হইতে অভিলাষী, ভগবৎ চরণ প্রাপ্তি কামনা যাহাদের অন্তরে জাগিয়াছে তাহাদের দিক হইতে । উদ্ধবকে এই শিক্ষা কেবল বদরিকাশ্রমে নরনারায়ণ ঋষির উপায়নের জন্ম এই অভিনব উপায় ভগবান কর্তৃক গৃহীত হয় নাই এই উপদেশ উদ্ধবকে লক্ষ্য করিয়া সংসার সমুদ্রে নিমজ্জমান সকল জীবের উদ্দেশ্যেই কথিত হইয়াছে শ্রীমদ্ভাঃ—১১।৭।৬ শ্লোকে যেখানে উদ্ধবকে ভগবান স্বজন, আত্মীয়, বন্ধুবান্ধবের স্নেহপাশ ছিন্ন করিয়া ভগবানে একান্ত ভাবে মনোসম্মিবেশ করিয়া পৃথিবীতে বিচরণ করিবার উপদেশ দিতেছেন—সেই শ্লোকের ক্রমসন্দর্ভ টীকায় শ্রীল জীব গোস্বামীপাদ লিখিয়াছেন—“শ্রীমতুদ্ধবস্য সিদ্ধত্বেনৈব প্রসিদ্ধত্বাত্ত লক্ষ্যীকৃত তদ্বারাগ্বেভ্য এবোপদেশোহয়ম্”—অর্থাৎ শ্রীউদ্ধব নিত্য সিদ্ধ-পরিকর বলিয়া প্রসিদ্ধ এখানে তাঁহাকে লক্ষ্য করিয়া অণু জনের প্রতি এই উপদেশ ।

ইহাদের জন্মই ভগবান্ যুগে যুগে অবতীর্ণ হইয়াছেন, কখনও স্বয়ং রূপে কখনও বা অবতার রূপে, জীবকে সাক্ষাৎ উপদেশামৃতের দ্বারা শিক্ষা দিয়াছেন । ইহাদের জন্মই তিনি বেদ, পুরাণাদি বিভিন্ন শাস্ত্র সাক্ষাৎ শ্রীমুখে অথবা অণুর দ্বারা রচনা করিয়া প্রচার করিয়াছেন, ইহাদিগের দিকে লক্ষ্য করিয়াই তিনি স্বয়ং বেদব্যাস রূপে অবতীর্ণ হইয়া শ্রীমদ্ভাগবত মহাপুরাণ রচনা করিয়া শ্রীশুকদেবের দ্বারা শ্রীপরীক্ষিৎ মহারাজকে লক্ষ্য

করিয়া জগতের সকল জীবকে শ্রবণ করাইয়াছেন, যাহা শ্রীশুভমুনি  
শ্রীশুকদেবকে প্রণাম করিতে গিয়া ব্যক্ত করিয়াছেন।

“সংসারিণাং করুণয়াহ পুরাণাগ্ৰহাং”।

( ভাঃ—১।২।৩ )

ইহাদের ছুঃখ অনুভব করিয়াই শ্রীশুকদেব শ্রীপরীক্ষিৎ  
মহারাজের নিকট হইতে বিদায় কালে ব্যক্ত করিয়াছেন—

সংসারসিন্ধুমতি-দুস্তরমূর্ত্তিতীৰ্থো-

নাগ্ন্যঃপ্লবো ভগবতঃ পুরুষোত্তমস্য।

লীলাকথা-রসনিষেবণমন্তরেণ

পুংসো ভবেদ্বিবিধ-দুঃখদবান্ধিতস্য ॥

শ্রীমদ্ভাঃ—১২।৪।৪০

অনুবাদ—আধ্যাত্মিকাদি বিবিধ ছুঃখ দাবানলসন্তপ্ত এবং  
অতিদুস্তর সংসার সমুদ্রোত্তরণাভিলাষী পুরুষের পক্ষে পুরুষোত্তম  
ভগবান্ শ্রীকৃষ্ণের লীলা কথা রসসেবন ব্যতীত অন্য কোন নৌকা  
নাই।

ইহাদিগকে উদ্দেশ্য করিয়া ভগবান্ উক্তব্যকে বলিয়াছেন—

নৃদেহমাশ্রয়ং সুলভং সুদুলভং

প্লবং সুকলং গুরুকর্ণধারম্।

ময়ানুকূলে নভস্বতেরিতং

পুমান্ ভবাক্ষিং ন তরেং স আত্মহা ॥

শ্রীমদ্ভাগঃ—১১।২০।১৭

**অনুবাদ**—যিনি সর্বফলমুণীভূত সুদুর্লভ পটুতর গুরুরূপ কর্ণধারযুক্ত এবং মৎস্বরূপ অনুকূলবায়ু পরিচালিত মনুষ্যদেহরূপ নৌকা ভাগ্যক্রমে প্রাপ্ত হইয়াও সংসার সমুদ্রে উত্তীর্ণ হন না, তিনি বস্তুতঃই আত্মঘাতী।

এখানেও ভগবান্ সংসার সমুদ্রে নিমজ্জমান জনগণকে উদ্দেশ্য করিয়াই এই শিক্ষা দিয়াছেন।

পূর্বোক্ত বিচার সমূহ হইতে ইহাই আসিতেছে, যে ভগবান্ মর্তলীলা সংবরণের কালে উদ্ধবকে যে জ্ঞান এবং উপদেশ দিয়াছেন, তাহা কেবল নরনারায়ণ ঋষি এবং বদরিকাশ্রমবাসীদের জন্ত নয়, সংসার সমুদ্রে নিমজ্জমান মানবগণের প্রতি তাঁহার অপার করুণার নিদর্শন হিসাবে এক অভিনব উপায় অবলম্বন করিয়া উদ্ধবের অন্তরে সংসারী জীবগণের ত্রায়ই শোক মোহ উৎপাদন করিয়া এই সমুদ্রে হইতে উদ্ধার এবং ভগবৎ চরণাবন্দ লাভ করিবার উদ্দেশ্যে, সাধনে প্রবৃত্তি সাধকগণের সাধন কালে যে সকল সমস্যার সমাধান করিতে হয়—সেই সকল সমস্যা উদ্ধবের অন্তরে জাগাইয়া ও উদ্ধবের দ্বারা প্রশ্ন করাইয়া পরম প্রিয়তম গুরুকর্ণ ধার হিসাবে সকল প্রশ্নের উত্তর নিজের দয়িত

সখা এবং মন্ত্রী উদ্ধবকে দিয়া সংসার সমুদ্রে মজ্জমান আমাদেরও উপায়ন স্বরূপ দান করিয়া গেলেন।

## উদ্ধব গীতার মূল প্রতিপাত্ত বিষয় ভক্তির উৎকর্ষ স্থাপন—

ভগবান্ উদ্ধবকে কৰ্ম যোগ, জ্ঞান যোগ এবং ভক্তিয়োগ এই তিনটি বিষয়েই কোথাও সংক্ষেপে এবং কোথাও বিস্তৃত ভাবে বলিয়াছেন। এই তিন সাধনের মধ্যে (১) ভক্তির উৎকর্ষ স্থাপন করিলেন। (২) ভক্তির প্রবর্তক যে সাধুসঙ্গ তাহার প্রভাব বর্ণনা করিলেন এবং সেই সঙ্গে সাধুগণের মহিমা বর্ণন করিলেন।

### ভক্তির উৎকর্ষ স্থাপন—

ন সাধয়তি মাং যোগো ন সাংখ্যং ধর্ম্য উদ্ধব।

ন স্বাধ্যায়স্তপস্ত্যাগো যথা ভক্তির্মমোর্জিতা ॥

শ্রীমদ্ভাঃ—১১।১৪।২০

অনুবাদ—হে উদ্ধব! মদীয় সাধনাত্মিকা প্রবলা ভক্তি আমাকে যেরূপ ভাবে বশীভূত করে, যোগ, সাংখ্য, ধর্ম্য, বেদপাঠ, তপস্যা কিম্বা দান আমাকে তাদৃশ বশীভূত করিতে পারে না।

চক্রবর্তিপাদ টীকা—উর্জিতা—জ্ঞানকর্মাণানাবৃত্ত্বেন প্রবলা—তীব্র। ন সাধয়তি—প্রাপ্তি সাধন হয় না।

ভক্ত্যাহমেকয়া গ্রাহঃ শ্রদ্ধয়াত্মা প্রিয়ঃ সতাম্ ।

ভক্তিঃ পুনাতি মনিষ্ঠা স্বপাকানপি সম্ভবাং ॥

শ্রীমদ্ভাঃ—১১।১৪।২১

অনুবাদ—শ্রদ্ধা জনিত অনন্য ভক্তি প্রভাবেই পরমাত্মা ও প্রিয়স্বরূপ আমি সাধুগণের লভ্য হইয়া থাকি । আমাতে একাগ্রতা সম্পন্ন চণ্ডালগণকেও পবিত্র করিয়া থাকে ।

যথাগ্নিনা হেমমলং জহাতি

ধ্বাতং পুনঃ স্বং ভজতে চ রূপম্ ।

আত্মা চ কৰ্ম্মানুশয়ং বিধুয়

মদ্ভক্তিযোগেন ভজত্যথো মাম্ ॥

শ্রীমদ্ভাঃ—১১।১৪।২৫

অনুবাদ—স্বৰ্ণ যেরূপ কেবল মাত্র অগ্নি সম্ভাপেই অন্তর্মল পরিত্যাগ এবং স্বাভাবিক ঔজ্জ্বল্য ধারণ করে, মানবগণের চিত্তও সেইরূপ একমাত্র মদীয় ভক্তিযোগেই কৰ্ম্মবাসনা পরিত্যাগ পূৰ্ব্বক মহা প্রেম আবির্ভাব হেতু আমার পূৰ্ণসেবা পদ্ধতি অর্থাৎ সাক্ষাৎ সেবা প্রাপ্ত হয় ।

স্বামিপাদ—মাং ভজতে—আমার সাক্ষ্য প্রাপ্ত হয় ।

চক্রবর্ত্তিপাদ—মাং ভজতে—মদীয় লোক প্রাপ্ত হইয়া সাক্ষাৎ সেবা করেন ।

শ্রীজীব—মাং ভজতে—মহাপ্রেমাবির্ভাব হেতু আমার পূৰ্ণসেবা পদ্ধতি প্রাপ্ত হয় ।

যথা যথান্না পরিমূজ্যতেহসৌ  
 মৎপুণ্যগাথাশ্রবণাভিধানৈঃ ।  
 তথা তথা পশ্যতি বস্তু সূক্ষ্মং  
 চক্ষুর্ঘৈবাজ্ঞনসম্প্রযুক্তম্ ॥

শ্রীমন্তাঃ—১১।১৪।২৬

অনুবাদ—উক্ত চিত্র মদীয় পুণ্য চরিত, শ্রবণ কীর্তনাদি দ্বারা যে পরিমাণে বিশুদ্ধি লাভ করে, অজ্ঞান প্রয়োগ যুক্ত চক্ষুর আয় সূক্ষ্ম বস্তুও ( অধোক্ষজতত্ত্ব ) সেই অনুযায়ী দর্শন করিতে সমর্থ হয় ।

শ্রীল চক্রবর্তিপাদের টীকা—

এখানে চক্রবর্তিপাদ তত্ত্বসূক্ষ্মং অর্থ করিয়াছেন ।

তত্ত্বং—আমার রূপলীলাদির স্বরূপ ।

সূক্ষ্মম্—তন্মাধুর্যানুভব বিশেষ ।

ভক্তির অনুষ্ঠান যাজকের ভগবন্মাধুর্য্য অনুভব কি  
 করিয়া হয় তাহাই বলিতেছেন—

বিষয়ান্ ধ্যায়তশ্চিত্তং বিষয়েষু বিষজ্জতে ।

মামনুস্মরতচিত্তং ময্যেব প্রবিলীয়তে ॥

শ্রীমন্তাঃ—১১।১৪।২৭

অনুবাদ—বিষয় চিন্তাশীল পুরুষের চিত্ত বিষয়ের প্রতি আসক্ত হইয়া থাকে, পরন্তু যিনি অনুক্ষণ আমার চিন্তা করেন, তাঁহার চিত্ত আমাতেই নিমগ্ন হইয়া থাকে ।

শ্রীল চক্রবর্তিপাদ টীকা—উদ্ধব যেন ভগবানকে জিজ্ঞাসা করছেন হে প্রভু ! শ্রবণ কীর্তন স্মরণাদি নিষ্ঠ আপনার ভক্তগণের চিত্ত কি প্রকারে আপনাতে নিবিষ্ট হয়—তাহাতেই তুলনামূলক রূপে বলিতেছেন—বিষয় ধ্যানাসক্ত চিত্ত যেমন বিষয় মাধুর্যে নিমগ্ন হইয়া বিষয় আশ্বাদন করে আমার ধ্যানাসক্ত ভক্ত আমারই মাধুর্যে নিমগ্ন হইয়া আমাকে আশ্বাদন করেন ।

এইরূপে ভক্তির উৎকর্ষ স্থাপন করিয়া ভগবান্ ভক্তির মূল প্রবর্তক । সাধুসঙ্গের প্রভাব বর্ণনা করিয়া এবং সাধুগণের মহিমা কীর্তন করিয়াছেন ।

প্রথমে সাধুগণের মহিমা আলোচনা করিতেছি  
সাধুগণের মহিমা কীর্তন ।

ততো দুঃসঙ্গমুৎসজ্য সৎসু সজ্জত বুদ্ধিমান্ ।  
সন্ত এবাশ্চ ছিন্দন্তি মনোব্যাসঙ্গমুক্তিভিঃ ॥

শ্রীমদ্ভাঃ—১১।২৬।২৬

অনুবাদ—অতএব ( পূর্বের পুরুষের ছদ্মশার বর্ণন করিয়া ) বিবেকী পুরুষ দুঃসঙ্গ ত্যাগ করিয়া সাধুগণের সঙ্গ করিবেন, যেহেতু সাধুগণই উপদেশের দ্বারা তাহার মনের বিরুদ্ধ আসক্তি সকল বিনাশ করিয়া থাকেন ।

১১।২৬।২৬ এই শ্লোকের টীকায় চক্রবর্তিপাদ বলিয়াছেন  
ব্যাসঙ্গং—বিরুদ্ধ আসক্তি

সন্ত এষ—এব কথাটির তাৎপর্য এই যে স্মৃতি, তীর্থ, দেব, শাস্ত্র জ্ঞানাদিরও তাদৃশ সামর্থ্য নাই।

শ্রীমদ্ভাঃ—১১।২৬।৩১ শ্লোকে ভগবান্ বলিতেছেন—  
যথোপশ্রয়মাণশ্চ ভগবন্তং বিভাবসুম্ ।

শীতং ভয়ং তমোহপ্যোতি সাধুন্ সংসেবতস্তথা ॥

অনুবাদ—ভগবান্ অগ্নিদেবের সেবা করিলে যেরূপ পুরুষের শীত ভয় এবং অন্ধকার বিনাশ প্রাপ্ত হয়, সেইরূপ সাধুগণের সেবা করিলেও কর্মজাত্য ( কল ভোগ কামনা ) আগামী সংসার ভয় এবং তাহার মূলীভূত অজ্ঞান বিনষ্ট হইয়া থাকে ।

শ্রীল চক্রবর্তিপাদের টীকা— তমো শব্দের অর্থ করিয়াছেন ভজন বিপ্ল ।

নিমজ্জ্যান্মজ্জতাং ঘোরৈ ভবান্দৌ পরমায়ণম্ ।

সন্তো ব্রহ্মবিদঃ শান্তা নৌর্দৃঢ়েবাস্পুমজ্জতাম্ ॥

শ্রীমদ্ভাঃ—১১।২৬।৩২

অনুবাদ—সুদৃঢ় নৌকা বেরূপ জলমগ্ন ব্যক্তগণের পরমাশ্রয়, সেইরূপ ব্রহ্মজ্ঞ শান্তচিত্ত সাধুগণও ঘোর সংসার সাগরে উচ্চনীচ যোনিমধ্যে বিচরণশীল জীবগণের পরমাশ্রয় স্বরূপ হইয়া থাকেন ।

সন্তো দিশন্তি চক্ষুংষি বহিরকঃ সমুখিতঃ ।

দেবতা বান্ধবাঃ সন্তঃ সন্ত আশ্বাহমেবচ ॥

শ্রীমদ্ভাঃ—১১।২৬।৩৪

**অনুবাদ**—সাধুগণই মানবের আভ্যন্তরীণ জ্ঞাননেত্র প্রকাশ করিয়া থাকেন। সাধুগণই মানবগণের পূজনীয় দেবতা, বান্ধব, আত্মা এবং ইষ্টদেব। সূর্য্যদেব সম্যক্ উদ্ভিত হইলেও কেবল মাত্র বাহ্য নেত্রেরই প্রকাশ হইয়া থাকে।

### শ্রীল চক্রবর্তিপাদের টীকার সারার্থঃ—

ভক্তিসাধন মার্গে সাধুগণই সর্ব্ব নির্বাহক। সাধুগণই আমাকে সাক্ষাৎ দর্শনের নিমিত্ত চক্ষু দান করেন—অর্থাৎ নববিধা ভক্তি উপদেশ করেন।

সূর্য্য না থাকিলে যেমন চক্ষু কার্য্যকরী হয় না, সাধুগণই সূর্য্য স্বরূপ, ভজন চক্ষু প্রকাশক। ভক্তিমার্গে সাধনশীল জনের সন্তুই দেবতা, ইন্দ্র ও বরুণাদি নন, সন্তুই বান্ধব স্বরূপ, পিতা পিতৃব্য, মাতুলাদি নন। সন্তুই আত্মা প্রেমাস্পদ, দেহ অথবা জীবাত্মা নয়। সন্তুই আমি—ইষ্টদেব, তাহাকে ত্যাগ করিয়া প্রতিমারূপে যে আমি, আমিও পূজ্য নই।

সাধুসঙ্গের মহিমাই ভগবান্ উচ্চৈঃশরে উদ্ধবের নিকট কীর্ত্তন করিয়াছেন—

### শ্রীভগবান্ উবাচ—

ন রোধয়তি মাং যোগো ন সাংখ্যং ধর্ম্ম এব চ।

ন স্বাধ্যায়স্তপস্তাগো নেষ্টাপূর্ত্তং ন দক্ষিণা ॥ ১ ॥

ব্রতানি যজ্ঞশ্চন্দাংসি তীর্থানি নিয়মা যমাঃ ।

যথাবরুক্ষে সংসঙ্গঃ সৰ্বসঙ্গাপহো হি মাম্ ॥ ২ ॥

শ্রীমদ্ভাঃ—১১।১২।১-২

**অনুবাদ**—শ্রীভগবান্ বলিলেন—হে উদ্ধব ! সংসঙ্গ সৰ্ব্ব বিষয়ের আসক্তিবিনাশক বলিয়া ইহা আমাকে ঘেরূপ বশীভূত করে, যোগ সাংখ্য অহিংসাদি সাধারণ ধৰ্ম্মানুষ্ঠান, স্বাধ্যায়, তপঃ সন্ন্যাস, যাগাদি ইষ্টকৰ্ম্ম, কূপ খননাদি পুৰ্ব্বকৰ্ম্ম, দক্ষিণা, ব্রত, দেবপূজা, সরহস্ত মন্ত্র, তীর্থ, নিয়ম অথবা যম—এই সকল আমাকে তাদৃশ বশীভূত করিতে পারে না ।

এইরূপ বলিয়া ভগবান্ যে সকল জন এখানে রাক্ষস, গন্ধৰ্ব্ব নাগ প্রভৃতি হইতে আরম্ভ করিয়া গোপী পর্য্যন্ত যাহারা যাহারা সংসঙ্গের দ্বারা তাঁহাকে প্রাপ্ত হইয়াছেন তাহার তালিকা উদ্ধবের নিকট প্রকাশ করিলেন শ্রীমদ্ভাঃ—১১।১২।৩-৭ শ্লোকে

এই শ্লোক কয়টির বাঙ্গলা অনুবাদ দেওয়া হইল—প্রতি যুগে রাজস, তামস ভাবাপন্ন রাক্ষস, ঋগ, মৃগ, গন্ধৰ্ব্ব, অঙ্গরা, নাগ, সিদ্ধ, চারণ, গুহক, বিস্তাধর, মনুষ্য মধ্যে বৈশ্য, শূদ্র স্ত্রী জাতি, অন্ত্যজগণ, বৃদ্ধাসুর, প্রহ্লাদ প্রভৃতি অনেক জন, বৃষপৰ্ব্বা বলি, বাণ, ময়, বিভীষণ, সুগ্রীব, হনুমান, জাম্বুমান, গজেন্দ্র, জটায়ু, তুলাধার, বণিক, ধৰ্ম্মব্যাদ, কুজা, ব্রজগোপীগণ ( মুনি চরিত্র, শ্রুতি চরিত্র ) যজ্ঞে দীক্ষিত বিপ্রভার্যাগণ ইহারা বেদাধ্যায়ন, মহৎ সেবা এবং ব্রততপানুষ্ঠান না করিয়া সংসঙ্গবশতঃ ভক্তির দ্বারাই আমার সঙ্গ প্রাপ্ত হইয়া আমাকে লাভ করিয়াছেন ।

৭ নং শ্লোকের টীকাতে স্বামিপাদ—ইহাদের সকলের সংসঙ্গ ব্যতীত অন্য কোন সাধন ছিল না, সংসঙ্গাদিতি—অর্থ করিয়াছেন সাধুগণের সঙ্গ আমারই সঙ্গ । অথবা আমার সঙ্গ ও সংসঙ্গ অথবা মদীয় সঙ্গ বশতঃ ।

শ্রীল চক্রবর্তিপাদ—তাহাদের সাধুসঙ্গ হইতে জাত প্রধানীভূতা এবং কেবলা ভক্তি হইতে আমাকে প্রাপ্ত হইয়াছিল—অন্য কোন সাধন ছিল না সংসঙ্গ—অর্থাৎ সংসঙ্গ ফলে ভক্তির দ্বারা আমারই সঙ্গ পাইয়া আমাকে প্রাপ্ত হইয়াছিল—সাধুগণের সহিত সঙ্গ আমারই সঙ্গ ।

শ্রীচক্রবর্তিপাদ টীকা—৩—৩ শ্লোকের টীকাতে কে কোন সাধুর সঙ্গ লাভ করিয়াছে তাহা ও উল্লেখ করিয়াছেন ।

ভ্রাত্ত্বো ( বৃত্তঃ ) কাশ্যাক্ষ (প্রহ্লাদ) ইহাদের জন্মের পূর্বেই নারদসঙ্গ । বৃষ্ণপর্ব্বা জন্মমাত্রই মাতৃপরিত্যক্ত হইয়া মুনিপালিত ও বিষ্ণুভক্ত হইয়াছিলেন, বলির প্রহ্লাদ সঙ্গ । বাণের বালুচ্ছেদের সময় মহাদেবের সঙ্গ । ময়ের সভা নির্যাসে পাণ্ডবগণের সঙ্গ । বিভীষণের হনুমানের সঙ্গ । সুগ্রীব, হনুমান ও জানুমানের লক্ষণ সঙ্গ । গজেন্দ্রের পূর্ব্ব জন্মে নারদাদির সঙ্গ, গৃধ্ৰ ( জটায়ু ) গরুড় দশরথাদির সঙ্গ । বণিক পথ তুলাধার ইহার সংসঙ্গ, যুগ ব্যাধ ( ধর্ম্মব্যাধ ) পূর্বে রাক্ষসতা প্রাপ্ত হইয়াছিলেন পরে বৈষ্ণব রাজার সঙ্গ ( বরাহ পুরাণানুসারে ) । কুঞ্জার পূর্ব্বজন্মে নারদ

সঙ্গ । ( মথুরা হরিবংশে প্রসিদ্ধ ) । মুনিচরী প্রভৃতি গোপীগণ পূর্ব্বজন্মে বহু সাধুসঙ্গ এবং এ জন্মে নিত্যসিদ্ধ গোপী সঙ্গ । যজ্ঞ পত্নীগণ ব্রজের শ্রীকৃষ্ণদূতী মালিক তাম্বুলিকাদি স্ত্রীগণের সহিত ক্রয় বিক্রয়াদি নিমিত্ত সঙ্গ । ইহার পরে শ্রীকৃষ্ণ উদ্ধবকে কেবল ভাবের দ্বারা যাহারা তাহাকে প্রাপ্ত হইয়াছিলেন সেই গোপীগণের খেচুগণের, বৃক্ষসকলের এবং পশুপক্ষীগণের সর্ব্বাপেক্ষা বৈশিষ্ট্য বর্ণনা করিলেন ।

কেবলেন হি ভাবেন গোপ্যো, গাবো, নগা মৃগাঃ ।

যেহন্ত্যে মূঢ়ধিয়ো নাগাঃ সিদ্ধা মামীয়ুরজ্জসা ॥

শ্রীমদ্ভাঃ—১১।১২।৮

অনুবাদ—পূর্ব শ্লোক সমূহে বর্ণিত বৃত্তাসুর প্রভৃতির অন্ত্য সাধনা থাকিলেও গোপীগণ, ব্রজস্থ গাভীগণ, যমলার্জ্জুন বৃক্ষ সকল, মৃগগণ, কালিয় প্রভৃতি নাগগণ এবং বৃন্দাবনস্থ তরু গুল্মাদি কেবল সৎ সঙ্গলব্ধ কেবল ( অনন্ত ) ভাব অর্থাৎ প্রীতির দ্বারাই আমাকে প্রাপ্ত হইয়াছিল ।

টীকা স্বামিপাদ—কেবলেন ভাবেন—অর্থ করিয়াছেন সৎসঙ্গলাভ করিয়া কেবল ভাবের দ্বারা অর্থাৎ প্রীতির দ্বারা ।

সিদ্ধা—অর্থ কৃতার্থ হইয়া ।

শ্রীল চক্রবর্ত্তিপাদের টীকার আংশিক অনুবাদ—

কেবলেন—অর্থ জ্ঞান কৰ্ম্মাদি রহিত, নিষ্কাম ভাবেন—অর্থ

শৃঙ্গার বাৎসল্য সখ্য দাস্ত্র ভাব যুক্ত ভক্তি যোগের দ্বারা, গোপীগণ শৃঙ্গার রসের দ্বারা । গাভীগণ বাৎসল্য রসের দ্বারা, নগ অর্থাৎ গোবর্দ্ধনাদি পর্বত সখ্য রসে, যুগগণ এবং মৃঢ়ী অর্থাৎ বৃন্দাবনস্থ তরু গুল্মাদি কালীয় প্রভৃতি দাস্ত্র রসের দ্বারা আমাকে প্রাপ্ত হইয়াছে । এস্থলে গোপী প্রভৃতি কেবল ভাবে আমাকে প্রাপ্তি অনাদি কাল হইতে নিত্যসিদ্ধই এই অর্থ পাওয়া যায় ।

সৎসঙ্গজনিত ভক্তগণের কথা নির্দেশ করিয়া গোপীদিগের ভক্তিযোগ অতি দুর্লভ এইরূপ কীর্তন করিতে গিয়াই হঠাৎ শ্রীকৃষ্ণের হৃদয় আর্দ্র হইল নয়নের পাতা যেন অশ্রুতে ভিজিয়া উঠিল—গোপীদিগের তাঁহার প্রতি প্রেম তাহাদের তাঁহার জন্ম সর্বস্ব দেহ গেহ আত্মীয় স্বজন কুল ধর্ম পরিত্যাগের কথা মনে ভাসিয়া উঠিল তিনি গাহিলেন—

রামেণ সার্কং মথুরাং প্রণীতে  
 শ্বাফল্লিনা মঘ্যনুরক্তচিত্তাঃ ।  
 বিগাঢ়ভাবেন ন মে বিরোগ-  
 তীব্রাধয়োহন্যং দদৃশুঃ সুখায় ॥

শ্রীমদ্ভাঃ—১১।১২।১০

অনুবাদ—অক্রুর বলদেবের সহিত আমাকে মথুরা লইয়া গেলে আমার প্রতি অতি দৃঢ়ভাবে আসক্ত-চিত্তা গোপীগণ তৎকালে বিরহজনিত তীব্রমনস্তাপে সন্তাপিত হইয়া একমাত্র আমার সমাগম ব্যতীত অন্য কোন বস্তুই সুখকর বলিয়া মনে করেন নাই ।

শ্রীল চক্রবর্তিপাদের টীকা—তথাপি গোপীগণের ভাবের সর্বোপরিবিরাজ মানস বলিতেছেন—রামেণ ইত্যাদি চারিটি শ্লোকে অক্রুর আমাকে মথুরায় লইয়া গেলে গোপীগণ আমা হইতে অন্য কোন সুখই সুখ বলিয়া মনে করে নাই, কারণ তাহারা অনুরক্ত চিত্তা—প্রেমের ষাণ্ঠী ভূমিকা, যে অনুরাগ সেই অনুরাগ-ময়ী চিত্ত যাহাদের তাহারা । তাহা হইতেও আবার বিগাঢ় ভাব, বিশিষ্ট গাঢ় ভাব । রাগের পর ভূমিকাগত মহাভাবের যে ভেদ রূঢ় মহাভাব । সেই হেতু আমার বিরহে তীব্র মন বেদনা যাহাদের সেই সকল গোপীগণ । এখানে দদৃশু বলায় অতীত কালের নির্দেশ করা হইয়াছে । বর্তমানে কিন্তু দন্তবক্র বধান্তে আমার সহিত সংযুক্ত ইহা গোতিত হইল ।

তাস্তাঃ ক্ষপাঃ প্রেষ্ঠতমেন নীতা-

ময়ৈব বৃন্দাবন গোচরেণ ।

ক্ষণাঙ্কবৎ তাঃ পুনরঙ্গ তাসাং

হীনা ময়া কল্পসমা বভূবুঃ ॥

শ্রীমদ্ভাঃ—১১।১২।১১

অনুবাদ—হে উদ্ধব ! পূর্বের তাহারা বৃন্দাবনে অবস্থান-কালে প্রিয়তম স্বরূপ আমারই সহিত যে সকল রাত্রি ক্ষণাঙ্ককাল বুদ্ধিতে সুখে অতিবাহিত করিয়াছিল, আমার বিরহ দশায় সেই সকল রাত্রিই তাহাদের নিকট কল্প প্রমাণ সুদীর্ঘ বলিয়া প্রতীত হইয়াছিল ।

## শ্রীল চক্রবর্তিপাদের টীকার আংশিক অনুবাদ—

কল্পকালও ক্ষণকাল—যোগে অনুভব এবং বিয়োগে তাহার বিপরীত অনুভব ইহা প্রেমের সপ্তম ভূমিকায় রুঢ় মহাভাবের অনুভাব যাহা সেই গোপীগণের ক্ষেত্রেও বিশেষ ভাবে লক্ষিত হইয়াছিল—ইহাই ভগবান্ উদ্ধবকে বলিলেন, রাসে কল্প ক্ষণত্ব এবং বৃন্দাবনে গোচারণ সময়ে ক্ষণ কল্পত্ব।

তা নাবিদন্ মধ্যনুষঙ্গবন্ধ-

ধিয়ঃ স্বমাত্মানমদন্তথেদম্ ।

যথা সমাধৌ মুনয়োহন্ধিতোয়ে

নন্তঃ প্রবিষ্টা ইব নাম রূপে ॥

শ্রীমদ্ভাগঃ—১১।১২।১২

অনুবাদ—মুনিগণ যেরূপ সমাধি যোগে সমুদ্র প্রবিষ্ট নদীগণের স্থায় ব্রহ্মবস্তুতে চিন্তের লয় হেতু নামরূপ অবগত হয় না, সেইরূপ গোপীগণও আমার প্রতি আসক্ত চিন্ত হইয়া নিজ দেহ ইহলোক বা পরলোকের কোন কথাই জানিতে পারেন নাই।

## শ্রীল চক্রবর্তিপাদের টীকার মর্ম্মার্থ—

মোহাদির অভাবেও সর্ব্ব বিস্মরণ—ইহা বিগাঢ় ভাবের একটি অনুভাব। আমাতে অনুসঙ্গ অর্থাৎ নিরন্তর বিশেষ সঙ্গের দ্বারা যাহাদের বুদ্ধি (চিন্ত) আমাতেই বদ্ধ। এখানে বদ্ধ

শব্দটির তাৎপর্য এই যে কৃষ্ণ যেন ত্রিজগন্মোহন বিচিত্র লীলার একটি স্তম্ভ— সেই স্তম্ভে বন্ধধীরুক্তি বলিতে কৃষ্ণ বাঞ্ছিত সম্পাদক কামধেনু তুল্য যাহাদের চিত্তবৃত্তি এইরূপ আবেশিত হইয়াছে।

**স্বমাত্মনম্**—বলিতে নিজ দেহকেও জানেন না—রাসাভি-  
সারাদিতে কোথায় আছেন। কোথায় আসিতেছেন তাহার  
অনুসন্ধান নাই।

**অদঃ**—বলিতে পরলোক ধর্ম এবং ইদং বলিতে ইহ  
লোকের ধর্ম অর্থাৎ লোক লজ্জাদি ভয় অতিক্রম করিয়া। মুনিগণ  
সমাধিতে ব্রহ্মানুভব যেমন সর্ব্ব বিষ্মরণ, গোপীগণেরও সেইরূপ  
আমার অনুভব অর্থাৎ পঞ্চেন্দ্রিয় দ্বারা আশ্বাদনে সর্ব্ব বিষ্মরণ-  
কারী। ইহা বিষ্মরণ অর্থে তুলনা ঠিক ঠিক প্রাপ্ত অংশে নয়।  
কারণ গোপী প্রাপ্য প্রেম এবং মুনি প্রাপ্য নির্ব্বাণে প্রভেদ  
অনেক—যেহেতু তাহাদের মধ্যে মমত্ব ও মমত্বশূন্য—এই ভেদ  
বিশেষ বর্ত্তমান।

এইরূপে গোপীগণের কথা শেষ করিয়া ভগবান্ উদ্ধবকে  
তাহার কর্ত্তব্য রূপে দাশ্য, সখ্যা, বাৎসল্য ও মধুর ইহাদের যে  
কোন ভাবে তাহার শরণাগত হইবার উপদেশ দিতেছেন।

তস্মাৎ ত্রুমুদ্রবোৎসৃজ্য চোদনাং প্রতিচোদনাম্ ।

প্রবৃত্তিক্ষ নিবৃত্তিক্ষ শ্রোতব্যং শ্রুতমেব চ ॥

মামেকমেব শরণমাত্মানং সৰ্বদেহিনাম্ ।

যাহি সৰ্বাত্মভাবেন ময়া শু হুকুতোভয়ঃ ॥

শ্রীমদ্ভাঃ—১১।১২ ১৪-১৫

**অনুবাদ**—হে উদ্ধব ! অতএব তুমি শ্রুতি, স্মৃতি, বিধি, নিষেধ, শ্রবণ যোগ্য এবং শ্রুত যাবতীয় বিষয় পরিত্যাগ পূর্বক নিখিল প্রাণিগণের অন্তর্যামী স্বরূপ একমাত্র আমারই শরণ গ্রহণ কর, তাহা হইলে মং কর্তৃকই সর্বত্র অভয় লাভ করিবে ।

চোদনং—শ্রুতিং. প্রতিচোদনং—স্মৃতিং ।

**শ্রীল চক্রবর্তিপাদের টীকার আংশিক অনুবাদ—**

উদ্ধব ভগবানকে সাধুর লক্ষণ সম্বন্ধে প্রশ্ন করিলে ভগবান তিন প্রকার সাধুর লক্ষণ বর্ণনা করিয়া সেই সকল সাধুসঙ্গ হইতে জাত প্রধানীভূত এবং কেবলাভক্তি সামান্যভাবে নিরূপন করিয়া ভক্তিদ্বারা নিজেরও বশীকরত্ব তথা সংসঙ্গের দ্বারাও নিজের বশীকরত্ব উল্লেখ করিয়া সংসঙ্গজনিত ভক্তগণের কথা বলিয়া গোপ্যা-দিনিষ্ঠ ভক্তিযোগ অতিশয় ছল্লভ এইরূপ প্রশংসা করিয়া সহসা "রামেণ সার্কম্" ইত্যাদি বলিতে বলিতে । যে স্থলেও অর্থাৎ দ্বারকাতেও সদা জাজ্জল্যমান গোপী বিষয়ক নিজ প্রেমবাষ্প যাহা গান্তার্য নিবন্ধন নিজ হৃদয়ে মুদ্রিত থাকলেও অধীরতাবশে উৎঘাটন করিয়া তাহাদেরই ভক্তি যোগের স্ববশীকারত্ব বিষয়ে সৰ্ব্বোৎকর্ষের পরাবধি স্মৃতরাং তাহাদের সাধুত্বেরও সর্বমহা মহোৎকৃষ্ট কক্ষা

বিশ্রামিত প্রকাশ করিয়া তাহাদেরই অনুষ্ঠিত কেবল ভক্তি যোগে উদ্ধবকে প্রবৃত্ত করিবার জন্ম বলিলেন—চোদনা ( বিধি ) প্রতি চোদনা ( প্রতিষেধ ) অর্থাৎ বিহিত এবং নিষিদ্ধ কর্ম ত্যাগ করিয়া তাহার উপর শ্রোতব্য অর্থাৎ ভবিষ্যতে ধর্ম শ্রবণের আকাঙ্ক্ষা না করিয়া শ্রুত অর্থাৎ অতীত শ্রবণ ভুলিয়া সর্বাত্মভাবে—সর্বোপায়ে, আত্মার অর্থাৎ মনের যে ভাব—দাস্ত্র সখ্যাদি তদ্বারা, একমাত্র আমাকে অবলম্বন পূর্বক শরণাগত হও, আমার দ্বারা সর্বভয় বিনিমুক্ত হইবে। হে উদ্ধব! তোমার কর্মাদিকার নাই জ্ঞানাদিকারও নাই। তবুও সেই সকল তেমাতে আরোপ করিয়া যদি প্রত্যব্যয় জনিত ভয় ও সংসার জনিত ভয়ে ভীত হও—সেই উভয় ভয় হইতে ত্রাতা আমিই বিচক্ষমান রহিলাম।

### শ্রীজীব গোস্বামিপাদের টীকার অনুবাদ—

যেহেতু আমার নিজজন বলিয়া স্বীকৃত যে সাধুগণ সেই শ্রীনারদাঙ্গির প্রভৃতির সঙ্গেই যখন এইরূপ মহিমা তাহা হইলে তাহাদের পরমাশ্রয়রূপ পরমসন্ত তোমার অভীষ্ট, আমারই একান্ত ভাবে শরণাগত হও, তাহা হইলে নিশ্চিত ভাবে তুমি নির্ভয় প্রাপ্ত হইবে। আত্মন—স্বভাবতই সর্বজীবের হিতকারীত্ব দেখাইতেছেন সর্বদেহিনামাত্মানং—পরমাত্মা। কেবলমাত্র আমারই শরণাগত হইয়া বাক্ত করিতেছেন—সর্বাত্মভাবে—তাহাই বিবৃত করিতেছেন উৎসৃজ্য, ইত্যাদিতে। শ্রোতব্যাম্—ইতি জ্ঞানাশ্রয়কেও

নিরাসন করিতেছেন। তত্রৈকমিতি বাক্যে—কালান্তর এবং আশ্রয়ান্তরের ভাবনীও নিষেধ করিতেছেন।

এখানে এই প্রসঙ্গে আমরা আর একটি বিষয় আলোচনা করিতেছি। উদ্ধবকে পূর্ব শ্লোকটি “কেবলেন হি ভাবেন গোপ্যাং গাবো নগামৃগা”... ইত্যাদি ১১ ১২৮ বলিয়া যদি তাহার অব্যাহিত পরেই “তস্মাৎ” এই শ্লোকটি বলিতেন তাহা হইলে বুঝা যাইত যে উদ্ধবকে চক্রবর্ত্তিপাদের টীকার অর্থানুযায়ী সখ্য দাস্ত্র্য বাৎসল্য মধুর ভিতর যে কোন একটি ভাবের শরণাগত হওয়ার কথা বলিয়াছেন। কিন্তু ভগবান্ এই শ্লোক বলিতে বলিতে যখন তাহার অন্তরে সহসা তাহার নিজ প্রেয়সী মহাভাব স্বরূপা শ্রীরাধা বলিতাদি গোপীদিগের কথা মনে ভাসিয়া উঠিল এবং তিনি শ্লোকের পর শ্লোকে এই গোপীগণের প্রেমেরমহাত্ম্য উদ্ধবের নিকট কীর্ত্তন করিলেন এবং ঠিক তাহার পরেই উদ্ধবকে “তস্মাৎ ত্বমুদ্ধব..... “ভাঃ—১১।১২।১৪-১৫ শ্লোকটি বলিলেন তখন ইহাই আসিতেছে যে ভগবান্ উদ্ধবকে মধুর রসের মহাভাবস্বরূপা গোপীভাবের অনুগত হইয়াই ভজন করিবার ইঙ্গিত করিলেন। আর একটি বিষয় মূল উদ্ধব গীতার তাৎপর্য এখানে প্রকাশ পাইয়াছে।

শ্রীউদ্ধব দ্বারকার পরিকর তাহার স্থায়ীভাব সখ্য মিশ্রিত দাস্ত্র্য সে ভাব পরিভবনের নয়। কিন্তু চক্রবর্ত্তিপাদের অর্থানুযায়ী সখ্য দাস্ত্র্য বাৎসল্য মধুর ইহাদের যে কোন একটির কিন্তু উপরোক্ত আলোচনা হইতে কেবল মধুর ভাবের আনুগত্য হওয়ার উপদেশ দেওয়াতে বুঝা যাইতেছে যে যদিও উদ্ধবকে লক্ষ্য

ক'রিয়। এই উপদেশ দেওয়া হইয়াছে তাহা উদ্ধবের উদ্দেশ্যে নয় । কারণ উদ্ধবের ভাব স্থায়ী—কিন্তু যঁহারা ভগবৎ বিমুখতা পরিত্যাগ করিয়া ভগবানকে নিজ জীবনের আরাধ্য প্রিয়তম বলিয়া তাহাকে পাইবার জন্ম সাধনে প্রবৃত্ত হইয়াছেন— উদ্ধব গীতার এই শিক্ষা তাহাদের উদ্দেশ্যেই কথিত হইয়াছে ।

### উদ্ধব গীতাতে গুণ এবং দোষের বিচার

শ্রীমদ্ভাঃ—১১।১৯।৪৫ শ্লোকে বলিলেন—

“গুণদোষদৃশিদৌষো গুণস্তু ভয়বর্জিত”

অর্থাৎ গুণ দোষের বিচারেই দোষ এবং তদ্বিপরীত অর্থাৎ গুণদোষ দর্শন রহিত স্বভাবই গুণ ।

উদ্ধব এই কথা শুনিয়া বিশেষ সঙ্কট প'ড়লেন । তাই তিনি বিষয়টি ভাল ক'রিয়। বুঝিবার জন্ম ভগবানকে বলিলেন—

গুণদোষভিদাদৃষ্টির্নিগমাৎ তে ন হি স্বতঃ ।

নিগমেনাপবাদশ্চ ভিদায়া ইতি হ ভ্রমঃ ॥

শ্রীমদ্ভাঃ—১১।২০।৫

অনুবাদ—ভগবন্ ! আপনার আজ্ঞারূপ বেদবাক্য হইতেই গুণ এবং দোষের ভেদদৃষ্টি হয়—স্বয়ং হয় না । অথচ বেদ কর্তৃক ভেদ দৃষ্টির নিষেধও কথিত হইয়াছে— ইহা কিরূপে হইতে পারে আমার ভ্রম হইতেছে আপনি দূর করুন ।

এই স্থলে ভগবান্ প্রথমে জ্ঞান কৰ্ম ও ভক্তির অধিকারী  
নির্ণয় সম্বন্ধে উক্তবকে বলিতেছেন—

নিৰ্বিঘ্নানাং জ্ঞানযোগে ন্যাসিনামিহ কৰ্মসু ।  
তেষনিৰ্বিঘ্নচিত্তানাং কৰ্মযোগস্ত কামিনাম্ ॥

শ্রীমদ্ভাঃ— ১১ ২০।৭

**অনুবাদ**—জ্ঞান কৰ্ম এবং ভক্তি এই যোগত্রয়ের মধ্যে ।  
কৰ্মফলে বিরক্ত কৰ্মত্যাগি ব্যক্তিগণের পক্ষে জ্ঞান যোগ এবং  
কৰ্মে দুঃখবুদ্ধিশূন্য তৎফলে বিরাগশূন্য ব্যক্তিগণের পক্ষে কৰ্মযোগই  
সিদ্ধিপ্রদ হইয়া থাকে ।

**শ্রীল চক্রবর্তিপাদের টীকার অনুবাদ**—

কৰ্ম জ্ঞান ও ভক্তির মধ্যে কে কোন্ বিষয়ে অধিকারী—  
তাহাই বলিতেছেন—নিৰ্বিঘ্ন অর্থাৎ বিরক্তগণের গৃহ কুটুম্ব প্রভৃ-  
তিতে অনাসক্তগণের । অতএব গৃহাশ্রমপ্রাপ্ত কৰ্ম সমূহের ন্যায়  
বা ত্যাগপর ব্যক্তিগণের জ্ঞানযোগ সিদ্ধিপ্রদ । গৃহাশ্রম কৰ্ম  
সমূহে অনিৰ্বিঘ্নচিত্ত বা আসক্ত চিত্ত ব্যক্তিগণের । যেহেতু  
কামিগণের কাম বা বিষয়াসক্তি অর্থাৎ দেহ গেহ কলত্রাদিতে  
অত্যাসক্তি বিশিষ্টগণের কৰ্মযোগ ( সিদ্ধিপ্রদ ) ।

যদৃচ্ছয়া মৎকথাদৌ জাতশ্রদ্ধস্ত যঃ পুমান্ ।

ন নিৰ্বিঘ্নো নাতিসক্তো ভক্তিযোগোহশু সিদ্ধিদঃ ॥

শ্রীমদ্ভাঃ— ১১।২০।৮

**অনুবাদ**—যে ব্যক্তি কোন ভাগ্যক্রমে আমার রূপ, গুণ, লীলা—বিশেষতঃ ভক্তবাৎসল্য গুণ এবং রাসাদি লীলা কথায় আদরযুক্ত হইয়াছেন এবং যঁহার বিষয়ে বৈরাগ্য বা অত্যাসক্তি নাই তাহার পক্ষে ভক্তিয়োগই সিদ্ধি দায়ক হইয়া থাকে।

### শ্রীল চক্রবর্তিপাদের টীকার মর্ম্মার্থ—

যদৃচ্ছাক্রমে প্রথম স্কন্ধে ব্যাখ্যা যুক্ত অনুসারে যাদৃচ্ছিক মহৎসঙ্গ বা সৎসঙ্গ প্রভাবে আমার কথাতে জাত শ্রদ্ধ অতএব “আমার কথামতে শ্রদ্ধা ( ভাঃ ১১।১৯।২০ শ্রদ্ধালু আমার কথা শুনিত্তে শুনিত্তে ( ভাঃ ১১।১১।২০ ) এই উক্তি অনুসারে সেই ভক্তি যোগে শ্রদ্ধালু ব্যক্তিই অধিকারী। এই স্থলে জ্ঞানী ও কর্ম্মী হইতে ইহার বৈশিষ্ট্য।

নাতিসক্ত, অর্থাৎ দেহ গেহ কলত্র প্রভৃতিতে অত্যাসক্তি রহিত। এস্থলে নির্বিকল্প নয়, উহাতে নির্বিকল্প হইলে জ্ঞানে অধিকার এবং অত্যাসক্ত হইলে কর্ম্মে অধিকার, অত্যাসক্তি রাহিত্যে ভক্তিতে অধিকার, নির্বেদের কারণ নিষ্কাম কর্ম্মহেতু অন্তকরণ শুদ্ধি অত্যাসক্তির কারণ—অনাদি অবিদ্যা, অত্যাসক্তি রাহিত্যের কারণ কেবল যাদৃচ্ছিক মহৎ সঙ্গ ইহাই উৎকৃষ্ট অধিকারীর লক্ষণ।

ভাঃ ১১।২।২ হে রাজন্ ! সর্ব্বতোভাবে মৃত্যুর অধীন কোন্ ইন্দ্রিয়বান্ ( প্রাণী ) মুকুন্দ চরণ কমলের সেবা না করে ? এই

উক্তি অনুসারে যাদৃচ্ছক ভক্ত সঙ্গ হইলে ইন্দ্রিয়বান্কে ভক্তির  
অধিকারী বলিয়া জানিতে হইবে ।

তাবৎ কৰ্ম্মাণি কুৰ্ব্বতী ন নিৰ্ব্বিচ্ছেত যাবত ।

মংকথা শ্রবণাদৌ বা শ্রদ্ধা যাবন্ন জায়তে ॥

শ্রীমদ্ভাঃ— ১১।২০ ৯

অনুবাদ—যে-কাল পর্য্যন্ত কৰ্ম্মবিষয়ে ছুঃখ জ্ঞান বা মদীয়  
কথা শ্রবণে শ্রদ্ধা উৎপন্ন না হয়, তাবৎ কাল পর্য্যন্ত নিত্যা-  
নৈমিত্তিক কৰ্ম্মসমূহের আচরণ করিবেন ।

শ্রীল চক্রবর্ত্তিপাদের টীকার আংশিক অনুবাদ—

এইরূপে জন্মগত অত্যাঙ্গ জীবের কৰ্ম্মাধিকারই স্বাভা-  
বিক । সেই বা কি পর্য্যন্ত এবং তাহাদের জ্ঞানাধিকার বা  
ভক্ত্যাধিকার কবে হইতে পারে সেই সন্ধন্ধে ভগবান্ বলিতেছেন ।  
কৰ্ম্ম উভয় প্রকার—নিত্য এবং নৈমিত্তিক ।

যে পর্য্যন্ত না নিৰ্ব্বিল্ল হয় অর্থাৎ কৰ্ম্মের দ্বারাই অন্তকরণ  
শুদ্ধি হইয়া নিৰ্বেদ সঞ্জাত হয় ।

নিৰ্বেদ সঞ্জাত হইলে “নিৰ্ব্বিল্লগণের জ্ঞানযোগ” আমার  
এই উক্তি অনুসারে—( শ্রীমদ্ভাঃ ১১ ২০।৭ ) জ্ঞানেই অধিকার  
হয়—কৰ্ম্মে আর অধিকার থাকে না । আবার আকস্মিক মহৎ  
কুপাজনিত শ্রদ্ধা জন্মিলে “জাত শ্রদ্ধস্ত যঃ পুমান্” ( শ্রীমদ্ভাঃ ১১।  
১০।৮ ) কেবলা ভক্তিতে অধিকার হয় । কৰ্ম্মে আর অধিকার

থাকে না, এই শ্রদ্ধাকে আত্যন্তিকী বলিয়া জানিতে হইবে। এই শ্রদ্ধা ভগবৎ কথা শ্রবণাদি দ্বারাই কৃতার্থীভূত হয়, কৰ্ম জ্ঞানাদির দ্বারা নহে। ইহা দৃঢ় আস্থিক্য লক্ষণ, শুদ্ধ-ভক্ত সঙ্গ-সঙ্গাত বলিয়াই জানিতে হইবে। অতএব “শ্রুতি ও স্মৃতি আমারই আজ্ঞা। যে এই দুইটিকে উল্লঙ্ঘন করিয়া থাকে, সে আজ্ঞা-চ্ছেদী, আমার দ্বেষী, আমার ভক্ত হইলেও সে বৈষ্ণব নয়। এই কথিত দোষও এক্ষেত্রে নাই। আজ্ঞার অকরণের পর প্রত্যুত শ্রদ্ধা জাত হইলে তাহার কারণে আজ্ঞা ভঙ্গ প্রসক্ত হয়। কিন্তু মহৎ কৃপা না পাইলে তাহার তাদৃশ শ্রদ্ধা জাত হয় নাই, কিন্তু অন্ত বৈষ্ণবের উৎকর্ষ দেখিয়াই তাহার গ্নায় কৰ্মত্যাগ করিয়া ভগবন্তজনকেই তাহার বচনের বিষয় করেন—এইরূপ কেহ কেহ বলেন। কিন্তু অন্তে কেহ কেহ বলেন—শ্রুতি ও স্মৃতি ভক্তিই প্রতিপাদন করে, বর্ণাশ্রম ধৰ্ম প্রতিপাদন করে না।

”মদীয় বেদশাস্ত্রাদিষ্ট স্বধৰ্ম্য সমূহ, সম্যক্ ত্যাগ করিয়া যিনি আমার ভজন করেন তিনিই সাধুভূম ( ভাঃ ১১।১১।৩২ ) এই ভগবৎ বাক্যের বিরোধ হয়। অনন্তভক্ত আমরা, আমাদের শ্রুতি স্মৃতি কথিত বিধি নিষেধ লইবার কোন প্রয়োজন নাই— এই বলিয়া একাদশী প্রভৃতি ব্রতের অনাচরণ, তাত্রপাত্রস্থ দধি ছুঙ্ক প্রভৃতি এবং কাংস্তপাত্রস্থ নারিকেল জল ভগবানে অর্পণ এবং তাহা প্রসাদরূপে গ্রহণ। এই সকল নিষিদ্ধাচরণ তখনই শ্রুতি স্মৃতি আমারই আজ্ঞা—এই ভগবদ বাক্যের বিষয়াস্তর্গত করে—

এই কথা বলেন শ্রীমদ্ভাঃ—১১।২।৫৩ “ত্রিভুবনবিভাহত……” নিজ বর্ণধর্ম হইতে চলে না, এস্থলে চলে না অর্থে কম্পিত হয় না। এ ক্ষেত্রে পুরাকালীন অনশ্চ ভক্তগণের কর্মিকুলের সহিত সংঘট্ট প্রাপ্তির জন্য তদ্‌অনুরোধ বশে যে ঈষণ কর্ম করা হয়, তাহা কর্ম না করাই যেহেতু তাহাতে অশ্রদ্ধা নাই।

গীতাতে ভগবান বলিয়াছেন ( গ্লীঃ ১৭।২৮ ) অশ্রদ্ধার সহিত যে হোম, দান, তপঃ করা হয়, তাহাকে অসৎ বলা হয়। তাই ইহলোকে ও পরলোকে নিষ্ফল।

ভগবান যে শ্রীমদ্ভাঃ ১১।১৯।৪৫ শ্লোকে বলিয়াছেন “গুণ দোষ দর্শন দোষ এবং তদুভয় বর্জিত” ইহা কোন্‌ ভক্তের প্রতি প্রয়োজ্য তাহাই এখন আলোচনা করিতেছেন—

ন ময্যেকান্তভক্তানাং গুণদোষোদ্ভবা গুণাঃ ।

সাধুনাং সমচিত্তানাং বুদ্ধেঃ পরমুপেয়ুষাম ॥

শ্রীমদ্ভাঃ—১১।২০।৩৬

অনুবাদ—রাগাদি-শূন্য সর্বত্র সমবুদ্ধি বিশিষ্ট, আমার একান্ত ভক্ত, যাঁহারা ভগবানকে লাভ করিয়াছেন এবন্নিধ সিদ্ধভক্তগণ তাহাদের বিহিত বা নিষিদ্ধ কর্মের জন্য পুণ্য বা পাপ হয় না।

শ্রীল চক্রবর্তিপাদের টীকা—ভগবান্‌ বলিতেছেন আমি যে ভাঃ—১১।১৯।৪৫ শ্লোকে বলিয়াছি—“গুণ দোষ দর্শন দোষ, তদুভয় বর্জিত তাহা এই প্রকার ভক্ত সম্বন্ধেই। গুণ দোষের

উদ্ভব যে সমস্ত রজঃ তমঃ এই গুণগুলি একান্ত ভক্তে নাই । তাহাদের গুণগুলি অপ্রাকৃত কেন না, প্রকৃতির পর সচ্চিদানন্দ বস্তুকে তাহারা প্রাপ্ত হইয়াছেন, তাহাদের মন, ইন্দ্রিয়াদি কিছুই গুণময় নয় । ভাঃ—১১।২৫।২৬ শ্লোকে “সাত্ত্বিকাঃ কারকোহসঙ্গী.....” ভগবান্ বলিয়াছেন—“আমার আশ্রিত কর্তা নিগুণ ; এই হেতু গুণদোষোদ্ভব বিধিনিষেধ নিবন্ধন গুণ সকলের বিষয়ী হন না অর্থাৎ শিষ্টাচারে ইহাদের কোন গুণ হয় না এবং নিষিদ্ধাচারেও কোন দোষ হয় না । সমচিন্ত্যযুক্ত ভক্তগণের যেমন চিত্রকেতু—সম্বন্ধে মহাদেব বলিয়াছেন—“সমস্ত নারায়ণ পর ভক্তগণ কিছুতেই ভয় পান না, তাঁহারা স্বর্গ অপবর্গ ও নরকে তুল্যদর্শী । বুদ্ধি বা প্রকৃতির পর ভগবানকে যে সাধুগণ প্রাপ্ত হইয়াছেন—তাহারা সিদ্ধ, তাহাদের প্রতি দোষদৃষ্টি কর্তব্য নয় একথা আর কি বলিতে হইবে, এমন কি সাধকগণ, তাহারা যদি ছুরাচারও হন, তাহাদের প্রতিও দোষদৃষ্টি করা উচিত নয়—শ্রীমদ্ গীতা ৯ ৩০ শ্লোকে ভগবান এই কথাই বলিয়াছেন “যদি সুছুরাচার ব্যক্তিও অনশ্চভাবে আমার ভজনা করে, তাহাকে সাধু বলিয়াই মনে করিতে হইবে যেহেতু তিনি সম্যক ব্যবসিত” ।

কর্ম্ম জ্ঞান ও ভক্তি সাধনরত জনের দোষগুণ বিচার

স্বৈ স্বৈহধিকারে যা নির্ণা স গুণঃ পরিকীর্তিতঃ ।

বিপর্যয়স্ত দোষ শ্রাদ্ভয়োরেষ নিশ্চয়ঃ ॥

**অনুবাদ**—নিজ নিজ অধিকারে অবস্থানই গুণ এবং পরের সাধনাধিকারে অবস্থিতিই দোষ, ইহাই গুণদোষের স্বরূপ নির্ণয় ।

**শ্রীল চক্রবর্তিপাদের টীকা**—এই টীকাতে শ্রীল চক্রবর্তি পাদ দুইটি প্রশ্নাকারে উক্তের সন্দেহ আলোচনা করিতেছেন—প্রথমতঃ উক্ত ভগবানকে জিজ্ঞাসা করিতেছেন—যদি কেহ আপনার কথাতে শ্রদ্ধালু, শুদ্ধ ভক্তির অধিকারী, কিন্তু সে যদি প্রতিষ্ঠিত কর্ম্মী বা জ্ঞানীগণের যুক্তির দ্বারা দৈবাৎ বশীকৃত ও তাহাদের অনুগত হইয়া ঐশ্বর্য পানের শ্রায় অরোচক হইলেও কর্ম্ম করেন অথবা জ্ঞান অভ্যাস করেন তাহা হইলে সেই ভক্তের গুণদোষ দর্শন দোষ, না তাহার অভাব গুণ ?

**দ্বিতীয় প্রশ্ন**—যদি কোন ব্যক্তি মহৎ কৃপা না পাওয়ায় ভক্তিতে অজ্ঞাত শ্রদ্ধা, এমন যে কর্ম্মী বা জ্ঞানী, ভক্তের শ্রেষ্ঠত্ব দেখিয়া—সেইরূপ নিজের উৎকর্ষ কামনা করিয়া স্বীয় অধিকার প্রাপ্ত কৃত্যসমূহ ত্যাগ করতঃ প্রতিষ্ঠিত ভক্তের শ্রায় ভগবানের ভজন করিতে করিতে আপনাকে বৈষ্ণব বলিয়া খ্যাপন করে । তাহা হইলে সেই দস্তশালী জগদ্বক্ষকের কি গুণ দর্শন করিতে হইবে না হইবে না ? ভগবান্ উক্তর দিতেছেন—“উক্ত ভোমার প্রশ্নের উত্তর সত্য শ্রবণ কর” । এই বলিয়া এখানে গুণদোষের লক্ষণ বলিতেছেন । জ্ঞানীর জ্ঞানেই এবং কর্ম্মির কর্ম্মেই অধিকার, তাহাতেই নিষ্ঠা অর্থাৎ নিষ্ঠিতত্বই গুণ, কিন্তু জ্ঞান এবং কর্ম্ম

উভয়ই স্বতঃই ফলদানে অসমর্থ বলিয়া ভক্তির সহিত মিশ্রণ করিয়াই অনুষ্ঠান করিতে হইবে। অত্যাধা “অচ্যুত ভাব বর্জিত নৈষ্কর্মাণ্ড” ( ভাঃ ১.৫।১২ ) ইত্যাদি বিফল হইয়া যায়। কিন্তু শুদ্ধভক্তের ভক্তিতেই নিষ্ঠা গুণ, যেহেতু ভক্তি স্বতঃই ফলদানে সমর্থ, সেইজন্য কৰ্ম জ্ঞানাতির সহিত মিশ্রভাবে অনুষ্ঠান করা উচিত নয়।

“যিনি সৰ্ব্বধৰ্ম পরিত্যাগ করিয়া আমার ভজন করেন ( ভাঃ ১১।১১ ৩২ ) শ্লোকে এবং “ভক্তিতে জ্ঞান ও বৈরাগ্য প্রায়ই শ্রেয় নয় ( ভাঃ ১১ ২০।৩১ ) যাহা আমরা পরের শ্লোকে আলোচনা করিতেছি। ইত্যাদি শ্লোকদ্বয় অনুসারে ভক্তি যদি জ্ঞানাতি মিশ্র হয়—তাহা হইলে তাহার শুদ্ধভক্তিত্ব অপগত হয়।

এইশ্লোকে যে বিপর্যায় কথাটি ব্যবহৃত হইয়াছে তাহার অর্থ, পরাধিকারে নিষ্ঠা। উভয়ের—অর্থ গুণ ও দোষের।

তস্মান্নাঙ্কিত্যুক্তশ্চ যোগিনো বৈ মদাত্মনঃ ।

ন জ্ঞানং ন চ বৈরাগ্যং প্রায়ঃ শ্রেয়ো ভবেদিহ ॥

শ্রীমদ্ভাঃ—১১।২০।৩১

অনুবাদ—অতএব ( ভক্তির সৰ্ব্ব শ্রেষ্ঠত্ব হেতু ) আমাতে ভক্তিয়ুক্ত মদগতচিত্ত ভক্তিয়োগী পুরুষের পক্ষে। ইহলোকে জ্ঞান বা বৈরাগ্য শ্রেয়ঃ সাধনরূপে গণ্য করা হয় না।

শ্রীল চক্রবর্তিপাদের টীকার অনুবাদ—যেহেতু অণু নিরপেক্ষা ভক্তিদ্বারাই হৃদয়-গ্রন্থিভেদ প্রভৃতি স্বতঃই হইয়া থাকে (যাহা পূর্ব শ্লোকে “ভিত্তে হৃদয় গ্রন্থিচ্ছিত্তে……” বর্ণিত হইয়াছে) সেই জন্ম ভক্তের নিমিত্ত হৃদয় গ্রন্থি ভেদ নিমিত্ত জ্ঞান ও বৈরাগ্য উপাদেয় নয়। আপনাতে জ্ঞান বৈরাগ্যের শ্রেয়স্করত্ব দেখা যায় না বলিয়া ইহাই বলিতেছেন—মদাঃ্মা বলিতে আমাতে আত্মা অর্থাৎ যাহার দেহ প্রভৃতির অতিরিক্ত ব্যাপারে অনুসন্ধান লক্ষণই জ্ঞান এবং বিষয়ের অগ্রহণ লক্ষণ—বৈরাগ্য, শ্রেয় নহে, যেহেতু উহার সাত্ত্বিক কিন্তু ভক্তি গুণাতীত। ভক্তি থাকিলে আপনাতে জ্ঞান বৈরাগ্য আনিবার ইচ্ছাই দোষ এই ভাব। প্রত্যুত অবিচ্যাবৃত্তি রাগদ্বেষাদির ঞায় বিচ্যাবৃত্তিরূপ জ্ঞান বৈরাগ্য ভক্তে আপনা হইতে বর্তমান থাকিলেও ইহার ভক্তি দ্বারাই নিজত্ব প্রাপ্ত হয়—“এতাঃ সংসৃতয়ঃ পুংসো”-ভাঃ ১১।২।৫।৩২ ভগবদনুভবরূপ জ্ঞান এবং বিষয়ে অরুচি লক্ষণ বৈরাগ্য, ভক্তি হইতে সঞ্জাত বলিয়া আপনা হইতেই গুণাতীত হইবে। যেমন উক্ত হইয়াছে “ভক্তিপরেশানুভবো ভাঃ ১১।২।৪২ ভজন-কালে একই সঙ্গে ভক্তি ভগবৎ জ্ঞান এবং প্রাকৃত বিষয়ে বিরক্তি প্রায়—এই শব্দ গ্রহণ করায় বুঝাইতেছে যে কোন ক্ষেত্রে যেমন শান্ত ভক্তের প্রথম দশায় জ্ঞান বৈরাগ্য অশ্রেয়স্কর নয়। মুক্তি ভক্তি দ্বারাই নির্বিঘ্না, এই জন্ম যুক্ত বৈরাগ্য স্বীকৃত হইয়াছে। (ভক্তিরাসামৃতসিন্দু দ্রষ্টব্য ১।২।২৫৫)।

কৰ্মী এবং জ্ঞানীর সাধন প্রাপ্তব্য কি ?

ইহাই ভগবান্ উদ্ধবকে বলিতেছেন—

অস্মিন্ লোকে বর্তমানঃ স্বধৰ্ম্মস্বোহনঘঃ শুচিঃ ।

জ্ঞানং বিশুদ্ধমাপ্নোতি মদ্বক্তিং বা যদৃচ্ছয়া ॥

শ্রীমদ্ভাঃ—১১।২০।১১

অনুবাদ—নিষিদ্ধ কৰ্ম্ম ত্যাগী শুদ্ধচিত্ত স্বধৰ্ম্মপরায়ণ এই রূপ গুণযুক্ত কৰ্ম্মী, ইহলোকে বর্তমান থাকিয়াই কেবল জ্ঞান অথবা ভাগ্যক্রমে ( ভক্তিমান সাধুসঙ্গে ) মদ্বক্তি প্রাপ্ত হয় ।

শ্রীল চক্রবর্ত্তিপাদের টীকার অনুবাদ—

তাহা হইলে কৰ্ম্মী কি প্রাপ্ত হয় ? ইহার উত্তরে বলিতেছেন । এই মর্ত্তলোকেই স্থিত । স্বধৰ্ম্মস্ব—নিষ্কাম কৰ্ম্ম করণ জহ্য, অনঘ—নিষ্পাপ বলিয়া, শুচি—শুদ্ধ অন্তকরণ হইয়া বিশুদ্ধ জ্ঞান প্রাপ্ত হয় । এই জ্ঞান পরিসমাপ্ত হয় মোক্ষ লাভে । কিন্তু যদি যদৃচ্ছাক্রমে শুদ্ধভক্ত সঙ্গ লাভ হয়, তাহা হইলে আমার কেবলা ভক্তি এবং তদ্বারা প্রেমও প্রাপ্ত হয় । আবার যদি এই কৰ্ম্মীগণের কৰ্ম্ম মিশ্রা বা জ্ঞান মিশ্রা ভক্তিমান্ সাধুর সঙ্গ হয়, তাহা হইলে তাহা হইতে প্রাপ্ত, কৰ্ম্মমিশ্রা বা জ্ঞানমিশ্রা প্রধানী-ভূতা ভক্তিদ্বারা অন্ততঃ শান্ত রতি প্রাপ্ত হয় ।

অতএব ইহাই আসিতেছে যে কৰ্ম্মমিশ্রা বা জ্ঞান মিশ্রা ভক্তিমান্ সাধুসঙ্গে শান্তরতি মাত্র হয় আর শুদ্ধভক্ত সঙ্গে প্রেম লাভ হয় ।

## উদ্ধব গীতায় জ্ঞানমার্গের সাধন—

জ্ঞান মার্গের সাধন হিসাবে শ্রীভগবান্ উদ্ধবকে কয়টি বিশেষ বিষয় বলিয়াছেন—যাহা সাধন হিসাবে পৃথক্ করণীয় না হইলেও ভক্তিমার্গের সাধকগণের পালনীয় এবং শিক্ষনীয় ।

পরম্ভাব কৰ্ম্মাণি ন প্রশংসেন্নগইয়েৎ ।

বিশ্বমেকাঙ্কং পশুন্ প্রকৃত্যা পুরুষেণ চ ॥

শ্রীমদ্ভাঃ—১১।২৮।১

অনুবাদ—শ্রীভগবান্ বলিলেন—প্রকৃতি ও পুরুষের সহিত এই নিখিল বিশ্বকে এক অন্তর্যামী পুরুষ কর্তৃকই নিয়ন্ত্রিত জানিয়া অপরের স্বভাব ও কৰ্ম্মসমূহের প্রশংসা বা নিন্দা করিবে না ।

আলোচনা—কলিকাতা বরাহনগর পাঠবাড়ী হইতে পরম শ্রদ্ধাস্পদ শ্রীকৃষ্ণানন্দ দাস বাবাজী মহারাজ আমাকে জ্ঞানালোক হিসাবে যে বিবৃতি পাঠাইয়াছিলেন তাহা এখানে দেওয়া হইল । শ্রীমদ্ভাঃ ১১।৭।৬ শ্লোকে ভগবান্ উদ্ধবকে “তত্ত্ব সৰ্ব্বং পরিত্যজ্য” ইত্যাদি বাক্যের দ্বারা বৈরাগ্য উৎপাদন করিতেছেন । বিশ্ব-মেকাঙ্কং পশুন্ প্রকৃত্যা পুরুষেণ চ, শেষাংশটি জ্ঞান মার্গের কথা । প্রকৃতি পুরুষ হইতে অভিন্ন, এই স্বশক্তি বলিয়া এবং প্রকৃতি জাত বস্তু (ভোগ্য) সূত্রাং প্রকৃতি হইতে অভিন্ন এই অভিপ্রায়ে বিশ্বমেকাঙ্কং বলেছেন । চক্রবর্ত্তিপাদ এবং দীপিকা দীপন টীকা অর্থ করেছেন—বিশ্বং একঃ পরমাত্মা এব আত্মা যশ্চ

অর্থাৎ পরমাত্মাই বিশ্বের আত্মা প্রকৃতি তাঁর শক্তি, শক্তি জাত ব্রহ্মাণ্ড । সকল বস্তুকে তত্ত্বতঃ পরমাত্মাই জানিবে যেমন শ্রীমদ্ভগবত্তীতায়—“বাসুদেবঃ সর্বমিতি” এই বোধটি আসিলে নিন্দার জন্ম ব্যক্তি বা বস্তুর কারণ থাকে না ।

শ্রীমদ্ভাঃ ১১।৭।৭-৮— শ্লোকে “যদিদং মনসা বাচা ইত্যাদি এবং “পুংসোহযুক্তস্য নানার্থো” ইত্যাদি শ্লোক দ্বয়েও সমদর্শিত্ব দেখান হইয়াছে । ভক্তি উপদেশের মধ্যে ঠিক পড়ে না । গুণ, দোষ, এই বুদ্ধি অজ্ঞান ব্যক্তির হয় । মায়া গুণের মধ্যে যাহা যাহা তাহার আবার দোষ গুণ কোনটি ? টীকায় চক্রবর্ত্তিপাদ চিত্রকেতুর কথা তুলে বলেছেন—“গুণ প্রবাহ এতস্মিন কঃ শাপঃ কোষনুগ্রহঃ । গুণে গুণবুদ্ধি এবং দোষে দোষবুদ্ধি অজ্ঞানীরই হয় । জ্ঞানী ব্যক্তি সবটাই মায়া গুণের প্রবাহ জেনে সমদর্শী হন ।

কর্ম, অকর্ম, বিকর্ম ইত্যাদি বুদ্ধি অজ্ঞানী ব্যক্তিরই হয় । সুতরাং বেদ-নিষিদ্ধ কর্ম যারা করে, তাদেরই নিন্দা এ রকম কথা নয় । ( পত্র সমাপ্ত ) অনুরূপ ভাঃ ষষ্ঠ স্বন্ধ হইতে একটি শ্লোক উদ্ধৃত হইতেছে—যে অজ্ঞান হইতেই বিষয়ের গুণ দোষ প্রতীতি ।

দেহিনাং দেহসংযোগাদ্ভ্রম্মানীশ্বরলীলয়া ।

সুখং, দুঃখং, মৃতির্জন্ম শাপোহনুগ্রহ এব চ ॥

অবিবেককৃতঃ পুংসো হৃথভেদ ইবাত্মনি ।

গুণদোষ বিকল্পশ্চ ভিদেব স্রজিবৎ কৃতঃ ॥

শ্রীমদ্ভাঃ—৬ ১৭।২৯-৩০

অনুবাদ—ঈশ্বরের মায়ায় দেহীর দেহের সহিত সংযোগ সংঘটিত হওয়ায় সুখ, দুঃখ, জন্ম, মৃত্যু অনুগ্রহ এবং অভিশাপ, ভাল এবং মন্দ এই দ্বন্দ্বসমূহ উৎপন্ন হইয়া থাকে ।

শ্রীল চক্রবর্ত্তিপাদের টীকার অনুবাদ—

২৯ শ্লোকে—নারায়ণনিষ্ঠত্ব অভাব বস্তুতই এইরূপ হয়—  
“দেহিনামিতি” । “ঈশ্বরলীলয়েতি” ভগবানের ঈক্ষণলীলালঙ্ক  
বল দ্বারা—অর্থাৎ মায়ার দ্বারা ।

৩০ শ্লোক—সেই হেতু মায়িক অবাস্তব বস্তু সুখ দুঃখাদি  
অস্তিত্ব বশতঃ অবস্তু বলিয়াই জানিতে হইবে—অবিবেক ইতি ।  
পুরুষ ( জীব ) স্বপ্নে অর্থভেদ যেমন ক্ষীর ভোজন এবং পুত্র মরণা-  
দির গ্ৰায় জাগরণ অবস্থায় গুণ-দোষ বিকল্প—সুখ দুঃখাদি ভেদ  
করিয়া থাকে—এইরূপ জানিতে হইবে । তাহাতেই দৃষ্টান্ত হিসাবে  
বলিতেছেন—স্রজি, মালাতে ভিন্ন অর্থাৎ ইহা রজ্জু বা সর্প এই-  
রূপ ভ্রম ।

সাধক জীবনে বিষয় ( বাহিরের ) এবং চিন্ত ( সাধকের  
অন্তরের ) সংযোগ সম্বন্ধে কতগুলি প্রশ্ন আসে যাহা নিজের জন্ম

এবং অপরের জন্য সমাধানের প্রয়োজন আছে—এই প্রশ্নগুলি উদ্ধরের হৃদয়ে জাগরিত করিয়া ভগবান্ তাহার উত্তর দিতেছেন।

বিদন্তি মর্ত্যাঃ প্রায়েণ বিষয়ান্ পদমাপদাম্ ।

তথাপি ভুঞ্জতে কৃষ্ণ তৎ কথং শ্বখরাজবৎ ॥

শ্রীমদ্ভাঃ—১১।১৩।৮

অনুবাদ—উদ্ধব বলিলেন—হে কৃষ্ণ, মনুষ্যগণ প্রায়শই বিষয়কে আপদের কারণ রূপে অবগত হইয়াও সারমেয় যেরূপ সারমেয়ী কর্তৃক ভৎসিত গর্দভ যেরূপ গর্দভী কর্তৃক পাদতাড়িত এবং নিল্লজ্য অজ যেরূপ বধ্যস্থানে আনীত হইয়াই শ্রীসঙ্গ কামনা করে, সেইরূপ মানবগণ বিষয় হেতু বিপন্ন হইয়াও কি জগত্ তাহার সেবা করে, তাহা বলুন।

শ্রীভগবানের উত্তর—

অহমিত্যাগ্ৰথা বুদ্ধিঃ প্রমত্তশ্চ যথা হৃদি ।

উৎসর্পতি রজো ঘোরং ততো বৈকারিকং মনঃ ॥৯॥

রজোযুক্তশ্চ মনসঃ সঙ্কল্পঃ সবিকল্পকঃ ।

ততঃ কামো গুণখ্যানাদ্ দুঃসহ শৃদ্ধি দুর্ন্মতেঃ ॥১০॥

শ্রীমদ্ভাঃ—১১।১৩।৯-১০

অনুবাদ—হে উদ্ধব ! বিবেকহীন পুরুষের চিত্তে প্রথমতঃ দেহ-বিষয়ক অহং বুদ্ধিরূপ মিথ্যা জ্ঞানের উদয় হইয়া থাকে, তাহা হইতে দুঃখাত্মক রজোগুণ, সত্ত্ব প্রধান মনকে অভিব্যাপ্ত করিয়া

থাকে। অনন্তর রজোগুণ যুক্ত মনের বিকল্প ও সঙ্কল্প উদিত হয় এবং তাহা হইতে ছর্স্মতি পুরুষের বিষয় চিন্তা হেতু ছঃসহ বিষয় বাসনা সৃষ্ট হইয়া থাকে।

করোতি কামবশগঃ কৰ্ম্মাণ্যবিজিতেন্দ্রিয়ঃ ।

ছঃখোদকাণি সংপশ্বন্ রজোবেগবিমোহিতঃ ॥

শ্রীমদ্ভাঃ—১১।১৩।১১

অনুবাদ—অনন্তর বিষয়কামনা পরবশ, রজোবেগ মোহিত অজিতেন্দ্রিয় পুরুষ কৰ্ম্মসমূহের পরিণামে ছঃখরূপ ফল জানিয়াও তাহার আচরণ করিয়া থাকে।

আর একটি প্রশ্ন যাহা সনকাদি ভগবানকে করিয়াছিলেন, যাহা উদ্ধবের নিকট বিশেষ প্রয়োজন বলিয়া উদ্ধব জিজ্ঞাসা করিতেছেন—

শ্রীসনকাদির প্রশ্ন—

গুণেশ্বাবিশতে চেতো গুণাশ্চেতসি চ প্রভো ।

কথমন্যোগ্য সংত্যাগো মুমুক্শোরতিতীর্থোঃ ॥

শ্রীমদ্ভাঃ—১১।১৩।১৭

অনুবাদ—হে প্রভো ! মানবগণের চিত্ত স্বভাবতঃই বিষয় সমূহের প্রতি আকৃষ্ট হইয়া থাকে এবং বিষয় সমূহও বাসনারূপে চিত্তে প্রবেশ লাভ করিয়া থাকে, সুতরাং বিষয়াতিক্রমভিলাষী মুমুক্শু পুরুষের কিরূপে বিষয় এবং চিত্তের পরস্পর সম্বন্ধ বিনষ্ট হইতে পারে তাহা বর্ণন করুন।

### শ্রীভগবানের উত্তর—

গুণেষু বিশতে চেতো গুণাশ্চেতসি চ প্রজাঃ ।

জীবশু দেহ উভয়ং গুণাশ্চেতো মদাত্মনঃ ॥

শ্রীমদ্ভাঃ—১১।১৩।২৫

অনুবাদ—হে পুত্রগণ ! মানবের চিত্ত বিষয়সমূহে এবং বিষয় সমূহ চিত্তে প্রবিষ্ট হয় সত্য, কিন্তু এই চিত্ত ও বিষয় ইহারা উভয়েই চিন্ময় ব্রহ্মস্বরূপ জীবের দেহে অধ্যাস্ত উপাধি মাত্র, স্বরূপ নয় ।

গুণেষু চাবিশচ্চিত্তমভীক্ষং গুণ-সেবয়া ।

গুণাশ্চ চিত্তপ্রভবা মদরূপ উভয়ং ত্যজেৎ ॥

শ্রীমদ্ভাঃ—১১।১৩।২৬

অনুবাদ—অতএব পুরুষ আমার স্বরূপ প্রাপ্ত হইয়া আমা হইতে অভেদ ভাবনাবেশে তন্ময় হইয়া অর্থাৎ পুনঃ পুনঃ বিষয় ভোগদ্বারা বিষয়সমূহে প্রবেশশীলচিত্ত এবং গুণগুলি যাহা পুনঃ পুনঃ চিত্তে বাসনারূপে অবস্থিত, এই উভয়কেই ত্যাগ করিবে ।

### শ্রীল চক্রবর্তিপাদের টীকার অনুবাদ—

ঐ উভয়ের ( চিত্ত এবং গুণের ) পরস্পর সন্ত্যাগ দুর্ঘট বটে ! অনাদি কাল হইতেই অভীক্ষ অর্থাৎ পুনঃ পুনঃ গুণের সেবা করায় দৃঢ়তর সেই সংস্কার হেতু চিত্ত গুণ সমূহে প্রবেশ করিয়াই আছে ; স্মতরাং কিরূপে তাহাদিগকে ত্যাগ করিতে পারা যায় ?

গুণ গুলি আবার পুনঃপুনঃ বাসনারূপে চিত্ত প্রভব অর্থাৎ চিত্তে প্রকর্ষরূপে অবস্থান হেতু কিরূপেই বা তাহাকে ত্যাগ করিতে সমর্থ ? আর জ্ঞানীগণের পক্ষে কষ্ট করিয়া পরস্পর সেই উভয়ের ত্যাগ নিষ্প্রয়োজন, কারণ উহাদের উভয়কেও তাহাদের প্রয়োজন নাই। অতএব মদ্রুপ অর্থাৎ আমা হইতে অভেদ ভাবনা-বেশ জন্ম মনয় হইয়া জ্ঞানীগণ উভয়কেই ত্যাগ করিবেন।

**শ্রীল চক্রবর্তিপাদ**—ইহার পরে ভক্তগণের জ্ঞানীগণ হইতে সম্পূর্ণ পৃথক সাধন বিবৃত করিয়াছেন। তিনি বলিতেছেন ভক্তগণ মনয় ভাবটি ইষ্টবোধ করেন না, তাঁহারা ভগবদ্ স্বরূপ হইতে জীব স্বরূপকে নিত্যভেদ এবং পরস্পর পরস্পরের সেব্য সেবক সম্বন্ধ জানিয়া সেবাকেই পরম পুরুষার্থ বলিয়া নিশ্চয় করায় তাহাদিগের চিত্ত আমার ( ভগবানের ) রূপ-গুণ-লীলারসে নিরন্তর নিমগ্ন। সেইজন্য গুণ সকল তাহাদিগের নিকট হইতে আপনা আপনিই দূরীভূত হইয়া থাকে। সুতরাং তাহাদের চিত্ত ও গুণের পরস্পর সংত্যাগ দুর্ঘট নহে, মনয়ী ভাবটি তাহাদের ইষ্ট নয়।



## দশম অধ্যায়

### ভাগবত জীবনে বৈষ্ণবগণের সেবা

বৈষ্ণবগণের সেবা ভক্তি যাজনের একটি বিশিষ্ট অধ্যায়, এইজন্য শ্রীজীব গোস্বামী পাদ তাঁহার ভক্তি সন্দর্ভে ২৩৬ অনুচ্ছেদে এ বিষয়ে বিস্তৃত ভাবে আলোচনা করিয়াছেন, তাহার আংশিক আলোচনা এখানে উদ্ধৃত করা হইতেছে।

গোস্বামিপাদ তিনটি ভিন্ন পর্যায়ে বিষয়টি আলোচনা করিয়াছেন।

১। শ্রীগুরু সেবা।

২। শ্রীগুরুর আজ্ঞা লইয়া অন্য বৈষ্ণবগণের সেবা।

৩। বৈষ্ণব মাত্রেরই সেবা।

শ্রীগুরু সেবা—ভগবৎ শাস্ত্রের উপদেষ্টা বা ভগবত মন্ত্র উপদেষ্টা শ্রীগুরুদেবের নিত্যই বিশেষ ভাবে সেবা করিবে। কারণ তাঁহাদের অনুগ্রহই নিজ নিজ নানা প্রকার উপায়ে অনপেনয় অনর্থ সমূহের এবং পরম ভগবদনুগ্রহ সিদ্ধি বিষয়ের মূল কারণ।

মন্ত্রোপদেষ্টা গুরুর সম্বন্ধে বামন কল্পে ব্রহ্মার বাক্য—

“যো মন্ত্রঃ স গুরুঃ সাক্ষাদ্ যো গুরুঃ স হরিঃ স্বয়ম্ ।  
গুরুর্নাম ভবেত্তুষ্ঠন্তু তুষ্ঠো হরিঃ স্বয়ম্ ॥”

অনুবাদ—যিনি মন্ত্র তিনিই সাক্ষাৎ গুরু এবং যিনি গুরু তিনিই স্বয়ং শ্রীহরি । যাহার প্রতি গুরু তুষ্ট, তাঁহার প্রতি হরি স্বয়ং তুষ্ট হন । স্বয়ং ভগবান নিজ মুখে শ্রীদাম বিপ্রকে বলিয়াছেন—

নাহমিজ্যা প্রজাতিভ্যাং তপসোপশমেন বা ।

তুষ্টোয়ং সর্বভূতাত্মা গুরু শুশ্রূষয়া যথা ॥

শ্রীমদ্ভাঃ—১০।৮০।৩৪

অনুবাদ—সকল প্রাণীর আত্ম স্বরূপ হইয়াও আমি ইজ্যা ( পূজা ) প্রজাতি ( বৈষ্ণব দীক্ষা ) এই উভয়ের দ্বারা কিংবা তপস্যা অর্থে সমাধি বা উপশম অর্থে ভগবন্নিষ্ঠার দ্বারা সেইরূপ সন্তুষ্ট হই না, যে রূপ গুরু শুশ্রূষার দ্বারা সন্তুষ্ট হই ।

“গুরুর্কাজিয়া অন্তেষাং বৈষ্ণবানাং সেবনং শ্রেয়ঃ ।”

তারপর শ্রীজীব গোস্বামিপাদ দ্বিতীয় পর্য্যায়ের লিখিয়াছেন, শ্রীগুরুর আজ্ঞা য এবং তাঁহার সেবার অবিঃরাধে অন্ম বৈষ্ণব গণের সেবায় শ্রেয় লাভ । গুরুর বিচ্যুতমানতার অভাবে কোন মহাভাগবতজনের নিত্য সেবায় শ্রেয় লাভ হইবে তবে তিনি গুরুর আয় সমভাব এবং ভক্তের প্রতি কুপালু চিত্ত হইবেন ।

শ্রীজীব গোস্বামী এখানে সেবা দুই প্রকার করিয়াছেন ।

১ । প্রসঙ্গরূপা ।

২ । পরিচর্যা রূপা ।

প্রসঙ্গরূপা সেবা—সাধু সেবার দ্বারা সজ্জনগণের প্রকৃষ্ট সঙ্গ বশতঃ ভক্তি অন্তরঙ্গ প্রাপ্ত হয়।

অন্যান্য সেবার সহিত সাধুসঙ্গ ভক্তিনিষ্ঠা উৎপাদন করে। ইহার উদাহরণ শ্রীমদ্ভাগবতে ১১।১১।৪৭ শ্লোকে ভগবান্ উদ্ধবকে বলিয়াছেন, যিনি সমাহিত হইয়া ইষ্ট ও পূর্তের দ্বারা আমার যজনা করেন এবং সাধু সেবার দ্বারা আমার স্মৃতি জ্ঞান জাগরুক করেন, তিনি আমাতে দৃঢ় ভক্তি লাভ করেন। ইষ্ট অর্থে হবির দ্বারা অগ্নিতে ভগবানকে যজনা এবং পূর্ত অর্থ উত্তান উপবন, ক্রীড়োত্তান ইত্যাদি ভগবৎ আরাধনার উদ্দেশ্য প্রতিষ্ঠান।

২। আরার সতত্বভাবে সংসঙ্গ যথেষ্ট ফলদানে সমর্থ, ইহা ভগবান্ ব্যক্ত করিয়াছেন—

ন রোধয়তি মাং যোগো ন সাংখ্যং ধর্ম্ম এব চ।

স স্বাধ্যায়স্তপস্ত্যাগো নেষ্ঠা পূর্তং ন দক্ষিণা ॥ ১ ॥

ব্রতানি যজ্ঞশ্চন্দাংসি তীর্থানি নিয়মা যমাঃ।

যথাবরুক্কে সংসঙ্গঃ সর্ব্ব সঙ্গাপহো হি মাম্ ॥

শ্রীমদ্ভাঃ—১১।১২।১-২

অনুবাদ—সকল আসক্তির নিরাসক সংসঙ্গ যেরূপ আমাকে বশীভূত করিতে পারে, আসন, প্রাণায়ামরূপ যোগ, তত্ত্ব জ্ঞানরূপ সাংখ্য, বর্ণাশ্রমাদি ধর্ম্ম, বেদপাঠ, তপস্ত্যা, ত্যাগ অগ্নি-হোত্রাদি ইষ্ট, কূপ প্রতিষ্ঠাদি পূর্ত কর্ম্ম, এ সকলের কোনটিই আমাকে সেইরূপ বশীভূত করিতে পারে না।

## পরিচর্যারূপা মহাভাগবত সেবা ।

শ্রীবিহুর মৈত্রেয় ঋষিকে বলিতেছেন—শ্রীমদ্ভাঃ ৩।৭।১৯  
“যৎ সেবয়া ভগবতঃ.....ইত্যাদি” ।

আপনাদের ঞ্চায় মহাভাগবতগণের সেবা অর্থাৎ পরিচর্যার দ্বারা নিত্যস্বরূপ ভগবানের পাদযুগলে রতিরস অর্থাৎ প্রেমোৎপন্ন হয় । এই শ্লোকের মূলে কথার তাৎপর্য এই যে প্রকৃষ্ট সঙ্গ মাত্রে যে ভক্তির তীব্রতা লাভ হয়, পরিচর্যা দ্বারা তাহারই বিশিষ্ট ফল অর্থাৎ প্রেম লাভ হইয়া থাকে ।

সকল বৈষ্ণবগণ পরিচর্যার পাত্র হইলেও নিম্নে বিশিষ্ট পাত্র এবং তাহাদের সেবা সম্বন্ধে আলোচনা হইতেছে ।

প্রথমতঃ—বৃদ্ধ বৈষ্ণবগণের সেবা ।

দ্বিতীয়তঃ—অসুস্থ বৈষ্ণবগণের সেবা ।

বৃদ্ধ বৈষ্ণবগণের সেবার প্রকার ।

১। তাহাদের জন্ম কূপ, জলাশয় অথবা কুণ্ড হইতে জল আনিয়া দেওয়া, কারণ জল বহন করা তাহাদের পক্ষে কষ্ট কর ।

২। তাহাদের কুটিরের আঙ্গিনা ঝাড়ু দিয়া পরিষ্কার করা ষাঁহারা শ্রীবিগ্রহ সেবা করেন তাহাদের জল ফুল তুলসী চয়ন করা ।

৩। বাজার হইতে তাহাদের প্রয়োজনীয় নানা দ্রব্য ক্রয় করিয়া আনা ।

৪। দৃষ্টি শক্তি কম থাকলে বা চোখের ছানি থাকিলে অসুস্থতার জন্য ভাগবতাদি পাঠে অক্ষম হইলে এবং শ্রবণের আগ্রহ থাকিলে ভক্তি গ্রন্থাদি ও প্রয়োজনীয় চিঠি পত্র পাঠ করিয়া শুনানো।

৫। অনেক বৃদ্ধ বৈষ্ণব ষাহারা পূর্বে নিয়মিত ভাবে ভাগবতসভায় পাঠ শ্রবণের আগ্রহী ছিলেন, বর্তমানে চলৎ শক্তি হীনতা বশতঃ তাহাদের আগ্রহানুযায়ী এবং সামর্থ্য থাকিলে ভাগবতকথা শুনান জন্ম ভাগবত সভায় নিয়ে যাওয়া।

৬। কোন কোন সময়ে শ্রীনাম কীর্তন ও অচ্যুত প্রার্থনা ও আক্ষেপ মূলক গান সুর এবং তাল সংযোগে সুস্বরে কীর্তন করিয়া শুনানো।

৭। কখনও কখনও প্রয়োজনানুসারে তাহাদের উচ্ছিন্ন পাত্র সকল ধুইয়া পরিষ্কার করা।

### অসুস্থ বৈষ্ণবগণের সেবা প্রকার \*

পূর্বে বৃদ্ধ বৈষ্ণবগণের সম্বন্ধে যে সেবাগুলি বিহিত হইয়াছে তাহা প্রায় সবগুলিই এখানে প্রযোজ্য। ইহা ব্যতীত অসুস্থ বলিয়া তাহাদের বিশেষ সেবা করিতে হইবে।

\* এই সম্বন্ধে বৃন্দাবনে ভাগবত নিবাসের পূজ্যপাদ শ্রীবিষ্ণু-দাসজী মহারাজ তাহার আচরণ এবং আলোচনার দ্বারা আমায় বিশেষ সাহায্য করিয়াছেন।

১। চিকিৎসককে আনিয়া তাহার রোগ নির্ণয় এবং ঔষধের ব্যবস্থা করা। (২) কখন কখনও হাসপাতালে লইয়া যাওয়ার প্রয়োজন হইতে পারে।

৩। তাহাদের জন্ম দোকান হইতে ঔষধ ক্রয় করিয়া আনিয়া দেওয়া, প্রয়োজন হইলে ঔষধ নিজ হাতে খাওয়ান, ঔষধের সঙ্গে চরপামৃতও নিয়মিত সেবন করান।

৪। পথ্যাদি নিশ্চাণ করা।

৫। কুটিরে মল মূত্রাদি পরিষ্কার করা।

৬। যদি শৌচাগারে যাইতে চাহেন তাহা হইলে তাঁহাকে ধরিয়া তথায় লইয়া যাওয়া এবং জল মৃত্তিকা প্রভৃতি আনিয়া দেওয়া, স্নান করান অথবা গাত্র মোক্ষনাদিতে সাহায্য করা।

৭। উনি যদি তুলসী পরিক্রমা করিতে ইচ্ছুক হন সে বিষয়ে তাহাকে সাহায্য করা। শেষ অবস্থায় তাহার শয্যার পাশে থাকিয়া শেষ নিশ্বাসের সময় তাহাকে নামকীর্তন করিয়া শুনানো শেষ নিশ্বাসের পর অশ্রাণ্ড সকলের সহিত তাহার প্রয়োজনীয় দেহ সংকার করা—এই সংকার একটা বিশিষ্ট সেবা—শ্রীমদ্ভাগবত প্রভু নিজে শ্রীহরিদাস ঠাকুরের নির্যাতন সময়ে এই সেবা করিয়া আমাদের শিক্ষা দিয়াছেন।

ভগবান উদ্ধবকে বলিয়াছেন—শ্রীমদ্ভাগবতঃ ১১।১৯ ২১ শ্লোকে “মদ্বক্তৃ পূজাভ্যধিকা” অর্থাৎ আমার পূজা হইতেও আমার ভক্তের পূজা আমার বিশেষ সন্তোষজনক। ইহা জানিয়া তাহার আতিশয্য বিধান কর।

পদ্মপুরাণে উত্তর খণ্ডে মহাদেব পার্ব্বতীকে বলিতেছেন—সকল দেবের আরাধনার মধ্যে বিষ্ণুর আরাধনা শ্রেষ্ঠ, কিন্তু হে দেবি ! ইহা অপেক্ষাও তদীয় ভক্তগণের আরাধনা শ্রেষ্ঠ।

শ্রীল জীব গোস্বামিপাদ তাঁহার তৃতীয় পর্য্যায়ের  
বলিয়াছেন—

বৈষ্ণব মাত্রেরই যথাযোগ্য আরাধনা বিহিত হইয়াছে।

সকল বৈষ্ণবগণই নিৰ্ব্বিশেষে পরিচর্যা বা আরাধনার পাত্র। এখানে আরাধনা বলিতে কপিল দেবের উক্তি—

“অথ মাং সৰ্ব্বভূতেষু……ইত্যাদি”

শ্রীমদ্ভাগবতঃ—৩।২৯ ২৭ শ্লোক।

অর্থাৎ সামগ্রী দান এবং সম্মান প্রদানের দ্বারা তাহাদের ইহাই আরাধনা বৃদ্ধিতে হইবে। ধনী গৃহস্থ সাধকগণ আগত বৈষ্ণবের প্রয়োজনানুসারে তাহাকে বস্ত্র ভোজ্য দ্রব্য অর্থাৎ আর্থিক দানের দ্বারা সেবা করিবেন। বিরক্ত সাধকগণ বিশেষ ভাবে আদর অভ্যর্থনার দ্বারা সেবা করিবেন। এই সম্বন্ধে আমার অষ্টম

শিক্ষা গুরুদেব নিতালীলা প্রাপ্ত শ্রীপ্রেমানন্দ প্রভুপাদ শাস্ত্রীজী আমাকে যাহা উপদেশ করিয়াছেন তাহা নিম্নে লিখিত হইতেছে।

১। কোন বৈষ্ণব গৃহে আসিলেই সাধক যে কর্ম্মই ব্যস্ত থাকুক না কেন, তিনি তৎক্ষণাৎ সেই কর্ম্ম পরিত্যাগ করিয়া (এমন কি বিগ্রহ সেবাও) আগে উঠিয়া গিয়া আগত বৈষ্ণবকে সাদর অভ্যর্থনা জানাইয়া আসন প্রদান করিয়া তাহাকে প্রণাম করিবেন।

২। তাহার আগমনের কারণ কি? তাহা জানিবেন।

৩। সাধক তাহাকে কি ভাবে সেবা করিতে পারেন, তাহাও প্রশ্ন করিবেন।

৪। সম্ভব হইলে তখনই সেবা করিবেন, অথবা তাহার কাছে হইতে বিনীত ভাবে প্রার্থনা জানাইয়া অল্প সময় নির্দিষ্ট করিবেন এবং সেই সময় যথা সম্ভব তাহার সেবা বিধান করিবেন।

৫। গ্রীষ্মকাল হইলে তাহাকে শীতল পানীয় দিবেন এবং ব্যাজন দ্বারা বীজন করিবেন।

৬। পরিশেষে যথাসম্ভব নিজ ঠাকুরের কিছু বাল্যভোগ দিয়া আপ্যায়িত করিবেন।

শ্রীবৈষ্ণবগণের সেবা আরাধনা সম্বন্ধে শ্রীল জীব গোস্বামী যে দুইটি বিশেষ প্রসঙ্গ উল্লেখ করিয়াছেন— তাহা নিম্নে প্রদত্ত হইল।

পান্দোত্তর ঋগ্বেদ শ্লোকে—

“অর্চয়িত্বা তু গোবিন্দং তদীয়ান্ নার্চয়েত্তু যঃ ।  
ন স ভাগবতো জ্ঞেয়ঃ কেবলং দাস্তিকঃ স্মৃতঃ ॥”

অনুবাদ—যিনি গোবিন্দের পূজা করিয়া তদীয় জনগণের পূজা করে না, সে ভগবদ্ভক্ত বলিয়া বিবেচিত হয় না, সে দাস্তিক বলিয়াই গণ্য হয় ।

গারুড়োক্ত শ্লোকে—

রুক্ষাক্ষরস্ত শ্বব্ন্ বৈ তথা ভাগবতেরিতম্ ।  
প্রণামপূর্ব্বং তং ক্ষান্ত্যা যো বদেদৈষ্যবো হি সঃ ॥

অনুবাদ—ভগবদ্ভক্ত কর্তৃক উচ্চারিত কটুশব্দ শুনিয়াও যিনি তাহাকে প্রণাম পূর্ব্বক ধৈর্যের সহিত কথা বলেন তিনিই যথার্থ বৈষ্ণব ।

গোস্বামিপাদ অতঃপর একটি সতর্ক বাণী উপদেশ করিয়াছেন—

“বৈষ্ণব পূজকৈস্তু বৈষ্ণবানামাচারোহপি  
ন বিচারনীয়ঃ ।”

“অপি চেৎ সূতুরাচারঃ”……ইত্যাদি ।

অনুবাদ—বিষ্ণুভক্ত জনগণের যঁাহারা পূজা করেন, তাঁহাদের নিকট বিষ্ণুভক্ত জনগণের আচার বিচারনীয় নহে । ‘সূতুরা-

চার হইয়াও (যাহারা অনন্যভাবে আমার ভজনা করে, তাহা-  
দিগকে সাধু বলিয়া জানিবে।

সাধারণভাবে কোন কোন স্থলে ভগবৎ নিবেদিত উত্তম  
ভোজ্য বস্তু দ্বারা বৈষ্ণবের সংকার করা বুঝায়—ইহা বিশিষ্ট  
উৎসবাদি উপলক্ষে বিহিত হইলেও উপরোক্ত বিচার হইতে বুঝা  
যায়, ইহা মুখ্য পরিচর্য্যার ভিতর গণ্য হইতে পারে না।

কারণ, সেবার প্রধান উদ্দেশ্য সেবোর ভজনে আনুকূল্য  
বিধান করা, কিন্তু এই সেবায় আনুকূল্যের বদলে প্রতিকূলের  
সম্ভাবনা অধিক। বিচার করিয়া দেখিলে দেখা যায় যে—

**প্রথমতঃ**—স্বাস্থ্য ভোগের জন্য বেশী ভাগ ভোজ্য বস্তু  
সকল গুরুপাক হয়, ইহাতে সেবনকারী বৈষ্ণবের আলস্য ও নিদ্রার  
সম্ভাবনা রহিয়াছে।

**দ্বিতীয়তঃ**—পরিমিত আহার না হইলে উদরাময়ের  
সম্ভাবনাও আছে। এই দুইটি ভজনে সহায়তার বদলে বিঘ্নই  
করিয়া থাকে।

**তৃতীয়তঃ**—যিনি সেবক অর্থাৎ বৈষ্ণব সেবা দিতেছেন,  
তাহার অপরাধের সম্ভাবনাও রহিয়াছে, কারণ নিমন্ত্রিত বৈষ্ণব-  
গণের কাহারও যদি সম্মান বা ভোজনের কোনরূপ ক্রটি হয় তাহা  
হইলে তাহা নামাপরাধে পর্য্যবসিত হইবে।

একটি বিশিষ্ট বৈষ্ণবসেবা যাহা মুখ্য সেবার মধ্যে পরিগণিত হইতে পারে, তাহা আলোচিত হইতেছে।

১। যে সকল অর্থবান্ ব্যক্তিগণের সামর্থ্য আছে, তাহারা যদি ভক্তি গ্রন্থাদির প্রকাশ করিবার ব্যয় ভার বহন করেন এবং তাহা বিনা মূল্যে অথবা খুব সামান্য মূল্যে বৈষ্ণবগণকে বিতরণ করেন, তাহা হইলে ইহা হইবে একটি বিশিষ্ট বৈষ্ণব সেবা।

২। বৃন্দাবনে অথবা অন্যান্য স্থানে যেখানে নিয়মিত ভাবে ভগবৎ প্রসঙ্গ পাঠরূপে নিদ্বিষ্ট আছে, সেই সকল সভায় আর্থিক অথবা অন্য প্রকারে আনুকূল্য বিধান করা।

৩। যে সকল ভাগবত বক্তাগণ খুব কম অর্থ অথবা বিনা অর্থেই ভাগবতাদি বৈষ্ণবগণকে পাঠ করিয়া শ্রবণ করান, তাহাদের জীবন স্বত্রের নিৰ্বাহের জন্ত সৰ্ববিধভাবে আনুকূল্য বিধান করা।



## একাদশ অধ্যায়

### আদর্শ ভাগবত জীবন

সাধককে সূচুভাবে জীবন গঠন করিতে হইলে তাহার সম্মুখে একটি আদর্শ থাকা প্রয়োজন, তাহা সাক্ষাৎ হোক অথবা গ্রন্থে বর্ণিতই হোক। এই আদর্শ ভক্ত সাধককে নিজ চিন্তা ধারা এবং আচরণের দ্বারা পথ প্রদর্শক রূপে আলো দান করিবেন।

### আমাদের আদর্শ কে ?

এই প্রশ্নের উত্তর দিয়াছেন ভগবান্ নৃসিংহরূপে শ্রীমদ্-ভাগবতে—৭।১০।২১ শ্লোকে।

“ভবন্তি পুরুষা লোকে মত্তক্তান্তামনুব্রতাঃ।

ভবান্ মে খলু ভক্তানাং সর্বেষাং প্রতিকৃপধ্বক্ ॥”

অনুবাদ—হে বৎস প্রহ্লাদ ! এই জগতে তোমার অনু-ব্রত ব্যক্তিগণই আমার ভক্ত, তুমিই আমার ভক্তদিগের উপমা-স্থল অর্থাৎ সর্বশ্রেষ্ঠ বলিয়া আদর্শ।

কি কারণে শ্রীপ্রহ্লাদকে আদর্শ রূপে গ্রহণ করা হইয়াছে, তাহার উত্তর দিয়াছেন শ্রীনারদ মহারাজ যুধিষ্ঠিরকে যখন প্রহ্লাদের গুণাবলী শ্রবণ করাইলেন। শ্রীমদ্ভাগবত—৭।৪।৩১, ৩২, ৩৩, ৩৫, ৩৬ শ্লোক। এই শ্লোক গুলির অনুবাদ নিম্নে দেওয়া হইল।

৩১-৩২—সেই প্রহ্লাদ ব্রাহ্মণ্যগুণ সম্পন্ন সচ্চরিত্র, সত্যপ্রতিজ্ঞ, জিতেন্দ্রিয়, পরমাশ্রমায় শ্রায় প্রাণি মাত্রেই একমাত্র প্রিয় এবং সুহৃৎস্বম ছিলেন, মাননীয় ব্যক্তির প্রতি ভৃত্যবৎ প্রণত হইতেন। দীন জনের প্রতি পিতার শ্রায় বাৎসল্য প্রকাশ করিতেন, সমান ব্যক্তিগণের প্রতি ভ্রাতার শ্রায় অনুরাগযুক্ত এবং শিক্ষাদি দাতা গুরুজনকে পূজা, প্রভু জ্ঞান করিতেন। বিদ্যা, অর্থ, রূপ ও অভিজ্ঞতা বিশিষ্ট হইয়াও গৰ্ব্ব এবং অনমন্যতা বর্জিত ছিলেন।

৩৩ শ্লোক—প্রহ্লাদ অশুর বংশ জাত হইলেও বিষ্ণু এবং বৈষ্ণবে মাৎসর্য্য প্রভৃতি আশুরি ভাব রহিত ছিলেন। বিপদে তাঁহার চিন্তা উদ্বিগ্ন হইত না, তিনি শ্রোত স্বর্গরাজ্য প্রভৃতিতে অথবা দৃষ্ট অর্থাৎ প্রাকৃত জগতের বিষয়াদিতে নিস্পৃহ ছিলেন, তিনি জিতেন্দ্রিয় জিতবায়ু ও স্থির বুদ্ধি বশতঃ প্রশান্ত কাম ছিলেন।

৩৫ শ্লোক—হে নৃপ ! সভাস্থলে সাধুকথা-প্রসঙ্গে শত্রু-গণও প্রহ্লাদের দৃষ্টান্ত উল্লেখ করেন আপনাদের শ্রায় মহৎ ব্যক্তির তো কথাই নাই।

৩৬ শ্লোক—ভগবান্ বাসুদেবে যাঁহার স্বাভাবিক রতি, তাঁহার অগণিত গুণের সংখ্যা নির্দেশ কে করিবে ? তথাপি এই সকল বাক্যের দ্বারা তাঁহার মাহাত্ম্যের সূচনা মাত্রই করা হইল।

## শ্রীল চক্রবর্তিপাদের টীকা—

এখানে বাসুদেবে নৈসর্গিকী রতি কেহ কেহ বলেন নৃসিংহ দেবে রতি। প্রহ্লাদ ভগবানকে স্তুতি করিবার পর তিনি পীতাম্বর ধর ভগবান্ হরিরূপে আবিভূত হইয়াছিলেন—(বৈষ্ণবোক্তেঃ)। কৃষ্ণগ্রহগৃহীতাত্মা, গোবিন্দ পরিরস্তিত ইত্যাদি। কেহ বলেন বাসুদেবে—বাসুদেব নন্দনাকারে তাহার রতি, অথ কেহ কেহ বলেন প্রহ্লাদের প্রথমে বাসুদেবে রতি, পরে শ্রীনৃসিংহদেবে রতি হয়।

## আমাদের আদর্শ কে ?

গোড়ীয় বৈষ্ণব সম্প্রদায়ে শ্রীকৃষ্ণ সনাতন প্রভৃতি গোস্বামিগণকেই আমাদের আদর্শ রূপে গ্রহণ করা হইয়াছে। ইহাই অনুভব করিয়া শ্রীল প্রবোধানন্দ সরস্বতীপাদ তাঁহার অপূর্বকথা শিল্প রূপে গ্রন্থ শ্রীবৃন্দাবন মহিমামৃত ২য় শতক ৫৩ হইতে ৫৫ শ্লোকে যে বিবৃতি দিয়াছেন সহৃদয় পাঠকগণকে আমরা এই শ্লোক তিনটি উপহার স্বরূপ প্রদান করিলাম।

“নো শৃণ্বন্ নৈব গৃহ্নন্ সকল তনুভূতাং

ক্বাপি দোষং গুণং বা।

বৃন্দারণ্যস্থসত্বাগ্ৰথিল গুরুধিয়া

সংনমন্ দগুপাতৈঃ।

ত্যাঙ্কশেষাভিমানো নিরবধি

পরমাকিঞ্চনঃ কৃষ্ণরাধাঃ ॥”

প্রেমানন্দাশ্রু মুঞ্চন্ নিবসতি স্ক্রুতী

কোহপি বৃন্দাবনান্তঃ ॥ ৫৩ ॥

অনুবাদ—সকল জীবের ভিতর কাহারও দোষ বা গুণ শ্রবণ বা গ্রহণ না করিয়া, গুরুবুদ্ধিতে শ্রীবৃন্দাবনস্থ সকল প্রাণি-দিগকে দণ্ডবৎ প্রণিপাত করিয়া, অশেষ অভিমান ত্যাগ করিয়া এবং নিরন্তর পরম অকিঞ্চনভাবে শ্রীরাধাক্ষেত্র প্রেমানন্দে অশ্রু-মোচন করিয়া করিয়া কোনও স্ক্রুতী শ্রীবৃন্দাবনে বাস করেন ॥৫৩॥

ক্রন্দনার্ত্তস্বরেণ ক্ষিত্বিষু পরিলুঠন্ সংনমন্ প্রাণবন্ধুং  
কুর্ষ্বন্ দন্তে তৃণাণ্যাদধদনুকরণা দৃষ্টয়ে কাকু কোটিঃ ।

তিষ্ঠন্নেকান্ত বৃন্দাবিপিন তরুতলেসব্যপাণৌ কপোলং  
ন্যস্তান্নশ্রুণ্যেব মুঞ্চন্নয়তি দিননিশাং কোহপি

ধন্যোহতনন্যঃ ॥ ৫৪ ॥

অনুবাদ—আর্তস্বরে ক্রন্দন করিতে করিতে ভূমিতে লুপ্তিত হইয়া প্রাণবন্ধুকে দণ্ডবৎ প্রণতি করিতে করিতে দন্তে তৃণ ধারণ করিয়া কৃপাকটাক্ষপাতের জন্য কোটি কোটি কাকুবাদ পূর্বক শ্রীবৃন্দাবনের তরুতলে নির্জনে বাস করতঃ করদেশে কপোল বিস্থাপন করিয়া শোকাশ্রু মোচন করিতে করিতে দিবারাত্রি যাপন করেন—এবম্বিধ অতি ধন্য অনন্য মহাজনগণ তথায় আছেন ॥৫৪॥

মুঞ্চন শোকাশ্রুধারাং সততমরুচিমান্ প্রাসমাত্রাগ্রহেহপি  
ক্ষিপ্তোবন্ধো হতো বা গিরিবদবিচলঃ সর্বসঙ্গৈর্বিমুক্তঃ ।

নৈক্ষিঞ্চনৈক কাষ্ঠাং গত উরুতরয়োৎকণ্ঠয়া চিন্তয়ন্ ।

শ্রীরাধাকৃষ্ণাজ্জ্ব পঙ্কে রুহদলসুষমাং

কোহপি বৃন্দাবনেহস্তি ॥ ৫৫ ॥

অনুবাদ—নিরন্তর শোকাশ্রুপাত করিতেছেন, গ্রাসমাত্র  
আহারেও অকুচি হইয়াছে, কাহারও দ্বারা ক্ষিপ্ত বদ্ধ বা হত  
হইয়াও পর্ব্বতবৎ অবিচল থাকেন, সর্ব্বসঙ্গ ত্যাগ করিয়া পরম  
নিক্ষিঞ্চন ব্রতাবলম্বনে অধিকতর উৎকণ্ঠা সহকারে শ্রীরাধাকৃষ্ণ  
পাদপদ্মদল সুষমা চিন্তা করেন—এবস্থিধ কোনও ( ভাগ্যবান )  
পুরুষ বৃন্দাবনে বিরাজমান আছেন ॥ ৫৫ ॥

সমাপ্ত





परिशिष्ट



**শ্রীমদ্ ভাগবতের  
বিশিষ্ট বিষয় সমূহের সংক্ষিপ্ত  
সূচী ।**

**প্রথম স্কন্ধ**

- | বিষয়  | অধ্যায়                     |
|--|-----------------------------|
| ১। শ্রীমদ্ভাগবতের মঙ্গলাচরণ, বস্তু নির্দেশ ও আশীর্বাদ—   |                             |
|  | ১ম অধ্যায় ১, ২, ৩, শ্লোক । |
| ২। নৈমিষারণ্যে স্মৃত শৌনক সংবাদ—৪র্থ শ্লোক হইতে আরম্ভ  |                             |
| ৩। শৌনকাদি মুনির প্রশ্নের উত্তর, শ্রীস্মৃত কর্তৃক কথিত ২ অঃ<br>প্রথমেই শ্রীস্মৃত শ্রীশুকদেব মুনিকে প্রণাম জানাইতেছেন,<br>পরে ব্রহ্ম পরমাত্মা ও ভগবদ্ বিচার। জীবের নিত্য<br>ধর্ম কি ? |                             |
| ৪। বর্ণাশ্রম ধর্মের চরম ফল কি ? এই সকল কথন। পুরু-<br>ষাদি অবতার কথা ।  | ৩য় অঃ                      |
| ৫। বেদ বিভাগ এবং মহাভারতাদি রচনার পরেও শ্রীবেদব্যাসের<br>অপ্রসন্নতা—   | ৫ম অঃ                       |
| ৬। নারদ কর্তৃক ব্যাসদেবকে শ্রীমদ্ভাগবত প্রণয়নের উপদেশ ।   |                             |
|  | ৫ম অঃ ১৩ শ্লোক              |

## বিষয়

## অধ্যায়

- ৭। নারদের পূর্ব্ব জন্ম বৃত্তান্ত কথন— ৬ষ্ঠ অঃ
- ৮। নারদের উপদেশে ব্যাসদেবের সমাধি অনুষ্ঠান, ভগবদ্ দর্শন  
মায়ার দর্শন, ভাগবত প্রণয়ন এবং নিজপুত্র শ্রীশুকদেবকে  
অধ্যাপন, শ্রীপরীক্ষিতের জন্ম বৃত্তান্ত এবং জাত কৰ্ম্মাদির  
পর ব্রাহ্মণ কর্তৃক পরীক্ষিতের গুণ বর্ণন। ৭ম অঃ
- ৯। মৃগয়ায় গমন করিতে গিয়া পরীক্ষিৎ মহারাজের ক্ষুধা ও  
পিপাসায় কাতরতা, সমীক মুনির স্কন্দদেশে মৃত সর্প স্থাপন  
১৮ অধ্যায় ২৪-৩০
- ১১। সমীক পুত্র পরীক্ষিতকে শাপ প্রদান। ১৮।৩৭ শ্লোক
- ১২। গঙ্গাতীরে যোগীগণ পরিবৃত পরীক্ষিতের প্রায়োপবেশন।  
শুকদেবের আগমন, শুক সমীপে পরীক্ষিতের ত্রিয়মাণ  
ব্যক্তির কর্তব্য সম্বন্ধে প্রশ্ন— ১৯ অঃ

## দ্বিতীয় স্কন্ধ

- ১। শ্রীশুকদেব কর্তৃক পূর্ব্ব অধ্যায়ে পরীক্ষিৎ মহারাজের প্রশ্ন  
মুমুর্ষু ব্যক্তির সংসিদ্ধের উপায় কি ? ইহার উত্তর প্রদান।  
১ম অঃ
- ২। ভগবানের বিরাট রূপ বর্ণন, শুদ্ধভাবে ভগবদ্ভজনের শ্রেষ্ঠতা  
বর্ণন। ১ম অঃ
- ৩। স্থূল রূপ ধারণার দ্বারা জিত মনকে শ্রীবিষ্ণুতে ধারণার  
উপদেশ। ২য় অঃ

বিষয়	অধ্যায়
৪। ভক্তিকেই একমাত্র অভিধেয় রূপে নিরূপণ	২য় অঃ
৫। শ্রীকৃষ্ণ ভজনের বৈশিষ্ট্য শ্রবণে শ্রীশৌনকের হৃদয়ে ভক্তির উদ্ভব এবং হরিলীলা কথা শ্রবণে আগ্রহ	৩য় অঃ
৬। সৃষ্টিাদি বিষয়ে পরীক্ষিতের প্রশ্ন, ব্রহ্মা নারদ সংবাদ সূচনা	৪র্থ অঃ
৭। নারদের প্রশ্নের উত্তরে ব্রহ্মার বিরাট সৃষ্টিাদি বর্ণন, মায়ার স্বরূপ, ব্রহ্মাদি দেবতা ও জীব স্বরূপ কথন।	৫ম অঃ
৮। ব্রহ্মা শিবাদি দেবতার শ্রীহরির অধীনত্ব, একমাত্র ভগবদ্ কৃপাই ভগবদ স্বরূপ উপলব্ধির উপায়।	৬ষ্ঠ অঃ
৯। ব্রহ্মার বরাহাদি ভগবদাবতার সমূহের কার্যাবলী, প্রয়োজনীয়তা ও বিভূতি বর্ণন।	৭ম অঃ
১০। শুকদেব কর্তৃক ভগবদুক্ত চতুশ্লোকী ভাগবত বর্ণন।	৯ম অঃ
১১। ভাগবতে বিবৃত সর্গ বিসর্গাদি দশ বিষয়ের বর্ণন।	১০ম অঃ

## তৃতীয় স্কন্ধ

- ১। শ্রীকৃষ্ণের বিয়োগজন্য শোকাকুল উদ্ধবের নিকট শ্রীকৃষ্ণের বাল্য চরিত, ব্রজলীলা, মথুরায় আগমন এবং দ্বারকাপুরী সম্বন্ধীয় লীলা বর্ণন, ভগবান ও উদ্ধবের কথা। ৪র্থ অঃ
- ২। শোকাতুর উদ্ধবের নিকট বন্ধু বিনাশ বার্তা শ্রবণান্তর

বিষয়

অধ্যায়

উদ্ধাবের উপদেশে আশ্বজ্ঞান লাভার্থ মৈত্রেয় মুনির নিকট  
আগমন । ৪র্থ অঃ ৩৬ শ্লোক

- ৩। মৈত্রেয় ঋষি কর্তৃক বিজুরের নিকট ভগবৎ লীলা, মহাদাদি  
সৃষ্টি এবং শ্রীহরির স্তুতি কীর্তন । ৫ম অঃ
- ৪। গর্ভোদকশায়ী পুরুষের নাভিদেশ হইতে ব্রহ্মার উৎপত্তি,  
ব্রহ্মার জলে প্রবেশ, তপস্শ্রা এবং প্রভুর সন্তোষণ । ৮ম অঃ
- ৫। ব্রহ্মার গর্ভোদশায়ী স্বীয় অন্তর্যামী পুরুষকে স্তব । ৯ অঃ
- ৬। স্বায়ম্ভুব মনুর সৃষ্টি প্রকরণ, বরাহ মূর্ত্তি শ্রীবিষ্ণু কর্তৃক  
জলমগ্না পৃথিবীর উদ্ধার । ১৩ অঃ
- ৭। হিরণ্যাক্ষ বধের হেতু নির্ধারণার্থ সন্ধ্যাকালে কশ্যপ হইতে  
দিতির গর্ভ সঞ্চার বৃত্তান্ত । ১৪ অঃ
- ৮। ব্রহ্মা কর্তৃক দেবতাগণের নিকট বৈকুণ্ঠ ধামের অপ্রাকৃত  
অতুল ঐশ্বর্য্য ও বৈভব বর্ণন, শ্রীসনকাদি পরমহংস  
মুনিগণের বৈকুণ্ঠে নারায়ণ দর্শনাভিলাষে আগমন,  
জয় বিজয় দ্বারপাল দিগের ব্রহ্ম শাপাদি বর্ণন । ১৫ অঃ
- ৯। শ্রীনারায়ণের ঋষিগণকে শাস্ত্রনা প্রদান দ্বারপাল  
দিগের বৈকুণ্ঠ হইতে অধঃপতন বৃত্তান্ত । ১৬ অঃ
- ১০। বরাহদেব কর্তৃক হিরণ্যাক্ষ বধ বৃত্তান্ত ১৯ অঃ
- ১১। দেবছতি কপিলদেব সংবাদে কপিলদেব কর্তৃক শ্রেষ্ঠ

বিষয়	অধ্যায়
ভক্তি বর্ণন, সাধুগণের লক্ষণ, সাধুসঙ্গের প্রভাবে শ্রদ্ধা হইতে আরম্ভ করিয়া প্রেমভক্তি লাভ ।	২৫ অঃ
১১। (ক) সাত্ব্যযোগ বর্ণন—	২৬ অঃ
১২। পুরুষ ও প্রকৃতির সমাক বিবেক দ্বারা মোক্ষ রীতি বর্ণন ।	২৭ অঃ
১৩। সগুণ ও নিগুণ ভেদে বহু প্রকার ভক্তি যোগ এবং বৈরাগ্য উৎপাদনার্থ কালের বল এবং ষোর সংসার গতি বর্ণন ।	২৯ অঃ
১৪। সাত্ত্বিক ধর্ম্মানুষ্ঠান দ্বারা জীবের উর্দ্ধগতি এবং জ্ঞান হীন ব্যক্তির পুনরাবর্তন কথন ।	৩২ অঃ
১৫। পুত্ররূপী কপিলের উপদেশে মাতা দেবছতির জ্ঞান লাভ এবং জীবনুক্তি বর্ণন ।	৩৩ অঃ

## চতুর্থ স্কন্ধ

১। ভব ও দক্ষের পরস্পরের বিদেহ বৃত্তান্ত—	২য় অঃ
২। সতীর শিবের আজ্ঞা লঙ্ঘন পূর্ব্বক পিতৃযজ্ঞে গমন, পিতৃ কর্তৃক অবমাননা এবং সতীর দেহত্যাগ ।	৩য় ৪র্থ অঃ
৩। সতীর দেহত্যাগে শিবের ক্রোধ, দক্ষ বধ, দেবগণ সহ ব্রহ্মার কৈলাসে গমনে কোপ শান্তির চেষ্টা ।	৫/৬ অঃ

## বিষয়

## অধ্যায়

- ৪। ছাগমুণ্ড দ্বারা দক্ষের পুনরজীবন, দক্ষ কতৃক শিব সমীপে বৈষ্ণব অপরাধের ক্ষমা ভিক্ষা। ৭ম অঃ
- ৫। দক্ষ কতৃক পুনরায় যজ্ঞ প্রবর্তন এবং শ্রীহরির সেই যজ্ঞে আগমন।
- ৬। ধ্রুব উপাখ্যান, বিমাতার বাক্যে বালক ধ্রুবের পুরী হইতে নির্গমণ বন প্রস্থান, নারদ কতৃক সাধন শিক্ষা এবং দীক্ষা দান, মধুবনে হরির আরাধনা এবং তপস্যায় হরিতোষণ। ৮ম অঃ

## ধ্রুবের বংশ বৃত্তান্ত

অঙ্গরাজ্য হইতে অত্যাগ্র বেনের উৎপত্তি, বেন হইতে নারায়নাংশে পৃথুর আবির্ভাব। ১ম অধ্যায়

- ৫। পৃথু মহারাজের অভিষেক তাহার চরিত্র বর্ণন ও বিভিন্ন লীলা বর্ণন। অবনীরাজ কামধেনুর দোহন শ্রীবিষ্ণুর পৃথুর প্রতি উপদেশ ও বরদান প্রসঙ্গ, পৃথুর প্রজাগণের প্রতি অনুশাসন। ১৫-২১ অধ্যায়
- ৬। মহর্ষি সনৎ কুমারের পৃথুর প্রতি জ্ঞান উপদেশ— ২২ অঃ
- ৭। পৃথুর প্রপৌত্র প্রাচীন বর্হিঃ হইতে প্রচেতাগণের উৎপত্তি, তাহাদের প্রতি বৈষ্ণব প্রবর রুদ্র কতৃক উপদেশ, ভগবানের স্তব, রুদ্রগীত বর্ণন। ২৪ অঃ

## বিষয়

## অধ্যায়

- ৮। পুরঞ্জন উপাখ্যান প্রসঙ্গ শ্রীনারদ কতৃক প্রাচীন  
বর্হিঃ সমীপে পুরঞ্জন আখ্যান ব্যপদেশে উপদেশ।  
পুরঞ্জন উপাখ্যানের পরোক্ষ ব্যাখ্যা হইতে স্ত্রীসঙ্গ  
হইতে মুক্তি বর্ণন। ২৬-২৯ অঃ
- ৮। (ক) প্রচেতাগণের সাধন—ভগবানের নিকট হইতে  
বর প্রাপ্তি গৃহে প্রত্যাবর্তন। ৩০ অঃ
- ৯। প্রচেতাগণের দক্ষের হস্তে রাজ্যভার সমর্পণ করতঃ  
বনে গমন, শ্রীনারদোক্ত ভক্তিয়োগ সাধন এবং মুক্তি  
লাভ। ৩১ অঃ

## পঞ্চম স্কন্ধ

- ১। প্রিয়ব্রতের পরম ভাগবত চরিত এবং তাহার রাজ্য  
ভোগ ও জ্ঞান নিষ্ঠা, প্রিয়ব্রতকে ব্রহ্মার উপদেশ। ১ম অঃ
- ২। প্রিয়ব্রতের পুত্র আগ্নীধ্বের চরিত কথা, আগ্নীধ্বের  
পুত্রগণের নামানুসারে নয়টি বর্ষ বিভাগ হয়। ২য় অঃ
- ৩। আগ্নীধ্ব পুত্র নাভির চরিত বর্ণন। ৩য় অঃ  
ভগবান্ নিজ অংশে নাভি পত্নী মেরুদেবীর গর্ভে  
ঋষভদেব রূপে অবতীর্ণ হন।
- ৪। ঋষভদেবের ১০০ পুত্র তাহার মধ্যে ভরত জ্যেষ্ঠ ও  
শ্রেষ্ঠ, তাহারই নাম হইতে এই বর্ষের নাম  
“ভারতবর্ষ”।

## বিষয়

## অধ্যায়

- ৫। ঋষভদেবের পুত্রগণের প্রতি মোক্ষধর্ম ও শীত-  
উষ্ণাদি দ্বন্দ্ব ধর্ম পরিত্যাগ পূর্বক পরমহংস ধর্মের  
উপদেশ বর্ণিত হইয়াছে। ৫ম অঃ
- ৬। ঋষভ দেবের দেহ ত্যাগ প্রকার। ৬ষ্ঠ অঃ
- ৭। মহারাজ ভরত রাজত্ব করিতে করিতে দীর্ঘকাল ব্যাপী  
যজ্ঞদ্বারা শ্রীহরির আরাধনা— ৭ম অঃ
- ৮। মহারাজ ভরত বিষ্ণু আরাধনাকালে মৃগ শিশুর প্রতি  
আসক্তি বশতঃ মৃগ দেহ প্রাপ্তি। ৮ম অঃ
- ৯। আরন্ধ কর্মবশে ভরতের মৃগত্ব প্রাপ্তির পর জড় বিপ্র  
রূপে জন্ম তদনুযায়ী কর্ম সকল বর্ণিত— ৯ম অঃ
- ১০। রাজা রত্নগণ কর্তৃক ভরত রাজাকে বলপূর্বক  
শিবিকা বাহনে নিযুক্তঅনন্তর রত্নগণকে চৈতন্য দান। ১০ম অঃ
- ১১। শ্রীভরত রত্নগণ প্রসঙ্গ— ১১, ১২, ১৩, অঃ
- ১২। শ্রীভরত কর্তৃক ভবাটবী বর্ণন এবং রূপকের ব্যাখ্যা— ১৩, ১৪
- ১৩। মেরুর পূর্বাধিক্রমে তিন বর্ষে এবং উত্তর দিগের  
তিন বর্ষে সেব্য সেবক কথন ১৮ অঃ
- ১৪। কিম্পুরুষ বর্ষে ও ভারতবর্ষে সেব্য সেবক কথন,  
ভারত বর্ষের শ্রেষ্ঠতা বর্ণন। ১৯ অঃ
- ১৫। জ্যোতিষচক্রের আশ্রয়, ধ্রুবের স্থান নির্ণয়-শিশুমার  
রূপে হরির অবস্থান। ২৩ অঃ

বিষয়

অধ্যায়

সপ্ত পাতাল বিষয়ে বর্ণন।

২৫ অঃ

সর্ব নিম্নে নরক স্থিতি বর্ণন।

২৬ অঃ

ষষ্ঠ স্কন্ধ

অজামিলের উপাখ্যান।

১ম অঃ

বিষ্ণুদূতগণের ভাগবত ধর্ম, নাম মাহাত্ম্য কখন অজামিলের ষমপাশ হইতে মুক্তি পরে সাধন এবং পরমধামে গমন।

২য় অঃ

যমের বৈষ্ণব উৎকৃষ্ট কখন।

৩য় অঃ

দক্ষের জন্ম, তপস্যা, ভগবানের দর্শন।

৪র্থ অঃ

নারদের উপদেশে হর্ষাশ্ব শবলা প্রভৃতি দক্ষপুত্রগণের বৈরাগ্য, নারদের প্রতি দক্ষের শাপ।

৫ম অঃ

বৃত্রাসুরের উৎপত্তি, দেবকৃত ভগবানের স্তুতি এবং ভগবানের আশীর্ব্বাদ।

৯ম অঃ

দধীচি মুনির নিকট হইতে দেবগণ কর্তৃক তাঁহার অস্থি যাচনা, অস্থি নির্ম্মিত বজ্র ধারণ করিয়া ইন্দ্রের বৃত্রাসুরের সহিত যুদ্ধ।

১০ম অঃ

বৃত্র কর্তৃক জ্ঞান ভক্তি ও বৈরাগ্য যুক্ত ভক্তি, যুদ্ধক্ষেত্রে বৃত্রাসুরের ভগবৎ স্তব।

১১ অঃ

বৃত্রাসুরের পূর্ব জন্ম বৃত্তাস্ত। রাজপুত্রের দেহত্যাগ জীবাশ্বার বাক্যালাপ।

১৪, ১৫, ১৬ অঃ

বিষয়	অধ্যায়
পার্ব্বতীর অভিশাপে চিত্রকেতুর বৃত্রাসুর জন্ম প্রাপ্তি ।	১৭ অঃ
ইন্দ্রহস্ত পুত্র কামনায় কশ্যপ পত্নী দিতির ব্রত ধারণ ইন্দ্রদ্বারা দিতির গর্ভস্থ সন্তানগণকে ৪৯ বিভাগে ছেদন ।	১৮ অঃ

### সপ্তম স্কন্ধ

যুধিষ্ঠির নারদ সংবাদ, সনকাদি মুনির শাপে জয় ও বিজয়ের দৈত্য জন্ম লাভ ।	১ম অঃ
হিরণ্যকশিপুর তপস্যা ও বরলাভ ।	৩য় অঃ
অসদ্ গুরু-উপদেশ পরিত্যাগ পূর্বক প্রহ্লাদের বিষ্ণু- স্তবে রতি, হিরণ্যকশিপু কর্তৃক প্রহ্লাদের প্রতি উৎপীড়ন ।	৫ম অঃ
প্রহ্লাদ কর্তৃক অসুর বালকগণকে উপদেশ দান ।	৬ষ্ঠ অঃ
প্রহ্লাদ মাতৃগর্ভ হইতে প্রাপ্ত নারদের উপদেশ বর্ণন ।	৭ম অঃ
ভগবান্ নৃসিংহের প্রাচুর্য্য হিরণ্যকশিপুর বিনাশ ।	৮ম অঃ
শ্রীনৃসিংহের উদ্দেশ্যে প্রহ্লাদের স্তব ।	৯ম অঃ
যুধিষ্ঠির নারদ সংবাদে মানব ধর্ম, ব্রহ্মচারী ও বান- প্রস্থীর ধর্ম, যতিগণের ধর্ম কথন । অবধূত-প্রহ্লাদের সংলাপ ।	১১—১৩ অঃ
গৃহস্থের ধর্ম কথন ।	১৪ অঃ
বর্ণাশ্রম ধর্মের সার বর্ণন এবং মোক্ষের লক্ষণ নিরূপণ ।	১৫ অঃ

## অষ্টম স্কন্ধ

### বিষয়

### অধ্যায়

গজেন্দ্র মোক্ষণ লীলা ।

২য় ৩য় ৪র্থ অঃ

বিপ্রশাপে লক্ষ্মী পরিত্যক্ত দেবগণের হরিস্তব ।

৫ম অঃ

বিষ্ণুর আবির্ভাব, অমৃতোৎপাদনের জন্ম সমুদ্রে মন্বন্তরের উত্তম ।

৬ষ্ঠ অঃ

সমুদ্রে মন্বন্তর লীলা, লক্ষ্মীর উদ্ভব এবং শ্রীবিষ্ণুকে বরণ, অক্ষুরগণের অমৃত হরণ ।

৭ম, ৮ম অঃ

ভগবান্ হরির মোহিনীরূপ ধারণ ।

৮ম অঃ

ভগবানের দৈত্যগণকে বধনা করিয়া দেবগণকে অমৃত পান করান ।

৯ম অঃ

দৈত্যগণসহ দেবগণের যুদ্ধ, বিষ্ণুর আবির্ভাব

১০ম অঃ

দেবর্ষি নারদ কর্তৃক দৈত্যসংহার কার্য হইতে দেবগণকে নিবৃত্তকরণ মৃত দৈত্যগণের পুনর্জীবন লাভ ।

১১ অঃ

মহাদেব কর্তৃক প্রার্থিত হইয়া হরির মোহিনী মূর্তি প্রকটন এবং মহাদেবের মোহন ।

১২ অঃ

বলির বিশ্বজিৎ যজ্ঞ অনুষ্ঠান, স্বর্গ জয়, শোকার্তা অদিতির প্রতি কণ্ঠপের পয়োব্রত কথন ।

১৫, ১৬ অঃ

অদিতির পয়োব্রত পালন, ভগবান্ হরিকর্তৃক অদিতির কামনা পূরণার্থ তাঁহার পুত্রত্ব স্বীকার ।

১৭ অঃ

ভগবানের বামনরূপে অবতার, বলির যজ্ঞে গমন ।

১৮ অঃ

বিষয়	অধ্যায়
বামনদেব এবং বলি সংবাদ ।	১৯-২২ অঃ
বলিকে স্মৃতলে প্রস্থাপন এবং ভগবান কত্ৰক সৰ্ব্বতো- ভাবে তাহাকে রক্ষার অভয় প্রদান এবং তাহার দ্বার- পালত্ব স্বীকার ইন্দ্রকে স্বরাজ্য প্রত্যর্পণ ।	২২, ২৩ অঃ
মৎসাবতার লীলা বর্ণন ।	২৪ অঃ

### নবম স্কন্ধ

সুহৃদের স্ত্রীত্ব প্রাপ্তি বিবরণ ।	১ম অঃ
বেবতু্যপাখ্যান ।	৩য় অঃ
নাভাগ কথা, অশ্বরীষোপাখ্যান ।	৪র্থ ৫ম অঃ
সৌভরি চরিত কথন ।	৬ষ্ঠ অঃ
হরিশ্চন্দ্রের উপাখ্যান ।	৭ম অঃ
সগরোপাখ্যান, সগর পুত্রগণের বিনাশ ।	৮ম অঃ
ভগীরথের গঙ্গা আনয়নের বৃত্তান্ত ।	৯ম অঃ
শ্রীরাম চরিত বর্ণন এবং তাহার বিভিন্ন লীলা বর্ণন ।	১০, ১১ "
নিমি কথা ও বংশ বর্ণন ।	১৩ অঃ
চন্দ্রবংশ বর্ণন চন্দ্র বৃধ ও পুরুরবা চরিত বর্ণন ।	১৪ অঃ
পরশুরাম কত্ৰক বারম্বার ক্ষত্রিয় বিনাশ, বিশ্বমিত্র বংশ বর্ণন ।	১৬ অঃ
যযাতি উপাখ্যান ।	১৮, ১৯ অঃ
পুরুবংশ বর্ণন রাজা দুশ্শান্ত উপাখ্যান ।	২০ অঃ

বিষয়	অধ্যায়
রস্তি দেবাদি কথা	২১ অঃ
ঋক্ষবংশীয় জরাসন্ধ যুধিষ্ঠির ও তুর্যোধনাদির বিবরণ ।	২২ অঃ
ব্যাসদেব উৎপত্তি পর্য্যন্ত যজুবংশ বর্ণন	২৩ অঃ
রামকৃষ্ণ জন্ম পর্য্যন্ত বিদর্ভ বংশ কখন চন্দ্রবংশ বর্ণন সমাপ্ত ।	২৪ অঃ

## দশম স্কন্ধ পূর্বাঙ্ক

শ্রীকৃষ্ণাবতার কখন, ব্রহ্মা কর্তৃক পৃথিবীকে আশ্বাসদান, বসুদেবের বাক্যে দেবকীর বধোৎসোগ হইতে কংসের নিবৃত্তি এবং দেবকীর ছয় পুত্রের কংস কর্তৃক বধ ।	১ম অঃ
শ্রীভগবানের দেবকী গর্ভে অনুষ্প্রবেশ, ব্রহ্মাদি দেবগণ কর্তৃক তাঁহার স্তব এবং দেবকীকে সাস্ত্রনা প্রদান ।	২য় অঃ
শ্রীভগবানের প্রাচুর্ভাব, বসুদেব দেবকী কর্তৃক ভগবানের স্তুতি, শ্রীভগবানের আদেশে কংসভীত বসুদেবের নিজ পুত্রকে গোকুলে আনয়ন এবং সেখান হইতে যশোদা কন্যাকে আনয়ন ।	৩য় অঃ
বধ করিতে ইচ্ছুক কংসের হস্ত হইতে মুক্ত দেবী কর্তৃক শ্রীভগবানের অবতার সূচন, কংসের অনুতাপ ও কুমন্ত্রি গণের সহিত তাঁহার কুমন্ত্রণা ।	৪র্থ অঃ
গোকুলে শ্রীভগবানের জাত-কর্মাঙ্গি মহোৎসব, নন্দের মথুরায় গমন এবং সেখানে নন্দ ও বসুদেবের সংলাপ ।	৫ম অঃ

বিষয়	অধ্যায়
পুতনা বধ বর্ণন ।	৬ষ্ঠ অঃ
শকটভঞ্জন তৃণাবর্ত্ত বধ ও জৃশ্তমান ( মুখ ব্যাদনকারী ) শ্রীভগবানের বদন বিবরে যশোদা কর্তৃক আকাশাদি দর্শন ।	৭ম অঃ
মহর্ষি গর্গের আগমন, তৎকর্তৃক যশোদাপুত্র ও রোহিণী পুত্রের নামকরণ, যশোদা কর্তৃক নিজ পুত্র শ্রীভগবানের বদন মধ্যে বিশ্বরূপ দর্শন এবং শ্রীভগবানের বাল্যলীলা কথন ।	৮ম অঃ
শ্রীশ্রীকৃষ্ণের উলুথলে বন্ধন ।	৯ম অঃ
শ্রীকৃষ্ণ কর্তৃক যমলাজ্ঞানের উদ্ধার ।	১০ম অঃ
গোপগণের গোকুল পরিত্যাগ করিয়া বৃন্দাবনে আগমন এবং সেখানে শ্রীকৃষ্ণ কর্তৃক বৎসাসুর ও বকাসুর বধ ।	১১ অঃ
ভগবান্ শ্রীকৃষ্ণ কর্তৃক অঘাসুর বধ ।	১২ অঃ
হংসরূপধারী শ্রীভগবান্ কর্তৃক ব্রহ্মাকে জ্ঞানের উপ- দেশ ও ব্রহ্মমোহন লীলা ।	১৩ অঃ
ব্রহ্মা কর্তৃক ভগবান্ শ্রীকৃষ্ণের স্তুতি এবং বৎস ও বৎস- পালগণের আনয়ন ।	১৪ অঃ
শ্রীকৃষ্ণ কর্তৃক গোচারণ, ধেনুকাসুর সংহার, কালীয়- হ্রদের দূষিত জলপানে মৃত গো এবং গোপগণের পুনঃ জীবন লাভ ।	১৫ অঃ

বিষয়

অধ্যায়

শ্রীকৃষ্ণের কালীয় দমন, নাগপত্নী ও নাগ কতৃক	
শ্রীকৃষ্ণের স্তব এবং নাগগণের হৃদ পরিত্যাগ ।	১৬ অঃ
যমুনাত্রুদে কালিয়ের নিবাসের কারণ বর্ণন এবং হৃদ	
নির্গত শ্রীকৃষ্ণ কতৃক ব্রজবাসীগণকে দাবানল হইতে	
রক্ষা ।	১৭ অঃ
প্রলম্বাসুর বিনাশ ।	১৮ অঃ
ভগবান্ শ্রীকৃষ্ণ কতৃক শরবনে গো ও গোপগণকে	
দাবানল হইতে রক্ষা ।	১৯ অঃ
ভগবান্ শ্রীকৃষ্ণের বংশীবাদন এবং তাঁহার মধুর বংশী	
ধ্বনি শ্রবণ করতঃ গোপীগণ কতৃক তাঁহার গুণগান ।	২০ অঃ
বস্ত্রহরণ লীলা বর্ণন ।	২২ অঃ
অন্ন যাত্রাচ্ছলে দ্বিজপত্নীগণের উপর শ্রীভগবানের	
অনুগ্রহ ।	২৩ অঃ
শ্রীভগবান্ কতৃক ইন্দ্রযাগ ভঙ্গ ।	২৪ অঃ
ক্রুদ্ধ ইন্দ্রের মুসলধারা বর্ষণ হইতে ব্রজবাসীগণকে রক্ষা	
করিবার জন্য ভগবান্ শ্রীকৃষ্ণের গোবর্দ্ধন পর্বত ধারণ ।	২৫ অঃ
ভগবান্ শ্রীকৃষ্ণের দিব্য প্রভাব দেখিয়া বিস্মিত গোপ-	
গণের প্রতি শ্রীনন্দ কতৃক মহামুনি গর্গের বাক্য কথন ।	২৬ অঃ
হতদর্প ইন্দ্রের শ্রীকৃষ্ণ সমীপে ক্ষমা প্রার্থনা এবং কাম-	
ধেনু ও ইন্দ্র কতৃক শ্রীকৃষ্ণের অভিষেক ।	২৭ অঃ

## বিষয়

## অধ্যায়

আসুরী বেলায় অবগাহন করায় কোন এক অসুর বরুণ  
দূতের দ্বারা বরুণালয়ে নীত শ্রীনন্দকে শ্রীভগবান  
কর্তৃক পুনঃ আনয়ন ।

২৮ অ

## রাসপঞ্চাধ্যায়

বংশী ধ্বনি শ্রবণ করিয়া সমাগতা গোপীদিগের শ্রীকৃষ্ণের  
সহিত কথোপকথন, রাসলীলা আরম্ভ এবং তাহাদিগের  
মান অপনোদনের জন্ত শ্রীভগবানের অন্তর্দান ।

২৯ অঃ

গোপীগণ কর্তৃক শ্রীভগবানের অনুসন্ধান এবং যমুনা  
পুলিনে তাহার আগমনের জন্ত প্রতীক্ষা ।

৩০ অঃ

গোপীগীত, ভগবদ্দর্শনের আকাজক্ষায় বিরহবিধুর গোপী  
দিগের প্রার্থনা ।

৩১ অঃ

ভগবান্ শ্রীকৃষ্ণের প্রাচুর্ভাব এবং গোপীদিগের আশ্বাস  
দান ।

৩২ অঃ

রাসলীলা বর্ণন এবং শ্রীগুরুদেব কর্তৃক মহারাজ পরী-  
ক্ষিৎ কৃত সংশয়ের সমাধান ।

৩৩ অঃ

শ্রীভগবান্ কর্তৃক অজগর সর্পের মুখ হইতে শ্রীনন্দকে  
মোচন, অজগরের বিচাধর স্বরূপ প্রাপ্তি এবং শঙ্খচূড়  
বধ ।

৩৪ অঃ

বিষয়

অধ্যায়

গোপীযুগল গীত গোচারণের জন্ত বনে গত শ্রীভগবানের  
গুণগান ।

৩৫ অঃ

অরিষ্ঠাসুর বধ এবং নন্দ গোকুলে গমনের জন্ত অত্রুরকে  
আদেশ ।

৩৬ অঃ

কেশীদৈত্য বধ, দেবর্ষি নারদ কর্তৃক ভগবান্ শ্রীকৃষ্ণের  
স্তব এবং চোর চোর খেলায় ব্যোমাসুরের বিনাশ ।

৩৭ অঃ

কংসের আদেশে রামকৃষ্ণকে আনিবার জন্ত অত্রুরের  
নন্দগোকুলে গমন এবং সেখানে রাম ও কৃষ্ণ কর্তৃক  
তাহার সংকার ।

৩৮ অঃ

শ্রীকৃষ্ণ ও বলরামের মথুরার দিকে প্রস্থান, গোপীদিগের  
শ্রীকৃষ্ণবিরহতাপ বর্ণন এবং যমুনার মধ্যে অত্রুর কর্তৃক  
শ্রীভগবান্ দর্শন ।

৩৯ অঃ

পরম ভাগবত অত্রুর কর্তৃক ভগবান্ শ্রীকৃষ্ণের স্তুতি ।

৪০ অঃ

মথুরায় রাম কৃষ্ণের প্রবেশ এবং রজক ও মালাকারের  
উপর অনুগ্রহ ।

৪১ অঃ

ভগবান্ শ্রীকৃষ্ণের কুজার প্রতি অনুগ্রহ এবং ধনুভঙ্গ  
এবং মল্লগৃহ সজ্জা বর্ণন ।

৪২ অঃ

কুবলয়াপীড় বধ এবং মল্লশালায় প্রবিষ্ট শ্রীকৃষ্ণ কর্তৃক  
চাগুরের সহিত কথোপকথন ।

৪৩ অঃ

বিষয়	অধ্যায়
চাণুর মুষ্টিকাদি মল্লবধ ও কংসবধ বর্ণন ।	৪৪ অঃ
বশুদেব দেবকীকে সাস্তুনা দান, উগ্রসেনের রাজ্যাভি- ষেক রাম ও কৃষ্ণের উপনয়ন বিদ্যাধ্যয়ন ও শ্রীশুকর মৃতপুত্রকে আনয়ন ।	৪৫ অঃ
শ্রীকৃষ্ণ বিরহপীড়িত গোপ গোপী দিগকে সাস্তুনা দেওয়ার জন্য ভগবান কতৃক উদ্ধবকে প্রেরণ এবং নন্দ উদ্ধবের আলাপ	৪৬ অঃ
উদ্ধবের সহিত গোপীগণের আলাপ, ভ্রমর গীতি এবং উদ্ধবের মথুরায় আগমন ।	৪৭ অঃ
ভগবান্ শ্রীকৃষ্ণ কতৃক কুজার মনোরথ পূরণ এবং অক্রুর ভবনে যাইয়া তাঁহাকে (অক্রুরকে) হস্তিনাপুরে প্রেরণ ।	৪৮ অঃ
শ্রীভগবানের আদেশে অক্রুরের হস্তিনাপুরে গমন এ ং সেখানকার বৃত্তান্ত অবগত হইবার পর পুনঃ তাঁহার যত্নপুরীতে আগমন ।	৪৯ অঃ

দশম স্কন্ধ পূর্ব্বার্দ্ধ সমাপ্ত ।

## উত্তরার্ধ

বিষয়	অধ্যায়
রামকৃষ্ণের জরাসন্ধের সহিত সংগ্রাম এবং দ্বারকা দুর্গ নির্মাণ ।	৫০ অঃ
কালযবনের বিনাশ এবং মুচুকুন্দ কর্তৃক শ্রীভগবানের স্তুতি ।	৫১ অঃ
ভগবান শ্রীকৃষ্ণের কুণ্ডিনপুরে গমন ও রুক্মিণী হরণ ।	৫৩ অঃ
যদুগণের সঙ্গে যুদ্ধে চৈত্র পক্ষীয় নৃপ দিগের পরাজয়, রুক্মিণীর পরাভব এবং রুক্মিণী শ্রীকৃষ্ণের বিবাহ ।	৫৪ অঃ
প্রহ্লাদের জন্ম এবং শম্বরাসুর বধ ।	৫৫ অঃ
শ্রমশুকোপাখ্যান ভগবান শ্রীকৃষ্ণের কলঙ্ক মোচন ও জাম্বুবতী সত্যভামার পাণিগ্রহণ ।	৫৬ অঃ
শ্রীকৃষ্ণ কর্তৃক কালিন্দী প্রভৃতির পাণিগ্রহণ ।	৫৮ অঃ
শ্রীকৃষ্ণের মুর ও নরকাসুর বধ, ভূমিদেবীকৃতা শ্রীভগ- বৎ স্তুতি, নরকাসুর আনীত শতাধিক ষোড়শ সহস্র রাজকন্যার পাণিগ্রহণ এবং পারিজাত হরণ ।	৫৯ অঃ
রুক্মিণী এবং শ্রীকৃষ্ণের প্রণয়কলহ বর্ণন ।	৬০ অঃ
ভগবান শ্রীকৃষ্ণের পুত্রগণের নাম বর্ণন এবং অনিরুদ্ধের বিবাহে রুক্মির বধ ।	৬১ অঃ
শ্রীকৃষ্ণ ও বাণাসুরের সংগ্রাম এবং মাহেশ্বর জ্বর ও মহেশ্বর কর্তৃক শ্রীভগবানের স্তুতি ।	৬৩ অঃ

বিষয়	অধ্যায়
বলরামের ব্রজে গমন এবং যমুনা আকর্ষণ ।	৫৫ অঃ
দেবর্ষি নারদ কর্তৃক ভগবান শ্রীকৃষ্ণের গাহস্থ্য লীলা দর্শন ।	৬৯ অঃ
ভগবান শ্রীকৃষ্ণের আফিক কৃত্য বর্ণন, জরাসন্ধের কারাগারে আবদ্ধ নৃপগণের ও যুধিষ্ঠিরের সংবাদ নিয়ে দূতের আগমন ।	৭০ অঃ
উদ্ধবের মন্ত্রণা অনুসারে শ্রীকৃষ্ণের ইন্দ্রপ্রস্থে গমন ।	৭১ অঃ
রাজসূয়যজ্ঞে শ্রীকৃষ্ণের অগ্রপূজা, তাহাতে ক্রুদ্ধ ও দুর্ভাব্য প্রয়োগরত শিশুপালকে শ্রীভগবান কৃষ্ণ কর্তৃক সংহার ।	৭৪ অঃ
পরম ভাগবত সুদামার উপাখ্যান ।	৮০ অঃ
সুদামার স্বপুরীতে প্রত্যাগমন এবং সেখানে শ্রীভগবৎ প্রদত্ত ঐশ্বর্য লাভ করিয়া শ্রীভগবানের গুণগান ।	৮১ অঃ
দ্রোপদীর নিকট শ্রীকৃষ্ণ পত্নীগণের নিজ বিবাহ বর্ণন ।	৮৩ অঃ
বসুদেবের শ্রীভগবত্তত্ত্ব কথন এবং শ্রীভগবান কর্তৃক দেবকী দেবীর প্রার্থনায় তাঁহার মৃত পুত্রগণকে আনয়ন ।	৮৫ অঃ
সুভদ্রা হরণ, শ্রীকৃষ্ণের মিথিলা যাত্রা এবং সেখানে বহুলাশ্ব ও সহদেবের গৃহে প্রবেশ ।	৮৬ অঃ
বেদস্তুতি ।	৮৭ অঃ

বিষয়

অধ্যায়

ভৃগু কর্তৃক ব্রহ্মা বিষ্ণু ও মহেশ্বরের পরীক্ষা, বিষ্ণুর শ্রেষ্ঠত্ব বর্ণন এবং অর্জুনের সহিত মহাকালের পুরে গমন করিয়া ভগবান কর্তৃক ব্রাহ্মণের মৃত পুত্রগণকে আনয়ন ।

৮৯ অঃ

সংক্ষেপতঃ শ্রীকৃষ্ণলীলা সমূহের পুনঃপ্রায় বর্ণন, শ্রীকৃষ্ণ মহিমাগণের তাঁহাকে অনুরাগাধিক্য কথন এবং যদুবংশীয় দিগের অসংখ্যেয়ত্ব প্রতিপাদন ।

৯০ অঃ

দশম স্কন্ধ সমাপ্ত ।

**একাদশ স্কন্ধ**

যদুকুল ধ্বংসের জন্ত ঋষিগণের অভিশাপ দান বর্ণন ।

১ম অঃ

নিমি ও নব যোগীন্দ্র সংবাদ উল্লেখ করিয়া বসুদেবকে শ্রীনারদের উপদেশ প্রদান ।

২য় অঃ

মায়া ও তাহা হইতে নিস্তারের উপায় বর্ণন এবং ব্রহ্ম কস্মাদি নিরূপণ ।

৩য় অঃ

ভক্তিহীন পুরুষগণের স্থান এবং প্রতি যুগে পূজা বিধান ভেদের বর্ণন ।

৫ম অঃ

শ্রীকৃষ্ণ ও উদ্ধবের পারম্পরিক আলাপ আরম্ভ ।

৬ষ্ঠ অঃ

## বিষয়

## অধ্যায়

উদ্ধবের দ্বারা জিজ্ঞাসিত ভগবান্ কর্তৃক তাঁহাকে জ্ঞানোপদেশকরণ এবং সেই উপদেশ মধ্যে প্রসঙ্গক্রমে অবধূতের উপখ্যান আরম্ভ করিয়া তদীয় চতুর্বিংশতি গুরুর মধ্যে অষ্টসংখ্যক গুরুর নিকট হইতে উপদেশ গ্রহণ বর্ণন ।	৭ম অঃ
ব্রাহ্মণ কর্তৃক অজগরাদি নব গুরুর বর্ণন ।	৮ম অঃ
কুরুরাদি সপ্তগুরুগণের বর্ণন এবং অবধূত উপাখ্যান সমাপ্তি ।	৯ম অঃ
দেহাধ্যাসবশতঃ আত্মারও সংসার বন্ধন ইহাই বোধন এবং জগতের মিথ্যাভ নিরূপণ ।	১০ম অঃ
বদ্ধ মুক্ত ও সাধুগণের লক্ষণ কথন এবং মদভক্তিকলাভের উপায় বর্ণন ।	১১ অঃ
সংস্কারের মহিমা কথন এবং কৰ্ম্মানুষ্ঠান ও কৰ্ম্ম ত্যাগ ব্যবস্থা বর্ণন ।	১২ অঃ
হংসরূপী শ্রীভগবানের ব্রহ্মাকে জ্ঞানোপদেশ ।	১৩ অঃ
ভক্তির মহত্ব কথন এবং ধ্যান যোগ বর্ণন ।	১৪ অঃ
শ্রীভগবান কর্তৃক স্বীয় বিভূতি সকলের বর্ণন ।	১৬ অঃ
ভক্তি সাধন ও যম নিয়মাদি সকলের বর্ণন ।	১৯ অঃ
জ্ঞানযোগ, কৰ্ম্মযোগ ও ভক্তিযোগের বর্ণন ।	২০ অঃ
দ্রব্য দেশাদির গুণ ও দোষ বর্ণন ।	২১ অঃ

বিষয়	অধ্যায়
তিতিক্ষু দ্বিজের উপাখ্যান—ভিক্ষু গীতা ।	২৩ অঃ
ঐল উপাখ্যান ।	২৬ অঃ
সাজ্জং ক্রিয়াযোগ বর্ণন ।	২৭ অঃ
ভাগবত ধর্ম নিরূপণ এবং উদ্ধবের বদরিকাশ্রমে গমন ।	২৯ অঃ
যতুকুল সংহার বর্ণন ।	৩০ অঃ
ভগবান শ্রীকৃষ্ণের পরম ধাম গমন ।	৩১ অঃ

### দ্বাদশ স্কন্ধ

ভাবী রাজবংশ বর্ণন ।	১ম অঃ
সংহার কাল ও স্থিতিকালের পরিমাণ এবং কালের গতি প্রভৃতির পূর্বাধ্যায়ের প্রশ্নের উত্তরে প্রলয়াদি বর্ণন ।	৪র্থ অঃ
অথর্কবেদ এবং পুরাণ বিভাগ ও পুরাণ লক্ষণ বর্ণন ।	৭ম অঃ
ভগবতুপাসনা ও সূর্যবাহ বর্ণন ।	১১ অঃ
পুরাণ সমূহের শ্লোক সংখ্যা নিরূপণ ও এই ভাগবত মহাপুরাণের মাহাত্ম্য বর্ণন ।	১৩ অঃ

অধ্যায় সূচী সমাপ্ত ।

# শ্রীশুকদেবের গোপীভাব প্রাপ্তির সাধন

পদ্মপুরাণম্—পাতালখণ্ড পৃষ্ঠা ৩৮১

দীর্ঘতপা নামে এক মুনি ছিলেন, যিনি পূর্ব কল্পে ব্যাস নামে বিখ্যাত হন। তাঁহার শুক নামে মুনিবর স্ববুদ্ধি পুত্র ছিলেন। ৬৪-৬৫।

ঐ মহাপ্রাজ্ঞ বালক সর্বদা কৃষ্ণপদ চিন্তা করিতে করিতে পিতা মাতা প্রভৃতি বন্ধুজন পরিত্যাগ করিয়া বন প্রস্থান করিলেন। ৬৬।

তিনি সেইস্থলে মনঃ কল্পিত দিব্য উপচারে গোপরূপী জগদীশ্বর ভগবান শ্রীকৃষ্ণকে অনাহারে দিবারাত্র পূজা করিতেন।

তিনি পরমভাবে রমাবীজ পুটিত অষ্টাদশাক্ষরাত্মক মন্ত্র জপ করিতেন এবং শ্রীহরির ধ্যানে মগ্ন ছিলেন। ৬৮।

তিনি ধ্যানকালে দেখিতেন, যেন ভগবান বিষ্ণু হেমময় তরুতলে হেমমণ্ডপ মধ্যবর্তী হেম সিংহাসনে নিষগ্ন আছেন এবং হেমময় হস্তের অগ্রে হেমময় বংশী ধারণ করিতেছেন। ৬৯।

যেন তিনি হেম পঙ্কজ দক্ষিণ হস্তে ভ্রমণ করাইতেছেন এবং তাঁহার প্রিয়তমা লক্ষ্মী হেমদ্রবে তাঁহার অঙ্গে চিত্র রচনা করিতেছেন। ৭০।

এবং অতিশয় হর্ষবশতঃ হাস্য করিতেছেন এবং মধ্যে মধ্যে স্বকীয় ভবনের দিকে দৃষ্টিপাত করিতেছেন । ৭১ ।

অনন্তর ঐ মুনি হর্ষাশ্রু পূর্ণ এবং পুলকিতাঙ্গ হইয়া “হে নাথ ! প্রসন্ন হও” এই কথা উচ্চৈঃস্বরে বলিতে বলিতে বেপমান কলেবরে দণ্ডবৎ প্রণাম করিবার জ্ঞান ভূমিতে পতিত হইলেন । ৭২

তখন ভগবান ঐ ভক্তিপূর্ণ ধরনীর পতিত মুনির হস্তদ্বয় ধারণ করিয়া “আমি মায়াসূত” বলিতে বলিতে উঠাইলেন এবং হর্ষপূর্ণ দৃষ্টির সহিত তাহাকে স্পর্শ করিতে লাগিলেন । ৭৩ ।

ঐ মুনি তৎক্ষণাৎ হরিপ্রসাদে তদীয় প্রিয়তমারূপ প্রাপ্ত হইলেন, ভগবান তাঁহাকে বলিলেন । ৭৪ ।

“হে ভদ্রে ! তুমি আমার প্রিয়তমা, তুমি সর্বদা আমার সমীপে থাক । তুমি আমার রূপ সর্বদা চিন্তা করিয়া প্রেমাঙ্গদ হইলে । ৭৫ ।

অনন্তর কৃষ্ণপ্রিয়ারূপধারী ঐ শুকমুনি, সমান বয়স্কা, সমানব্রতা, সমান নিষ্ঠা সম্পন্ন, সমান নক্ষত্রা, সমান নামধারিণী মুখ্যতমা ছুটি গোপীকে হরির সব্য ও দক্ষিণ ভাগে দেখিয়া পরম ভক্তি সহকারে পূজা করিলেন, উহাদের একটি দেখিতে তপ্ত সুর্য্যোভা এবং অপরটি বিদ্যুৎসম আভাযুক্তা, একটি নিদ্রায়মানাক্ষী, অপরটির নেত্রযুগল সৌম্য এবং আয়ত । ৭৬ ।





## সৎ-সেবক-আশ্রম হইতে প্রকারি

- |  |          |
|--|----------|
| ১। মন্ত্রার্থ দীপিকা—                                  | প্রথম    |
| ২। শ্রীশ্রীগৌরনাম সহস্রাবৃত্তি—                        | দ্বিতীয় |
| ৩। শ্রীশ্রীহরিনাম মহামন্ত্র—                           | তৃতীয়   |
| ৪। শ্রীশ্রীগৌরগোবিন্দের অষ্টকালীয়<br>বহিঃপূজা পদ্ধতি— |          |
| ৫। চিত্ত-প্রসূনাঞ্জলি—                                 |          |
| ৬। সিদ্ধস্বরূপ এবং সেবা                                |          |
| ৭। শ্রীশ্রীগৌরাজলীলামৃতকণ্—                            |          |
| ৮। শ্রীমদ্ভাগবত এবং ভাগবত জীবন—                        |          |

### আগামী প্রকাশনোন্মুখ

- ১। শ্রীশ্রীগোবিন্দলীলামৃতম্